



4.7.508

HISTORIÆ
ECCLESIASTICÆ
COMPENDIUM
A CHRISTO NATO *usque ad*
Annum MDCC.

Auctore
JOH. ALPH. TURRETINO
in Ecclesia & Academia Genevensi
PASTORE, S. THEOLOGICÆ &
HISTORIÆ ECCLESIASTICÆ
PROFESSORE.

EDITIO ALTERA.




4
7
508

GENEVÆ,
Typis BARRILLOT & FILII

M. DCC. XXXVI.







AUGUSTISSIMO
SERENISSIMOQUE
PRINCIPI
FRIDERICO
PRINCIPI HASSIÆ,
HEROICI SANGUINIS
HÆREDI
HAUD DEGENERI

PRINCIPI JUVENTUTIS
VENTURÆ ÆTATIS
SPEI

PERPETUA
DIVINARUM BENEDICTIONUM
INCREMENTA
OPTAT
JOH. ALPH. TURRETTINUS,



Runt haud dubiè qui
me vituperent, SE-
RENISSIME PRIN-
CEPS, quòd exiguan hanc
opel-

DEDICATIO. ▼

opellam, nullo ornatu, nullis meritis insignem, neque aliis dotibus quàm Veri studio, & aliquo fortè rerum delectu atque ordine se commendantem, Illustrissimo Nomini Tuo inscribere ausim. Neque verò eam effugere censuram liceret, si apud eos agenda sit causa, quibus minùs perspecta sit singularis Tua humanitas, atque in Literas omnes & Litera-

VI DEDICATIO.

tos propensio. Sed eam
Tu præclaram indolem, &
Principe dignissimam, à na-
tura quidem insitam, curis
verò præstantissimorum Vi-
rorum Tuæ Juventuti præ-
positorum studiosissimè ex-
cultam, in oculis, in ore
omnium posuisti. Exper-
tus loquor; Experti & me-
cum quotquot hîc habe-
mus, cùm Politico, tum
Sacro in Ordine, Musarum
cultores; Qui ad col-
lo-

DEDICATIO. VII

loquium Tuum, imò & mensam, persæpe admissi, non raram modò ingenii Tui sagacitatem, stupendósque, ac supra ætatem, in Disciplinis progressus, sed & amabilem illam morum facilitatem, comitatem, modestiam, quibus CELSITUDINIS TUÆ fastigium temperas, mirari satis nequeunt. Cùm verò non paucas hætenùs temporis Tui partes suo sibi jure

VIII DEDICATIO.

vindicaverint Literæ humaniores, Historia Civilis, Philosophia & Mathematicæ Disciplinæ, Juris Naturalis principia, & quæ princeps est Disciplinarum omnium RELIGIO, en *HISTORIA* nostra *ECCLESIASTICA*, quæ Tuum etiam favorem ambit, magnóque honori ducet, si aliquot etiam horas in ea evolvenda consumpseris. In ea videbis, SERENISSIMOS
AN-

DEDICATIO. IX

ANTECESSORES TUOS É
primis fuisse, qui, excusô
Papali jugô, ad puriora Sa-
cra accesserint, eorûmque
se patronos & vindices præ-
titerint. Eosdem & cernes,
pio consilio, componendis
Protestantium dissidiis ope-
ram non semel impendisse,
se, teste *Colloquio Marpur-*
genfi an. 1529. & *Cassellano*
an. 1661. Quibus in studiis,
aliisque omnibus ad pieta-
tem & virtutem pertinenti-
bus,

x DEDICATIO.

bus, Te gloriosa Ipsorum
vestigia felicissimè calcaturum
nulli dubitamus. Faxit
DEUS OPTIMUS MAXIMUS,
ut perpetuis ad magna,
ad præclara omnia progressibus,
AUGUSTISSIMO PATRUO,
SUECORUM REGI, FORTISSIMO
PARENTI, GUILIELMO,
totique SERENISSIMÆ DOMUI,
& gaudio, & ornamento esse
pergas; eámque quam de
Te

DEDICATIO. xi

Te excitâsti spem, non im-
pleas tantùm, verùm etiam
superes. Erit interim cur
magnoperè sibi plaumat
GENEVA nostra, si, pro
honorifico illo *Athenarum*
nostri temporis, quò eam
decorâsti, titulo, aliquid
vicissim, & servitiis, & vo-
tis, tuas ad laudes, tuam-
que ad gloriam, conferre
possit. Qua in devotione,
CELSISSIME PRINCEPS,
animóque Tibi in totum
ad-

XII DEDICATIO.

addicto , ferventissimisque
pro Tua incolumitate , fe-
licitate, & gloria, conceptis
precibus , à nemine anteiri
velim. Datum GENEVÆ,
Kal. Febr. An. Ær. Christ.
Vulg. MDCCXXXIV.



PRÆFATIO.

DUO sunt, de quibus Lectorem in limine monendum censeo: Primum, quibus rationibus, ad hoc exarandum Compendium, deinde & in lucem mittendum, inductus sim: Alterum, quas mihi regulas, sive cautiones, hac in scriptione proposuerim.

Ex quo institutum in hac nostra Academia, annô MDCXCVII mihiq̃ue publicâ auctoritate demandatum est HISTORIÆ ECCLESIASTICÆ
do-

XIV PRÆFATIO.

docende munus, nihil antiquius habui, quàm ut sanis atque utilibus, quantum quidem in me fuit, rerum in Ecclesia gestarum notionibus, Auditorum animos imbuerem. Et statim quidem prolixam satis, rerum præ cæteris memoria dignarum, narrationem instituebam. Neque intactas relinquebam quæstiones, observationes, elucidationes, quæ aliquid in se momenti ac utilitatis habere viderentur.

Postmodum verò, cum statuisset Venerandus PASTORUM & PROFESSORUM Cætus,

PRÆFATIO. xv

Cætus, ut ad Sacrum Ministerium adspirantes, inter alia tentamina, suorum etiam hac in parte progressuum rationem redderent, eorum commodis inserviturus, ea que fusiùs per plures annos tractaveram, in compendium redegì, ejùsque Compendii exscribendi, atque in usum suum convertendi, Studiosis nostris potestatem feci; cùm de eo interim in lucem mittendo ne minimum quidem cogitarem.

Verùm enimverò, cùm exscribendi labor, & molestiam, & temporis dispendium, tyronibus nostris crearet, cùm

††

etiam

XVI PRÆFATIO.

etiam menda innumera, ex-
scriptorum inscitiâ & oscitan-
tiâ, in Codices illos manu exa-
ratos irreperent, in iis præser-
tim quæ ad nomina propria
& temporum notas pertine-
bant, quinimò & periculum
esset, ne aliquod é mendosis
illis exemplaribus in Typogra-
phorum parùm cautorum ma-
nus incideret, qui illud, men-
dosum licèt atque horridum,
prelo committerent (quod &
ipse, non ita pridem, alio
in opusculo expertus sum) ra-
tionibus illis omnibus, nec non
& Amicorum adhartationibus
motus, cœpi apud me repu-
tare,

PRÆFATIO. XVII

tare, annon satius foret, hanc
 qualemcunque opellam, exi-
 gui quantumvis pretii, niti-
 dam saltem & emaculatam,
 meâ ipsius curâ prodire, quàm
 si mendis inquinata ac defor-
 mata, me insciô atque invi-
 tô, lucem acciperet. Quae ta-
 men omnia, utut valida,
 haud scio an meam victura
 reluctantiâ fuissent, nisi &
 aliud incitamentum potentius
 longè accessisset, putâ invi-
 tatio atque adhortatio Am-
 plissimorum Reipublicæ nostræ
 SCHOLARCHARUM, Ma-
 gnifici Academiae nostræ REC-
 TORIS, & Celeberrimorum

XVIII PRÆFATIO.

PROFESSORUM, Collegarum suavissimorum: Quorum votum vim Legis apud me obtinuit, eritque excusationis loco, si quis meam carpsit in hoc edendo Opusculo temeritatem.

Dixi de causis quæ me ad conscribendum atque evulgandum hocce Compendium impulerunt. Dicendum jam de regulis, sive cautionibus, quas in hoc opere sequendas duxi.

Princeps mihi cura Veritatis fuit; ne quid falsi proferrem; imò ne quid dubii atque obscuri pro certo & explor-

PRÆFATIO. XIX

plorato adfirmarem. Quæ quidem cura, res Ecclesiæ tractantibus, eò major esse debet, quòd non aliud Antiquitatum genus tot fabulis, tot commentis, tot Scriptis suppositiis, tot fictis miraculis, tot piis fraudibus, quas vocant, cum impiæ potiùs dicenda essent, inquinetur ac violetur.

Altera fuit cura de rerum momento ac utilitate; cujus, in his præsertim propositæ brevitatis angustiis, rationem cum maxime habendam duxi. Quæ in re plurimi etiam peccant Historiæ Ecclesiasticæ scriptores, qui nescio quot va-

xx PRÆFATIO,

*nis, frigidis, nullius frugis
narratiunculis chartas suas
infarciunt; quæ quidem (ut
in pari argumento Seneca)
dediscenda erant, si scires.
Nihil eorum in hocce Com-
pendio. Hic habentur pri-
mordia Christianismi, ejus-
dem propagatio, mota in eum
persecutiones, varius per va-
rias ætates Christiana rei sta-
tus, varii mores, consuetu-
dines, instituta, præcipua Con-
troversie unoquoque Sæculq̃ a-
gitate, errorum, superstitionum,
ac tyrannidis Pontifi-
cie natales atque progressus,
denique Christianismi instau-
ratio*

PRÆFATIO. XXI

ratio per beatam Reformationem. Et hæc quidem omnia, quàm sincerè & quàm adcuratè fieri potuit, describuntur, missis partium studiis atque adfectibus, quorum causas procul habeo, sed apertè tamen & candidè, non dissimulatis eorum culpis, à quibus scissus in partes Christianus Orbis, persæpe ob res levissimas, vel obscurissimas, & Christianæ Religionis sinceritas adulterata est.

Porro, non nuda protuli Facta, sed interserui hîc atque illic, pro re nata, observationes, censuras, judi-

XXII PRÆFATIO.

cia; quibus vera à falsis, certa à dubiis, genuina à supposititiis, aqua ab iniquis, utilia à noxiis, momentosa à vilibus, secernantur ac discriminentur. Quippe statuo, mecúmque statuent, ut arbitrator, cordati omnes, exiguum admodum horum studiorum pretium fore, si nonnisi indices Imperatorum, Regum, Episcoporum, Doëtorum, Hæresum, Conciliorum, aliorúmque idgenus, memoria insignantur, & psittacorum in morem, datâ occasione, recitentur: quem ad usum, vel miserrimum compendium, imò
 vel

PRÆFATIO. XXIII

vel solus index primæ cujusque farraginis, abundè sufficeret. At plus longè requiritur, si quis in evolvendis atque enarrandis Ecclesiæ Antiquitatibus cum fructu & sapientia versari velit. Opus est, non nomina tantùm, sed & ingenia atque mores Hominum nôsse. Opus est, non Facta modò, sed & Factorum causas, indagare. Tenendi eventus; sed & de eventibus, secundùm regulas æquitatis & prudentiæ judicandum est. Observandum, doctrina optima & saluberrima quàm misère abusi sint Christiani, quan-

†† 5 tum

XXIV PRÆFATIO.

tum valuerint partium studia, quantas tragœdias excitaverint hominum adfectus, quantum mali pepererint Theologorum odia, emulationes, discordia, superbia, pertinacia, altercandi & dominandi libido; Ea, inquam, aliâque idgenus, in Historia Ecclesiastica observari magni momenti est, eo fine nempe, ut, ex præteritis, de præsentibus & futuris judicium fiat, & narrationes, arida aliàs & exigui fructûs, in documenta convertantur. Quarum rerum exempla non pauca, si non fusè enarrata, certè digito

PRÆFATIO. xxv

gito monstrata, in hocce Compendio passim occurrunt.

Quod ad methodum ac dispositionem, fateor eam mihi neutiquam probari Virorum ceteroquin doctissimorum & diligentissimorum methodum, quâ singulorum Seculorum res varias in classes distribuuntur, Hæresium, v. g. Conciliorum, Doctorem Ecclesiæ, &c. Quæ methodus facit ut res eadem sub variis classibus reponantur, eaque contra se jungantur, quas uno tenore narrari oporteret. Nam Arianismus, exempli causâ, suum habet locum inter Hæreses,

xxvi PRÆFATIO.

refes, *suum* inter Concilia, *suum* inter Doctores Ecclesiæ, &c.; adeoque, in variis illis classibus, de eo agendum est. Quæ repetitio non potest non tadio esse, & memoriam onerare potius quam juvare. Quamobrem satius visum est, rerum precipuarum unoquoque Saculo gestarum quoddam veluti systema conficere, easque lenibus transitionibus inter se connectere, & continuo sermone persequi. Prior methodus coercendis & congerendis in privatos usus materiis adhiberi utcunque potest, eamque prop-

PRÆFATIO. XXVII

propterea Centuriatores Magdeburgenses, aliique Viri Docti, secuti sunt. Sed altera gratior multò est, magis historica, magis ad docendum idonea, & nitidiores temporum ac eventuum notiones tradit.

*Duas in partes dividitur hocce Compendium, quarum prior de quindecim primis Sæculis agit, posterior de Sæculis XVI & XVII. In priori parte, brevior multò rerum narratio est: In posteriore, prolixius res tractantur; beate præsertim Reformationis historia, cujus per
varias*

XXVIII PRÆFATIO.

varias Europæ partes institutionem distinctè hîc exponendam duximus ; quemadmodum & cæteras duorum novissimorum Seculorum res, eas saltem quæ notatu digniores videbantur ; quæ propterea ; commodioris distinctionis ergò, plures in Sectiones distributæ sunt.

In gratiam Studiosorum, imò verò & Lectorum omnium, Summa Capita, tum in fronte cujusque Saculi, & cujusque Sectionis, tum ad marginem adjecta sunt: Quod quanti sit usus, ad res memorie

PRÆFATIO. xxix

moria infigendas, easdémque uno velut obtutu relegendas, quicumque tentare voluerint, facile experientur.

Styli perspicuitati, simulque brevitati, ita studui, ut, si non in aliis, in hoc certè sperare liceat, me Lectori aliqua ex parte satisfacturum.

Ceterum, ut nulla hîc refero sine idoneis testimoniis, quorum & non pauca in ipso hujus Epitomes contextu notantur, ita & reliquos testes ac testimonia adjicere atque adpellare facillimum pariter fuisset: Sed nimiam in molem

xxx PRÆFATIO.

*lem excrevisset Opus, quod
sua se brevitare commendare
debut. Itaque hac, & alia
huc pertinentia, in aliud tem-
pus rejicimus.*



HISTO-

HISTORIÆ
ECCLESIASTICÆ

COMPENDIUM

A CHRISTO NATO *usque ad*

Annum MDCC.

PARS PRIOR

de

Quindecim primis Sæculis.



HISTORIÆ
ECCLESIASTICÆ
COMPENDIUM,

A

CHRISTO NATO

usque ad

Annum MDCC.

Summa Capita

SÆCULI I.

*Historia CHRISTI. Ecclesia Christia-
na ab Apostolis fundata. De Aposto-
olorum itineribus & rebus gestis,
multa incerta & fabulis permixta.*

A 2^a Diss.

4 HISTORIÆ ECCLESIASTICÆ

*Diffidium de Cæremoniarum Mo-
saicarum necessitate. Herodis M.
mors. Divisio Regni inter ejus
filios. Archelaus Viennam relega-
tus: Judæa in Provinciam Roma-
nam versa. Antipas Lugdunum re-
legatus. Agrippas Major omnes
Avi ditiones obtinet. Judæa ite-
rùm Provincia facta, in quam
missi Romani Præsides. Præsidium
Romanorum vexationes Bello Ju-
daïco ortum præbent. Bellum Ju-
daïcum: Hierosolymorum & Tem-
pli eversio. Christiani Hierosolymi-
tani Pellam se recipiunt. Prima
Christianorum Persecutio sub NE-
RONE. Secunda sub DOMITIA-
NO. Hæretici Sæculi primi. Res
horum temporum paùm cognita.*

SÆCULUM PRIMUM.

Historia
CHRISTI.

Incipit Ecclesiæ Christianæ His-
toria à JESU CHRISTI Domini
nostri nativitate, vita, concionibus,
mira-

COMPENDIUM. *Sæculum I.* 5

miraculis, morte, resurrectione, & adscensione in Cælum, de quibus omnibus consulendi sunt *Evangeliorum* Scriptores. Sequitur Spiritûs Sancti effusio super Apostolos; Ecclesia ab iis fundata; Diaconorum institutio; *Stephani* martyrium; *Pauli* ad Christianam fidem conversio; vîsum *Petro* cœlitûs oblatum de Gentium vocatione; *Christianorum* nomen Antiochiæ primûm auditum; *Jacobus* Herodis jussu gladio sublatu; Ecclesiæ, non in Judæa modò, Galilæa, & Samaria, sed & per totam passim Syriam, Græciam, ac Italiam, erectæ; *Pauli* labores atque itinera, usquedûm Romam captivus adpelleret. Hæc certa, *Lucâ* narrante in *Actibus Apostolicis*, ipsisque Apostolorum Epistolis confirmantibus. Cætera, quæ de singulorum Apostolorum itineribus, Ecclesiisque per totum Orbem ab iis constitutis, memoriæ prodita sunt, haud sine examine ad-

Ecclesia
Christiana
ab Apostolis
fundata.

De Apostolorum
itineribus multa
incerta &
fabulis
permixta.

6 HISTORIÆ ECCLESIASTICÆ

Diffidium
de Cære-
moniarum
Mosaica-
rum ne-
cessitate.

Herodis
M. mors.

Divisio
Regni in-
ter ejus fi-
lios.

mitti par est, adedò sunt falsis ac incertis vera permixta. Cùm verò ex Judæis conversi nimium ritibus Mosaïcis pretium ponerent, eosque vellent conversis ex Gentibus tanquam necessarios imponi, Apostoli, tum Concilio Hierosolymis habito, de quo Act. xv. tum variis Epistolis, liberos esse ab illo jugo Christianos decreverunt. Verùm litem illam non multò post luculentò judiciò diremit Deus, captis Hierosolymis & solo æquatis, Templò incensò, Genteque ac Politia Judæorum funditus everfis: De qua clade antequàm dicamus, res Judaicæ inde à Sæculi primordio repetendæ sunt. Mortuò *Herode Magnò*, sub cujus extrema natus est Christus, regnum ejus inter filios ab Augusto ita divisum est, ut *Archelao* Judæa, Samaria, atque Idumæa, cum *Ethnarchæ* adpellatione; Herodi *Antipæ* Galilæa & Peræa; *Philippo* Bactanea, Trachonitis & Auranitis; utri-
que

COMPENDIUM *Sæculum I.* 7

que ex his sub *Tetrarchæ* nomine, assignarentur. *Archelaus*, novem post annis, à Judæis accusatus, Viennam in Galliis ab Augusto re- legatus est; Judæa verò in Provin- ciæ formam versâ, & à Procurato- ribus Cæsareis administrata. *Anti- pas* Herodes, à quo Johannes Bap- tista obtruncatus, & Christus ipse an- te mortem ludibrio habitus, à Cæso Cæsare Lugdunum Galliæ relegatus est. *Agrippas* verò Major, (filius *Aristobuli*, qui alius fuit ex Herodis Magni filiis) qui & Herodes com- muni nomine Act. Apost. cap. XII. adpellatur, Tetrarchiis patruorum, Philippi & Antipæ, Rex datus est, mox & cæteris Avi sui ditionibus auctus. Idem Jacobum fratrem Do- mini occidit, nec multò post super- biæ & adfectatæ divinitatis pœnas dedit; Act. XII. 22. Tunc missi ite- rum in Judæam Procuratores, quo- rum in numero *Felix* & *Festus*, apud quos, ut & *Agrippam* juniorem, *Judæa iterum Provincia facta, in quam un-*

Arche- laus Vien- nam rele- gatus. Judæa in Prov. Rom. versa.

Antipas Lugdu- num rele- gatus.

Agrippas Maj. om- nes Avi ditiones obtinet.

Judæa iterum Provincia facta, in quam un-

8 HISTORIÆ ECCLESIASTICÆ

si Romani
Præfides.

Præsidum
Roni. vex-
ationes
Bello Ju-
daico or-
tum præ-
bent.

Bellum
Judai-
cum. Hie-
rosolymo-
rum &
Templi
everſio.

prioris filium, cauſſam dixit Paulus
Apoſtolus, Act. XXIV. XXV. XXVI.
Cum verò multæ magnæque Præ-
ſidum illorum vexationes fuiſſent,
omnium maximæ *Geffi Flori* fuiſſe
memorantur; quibus ad rebellan-
dum impulſi Judæi, ſimulque inteſ-
tinis diſcerpti factionibus, ultimam
ſibi perniciem creârunt. Bello præ-
fuerunt, à parte Romanorum, *Ceſ-
rius Gallus*, Syriæ Præſes, dein *Vef-
paſianus* eò à Nerone miſſus, de-
mum Veſpaſiano imperante *Titus* fi-
lius; quò invitò Templum incen-
ſum eſt, quique non ſemel adfir-
mâſſe fertur, non ſe, ſed ipſoſmet
Judæos ſuæ cladis auctores eſſe. Pe-
rierunt, intra ſemeſtris obſidionis ſpa-
tium, cum gladio, tum fame, un-
decies centena millia; capta verò
ac vendita nonaginta ſeptem millia;
Quibus ſi adjungas cos omnes qui
totò belli ſeptenniò interierant, ſum-
ma ad (1337490.) tredecies cente-
na & triginta ſeptem millia, cum
qua

quadringentis ac nonaginta, adsurget; omissis insuper aliis quamplurimis, qui, tum bestiis objecti, tum inediâ malisque omnis generis in exilio extincti sunt. Cœptum bellum annô Christi LXVI. Urbs capta atque incensa annô LXX. Triennium verò amplius belli reliquiis profligandis absumptum est. Scripsit excidii illius Historiam, non sine miseratione legendam, Judæus ipse, quique gestis interfuit, *Josephus*. Quemadmodum verò Dei justitiâ in plectendis Judæis, ita & ejus clementia in servandis Christianis Hierosolymitanis visa est, qui Oraculo moniti, antequàm Urbs obsideretur, *Pellam*, quod exiguum trans Jordannem oppidum fuit, se receperunt. Porro, in nascentem Christi Ecclesiam *primus Casariano gladio ferociit NERO*; qui, incensâ Urbe, invdiam facti in Christianos conjecit, innoxiosque quæsitissimis pœnis adflixit: *Et pereuntibus*, verba sunt

Christiani Hierosolymitani Pellam se recipiunt.

Prima Persecutio sub NERONE.

10 HISTORIÆ ECCLESIASTICÆ

Taciti, addita ludibria, ut fetarum
tergis contecti, laniatu canum interi-
rent, aut crucibus affixi, aut flam-
mandi, atque ubi defecisset dies, in
usum nocturni luminis urerentur. Ne-
que Romæ solùm, sed & in remotis
Imperii partibus, Persecutionem il-
lam viguisse, docet Inscriptio in
Lusitanix pago reperta, quæ sic ha-
bet: NERONI, CLAUDIO. CAES.
AUG. PONT. MAXIMO. OB. PRO-
VINCIA. LATRONIBUS. ET. HIS.
QUI. NOVAM. GENERI. HUM. SU-
PERSTITION. INCULCAB. PUR-
GATAM. Nerone imperante, *Petrus*
& *Paulus* Romæ martyrium passi di-
cuntur; Paulo quidem defecta cer-
vix; Petrus in crucem, sed inverso
capite, sublatus. Alteram Perse-
cutionem, sub extrema Sæculi, ex-
citavit DOMITIANUS, portio *Ne-*
ronis de crudelitate Tertulliano dic-
tus. In ea, *Johannes* in oleum igni-
tum coniectus, cùm illæsus inde
exiisset, in Insulam Patmon rele-
ga-

Secunda
Persecu-
tio sub
DOMITI-
ANO.

COMPENDIUM. *Sæculum I.* 11

gatus fertur, ubi visam Apocalyp-
sim in literas retulit. Tunc & *Flav-
ius Clemens* Consul, ejusque, sive
uxor, sive neptis, *Flavia Domitilla*,
Domitiani ipsius cognati, unà cum
aliis multis, vel relegati, vel cæsi
dicuntur. Cum verò Imperator Da-
vidis posteros omnes interfici jussis-
set, nepotes *Judæ* illius, qui frater
Christi vocabatur, ad eum perduc-
tos narrant; quorum vilitatem as-
pernatus, liberos abire jussit, imò
& à Christianis persecutendis destitit.
Revocati igitur exules, intéique alios
Johannes Apostolus, qui Ephesum
rediisse, vitamque ultra Sæculum
perduxisse memoratur. *Ævô* Apo-
stolicô, qui à recta fide aberrarent
multi jam fuere: quales illi *Judai-
zantes*, qui Evangelio Legem co-
pulabant; quales & illi, à quibus
mortuorum Resurrectio negabatur;
Multi quoque, qui Gratiam Evange-
licam in peccandi licentiam verte-
bant, quos inter numerant *Simonem*
Mag-

Hæretici
Sæculi
primi.

Res ho-
rum tem-
porum pa-
rum co-
gnitæ.

Magum, ejusque discipulum *Menandrum*, Gnosticorum principes ab Antiquis existimatos; Item *Nicolaitæ*, quorum mentio in Apocalypsi; *Ebion* denique & *Cerinthus*, qui inter alios errores, Jesum à Christo sejungebant, Jesumque more reliquorum hominum genitum fabulabantur. Cæterum, id verissimum est quod agnoscit *Petavius* in *Rationario*: „res Christianas horum temporum haud magna in luce versari, Scriptorum magis inopiâ, quàm quia mandari quod posset literis exstaret nihil; cùm neque parva, neque scitu indigna, credibile sit Apostolos ac Christi discipulos toto Orbe gessisse. „ At verò, cùm genuina deficerent monumenta, Scriptis supposititiis, fabulisque sine fine, locus datus est.

Sum-

Summa Capita

SÆCULI II.

Christianismi propagatio. Tertia Persecutio sub TRAJANO. Plinii Epistola de Christianis. Quarta Persecutio sub HADRIANO. Judæorum clades sub Trajano & Hadriano. Quinta Persecutio sub MARCO AURELIO, De Legione Fulminatrice. Sub COMMODO & sequentibus Imperatoribus, pax fuit Ecclesiæ. Hæretici Sæculi secundi. Dissidium de die Paschatis, inter Orientales & Occidentales. Scriptores Ecclesiastici Sæculi secundi. Doctrina, Cultus, Regimen Ecclesiasticum Sæculi secundi. Pietas in praxi posita.

SÆCULUM II.

Res Christiana, Sæculô secundo, longè latèque disseminata

Christianismi propagatio.

14 HISTORIÆ ECCLESIASTICÆ

Tertia
Persecutio sub
TRAJANO.

Plinii
Epistola
de Chris-
tianis.

nata est, *persecutionibus crescens, mæ-
tyriis coronata*, ut loquitur *Hieronymus*. Tertia Persecutio existit sub
optimo aliàs & laudatissimo Principi
TRAJANO; non ipsius quidem
Principis edictò, sed popularibus
per varias Urbes & Provincias mo-
tibus. In ea, *imeon* Cleopæ fi-
lius, Hierosolymitanus Antistes, an-
nos natus 120. post plurium tormen-
ta dierum cruci affixus; *Ignatius*
Antiochenus, Romam abductus, &
bestiis objectus; Etiam *Clemens* Ro-
manus, ut quidam tradunt, in Tau-
ricam Chersonesum missus, ibique,
suspensâ ad collum anchorâ, mari
submersus. In Bithynia, cùm, præ
ingenti Christianorum multitudine,
animi dubius penderet Proconsul *Pli-
nius*, ab Imperatore petiit, quid
facto opus esset; simulque luculen-
tum Christianorum innocentix testi-
monium perhibuit; Epist. Lib. X.
Epist. 97. Rescripsit Trajanus, non
conquirendos Christianos, sed, si
de-

deferantur, puniendos esse. Exarsit nova sub HADRIANO Trajani successore Persecutio, quæ, à quibusdam omiſſa, ab aliis quarta numeratur: Quâ occasione, *Quadratus* Athenienſis Episcopus, & *Aristides* ejusdem Urbis Philosophus, Apologias pro Christiana Fide Hadriano obtulêre, quæ temporis injuriâ interciderunt. Quin & narrant, *Serenium Granianum*, Asiæ Præsidem, scriptis literis Hadrianum monuisse, iniquum videri, Christianos, nullò objectò crimine, ad tumultuosos vulgi clamores, & indictâ causâ, occidere; Quibus motum Hadrianum, *Minutio Fundano* Serenii successori, ne quis sine objectu criminis, & legitima accusatione condemnaretur, rescripsisse. Tumultuantes Judæos, Trajanus primùm, deinde & Hadrianus, repressêre. Cæsa eorum ingens multitudo: Urbisq; in Hierosolymæ locum exstructa *Ælia Capitolina* dicta est, in quam intra-

Quarta
Persecutio sub
HADRIANO.

Judæorum clades sub Trajano & Hadriano.

re capitale Judæis fuit. Ducem seditionis, qui se *Barchochebam*, hoc est, *filium Stellæ*, dixerat, post acceptam cladem *Barchozbam*, hoc est, *filium mendacii*, dixere. Sub ANTONINIS, dum Christiani vexarentur, binâ Apologiâ eos defendit *Justinus Martyr*; quibus calumniæ in ipsos conjectæ diluuntur, eorumque Sacra describuntur. ANTONINUS PIUS, de Christianorum innocentia certior factus, ad varias Civitates in eorum gratiam scripsit, prout ex *Melitone* refert Eusebius. Verùm sub MARCO AURELIO Philosopho, non semel, nec uno in loco, Christiani gravissimè vexati sunt; quæ Persecutio aliis quarta, vel juxta alios quinta numeratur. In ea, Martyres non pauci; quorum præcipui *Justinus Martyr*, *Polycarpus* Smyrnensis Episcopus, *Photinus* Lugdunensis, unâque cum eo cæteri *Lugdunenses & Viennenses*, de quorum tormentis atque constantia, ex ipsis

Quinta
Persecutio
sub M.
AURELIO.

ipsis Ecclesiarum illarum literis fusè agit Eusebius Lib. V. cap. 1. Eâ vigente Persecutione, *Theophilus Antiochenus*, *Melito Sardenfis*, *Apollinaris Hierapolitanus*, *Tatianus*, *Athenagoras*, Scripta Apologetica, quorum nonnulla etiamnum exstant, pro Christiana fide scripsêre. Quod verò narrant de *Legione Fulminatrice*, pluviâ exercitui, ipsâque aded victoriam, precibus suis impetrante, literisque Marci Aurelii miraculi illius testibus, quibus & pœnam comminatus sit accusatoribus Christianorum, id omne fabulæ quàm vero propius videtur. CÔMMODO imperante, tranquilliore fuerunt in statu res Christianæ; unde multi, genere opibûsque eminentes, ad Ecclesiam passim accurrebant, quemadmodum refert Eusebius Lib V. cap. 21. Neque etiam sub PERTINACE, DID. JULIANO, PESC. NIGRO, CLOD. ALBINO, primisque SEPTIMII SEVERI annis, fa-

De Legionis Fulminatrice,

Sub COMMODO, & sequent. Imp. pax fuit Ecclesiæ

B

tis

Hæretici
Sæculi II.

tis otii mediis in bellis civilibus fuit; ut de persequendis Christianis cogitaretur. Hæreticorum varii generis; & multorum quidem mirâ vesaniâ ac turpitudine insignium, ingens coluvies hâc Sæculô exstitit; *Saturninus*, *Basilides*, *Carpocras*, *Valentinus*; qui omnes, eorumque discipuli, sub generali *Gnosticorum* nomine veniunt; *Cerdon* & *Marcion*; duorum Principiorum assertores; *Tatianus*, à quo *Encratitæ* sive Abstinentes; *Montanus*, à quo *Montanistæ*, qui & *Cataphryges*; *Hermogenes*, materiæ æternæ assertor; *Praxeas* & *Noëtus*, qui S. Triadis personas non distinguebant, dicti propterea *Patripassiani*; *Theodotus* Byzantinus, arte coriarius, qui, ut & *Arsemon*, Christum merum hominem dicebat; *Orhitæ*, *Caïnité*, *Sethiani*, &c. Adversus Hæreses Libros V. scripsit *Irenæus*, Lugdunensis Episcopus, qui inclinante hâc Sæculô floruit: Multas etiam confutavit *Tertullianus*, ipse

ipse interim in Montani hæresim prolapsus. Dum ad errores ineptissimos, imò & turpissima placita, plurimum ex Hæreticis illis adtendimus, mirari subit, quomodo sub Christiano nomine, tamque vicinis Apostolici ævi temporibus, tot oriri opinionum monstra potuerint. Sed quid non potest humanum ingenium, à Verbi Dei simplicitate recedens, suisque se permittens deliriis? Orta illa maximam partem (si quis conjecturis locus) ab Ethnicorum Mythologia & Philosophia, Cabbalæque Judaica, Evangelio perperam admixtis. His adde, proferendi nominis, discipulosque alliciendi studium, prolatis novis atque inauditis, vel quæ carni adblandirentur. Quibus & hoc quoque adjungendum, de Hæreticorum veterum rebus, eorum adversariis tutò semper credi non posse. De die Paschatis dissidium fuit inter Ecclesias Orientales & Occidentales; Orientalibus

Dissidium
de die
Paschatis
inter O-
rientales

& Occi-
dentales.

eodem quô Judæi die, hoc est, decimô quartô Lunæ primi mensis, (Judæis *Nisan*, qui Martio nostro maximam partem respondet) Occidentalibus die Dominicô proximè sequente, Paschatis solemnia agentibus: Qua de re, inter *Polycarpum* Romam profectum circa annum C. 160. & *Anicetum* Romanum Episcopum, amica collatio habita est, non compositô quidem diffidiô, sed salvis tamen fraternitatis juribus. Verùm, sub finem Sæculi, hæc quæstio iterùm, & majori quidem quàm par erat æstu, agitata est; *Victore* Romano Episcopo, propter levem illum dissensum, Ecclesias Asiaticas à communione abscindente; quod ejus factum multi improbârunt, speciatim *Irenæus*, qui gravem hac de re Epistolam ad illum scripsit. Interim Asiatici, Victoris diras parùm curantes, priscum morem retinuerunt; perstititque dissidium illud usque ad Concilium Nicæ-

COMPENDIUM. *Sæculum II.* 21

cænum, quô *Quartodecimanorum*, Scriptores
Ecclesiasti-
ci Sæculi
II.
seu Orientalium, praxis sublata est. Scriptores Ecclesiastici, quorum quidem opera ad nos pervenerint, nec multi numero, nec ampli mole, sed antiquitate tamen, & simplicitate ad Apostolicam accedente, venerandi; *Ignatius, Polycarpus, Justinus Martyr, Athenagoras, Tatianus, Theophilus* Antiochenus, *Irenæus*; quibus & adjungi possunt *Clemens Alexandrinus* & *Tertullianus*, qui tum hóc Sæculô ad finem vergente, tum sequenti dudum floruerunt. Doctrinæ summa non alia fuit quàm quæ in Symbolo Apostolico dicto continetur; nisi quòd Doctorum illorum quidam, Græcæ Philosophiæ imbuti principiis, ejus nonnihil Christiano dogmati admiscere cœperunt. Doctrina:
Cultus,
Regimen
Sæculi II.
Cultus eximie simplicitatis, quemadmodum ex *Justino* Martyre & *Tertulliano* constat; accedentibus tantummodò paucis quibusdam innocuis ritibus. Ad Regimen quod at-

B 3 tinct,

22 HISTORIÆ ECCLESIASTICÆ

Pietas in
praxi po-
lita.

tinet, erat *ἡγεμὸς* sive *Episcopus*, qui unā cum reliquis *Presbyteris* singulas Ecclesias administrabat: *Diaconi*, tum pauperum curæ, tum Eucharistiæ distribuendæ, atque ad absentes perferendæ, præficiebantur. Cæterum id eximium ex Apostolica disciplina hæc ætas retinuit, neque factis unquam commendandum atque imitandum, quòd, *non in dictis, sed in factis*, pietatis summam collocarent, quemadmodum *Justinus Martyr* testatur.

Summa Capita

SÆCULI III:

Sexta Persecutio sub SEVERO. Tertulliani Apologeticus. ALEXANDER Imp. Christianis favet. Septima Persecutio sub MAXIMINO. PHILIPPUS Imp. temerè Christianus creditus. Octava Persecutio sub

COMPENDIUM, *Sæculum III.* 23
*sub DECIO. Vitæ Monasticae oc-
 casio & initium. Varii Lapsorum
 ordines. Schisma Felicissimi Car-
 thagine. Schisma Novatiani Romæ.
 Controversia de Baptismo Hæretico-
 rum. Stephanus Rom. Episc. Afri-
 canos excommunicat. Increpatur ab
 Africanis, qui æqualitatem Epif-
 coporum iuentur. Nona Persecutio
 sub VALERIANO. GALLIENUS
 Sacrorum libertatem Christianis con-
 cedit. Novam Persecutionem pa-
 ravit, sed non perfecit AURELIA-
 NUS. Hæresis Sabellii. Hæresis Pau-
 li Samosateni. Hæresis Manichæ-
 orum. Chiliastæ, seu Millenarii.
 Origenis Tetrapla, Hexapla, Octa-
 pla. Ejusdem errores. Scriptores
 Ecclesiastici Sæculi III. Ubinam præ-
 cipue describatur Doctrina, Cultus,
 & Regimen Sæculi III.*

SÆCULUM III.

SEVERUS, annô Imperii deci- Sexta Per-
 mō, hujus Sæculi secundo, mu- secutio
 B 4 ta sub SEVE-
RO.

24 HISTORIÆ ECCLESIASTICÆ

Tertullia-
ni Apolo-
geticus.

ALEXAN-
DER Imp.
Christia-
nis favet.

Septima
Persecu-
tio sub
MAXIMI-
NO.

tatâ in Christianos voluntate, gra-
vem in eos persecutionem movit,
quæ aliis quidem quinta, aliis quos
sequimur sexta numeratur. Exarsit
illa in Palæstina, Ægypto, Africa
reliqua, Italia, Gallia, aliisque lo-
cis. In ea *Leonides* Origenis pater,
Irenæus Lugdunensis Episcopus, ali-
que magnô numerô martyrium fe-
cêre. Quâ occasione *Tertullianus*,
scriptô Apologeticô, causam Chris-
tianam tutatus est; pulsisque, qui-
bus Christiani onerabantur, calum-
niis, eorum Sacra egregiè descrip-
sit, præsertim Apologet. cap. 39.
Sub sequentibus Imperatoribus, pa-
catus satis Ecclesiæ status fuit; præ-
sertim sub ALEXANDRO Mam-
mææ, quem Christianis favisse, cón-
que in pretio habuisse, ferunt. At
postea MAXIMINUS Thrax novam
Persecutionem instituit, septimam
numero; quæ tamen, nec genera-
lis fuit, nec alios quàm Ecclesiæ
Antistites adorta est; quos inter, *Pon-
tia-*

tianus & *Anterns*, Romani Episcopi, cæsi perhibentur. PHILIPPUS, non modò Christianis non nocuit, sed & vulgò, quamquam temerè, Christianus fuisse creditur. Verùm DECIUS, Philippi successor, novæ Persecutionis, iis quæ antecesserant longè gravioris, auctor fuit; quâ, & *Fabianus* Romanus Episcopus, & *Babylas* Antiochenus, & alii Martyres notantur. Quâ tempestate, pii quidam, interque alios *Poulus*, Eremitarum signifer, vitandæ necis ergò, in deserta loca secessère, vitæque Monasticæ initium dedêre. Cùm verò in hac Decii persecutione multi lapsi essent, quorum alii Idolis sacrificaverant, dicti *Sacrificati*; alii thus aris admoverant, dicti *Thurificati*; alii redemptis libellis se sacrificâsse mentiti fuerant, dicti propterea *Libellatici*; hinc, sedatâ Persecutione, disquiri cœpit, quomodo cum illis ad Ecclesiam redeuntibus agendum esset. Qua qui-

PHILIPPUS Imp. temerè Christianus creditus.

Octava Persecutio sub DECIO.

Vitæ Monasticæ occasio & initium.

Varii Lapforum ordines.

Schisma
Felicissimi
Carthagi-
ne.

Schisma
Novatiani
Romæ.

Contro-
versia de
Baptismo
hæretico-
rum.

Stephanus
Rom. E-
pisc. Afri-
canos ex-
communi-
cat.

dem in re, à nonnullis in duo pec-
catum est extrema: Nam, Cartha-
gine, *Felicissimus*, cui *Novatus* se
adjunxit, Lapsos omnes absque ulla
mora recipiendos dixit: Contrà, Ro-
mæ, *Novatianus*, ad quem & pos-
tea *Novatus* mutatis partibus acces-
sit, Lapsos nunquam recipi voluit;
Catholicis interim Episcopis, Car-
thagine quidem *Cyprianô*, Romæ ve-
rò *Corneliô*, medium inter ista te-
nentibus. Sed Felicissimi Schisma
breve fuit; Novatianum diutius per-
stitit; multasque in Ecclesia turbas
excitavit. Ut verò lis ex lite scri-
tur, hinc nova Controversia in Afri-
ca exorta est; de Baptismo à No-
vatianis aliisque Hæreticis vel Schis-
maticis administrato; quem invali-
dum esse, *Cyprianus*, cæterique Afri-
cani censuere; contrà, validum, ne-
que iterandum, *Stephanus Romanus*
Episcopus; qui & eò usque pro-
cessit, ut Africanos hac de causa
communione privaret; graviter ipse,

&c

& meritò quidem, à *Cypriano* & *Fir-
miliano* propterea objurgatus: *Ne-
que enim quisquam nostrum*, aiunt
Africani, Epistolâ ad eum scriptâ,
*Episcopum se esse Episcoporum consti-
tuit, aut tyrannico terrore ad obse-
quendi necessitatem Collegas suos adi-
git.* Cypr. Epist. 74. Dum verò
hæc agerentur, nova oritur Perse-
cutio, sub *VALERIANO* Imp., quæ
per tres annos & dimidium perdu-
ravit; quâ quidem, Ecclesiæ Ministri,
deinde & Christiani cujusvis ordinis,
viri & mulieres, juvenes & senes,
puellæ & anus, milites & pagani, vel
exsilio mulctati, vel flagris cæsi, vel
ad metalla damnati, multi etiam
ferro aut igne sublati sunt; quos in-
ter, *Cyprianus*, primò in exsilium mis-
sus, deinde revocatus Carthagine
decollatus est. Persecutionem hanc
describit, apud *Eusebium* Lib VII.
cap. 10. *Dionysius Alexandrinus*,
qui & ipse exsilio, bonorùmque amis-
sione, in ea se mulctatum narrat.

Increpa-
tur ab
Africanis,
qui æqua-
litatem.
Episcopo-
rum tuen-
tur.

Nona Per-
secutio.
sub *VALE-
RIANO*.

Acta

GALLIENUS Sacrorum libertatem Christianis conce-
dit.

Novam persecutionem paravit, sed non perfecit
AURELIANUS.

Hæresis Sabellii.

Hæresis Pauli Samosatani.

Acta hæc, dum *Valerianus*, ejusque filius *Gallienus*, unà imperarent. At, Valeriano à Persis captô, GALLIENUS rerum potitus, æquior in Christianos fuit; datôque eorum Antistitibus Rescriptô, quod apud Eusebium exstat, Sacrorum libertatem iis concessit. Postmodum AURELIANUS de persequendis Christianis cogitavit, unde & nova Persecutio à nonnullis sub eo statuitur: At ei, quæ cogitaverat, perficere non licuit; éstque, referente Lactantiô, *inter initia sui furoris protinus exstinctus*. Mediô hoc Sæculô, prodiit *Sabellius*, Ptolemaïde in Libya oriundus, qui Noëti & Praxeæ renovâsse hæresim dicitur, personasque S. Trinitatis tria tantum nomina dixisse. Non multò post, contra *Paulum Samosatenum*, Antiochenum Episcopum, qui Christum merum hominem fuisse docebat, (quæ *Theodoti coriarii*, *Artemonis*, *Berylli Bostrensis*, aliorumque,

que, hæresis antea fuerat) habitæ sunt Antiochiæ Synodi duæ, quarum secundâ *Paulus* damnatus est, ejusque in locum *Domnus* substitutus.

Orta etiam hóc Sæculô est hæresis *Manichæorum*, auctore *Mane* seu *Manete* quodam, natione Persâ, conditione servô, qui, antiquis recoctis erroribus, dogma de duobus Principiis, altero bono, altero malo, fatalem necessitatem, aliâque somnia, in medium produxit; eorûmque disseminandorum Electis duodecim, ad exemplum duodecim Christi Apostolorum, curam commisit. Notantur & hâc ætate *Chiliasæ* seu *Millenarii*, qui Regnum Christi in terris per mille annos duraturum, corporeisque transigendum voluptatibus, somniabant; quibus jam præluserat Sæc. II. *Papias* Hierapolitanus Episcopus; & quorum caput hoc Sæculo fuit *Nepos* quidam, Ægyptius Episcopus, à *Dionysio Alexandrino* confutatus. *Ori-*

Hæresis
Manichæ-
orum.

Chiliasæ
seu Mille-
narii.

genes;

Origenis
Tetrapla,
Hexapia,
Octapla.
Ejusdem
errores.

Scriptores
Ecclesiasti-
ci Sec.
III.

Ubinam
præcipue
describa-
tur Doc-
trina,
Cultus, &
Regimen
Sæc. III.

genes, cæterum doctissimus, deque Ecclesiâ optimè meritus, (teste vel præclarò illò *Tetraplorum*, *Hexaplorum* & *Octaplorum* opere, quò antiquas Versiones Græcas, unà cum Hebræico Textu, variis columnis digesserat) in variis tamen cespitavit, seu dum omnia in Allegorias converteret, seu dum animorum præexistentiam doceret, aliisque capitibus. Floruere hóc Sæculò, præter *Origenem*, ejus præceptor *Clemens* Alexandrinus; *Tertullianus*, *Cyprianus*, *Minutius Felix*, *Arnobius*, &c. omnes in Ethnica literatura plurimum exercitati; unde non mirum, si aliquando paulò subtiliùs de rebus Christianis, quàm par est, philosophentur. Quænam fuerit hac ætate Doctrinæ summa, *Tertullianus* non unò locò, *Novatianus* Lib. de Trinitate; quis fuerit Cultus, *Tertullianus* in Apologetico; quænam denique Ecclesiæ forma, ac Disciplinæ ratio, *Tertullianus*

COMPENDIUM. *Sæculum IV.* 31
nus etiam & Cyprianus præ cæteris
docent.

Summa Capita

SÆCULI IV.

Decima Persecutio sub DIOCLETIANO & sociis. *Auctor Persecutionis* GALERIUS MAXIMIANUS Cæsar. *Martyrum cruciatus.* In Gallijs, CONSTANTIUS CHLORUS *Templa tantum diruit.* *Martyria à Christianis quæsitæ:* Notabilis hac de re Sulpitii Severi locus. *Quinam dicti Traditores.* CONSTANTINUS Magnus *Christianam fidem amplectitur.* Schisma Donatistarum. *Hæresis Ariana.* *Epistola Constantini Imp. ad Alexandrum & Arium.* Concilium Nicænum, *Occum.* I. annò 325. CONSTANTIUS Imp. *Arianus.* *Arianorum variæ classes & nomina.* Liberius Rom. Episc. *Arianæ formulæ subscribit.* *Hæresis Photini.* Error

ror Apollinaris. JULIANUS Imp. *Ethnicismum restituere nititur.* VALENS Imp. *Arianus. Concilium Constantinopolitanum, Oecum. II. an. 381. Priscillianistæ. Scriptores Ecclesiastici Sæculi IV. Status Religionis, partim felicior, partim deterior. Imagines in Templâ illatæ. Origo invocationis Sanctorum. Lex Cælibatûs à Siricio Papa instituta. Opes & dignitates Ecclesiasticæ.*

SÆCULUM IV.

Decima
Persecutio sub
DIOCLE-
TIANO &
sociis.

Auctor
Persecu-

DEcima Persecutio, & ea quidem longè gravissima, sub DIOCLETIANO ejusque sociis, annô hujus Sæculi tertio cœpit, ipso *Terminalium* die, seu 23. Februarii, ut quasi terminus imponeretur huic Religioni, inquit Lactantius, vel quisquis alius est auctor libri non ita pridem emissi, de *Mortibus Persecutorum*, cap. 12. Auctor præcipuus fuit GALERIUS
MA-

MAXIMIANUS, unus ex Cæsari-
bus, qui Diocletianum reluctantem
eò impulit. Initium factum Nico-
mediæ, ubi Ecclesia diruta, & Scrip-
turæ igni traditæ. Mox Christiani,
promulgatô Edictô, omni honore
spoliati, tormentisque subiecti. Qui-
bus nondum contentus Galerius, hor-
rendam calumniam in Christianos pa-
rat; Palatio subiecit incendium, &
Christianos auctores traducit; qui
miserè excarnificati, &, sine ulla
probatione, ad supplicium rapti sunt.
Quod verò cœptum Nicomediæ,
mox in Palæstina quoque, Italia,
Africa, totóque Imperio, solis ex-
ceptis Galliis, factitatum est. Nul-
lis non suppliciis, nullo non sævitix
genere, vexati Christiani, combure-
bantur in fornacibus; conjicieban-
tur in oleum fervens; objiciebantur
bestiis; suis etiam, siliquis invo-
luti, apponebantur; mutilabantur
oculis & lingua, affabantur lento
igne, & aceto saléque adspergeban-
tur,

tionis GA-
LERIUS
MAXIMIA-
NUS Cæ-
sar.

Martyrum
cruciatus.

C

tur,

In Galliis
CONSTANTIUS
CHLORUS
Templa
tantum
diruit.

Martyria
à Christianis
quæsi-
ta.

tur, præcipites dabantur de petris; lacerabantur constrictis, mox dissolutis arboribus; &c. Quæ omnia ab *Eusebio*, totò Librò VIII. & *Lactantio*, dictò opere, nuper vulgatò, fusè recitantur. In Galliis, **CONSTANTIUS CHLORUS**, *pavides* quidem, (hoc est, Tempia) *qui restitui poterant, dirui passus est; verum autem Dei Templum, quod est in hominibus, incolume servavit.* *Lactant. ibid.* Quò verò animò persecutionem hanc tulerint Christiani, quàmque parùm Christianæ rei incrementis nocuerit, sic eleganter describit *Sulpitius Severus*, Hist. Lib. II. cap. 46. **DIOCLETIANO & MAXIMIANO imperantibus**, *acerbissima Persecutio exorta, quæ per decem continuos annos plebem Dei depopulata est. Quà tempestate, omnis ferè sacro Martyrum cruore Orbis infectus est. Quippe certatim gloriosa in certamina vocabatur, multoque avidius tum Martyria gloriosis moribus quærebantur, quàm*

COMPENDIUM. *Sæculum IV.* 35

quàm nunc *Episcopatus* pravis ambitionibus appetuntur. Nullis unquam magis bellis mundus exhaustus est, neque majore unquam triumpho vicimus, quàm cum decem annorum stragibus vinci non potuimus. Interim fuerunt

etiam, illis in agonibus, qui Christianam causam proderent; quos inter, qui Libros Sacros Ethnicis cre-

mandos tradebant, *Traditores* appellati sunt. Fuit hic gravis, sed & postremus, Ethnicismi ad interitum

vergentis conatus: Brevi quippe, annò nempe hujus Sæculi XII. felicissima rerum conversio visa est, *CONSTAN-*

TINO Imp. Fidem amplectente, eique, non securitatem modò, sed & splendorem conciliante: qui tamen splendor, non uno nomine, Ecclesiæ fatalis fuit, multis ex Ethnicismo & Sæculi pompa malis pullulantibus,

quibus Christianæ rei sinceritas adulterata est. Circa hæc tempora, grave in Africa Schisma exortum est, *Donatistarum* nempe, qui à *Cæcilia-*

Quinam
dicti *Traditores.*

CONSTANTINUS M.
Christianam fidem amplectitur.

Schisma
Donatistarum.

Hæresis
Ariana.

no Carthaginensi Episcopo factâ se-
cessionē, eò quòd ille, ut ipsi dice-
bant, à Traditoribus ordinatus esset,
maximas, cum hoc, tum sequenti
Sæculo, in Ecclesia turbas excitâ-
runt. Inter factionis principes, fuit
Donatus à Casis nigris, nec non &
alter *Donatus*, à quorum altero, for-
tè & utroque, ipsi factioni inditum
nomen. Non multò pòst, Alexan-
driæ in Ægypto, *Ariana* hæresis
erupit, auctore *Ario*, Ecclesiæ illius
Presbytero, qui Filium Dei rem
creatam dicebat, ἐξ ἡν ὄντων ex nihilo
productum, adeoque fuisse tempus
quando non erat: Adversus quem
Alexander, Alexandrinus Episcopus,
ejusque successor *Athanasius*, Filium
Dei ὁμοῦσιον, συνᾱϊόν, ἐμὸτιμον τῷ πατρὶ,
eiusdem naturæ, ejusdem æternitatis,
eiusdem dignitatis cum Patre, partici-
pem asseruere. Et statim quidem
Constantinus illud componere dissi-
dium tentavit, missò ad hoc Hosiò
Cordubensi Episcopò, datisque ad
Ale-

COMPENDIUM. *Sæculum IV.* 37

Alexandrum & Arium literis, quibus ad concordiam illos hortabatur. Cum verò nihil profecisset, Concilium ex toto Imperio Nicæam Bithyniæ Urbem convocavit, an. 325. cui adfuerunt Episcopi 318., quò Arianorum sententia damnata est, cusumque Symbolum, quò Filius Dei *genitus, non factus*, Patrique *omnino*, *consubstantialis*, affirmabatur. Verum, neque hac definitione, neque illorum exsiliis, qui subscribere renuerunt, finis malo allatus est. Quippe Ariani, tum ultimis Constantini annis, tum in primis sub CONSTANTIO, Ariano ipso, vires resumpsere, nec uno in Concilio prævaluere. Hi in duas abiêre partes, aliis Filium Patri dissimilem, aliis similem statuentibus: Illi *Anomæi*, *Heterousii*, nec non, à suis primipilis, *Aëtiani* & *Eunomiani*; Isti *Homoioussiani*, & *Semi-Ariani*, nuncupati sunt. Porro, favente Arianis Constantiô, Catholicosque divexan-

Epistola
Constantini Im-
per. ad
Alexan-
dram &
Arium.

Concil.
Nicæn.
Oecu-
men. I.
an. 325.

CON-
STANTIUS
Imp.
Arianus.

Arianor-
um variae
classes &
nomina.

Liberius
Rom. Ep.
Arianæ
formulæ
subscribit.

Hæresis
Photini.

Error A.
pollinaris.

JULIANUS
Imp. Eth-
nicismum
restituere
nititur.

VALENS
Imp.
Arianus.

te, *Liberius* Romanus Episcopus, postquam ejus minis diu restitisset, imò & biennii exsilium tulisset, formulæ Arianæ tandem subscripsit. Eodem tempore *Photinus*, Sirmienfis in Pannonia Episcopus, non fuisse Filium Dei, antequàm ex Maria nasceretur, docuit; adeoque Samosateni hæresim recoxit. *Apollinaris* quoque, *Laodicens* Episcopus, vir cæteroquin laudatissimus, & de Ecclesia optimè meritus, in eum tamen errorem incidit, ut Christo homini animam nullam fuisse, sed ipsam divinitatem vicem animæ obuisse, diceret. Dum sic inter se dissident Christiani, Ethnicismus sub *JULIANO* lacertos movet, novoque in periculo res Christianæ versantur. At, brevi dissipatâ hâc nubeculâ, sub *JOVIANO*, *VALENTINIANO*, &c., novus Ecclesiæ splendor accedit. *VALENS*, Arianus, Sectæ illi rursus vires addit, Orthodoxosque persequitur. Sed *THEODOSIUS*, é contrario, rem Christianam,

COMPENDIUM. *Sæculum IV.* 39

nam, fidemque Catholicam, præsidio legibusque ornat; ejusque curâ, Concilium Constantinopolitanum Oecumenicum II., annô 381. habetur, quô Nicæna fides confirmata, Arianisque, & *Macedonianis* (isti Spiritûs S. divinitatem negabant) anathema dictum. Haud multò post, *Priscillianus*, Abulensis in Hispania Episcopus, revocatis Gnosticatorum & Manichæorum sceleribus, damnatus unâ cum sequacibus, gladioque percussus est: Cujus supplicii cum *Idacius* & *Ithacius* Episcopi instigatores fuissent, eorum factum *Martinô* Turonensi Episcopo ita displicuit, ut in averfationis indicium, eorum se communioni subduxerit. Scriptores Ecclesiastici, & magni quidem nominis, hóc Sæculô multi exstiterê; in primis *Lactantius*, *Eusebius*, *Athanasius*, *Hilarius*, *Basilius*, *Gregorius* uterque, *Cyrillus* Hierosolymitanus, *Epiphanius*, *Ambrosius*; quibus etiam *Johannem* Chry-

Concil.
Constantin.
Oecum. II.
an. 381.

Priscillianistæ.

Scriptores
Ecclesiastici
Sæc. IV.

Status Religionis
partim felicior,
partim deterior.

Imagines in Templis
illatæ.

Origo Invocationis
Sanctorum.

Lex Cœlibatus à
Siricio Papa instituta.
Opes & dignitates
Ecclesiasticæ.

sofomum, *Hieronymum*, & *Augustinum* adungeremus, nisi res eorum præcipuè ad Sæculum sequens pertinerent. Religionis status, si pompam spectes, felicior; si puritatem, deterior indies fuit; altercandi libidine, Ethnicarumque æmulatione cæremoniarum, non parùm scdatus. Illatæ in Templis Imagines, damnantibus interim viris piis Ethnicam praxim, ut ex Concilio *Eliberitano*, & *Epiphanii* factò, apparet. Novus indies Divis honos habitus; quarri cœptæ illorum Reliquiæ; eorumque invocandorum, ex Oratoriis apostrophis, & Poëtica licentia, factum initium. Cœlibatus legem, quam Nicæni Patres, suafore *Paphnutio*, rejecerant, *Siricius* Papa primus instituit. Denique opes ac dignitates Imperatorum munificentia in Ecclesiam collatæ, in superbiæ scdique ambitus irritamentum cessere.

Sum.

Summa Capita

SÆCULI V.

ARCADIUS *Orientis*, HONORIUS
Occidentis, Imperatores. Donatistæ.
 Origenistæ, Persecutiones in Johan-
 nem Chrysostomum. Pelagianis-
 mus. Pelagius & Celestius in A-
 frica damnantur, in Oriente pa-
 tronos habent. Zozimus Rom. Episc.
 eos statim absolvit, deinde damnat.
 Edieta Imperatorum contra Pela-
 gianos. Semipelagianismus. Cassia-
 nus & Monachi Massilienses. Nes-
 torianismus. Nestorius dicitur Chris-
 ti personam dividere. Cyrillus Pa-
 triarcha Alexandrinus contra Nesto-
 rium insurgit. Concilia Romæ & in
 Ægypto contra Nestorium. XII. Cy-
 rilli Anathematismi contra Nesto-
 rium. XII. Nestorii Anathematif-
 mi contra Cyrillum. Concilium E-

C 5 phe₂

phefinum, *Oecumen.* III. an. 431.
contra Nestorium. Eutychianismus.
Christi naturas confundit Eutyches.
Damnatur Constantinopoli, an. 448.
Restituitur Ephesi an. 449. Conci-
lium Chalcedonense, Oecumen. IV.
an. 451. contra Eutychem. Formu-
la Fidei Chalcedonensis. Canon 28.
Chalced. de æqualibus privilegiis
Constantinopolitanæ Sedis cum Ro-
mana. Novi tumultus post Conci-
lium Chalcedonense. Timotheus
Ælurus, Petrus Fullo, Episcopi
Eutychiani. Additio Trisagio facta
à Petro Fullone. Henoticum ZE-
NONIS an. 482. Eutychiani He-
notico subscribentes Sedibus restituti.
Diffidium inter Rom. Episc. & A-
cacium Constantinopolitanum. Con-
versio Francorum, rege Chlodoveo.
Conversio Burgundionum. Vandali
Ariani Orthodoxos in Africa per-
sequuntur. Scriptores Ecclesiastici
Sæculi V. Leo I. Rom. Episc. Su-
perstitionis augmentum, Vigilantius

tius superstitiones arguit. *B. Virginis cultus promotus. Crescens Episcopi Romani fastus; ab Africanis arguitur. Mores Christianorum corrupti.*

SÆCULUM V.

SÆculô quintô incunte, dum Orienti **ARCADIUS**, Occidenti **HONORIUS** præessent, Imperiûmque non una in parte à Barbaris infestaretur, Ecclesiæ pacem non unum etiam dissidium turbavit: In Africa quidem, Schismatis *Donatistici* continuatio; cui, nec variis Conciliis, nec Collatione Carthaginensi an. 411., imò nec Legibus Imperatorum pœnalibus, finis imponi potuit: In Oriente, nova lis de *Origenis* fama; cui favebant *Johannes Hierosolymitanus* Episcopus, *Ruffinus* Presbyter Aquileiensis, & *Nitrienses* Monachi *Ægyptii*; cui é contrario *Anastasius* Episcopus Romanus, *Hie-*

ARCA-
D'US Ori-
entis, **HO-**
NORIUS
Occiden-
tis Imp.

Donatistæ.

Origenistæ.

44 HISTORIÆ ECCLESIASTICÆ

Persecutiones in
Johannem Chrysostomum.

 ronymus Stridoneusis presbyter, alique, adversabantur: Motæ quinetiam, adversus *Johannem Chrysostomum*; Constantinopolitanum Patriarcham, persecutiones; impulsoribus præsertim *Theophilo* Alexandrinô, *Antiochô* Ptolemaïdis, & *Severianô* Gabalorum Episcopis; quibus & varii Aulici, imò & *Eudoxia* Augusta, quam Chrysostomi *παπποία* malè habuerat, sese adjungere. Verùm præcipuæ Controversiæ hóc Sæculô agitatae, fuere de *Pelagianismo*, *Nestorianismo*, & *Eutychianismo*, de quibus hîc breviter dicendum. Ergo eam hæresim, quæ fuit de Divinæ Gratiae auxiliis, liberóque Hominis arbitrio, duo ex Britannia Hiberniæque Monachi, *Pelagius* & *Celestius*, circa annum C. 411. vel 412., in vulgus sparsere: Celestius in Africa; Pelagius potissimùm in Oriente. Et in Africa quidem, non uno statim Concilio damnati sunt, duce in primis ac
 pro-

Pelagianismus.

Pelagius & Celestius in Africa damnantur, in Oriente patronos habent.

promotore *Augustino*, Hipponensi Episcopo, qui acerrimus Pelagianorum adversarius fuit. At in Oriente, sive sententiam dissimularet Pelagius, sive quod patronos ibi nactus esset, in Conventu *Hierosolymitano* minimè damnatus, in Synodo *Diospolitana* etiam absolutus est. Hinc, causâ Romam delatâ, *Zosimus* Romanus Episcopus, Pelagium & Celestium statim absolvit; mox verò, mutatâ sententiâ, eosdem nisi resipiscerent, damnavit. Sic igitur, Episcopalibus ac Synodicis decretis, imò & Edictis Imperatoriis, proscripta hæc hæresis est. Interim, damnatis Pelagianis, fuerunt nonnulli, circa an. C. 429. & 430., qui mediam inter ipsos & Orthodoxos viam insisterent, initia quidem conversionis homini, cætera Gratix adscribentes, dicti propterea *Semipelagiani*, quorum principes *Johannes Cassianus* Eremita, & Monachi Massilienses fuere; quos

Zosimus
Rom. Ep.
eos statim
absolvit,
deinde
damnat.

Edicta
Imp.
contra
Pelagianos.

Semipelagianismus.

Cassianus
& Monachi
Massilienses.

&

& *Augustinus* paulò ante mortem, & *Prosper* Aquitanus, alique, confutârunt. Circa eadem tempora, *Nestorius* Patriarcha Constantinopolitanus, pro concione negavit Beatam Virginem *Deiparam* dicendam esse: Quò quidem negatò, cùm dividi Christi persona in duas videretur, hinc multi, quorum caput *Cyrillus* Alexandrinus Patriarcha, adversùs Nestorium vehementer insurrexêre; dum é contrario Nestorius, duas Christi naturas confundi, vel Arii aut Apollinaris hæreses recoqui ab Adversariis suis, contenderet. Damnatus Romæ Nestorius an. 430. Damnatus & in Ægypto; ubi XII. anathematismos contra ipsum vibravit *Cyrillus*; quibus & totidem anathematismos Nestorius opposuit. Tandem Concilio *Ephesino*; quod inter Oecumenica III. numerant, Nestorius damnatus est, an. 431. reclamantibus interim Orientalibus Episcopis, in primis *Johanne* Antiocheno;

Nestorius
hisinus.

Nestorius
dicitur
Christi
personam
dividere.

Cyrillus
Alexandr.
contra
Nestorium
insurgit.

Concilia
Romæ &
in Ægypto
contra Nestorium.

XII. *Cyrilli* Anathematismi.

XII. *Nestorii* Anathematismi.

Concil.
Ephesin.
Oecum.

COMPENDIUM. *Sæculum IV.* 47

ho, quibus inexpectatis iudicium prolatum fuerat. Dum verò à Nestorii dogmate recederet *Eutyches*, Monachus Constantinopolitanus, ipse in alterum impegit extremum, confusis Christi naturis, quas Nestorius, ut quidem dicebant, nimium disjunxerat. Et statim quidem, duce *Flaviano*, Constantinopolitano Episcopo, Constantinopoli damnatus est, an. 448. Mox, præside *Dioscuro*, Alexandrino Episcopo, Ephesi est restitutus, an. 449. in ea Synodo quæ *Aggennæ* seu *Latrocinialis* vulgò appellatur. Denique in Concilio Chalcedonensi, Oecum. IV. an. 451. Eutychiano dogmati, ejusque præcipuo defensori *Dioscuro*, anathema dictum est. In hoc Concilio scripta est Fidei formula, quâ Christus *perfectus Deus, perfectus homo, consubstantialis Patri secundum divinitatem, consubstantialis nobis secundum humanitatem* pronuntiatur; dicunturque duæ naturæ in illo uni-

III. an.
431. con-
tra Nesto-
rium.

Eutychia-
nismus.

Christi
naturas
confundit
Eutyches.

Damna-
tur Conf-
tantino-
poli an.
448.

Restitui-
tur Ephesi
an. 449.

Concil-
Chalced.
Oecum.
IV. an.
451. con-
tra Euty-
chem.

Formula
Fidei
Chalce-
donensis;

tæ

48 HISTORIÆ ECCLESIASTICÆ

τῇ ἀτρέπτῳ, ἀσυγχύτῳ, καὶ ἀχωρίστῳ, sine
conversione, sine confusione; sine divi-
sione. Ejusdem Concilii Can. 28.

Can. 28.
Chalced.
de æquali-
tat. Privi-
legiis
Constan-
tin. Sedis
cum Ro-
mana,
Novi tū-
multus
post Con-
cil. Chal-
cedon.

statutum est, ut *paria privilegia* Con-
stantinopolitanæ Sedi, cum Romana;
tribuerentur. Porro, Decretis Chal-
cedonensibus Eutychiana dissidia mi-
nimè composita sunt; sed graves
passim ab Eutychianis, Alexandriae
in primis & Antiochiæ, excitatæ sunt
seditiones. Nam Alexandriae, oc-
cisò *Proteriò*, ejus Urbis Episcopò,

Timo-
theus Æ-
lurus, Pe-
trus Fullo,
Episcopi
Eutychia-
ni.

in ejus loco *Timotheum Ælurum* con-
stituunt. Antiochiæ quoque, pulsò
Martyriò, *Petrum Gnapheum*, sive *Ful-
lonem*, Episcopum sibi creant: Un-
de Præfulum exauctoratorum, alio-
rumque ipsis suffectorum, cum Eu-
tychianorum, tum Catholicorum,
pro variis Populorum motibus, va-
riòque imperantium animo, perpe-
tuæ vices fuerunt. Iste Petrus Ful-
lo *Trisagio* addidit has voces, *qui
passus es pro nobis*, adeoque *Theopas-
chitarum*, qui Deum ipsum passum di-

Additio
Trisagio
facta à Pe-
tro Fullo-
ne.

dicebant, tenuisse errorem censetur. Interim, ut dissidentes animos componeret ZENO Imp., suasu *Acacii* Constantinopolitani Episcopi; *Henoticon* seu Unitivum Edictum promulgavit; quo, neque rejectio, neque admissio Concilio Chalcedontensi, quod erat veluti discordiæ pomum, fides orthodoxa tradebatur, & Nestorii atque Eutychetis errores damnabantur: cui Edicto non pauci etiam ex Eutychianis subscribere, interque alios *Petrus Moggus*, qui Alexandria, & *Petrus Fullo*, qui Antiochiæ, Episcopi restituti sunt. Verum, cum de illa restitutione Catholici quidam quererentur, speciatim *Johannes Talaida*, qui, restitutio Moggô, è Sed Alexandrina pulsus fuerat, hinc, inter Romanos Episcopos, qui horum partes tuebantur, & *Acacium* Constantinopolitanum, gravis nata altercatio est, quæ nonnisi Sæculô sequente componi potuit. Accessere hoc Sæcu-

Henoticon ZENONIS, an. 482.

Eutychiani Henotico subscribentes, Sedibus restituti.

Diffidium inter Roman. Episc. & *Acacium* Constantin.

Conversio
Franco-
rum, rege
Chlodoveo.

Conversio
Burgun-
dionum.

Vandali
Ariani
Orthodo-
xos in
Africa
persequ-
untur.

Scriptores
Ecclesiastici Sæc.
V.

Leo I.
Rom. E-
pisc.

Superstitionis
augmentum.

lô ad Christi fidem *Franci*, rege *Chlodoveo*; cujus in baptismo Ampullam oleo gravidam cœlitus demissam fabulantur. Facti & Christiani sunt, Ariano more, *Burgundiones*. *Gothi* & *Vandali* pridem Ariani, Orthodoxos in Africa crudelissimè habuerunt; cujus persecutionis historiam scripto consignavit *Victor Vitensis*. Hâc ætate, Doctores non pauci, Ecclesiam, cum Orientalem, tum Occidentalem, illustrârunt: Orientalem, *Chrysostomus*, *Cyrillus Alexandrinus*, *Theodoretus*, *Isidorus Pelusiota*, &c.; Occidentalem *Augustinus*, *Hieronymus*, *Prosper*, *Salvianus*, *Paulinus*, *Cassianus*, *Vincentius Lirinensis*, &c; quos inter, non est omittendus *Leo I. Rom. Episc.*, vir maximis ornatus dotibus, sed & proferendis Sedis suæ juribus supra modum addictus. Multos, hœc Sæculô, in ipsa vera religione supersticiosos fuisse, multos sepulchrorum & picturarum adorato-

ratores, testatur *Augustinus*, Lib. i. de moribus Eccl. Cathol.; qui & alibi fatetur, se ipsum multa hujusmodi, propter nonnullarum, vel sanctarum, vel turbulentarum personarum scandala devitanda, liberius improbare ausum non esse. Epist. 119. ad Januar. Alii tamen audaciores, ut *Vigilantius* Presbyter Hispanus, qui cinerarios ac idololatrias eos vocabat, qui ossa defunctorum venerabantur: At, pro laudibus, quibus dignus erat, nil nisi convitia ab Hieronymo retulit. Dissidia Nestoriana ac Eutychiana, vel hoc nomine infaustra fuere, quod, damnatô Nestoriô, vox *θεοτόκος*, sive *Deiparæ*, veluti consecrata fuerit, cultusque B. Virginis superstitiosus non parum promotus. Crescebat indies Præsidium Ecclesiæ, in primis verò Episcopi Romani, fastus, qui supra reliquos sese extollere, omniâque ad se trahere, quâvis occasione datâ, tentabat: Sed *fumosum illum typhum*

Vigilantius superstitiones arguit.

B. Virginis Cultus promotus.

Crescens Episcopi Romani fastus; ab Africanis arguitur.

Mores
Christianorum
corrupti.

Africani præ cæteris arguerunt, & transmarinas appellationes non uno in Concilio damnârunt. Mores Christianorum quàm corrupti fuerint, quàmque alieni à Christi Legibus, vel ex uno *Salviano* constare potest.

Summa Capita

SÆCULI VI.

Eutychiani dissidii continuatio. ANASTASIUS Imp. Eutychianis faver. JUSTINUS Imp. Orthodoxus. Pax inter Romanam & Constantinopolitanam Sedem restituta. Johannes Rom. Episc. à Theodorico Rege in Orientem missus, in gratiam Arianorum. Controversia de corruptibilitate corporis Christi. Theodora JUSTINIANI Imp. uxor, Eutychianis adacta. Anthimus Eutychianus damnatur. Mennas Constantin.

COMPENDIUM. *Sæculum VI.* 53

Constantinopolitanus Episcopus ordinatur. Concilium Constantinopolitanum sub Menna, an. 536. Origo dissidii de tribus Capitulis. Origenis dogmata damnata an. 541. Quid fuerint tria Capitula. Edictum Justiniani Imp. adversus tria Capitula, an. 545. Eadem damnata in Concilio Constantinop. an. 546. Vigilius Rom. Episcop. tria Capitula, modò defendit, modò damnat. Concilium Constantinopolitanum, Oecum. V. an. 553. adversus tria Capitula. Vigilius Concilio adesse renuit, & tria Capitula Scripto defendit. Concilium tria Capitula damnat. Vigilius Concilii sententiam, primò rejicit, deinde adprobat. Pelagius Rom. Episc. tria Capitula damnat. Plerique Occidentales Concilium V. rejiciunt, & trium Capitulorum damnationi subscribere nolunt. Gentes hòc Sæculò ad Christi fidem conversæ. Augustinus Monachus à Gregorio I.

Rom. Episc. ad Anglo-Saxones convertendos missus. Arianismi decrementum. Corpus Juris Justinianæi. Æra Christiana. Ordinis Benedictini fundatio. Scriptores Ecclesiastici Sæculi VI. Gregorius I. Rom. Episc. Ejus dissidium cum Johanne Jejunatore, Constant. Episc. qui se Episcopum Oecumenicum dixerat. Status Ecclesiæ in dies pejor.

SÆCULUM VI.

Euty-
chiani
diffidii
continua-
tio.

ANASTA-
SIUS Imp.
Eutychia-
nis favet.

SÆculo VI. continuata sunt, de Eutychanismo, & Concilii Chalcædonensis auctoritate, diffidia; aliis Concilium illud admittentibus; aliis rejicientibus; aliis, juxta Henoticum Zenonis, de illo nihil pronuntiantibus; qui postremi *Acephali* atque *Hæsitantes* denominati sunt. Et his quidem favebat ANASTASIUS, Orientis Imperator, ea de causa à Symmacho Rom. Episc. excommunicatus. Verùm Anastasii successor

JUS-

JUSTINUS, Orthodoxæ addictus
causæ, Arianis pariter ac Eutychia-
nis adversum se præbuit; pacem-
que, Romanam inter & Constanti-
nopolitanam Sedem, instauravit. Ad
hunc *Theodoricus*, Italiæ Rex, sectâ
Arianus, *Johannem* Romanum Epif-
copum legatum misit, an. 525. qui
pro Arianis Orientalibus intercede-
ret: At verò, cum legatio illa pro
Theodorici votis non cessisset, Jo-
hannem reducem in vincula conje-
cit, ubi anno sequente mortuus est.
Circa hæc tempora, Alexandriæ in
Ægypto, inter ipsos Eutychianos
mota quæstio est de corruptibilita-
te corporis Christi ante ejus resur-
rectionem: Qui incorruptibile doce-
bant, eò quòd inde sequeretur
Christum non nisi *phantasiæ* seu appa-
renter passum esse, dicti sunt *Phan-
tasiastæ* & *Aphthartodocitæ*: Qui ve-
rò dicebant corruptibile, *Phartola-
træ* seu *Corrupticolæ* ab adversariis
cognominabantur. Et hæc quidem

JUSTINUS
Imp. Or-
thodoxus.
Pax inter
Rom. &
Const. Se-
dem resti-
tuta.

Johannes
Rom. Epi-
sc. à
Theodo-
rico Rege
in Orien-
tem mis-
sus, in gra-
tiam Ari-
anorum.

Contro-
versia de
corrupti-
bilitate
corporis
Christi.

Controversia, aliæque affines, sub JUSTINIANO Imp. magno æstu agitatae sunt; Aphthartodocitis, adeoque Eutychnianis, favente *Theodorâ*, Justiniani uxore; quæ *Anthimum*, suæ factionis hominem, in Constantinopolitana Sede collocavit: Verùm restiterunt Catholici; Unde *Agapetus* Rom. Episc., qui Constantino- poli tum temporis, à Theodato Gothorum Rege missus, versabatur, cum Anthimo communicare noluit; imò &, eò damnatò, *Mennam* ordinavit, an 536.; sub quo Menna, Concilium eòdem annò Constantinopoli habitum est, quò, tum *Anthimus* ipse, tum alii Eutychnianæ factionis Antistites, *Severus*, *Petrus*, & *Zoaras*, damnati atque anathemate percussi sunt: quam damnationem ratam Justinianus habuit, Ediçtòque confirmavit. Interim nova lis orta est, de re quidem per se levissima, sed quæ ingentes in Ecclesia turbas excitavit. Scilicet, in odium *Theo-*
dori

Theodora
Justiniani
Imperato-
ris uxor,
Eutychnia-
nis addic-
ta.

'Anthi-
mus Euty-
chianus
damnatur.
Mennas
Constant.
Episc. or-
dinatur.
Concil.
Constant.
sub Men-
na, an.
536.

Origo dis-
sidii de
tribus Ca-
pitulis.

dori Cæsareensis Episcopi , à quo Origenes maximi fiebat , *Pelagius* Diaconus Romanus , Monachique quidam Orientales , Origenis dogmata , ab Imperatore primum , deinde & ab Episcoporum Conventu , damnari curârunt , an. 541. Quam damnationem ut ulcisceretur Theodorus , simulque aliquam Concilio Chalcedonenſi labem adſpergeret , (erat enim Eutychianus) Imperatori auctor fuit , ut tria viciffim Scripta , Nestorianiſmo faventia , damnari curaret ; ſi fieret , Eutychianos omnes in Eccleſiam ſtatim redituros. Scripta autem illa erant , 1. Libri *Theodori Mopſueſteni* , qui ante 150. annos vixerat , quique hæreſi Neſtorianæ dicebatur præluſiſſe ; 2. Libri *Theodoreti* Episcopi Cyrenſis adverſus Cyrillum ; 3. *Ibæ* Episcopi Edeffeni Epiftola ad Marim Perſam : Quibus Scriptis , Ephefini Concilii fides dicebatur labefactari. Atque hæc fuerunt tria Capitula , de qui-

Origenis
dogmata
damnata
an. 541.

Quid fue-
rint tria
Capitula.

Edictum
Justiniani
Imp. ad-
versus tria
Capitula,
an. 545.

Eadem
damnata
in concil.
Constant.
an 546.

Vigilius
Rom. E-
pisc. tria
Capitula,
motò de-
fendit,
motò
damnat.

Concil.
Constant.
Oecum.

V. an. 553.
adv. tria
Capitula.

Vigilius
Concilio
adesset re-
nuit, &
tria Capi-
tula Scrip-
to defen-
dit.

Conci-
lium tria

bus totò hóc Sæculò tanto æstu dimi-
catum est. Imperator, suafu Theo-
dori, Scripta illa primùm ipse dam-
nat, promulgatò hac de re Edictò
an. 545. deinde & anno fequenti,
in Concilio Constantinopoli habito
damnari curat. Cui damnationi *Vi-*
gilius, Romanus Episcopus, qui tum
erat Constantinopoli, acriter statim
sefe opposuit; mox candem adpro-
bavit; sed cùm videret exosam illam
Occidentalibus esse, iterùm pedem
retraxit, miræ homo levitatis, prout
in tota hujus negotii serie patuit.
Tandem, huic componendæ liti,
Concilium Oecumenicum Constan-
tinopoli habitum est, an. 553.; cui
adesset Vigilius noluit, cò quòd pau-
cos ex Occidente Episcopos secum
haberet: Imò verò, dum federet
Concilium, ipse propriam senten-
tiam peculiari Scripto exposuit, quò
tria Capitula defendebantur. Verùm,
non obstante Vigiliì judiciò, pergit
Concilium rem totam expendere,
tri-

tribusque Capitulis anathema dicit. Cui sententiæ cum Vigilius assentiri renueret, ab Imperatore in exilium missus est; mox verò, mutatâ sententiâ, Constantinopolim rediit, Scriptoque non unô Concilii sententiam, de trium Capitulorum damnatione, adprobavit. Eò mortuô, *Pelagius* Diaconus, non tam Cleri Populique votis, quàm Imperatoris jussu, Romanæ Cathedralis admotus, tria Capitula, quæ prius defenderat, statim damnavit. Verùm, neque Concilii decretis, neque Pontificis iudicio, pars magna Episcoporum Occidentalium adquiescere voluit: Plurimi quippe, tum ex Africa, tum ex Insubria, Liguria, Thuscia, tum ex Gallia atque Hispania, tum ex ipsa denique Hibernia, nullis, neque minis, neque exiliis, ad Concilium V. adprobandum, triaque Capitula damnanda, compelli potuere: Quinimò multi, eam ob causam, Romanæ Ecclesiæ communioni se sub-

Capitula
damnat.

Vigilius
Concilii
senten-
tiam, pri-
mò reji-
cit, dein-
de adpro-
bat.

Pelagius
Rom. E-
pisc. tria
Capitula
damnat.

Plerique
Occiden-
tales
Conci-
lium V.
rejicient,
& trium
Capitulo-
rum, dam-
nationi
subscribe-
re nolunt.

du-

duxerunt; neque ante 120. annos finis huic est Schismati impositus. Magno documento, quid affectus possint, ad excitandas atque alendas de nihili rebus contentiones: Unde ingenuè Theodorus, *se & Pelagium vivos incendendos, per quos hoc scandalum in mundum introiverat, dixisse fertur. Liberat. Breviar. cap. 14.*

Gentes
hoc Sæculo
ad
Christi fidem
conversæ.

Conversæ, hęc Sæculò; ad Christi fidem, multæ ad Pontum Euxinum Gentes, *Heruli, Abasgi, Lazi*, aliæque. Conversi & *Boii* seu *Bavari*, aliæque in Germania Populi. In Britannia, *Pictos* Septentrionales *Columba* Hibernus, *Anglo-Saxones*

Augustinus
Monachus
à Grego-
rio I.
Rom. Ep.
ad Anglo-
Saxones
conver-
tendos
missus.

Augustinus Monachus, ad Christum adduxere; qui *Augustinus* à Gregorio I. Romano Episcopo missus fuerat, fuitque primus Archiepiscopus Gentis Anglorum. Arianismus, qui sub Gothis, Vandalis, & Burgundis dominabatur, sub Justino & Justiniano non parùm decrementi accepit; *Sigismundo* Burgundionum, *Hil-*

Arianis-
mi decre-
mentum.

de-

derico Vandalorum, *Reccaredo* Wi-
 figothorum in Hispania Regibus,
 Catholicam fidem amplexis. *Cor-* *Corpus*
pus Juris Justinianæi à *Triboniano* Ju- *Juris Jus-*
 risconsulto digestum; *Æra* Christia- *tinianæi*
 na, à *Dionysio Exiguo*, Abbate Ro- *Æra*
 mano, instituta; nova Monachorum *Christia-*
 per Occidentem familia, à *Benedic-* *na.*
to Nursino fundata; aliâque idge- *Ordinis*
 nus memorabilia, fusè diducere, *Benedicti-*
 compendii ratio non finit. Scripto- *ni funda-*
 res Ecclesiastici, multi quidem, sed *tio.*
 pauci insignes: Inter præcipuos, *Scriptores*
Fulgentius Ruspensis, *Facundus* Her- *Eccles.*
 mianensis, *Cassiodorus*, *Boëthius*, &c. *Sæc. VI.*
 denique, sub finem Sæculi, *Gregorius*
I. Romanus Episcopus, cui *Gregorius*
 Magni inditum cognomen; qui re *I. Rom.*
 verâ egregia multa, sed Sæculi næ- *Episc.*
 vis permixta, habuit. Fuit illi gra-
 ve diffidium cum *Johanne Jejunato-*
re, Constantinopolitano Episcopo, *Ejus diffi-*
 qui titulum *Episcopi Oecumenici* sibi *dium cum*
 assumpserat; quem quidem titulum, *Johanne Je-*
 intolerandæ superbix incufabat Gre- *junatore*
 go. *Constant.*
Episc. qui
se Episco-
pum Oe-
cumeni-
cum dixe-
rat.

Status
Ecclesiæ
indies pe-
jor.

gorius, dicebátque venturi proximè Antichristi indicium esse. Ecclesiæ statum indies pejorem, Gregorius ille non malè describit, dum eam navi putrescenti, & naufragium minanti, adsimilat.

Summa Capita

SÆCULI VII.

MAURITIUS Imp. à PHOCA occiditur. Titulum Episcopi Oecumenici Bonifacius III. Rom. Episc. à Phoca impetrat. Muhammed oritur. Ejus doctrina. Hegiræ initium an. C. 622. Monothelismi origo. Honorius Rom. Episc. Monothelita. HERACLI Imp. *Ἐκδυσσας*, an. 639. CONSTANTIS Imp. Typus, an. 648. Concilium Romanum contra Monothelitas, an. 649. Concilium Constantinopolitanum III. Oecumen. VI. an. 680: adversus Monothelitas. Ediētum CONSTAN-

TI

COMPENDIUM. Sæculum VII. 63

TINI Pogonati Imp. contra Monothelitas. Concilium in Trullo, seu Quini-sextum, an. 692: Ejus Canones Ecclesiæ Romanæ oppositi. Concilium hoc ab Ecclesia Romana rejicitur. Propagatio Christianismi hoc Sæculô. Muhammedismus latè diffunditur. Literarum Studia neglecta. Scriptores Ecclesiastici Sæculi VII. Superstitionis augmentum.

SÆCULUM VII.

SEPTIMÔ incunte Sæculô, MAURITIUS Imperator folio deturbatur; crudelitèrque interficitur à PHOCA Centurione, qui Imperium arripit. Ab hoc tyranno, titulum Episcopi Oecumenici Bonifacius III. Romanus Pontifex obtinet; quem titulum, in Johanne Jejunatore, Constantinopolitano Episcopo, tantoperè damnaverat atque abhorruerat Bonifacii decessor Gregorius. Sub HE-

MAURITIUS Imp.
à PHOCA
occiditur.

Titulum
Episcopi
Oecumenici,
Bonifacius III.
Rom. Episc.
à Phoca impetrat.

R A-

64 HISTORIÆ ECCLESIASTICÆ

Muham-
med ori-
tur.
Fjus doc-
trina.
Hegiræ
initium
an. C. 622.
 RACLIO, Phocæ interfectore & successore; exortus est *Mahommed*; Arabs impostor; sc̃que Dei Legatum, pari audaciâ & successu, venditare cœpit. Quô quidem fine, vocatis in consilium *Sergiô* Monachô, & Judæô quodam Doct̃ore, non tam novam doctrinam, quàm impuram quândam, ex Judaïsimo, Christianismo, & Arabum suorum Ethnicismo, farraginem composuit: Usûsque temporum opportunitate, quibus Christiani se invicem discerpebant, & Romanum Imperium bellis undique distrahebatur, novæ Sectæ, novique Imperii conditor fuit. Prophetam agere cœpit circa annum C. 611: vel 612. Meccâ verò, quæ patria ejus erat, fugere Medinam coactus est, an. C. 622. Atque hinc initium *Hegiræ*; celebrissimæ Turcarum æræ; *Hegira* enim Arabicè *fugam* designat. Christiani tunc; ut dictum modò est, factionibus scindebantur; nondum sopi-
tis,

COMPENDIUM. *Sæculum VII. 65*

tis, quæ superiora turbaverant Sæcula, de Eutychianismo & Concilii Chalcedonenfis auctoritate, diffidiis. Ex his verò nova quæstio hòc Sæculò exorta est, an una tantum, an verò duæ voluntates atque operationes in Christo dicendæ essent? Unam tantum dixit *Theodorus Pharanitanus* in Arabia Episcopus; cui & *Cyrus*, primùm Phasidos, deinde Alexandriae Episcopus, & *Athanasius* Antiochenus, & *Sergius* Constantinopolitanus, nec non & *Honorius* Romanus Pontifex, consensere. Verùm alii Episcopi, præsertim *Sophronius*, Hierosolymitanus Antistes, in sententiam illam insurgunt, merumque Eutychianismum, mutato nomine, revocari clamant. Imperator, Sergii monitu, *Ekthesis* sive *Expositionem Fidei* promulgat, an. 639.; quâ *Monothelismus* (sic vocatum est dogma de una tantum Christi voluntate) apertè statuebatur, silentium tamen hac de re imperabatur.

Monothelismi origo.

Honorius Rom. Ep. Monothelista.

HERACLIUS Imp. *Ekthesis* an. 639.

66 HISTORIÆ ECCLESIASTICÆ

tur. Idem & statuit **CONSTANS** Imperator, Heraclii nepos, publicatō novō Edictō, an. 648. quod *Typum* appellavit. At verò Romani post Honorium Pontifices Monothelitis bellum indixerunt, qui in Concilio Romæ habito, an 649., solemnī judicio damnati sunt. Hinc Constantis Imperatoris gravis ira in *Martinum* Papam, quem Roma per vim abripit, & Chersonam relegat, an. 653., ubi ille biennio post moritur. Tandem, post multas disceptationes, **CONSTANTINUS POGONATUS** Imperator, huic sopiendō dissidio, Concilium Oecumenicum Constantinopolim convocat, an. 680. ubi, præsentibus *Agathonis* Papæ Legatis, aliisque, cū Orientis, tum Occidentis Episcopis, Monothelismus, ejusque fautores, interque alios *Honorius* Papa, decretoriā sententiā damnatur: Quam sententiam Edictō quoque confirmavit Imperator, Monothelitis exsilium, aliisque

pœ

CONSTANTIS
Imp. Typus, an.
648.

Concil.
Roman.
contra
Monothelitas, an.
649.

Concil.
Constant.
III. Oecumen.
VI. an.
680. adversus
Monothelitas.

Edictum
CONSTANTINI
Pogonati

pœnas, comminatus. Cùm verò, neque in Concilio Oecumenico V. Sæculô superiori habito, neque in hoc VI. de quo modò diximus, ulli Canones de Disciplina conditi essent, propterea novum Concilium, curâ JUSTINIANI II. Imperatoris, & *Callinici* Patriarchæ, Constantinopoli habitum est an. 692., in turri Palatii *Trullo* dicta, dictum vulgò *Concilium in Trullo*, aut *Quinisextum*, eo quòd Quinti & Sexti quoddam veluti supplementum esset; quò Canones CII. de Disciplina sanciti sunt, & nonnulli quidem Romanis placitis atque usibus contrarii; ut Canon 13. qui Presbyteris, Diaconis, & Subdiaconis conjugatis usum conjugii permittit, solò exceptò sacrarum functionum tempore; ut Canon 36. qui Canonem Chalcedonensem, de æqualibus privilegiis Constantinopolitanæ Sedis cum Romana, confirmat; Item Canon 55. qui jejunium Sabbathi

Imp. contra Monothelitas.

Concilium in Trullo, seu Quinisextum, an. 692.

Ejus Canones Ecclesiæ Romanæ oppositi.

Concilium hoc ab Ecclesia Romana rejicitur.

Propagatio Christianismi hoc Sæculô.

Muhammedismus late diffunditur.

Literarum studia neglecta.

Romæ usitatum interdicit &c.: Unde & huic Concilio, Oecumenico Orientalibus habito, Papa *Sergius* subscribere noluit; neque ab Ecclesia Latina receptum est. Hôc Sæculô, non una in parte Christianum nomen disseminatum est, præsertim apud *Anglo-Saxones, Frisios, Geldros*, aliósque Germaniæ Populos; dum é contrario Muhammedana impietas & principatus, per Arabiam, Syriam, Ægyptum, imò & Persidem, deplorandâ celeritate sese diffunderent. Sed & ipsius Christianismi corruptior indies status erat. Literarum studia Barbarorum irruptiones penè exstinxerant: tantâque erat Virorum doctorum per Occidentales Ecclesias penuria, ut moram suam in conquirendis, quos ad Concilium Constantinopolitanum mitteret Legatis,isque non admodum doctis, hac temporum infelicitate excusaret *Agatho* Papa, suis ad *Constantinum* Imperatorem literis.

Ne-

COMPENDIUM. *Sæculum VII.* 69

Neque sanè , apud eos Scriptores, qui ex hac ætate non multi habentur, quidquam valdè lectu dignum occurrit. Plerique meri exscriptores, nec ingenio, nec doctrina clari. Præcipui, *Isidorus* Hispalensis, *Julianus* Toletanus, *Sophronius* Hierosolymitanus, *Maximus* Abbas, *Johannes Moschus*, auctor *Prati spiritualis*, quæ putida est Fabularum & nugarum Monachalium farrago; &c. Unde non mirum, si Superstitio, ignorantiae comes assidua, paribus augmentis creverit; nec nisi in condendis Basilicis, Monasteriis extruendis atque ditandis, imaginibus, reliquiis, crucibus, vestibis, tonsuris, jejuniis, aliisque idgenus ineptiis, tota fermè horum temporum pietas collocata sit.

Scriptores
Ecclesiastici
Sæc.
VII.

Superstitionis
augmentum.

Summa Capita

SÆCULI VIII.

Res Politicæ Seculi VIII. Imperatorum infausti exitus. Saraceni Hispaniam invadunt. Sub Carolo Martello, Pipino, Carolo M., Franci invalescunt. Origo Controversiæ de Imaginibus. PHILIPPICUS BARDANES Imp. Imagines Conciliorum é Palatio auferri jubet. Constantinus Rom. Episc. easdem Imagines Romæ pingi curat, & Philippico Imp. anathema dicit. Iconoduli, Iconolatræ: Inconomachi, Iconoclastæ. LEO ISAURUS Imp. Iconomachus. Seditiones Constantinopoli in caussa Imaginum. Gregorius II. & III. Rom. Episc. defendunt Imagines, & Leonem Imp. excommunicant. Provinciæ Italicæ ab Imperatore deficiunt. Exarchatus Ra-

COMPENDIUM *Sæculum VIII.* 71.
Ravennatensis eversus, an. 752.
 CONSTANTINUS Copronymus Imp.
Iconomachus. Concilium Constanti-
nopolitanum, Græcis Oecumen. VII.
an 754. contra Imagines. LEO IV.
Imp. Iconomachus. IRENE Impera-
trix Iconolatra. Concilium Nicæ-
num II. Latinis Oecumen. VII. an.
787. pro Imaginibus. Libri CAROLI
M. adversus Imagines. Concilium
Francofurtense, an. 794. contra Im-
agines. Britannia Canones Nicænos
rejecit. Auæta hóc Sæculô Episcopi
Romani potentia. Constantinus Rom.
Episc. pedum osculo exceptus à Jus-
tiniano II. Imp. Zachariæ Rom.
Episc. consilio & auctoritate, Chil-
dericus regno Gallico exuitur, &
Pipinus Rex creatur. Pipinus Ro-
manam Sedem contra Longobardos
defendit. Idem Exarchatum Raven-
natensem. aliásque ditiones, Eccle-
siæ Romanæ donat. Hæ donationes
à Carolo M. confirmatæ & auæta.
Vera origo dominii temporalis Papæ.

Officium Gregorianum, & ritum psallendi Romanum, Carolus M. per Germaniam & Galliam instituit. Carolus M. Leonem III. Pontif. Rom. restituit. CAROLUS M. Imperator renuntiatus an. 800. Præsentia realis Corporis Christi in Eucharistia primum adserta in Conc. Nicæn. II. De processione Spiritûs S. inter Græcos & Latinos disceptari cæpit. Error Felicis & Elipandi. Germanorum multi ad Christum adducti. Bonifacius Archiep. Moguntinus. Saxonum conversio. Scriptores Ecclesiastici Sæculi VIII. Ignorantia. Superstitio.

SÆCULUM VIII.

Res Politicæ Sæc. VIII.

RES Imperil, ut superioribus Sæculis, ita & hoc, non parum adtritæ. Imperatorum Byzantinorum, alii quidem abscissis naribus, (ut JUSTINIANUS II. inde *Rhinomerus* appellatus, qui cum expul-

fus

COMPENDIUM. *Sæculum VIII.* 73

sus à LEONTIO fuisset , decenniô-que in Taurica Cherfoneso relegatus , annô hujus Sæculi quintô Bulgarorum auxiliis restitutus est , sexennio pôst à PHILIPPICO successore trucidandus) alii effossis oculis , alii alia indigna passi , de solio dejecti cernuntur , Saraceni , latè prolatô per Orientem Africâmque imperiô , ipsa quoque Occidentis ultima , Hispaniam nempe , armis tentant , quam penè totam , paucissimis annis , Gothis ereptam , sibi subjiciunt. Dux expeditionis *Tarichus* , cùm in monte ad fretum Gaditanum sito , castra posuisset , locus ille *Ge-
ba!-Tarich* , id est , *mons Tarichi* , inde *Gibraltar* dictus est. Italiam penè omnem , à longo jam tempore , Longobardi tenebant : Eandem , his victis , Franci obtinent ; ereptûsque Græcis Imperatoribus Exarchatus Ravennatensis Romano Episcopo in prædam cedit. Sub *Carolo Martello* , *Pipino* , *Carolo Magno* , mirè in-

Imperatorum in-
fauti exi-
tus.

Saraceni
Hispaniam in-
vadunt.

Sub *Carolo
Martello* ,
Pipino , *Ca-*

relo M.
Franci in-
valescunt.

Origo
 contro-
 versæ de
 Imagini-
 bus.

valescit Francorum nomen, qui novæ Regum stirpis in Gallia, novi Regni Italiæ, novique in Occidente imperii fundamenta ponunt. Hos inter motus, Ecclesiam non alia res magis exercuit, quàm Controversia de Imaginibus, quæ utramque ferè paginam in hujus Sæculi rebus constituit. Cœperat, jam inde ab aliquot Sæculis, Imaginum frequentari in Sacris usus: quæ statim quidem ad ornatum, & rudiorum institutionem comparatæ, mox, pro solito plebis ingenio, ad cultum & venerationem traductæ fuerant. Damnatum quidem id à multis fuerat; quorum alii Imagines prorsus auferri voluerant, ut *Serenus* Massiliensis Episcopus, sub finem Sæculi VI.; alii eas retentas quidem, sed minime cultas voluere, ut *Gregorius I.* Rom. Episc. , suis ad Serenum literis: Sed frustra illi, nec eorum consiliis cohiberi se plebs passa est. Neque solum Imagines Biblicæ, sed &

Ico.

Icones Virorum insignium, Martyrum, Episcoporum, quandoque & Principum, in Basilicis earumque porticibus collocabantur. Quæ cum ita essent, aliquid accidit Sæculò VIII., quod aperto de Imaginibus diffidio ansam præbuit. Occasio nata ex Monothelismo, cui cum fa-
 veret PHILIPPICUS BARDANES, Orientis Imperator, effigiem sextæ Synodi, quâ Monothelitæ damnati fuerant, vel, ut alii narrant, sex Synodorum Universalium, é Palatio, antequàm in illud ingrederetur, auferri iussit. Qua re iratus *Constantinus*, qui tum erat Romanus Episcopus, rejectis Philippici literis, imò & cò diris devotò, effigiem sex Synodorum Universalium in Romana Petri porticu pingendam curavit: Quin &, coactis Italiæ Episcopis, eos omnes qui Sanctis Imaginibus venerationem ab Ecclesia constitutam denegarent, damnavit. Et ab eo quidem tempore, mutatus est sta-

PHILIPPICUS BARDANES Imp. Imagines Conciliorum é Palatio auferri jubet.

Constantinus, Rom. Ep. easdem Imagines Romæ pingi curat, & Philippico Imperatori anathema dicit.

tus

tus quæstionis; neque ampliùs de Monothelismo, sed de Imaginum in Sacris usu ac veneratione disceptari cœpit: Qui eas retinebant ac venerabantur, *Iconoduli*, seu *Icono-*

Iconoduli
Iconola-
træ; Ico-
nomachi.
Iconoclas-
tæ.

LEO I-
SAURUS
Imp. Ico-
noma-
chus.

latræ; Qui verò eas auferri volebant, *Iconomachi* & *Iconoclastæ* vocati sunt. Igitur, LEO ISAVRUS, Orientis Imp. cùm crebrescere magis

magisque Imaginum cultum cerne-
ret, eamque ob causam Christianum nomen apud Judæos & Saracenos malè audire, re cum Episcopis communicatâ, Idololatriam illam abolere constituit; sacrâsque Imagines, tum ex Basilicis, tum in tota passim Urbe, disjici jussit; primùm quidem annò 726. deinde & novò

Seditiones
Constantinopoli
in causâ
Imagi-
num.

Edictò, annò 730. Quod dum fieret, non una plebis coorta seditio est, multique ex Leonis Ministris, dum Imagines diruerent, occisi; in quarum cædium auctores à Leone animadversum est. Cùm verò pro Imaginibus præ cæteris staret *Germa-*

nus

nus, Constantinopolitanus Episcopus, illum Imperator à Sede dimovit, ejusque loco *Anastasium* constituit. Verum acerrimi fautores Imaginum, duo *Gregorii*, II. & III. Pontifices Romani, fuere; qui, cum scriptis ad Leonem literis, ignorantiae & superstitionis plenis, dimovere illum à proposito non possent, anathemate ipsum percusserunt; imò & Romam, ceteramque Italiam, ab obsequio ejus abduxerunt. Id certè referunt Scriptores plerique, cum Græci, tum Latini; quanquam & alii, Pontificum metuentes famæ, illos ab hoc perduellionis crimine absolvunt. Quidquid sit, Italicae Provinciae, quæ Imperatori adhuc suberant, putà Ravennatensis; quæ sedes erat Exarchi, Pentapolitana, Campania, ipsaque Roma, ab eo deficiunt; vestigalia ei pendi solita denegant; Paulum Ravennæ Exarchum occidunt; alios Duces male habent; Neque antè bellorum actum-

Gregorius
II. & III.
Rom.
Episcopi,
defendunt
Imagines,
& Leonem
Imp.
excom-
municant.

Provinciae
Italicae ab
Imperatore
deficiunt.

tu-

Exarcha-
tus Ra-
vennatē-
sis everfus,
an 752.

tumultuum finis fuit, quàm, ever-
fo Exarchatu Ravennatensi, omnis
Græcorum Imperatorum in Italia
principatus planè exstinctus sit. Fac-
tum hoc ab *Aistulpho* Longobardo-
rum Rege, an. 752. dum *CONS-*
TANTINO Imperatori, cognomento
Copronymo, aliis distento bellis, ad
retinendam vel recuperandam Italiam
satis non vacaret. Iste *Constanti-*

CONS-
TANTI-
NUS *Co-*
prony-
nus, *Imp.*
Icono-
machus.
Concil.
Constan-
tin. *Græ-*
cis *Oecu-*
men. *VII.*
an. 754.
contra
Imagines.

nus, Leonis filius atque successor,
paterno fuit in Imagines animo;
Conciliumque Constantinopoli, 338.
Episcoporum, haberi curavit, an.
754. quò, te omni probè expensâ
omnis Imaginum in Sacris usus cul-
tûsque damnatus est: Quod Conci-
lium, rejectum quidem à Latinis,
pro Oecumenico à Græcis habitum
est; ejûsque sententia, quamdiu im-
peravit *Constantinus*, ut & sub *LEO-*
NE ejus filio, semper obtinuit: Do-
nec, mortuò *Leone* an. 780., filiò-
que *CONSTANTINÒ* adhuc impube-
re, *IRENE* Imperatrix, quæ filii no-
mine

LEO *IV.*
Imperator
Icono-
machus.

mine Imperium regebat, de Imaginibus restituendis consilium cepit; cumque in finem, auctore *Tarasio*, quem ex Laïco, contra Canones, Patriarcham fecerat, accedente & *Hadriani I.* Romani Pontificis auctoritate, Concilium Nicænum II. convocavit, annô 787., quô Concilium Constantinopolitanum, de quo diximus, damnatum; cultusque Crucis atque Imaginum (solis exceptis Dei Iconibus, quæ prohibentur) putidissimis rationibus fabulisque adfertus est. Verum Nicænos illos Canones, utut ab Ecclesia Romana adprobatos & commendatos, pars magna Ecclesiarum Occidentalium respuit. Certè illos, non rejecit modò, sed & *Libris IV.* qui sub ejus nomine veniunt, confutavit atque impietatis postulavit *CAROLUS MAGNUS*; Cujus & curâ, *Francofurtensis Synodus* habita est, an. 794., à qua etiam Nicæna decreta confutata ac
rejec.

IRENE
Imperatrix Iconolatra.

Concil.
Nicæn.
II. Latinis
Oecum.
VII. an.
787. pro
Imaginibus.

Libri Caroli M.
adversus
Imagines.

Concil.
Francof.
an. 794.
contra
Imagines.

* * innia
Canones
Nicænos
rejecit.

rejecta sunt. Neque alia Britannicarum Ecclesiarum sententia fuit, teste *Rogero Hovedeno*, aliisque Anglorum Historicis. Unde non mirum, si, Sæculo sequenti, multa iterum, tum in Occidente, tum in Oriente, contra Imaginum cultum gesta sint, quemadmodum suô locô à nobis narrabitur. Non aliô

* Aucla hóc
Sæculó.
Episcopi
Romani
potentia.

Sæculô, plus quàm hóc, lucrati sunt Romani Pontifices: tum studiis Imperatorum Græcorum, qui eorum ambiebant gratiam, quo res suas in Italia nutantes sustentarent;

Constantinus
Rom. Episc.
pedum osculo excep.
tus à Justiniano
II. Imp.

unde accitum Constantinopolim Papam *Constantinum*, inter alia honoris indicia, pedum osculo excepisse dicitur JUSTINIANUS II., primô talis indignitatis superbiæque exemplô: tum scriptis diris, ut dictum modò est, in Imperatores Iconomachos, corúmque ad se tractis juribus: tum denique Francorum favore Regum, quos inter & Romanos Pontifices, mutuis adstricta of-

officiis, necessitudo intercessit. Cum enim Francos tæderet, Regibus intertribus diutius patere, *Pipinúsque*, quem penes erat rerum summa, ad regium quoque nomen adspiraret; consulto hac de re *Zachariá*, eoque auctore; *Childericus* Merovingiorum ultimus, regno exutus, ac in Monasterium trusus, *Pipinus* vero in regem inunctus, an. 752. Atque hinc Pipini studium in Romanam Sedem, quam non modo contra Longobardos, semel atque iterum superatis Alpibus, defendit; sed & Exarchatum Ravennatensem, cæterasque ditiones Imperatoribus Græcis à Longobardis ereptas, Ecclesiæ Romanæ donavit. Quam donationem, non ratam modo habuit, sed &, novis additis ditionibus, ampliorem fecit CAROLUS MAGNUS, post victum nempe *Desiderium*, ultimum Longobardorum regem, regnumque Italiæ sibi subiectum, an. 774. Et hi quidem sunt veri nata-

Zachariæ
Rom. Ep.
consilio
& auctoritate, *Childericus*
regno Gallico
exiit, & *Pipinus*
Rex creatur.

Pipinus
Romanam
Sedem
contra Longobardos
defendit.

Idem Exarchatum
Ravennatensem,
aliasque ditiones
Ecclesiæ Romanæ
donat.

Hæ donationes à
CAROLO MAGNO
confirmatæ & augm.
tæ.

82 HISTORIÆ ECCLESIASTICÆ

Vera origo temporalis dominiî Papæ.

Officium Gregorianum & ritum psallendi Romanum, Carolus M. instituit.

Carolus M. Leonem III. Pontif. Romanum restituit.

Carolus M. imperator re-huntatus an 800.

les temporalis dominiî Romani Pontificis, non verò fictitia illa *Constantini M. donatio*, vel *donatio Alpii Cottiarum*, ab *Ariperto* Longobardorum rege, sub initia hujus Sæculi; quæ commenta à Viris doctis, etiam Pontificiis, pridem explosa sunt. Post hæc, non una in re, gratificatus Romanæ Sedi *Carolus* est, velut cum Officium Gregorianum, ritumque psallendi, per Galliam & Germaniam, more Romano fieri præcepit. Tandem, ex-cunte Sæculô, cum *Leonem III.* Romanum Pontificem malè factiosi habuissent, Carolus, ad quem confugerat, in Italiam rursus venit, cumque in integrum restituit: Cujus in rei mercedem, annô C. 800., ipso Natalis Dominici die, in Basilica D. Petri, à Pontifice Populôque Romano, *Imperator* salutatus est. Fervente lite de Imaginibus, primæ scintillæ erroris Eucharistici ortæ sunt: Cum enim Patres Constan-

COMPENDIUM. *Sæculum VIII.* 83

Constantinopolitani an. 754., inter alia
adversus Imagines, dixissent Chris-
tum non aliam sui imaginem no-
bis reliquisse quàm Eucharistiam,
contrà Nicæni an. 787. negârunt
hanc Christi imaginem, sed ipsum
corpus ipsumque sanguinem esse;
Quæ quidem prima tam absurdi
dogmatis adsertio, non aliis melius
quàm ineptis illis Iconodulis debe-
batur. Coeptum etiâ hoc Sæcu-
lo est, de processione Spiritûs S.
Græcos inter & Latinos discepta-
ri; Græcis Latinos incusantibus,
quòd vocibus illis Symboli, *qui pro-*
cedit à Patre, ipsi propria aucto-
ritate FILIOQUE addidissent: Quæ
quæstio, unâ cum aliis, magno
ac diuturno, Sæculis sequentibus,
inter utramque Ecclesiam dissidio-
ansam præbuit. Denique, sub hu-
jus finem Sæculi, *Felix Urgelita-*
nus & Elipandus Toletanus, in His-
pania Episcopi, docuerunt Chris-
tum, quatenus hominem, adop-

Præsentia
realis
Corporis
Christi
in Euchar.
primum
asserta in
Conc.
Nic. II.

De pro-
cessione
Spiritûs S.

Error Fe-
licis &
Elipandi

tione Dei Filium esse: quæ doctrina, tum in Synodo Ratisponensi an. 792. tum in Francofurtensi an. 794. damnata, nihil amplius barbarum concivit. Adducti hōc Sæculō ad Christi fidem Germanorum non pauci fuere: qua in re, sedulam navavit operam *Winfriidus* Anglus, dictus postea *Bonifacius*, Archiepiscopus Moguntinus, qui Vicarius Romanæ Sedis, & Apostolus Germanorum appellatus est. Conversi potissimum *Saxones* notantur, non tam suasionibus, quàm armis Caroli M.; si tamen verè conversi, qui per vim conversi sunt, dici mereantur. Scriptores Ecclesiastici, pro captu temporum, & bonæ mentis raritate, non incelebres. Inter potissimos, venerabilis *Beda*, cujus inter alia habetur Historia Ecclesiastica gentis Anglorum; *Johannes Damascenus*, magnus Imaginum defensor, qui Libris IV. de Fide Orthodoxa, Theologię

Germanorum multi ad Christum adducti.

Bonifacius Archiepiscopus Moguntinus.

Saxonum conversio.

Scriptores Ecclesiastici Sæc. VIII.

logiæ systema complexus est; *Alcuinus*, sive *Albinus*, cujus operâ Carolus M. plurimum usus est; *Paulus Warnefridi*, vulgò dictus *Paulus Diaconus*, gentē Longobardus, cujus & habetur *Historia Longobardorum*; *Theodulphus Aurelianensis*; *Germanus Constantinopolitanus*, *Andreas Cretensis*; denique omnium illustrissimus *Carolus Magnus*. Ignorantiæ hujus ævi hæc Ignorantia. é multis specimina sunto; quòd crebris caveatur Canonibus, ut Presbyteri discant legere, quòd baptizaverit nonnemo in nomine *Patria, Filia, & Spiritua Sancta*, de cujus baptismi validitate disceptatum est; quòd *Virgilius* quidam, Presbyter Germanus, ob creditos Antipodas damnatus fuerit, Superstitionis in Superstio. Imagines, Cruces, Reliquias, aliæque idgenus, tota hujus Sæculi historia perpetuum documentum est.

Summa Capita

SÆCULI IX.

CAROLUS MAGNUS *Ecclesiæ & Literis favet. Moritur an. 814.* LUDOVICUS PIUS *ei succedit. LEO ARMENUS Orientis Imp. Imagines damnat. Concilium Constantinopoli, an. 814. contra Imagines. MICHAEL BALBUS Imp. Imaginum cultui adversus. Concilium Constantinopoli, sub Michaële Balbo, contra Imaginum adorationem. Legatio Michaëlis Balbi ad Ludovicum Pium, & Romanum Pontificem, de Imaginum caussa. Synodus Parisina sub Ludovico Pio, an. 824. contra Imagines. Doctores Occidentales, præsertim Galli, ab Imaginum cultu abhorrentes. THEOPHILUS Imp. Orient. Imaginum cultui adversus. THODORA Imperatrix*

COMPENDIUM. *Sæculum IX.* 87

trix Imaginum cultum restituit. Concilium Constantinop. pro Imaginibus, an. 842. De Gotteschalco, & Prædestinatiana Controversia. Gotteschalcus damnatus Moguntiae an. 848. & Carisiaci an. 849. Sacerdotio dejectus, & virgis cæsus, Gotteschalchi adversarii atque fautores. Concilium Carisiacense alterum, contra Gotteschalcum, an. 853. Concilium Valentinum contra capitula Carisiacensia, an. 855. Sapiens Ecclesiæ Lugdunensis monitum. Paschasius Radbertus præsentiam realem docet. Multi ejus sententiam refellunt. Ratramni Liber de Corpore & Sanguine Domini. Alii Scriptores à Paschasii sententia alieni. Dissidium inter Orientales & Occidentales in caussa Photii. Ignatius Patriarcha Constantinopolitanus depositus, & Photius electus, an. 858. Concilium Constantinop. an. 861. pro Photio. Nicolaus I. Photium damnat in Concilio Rom. an.

862. Concilium Constantinopolitanum an. 866. contra Nicolaum Papam. Sub BASILIO Macedone, Photius exauctoratur, Ignatius restituitur, an. 867. Concilium Constantinopolitanum, Latinis Oecumen. VIII. an. 869. contra Photium. Novum dissidium inter Græcos & Latinos de Bulgaria. Photius restitutus an. 878. Concilium Constantinop. Græcis Oecumen. VIII. an. 879. pro Photio. Romani Episcopi iterum Photio adversi. Sub LEONE Philosopho, Photius rursus expellitur ac relegatur, an. 886. Dissidii inter Græcos & Latinos continuatio. Capita dissensus inter Græcos & Latinos. De Johanna Papissa. Ausa superba Romanorum Pontificum, spec. Nicolai I. & Hadriani II. Paparum ausis multi obfistunt. De Formoso Rom. Episc. gestisque pro eo & contra eum. Gentēs ad Fidem conversæ. Scriptores Ecclesiastici Seculi IX. Photii Biblio-

COMPENDIUM. *Sæculum IX.* 89
bliotheca & Nomocanon. Pseudo-
Decretales veterum Paparum. Pro-
bationes criminum ineptæ.

SÆCULUM IX.

CAROLUS MAGNUS, octingentesi-
mò Christi annò, ut dictum su-
perius est, Imperatoris ornatus titu-
lo, Ecclesiæ reique literariæ favere
non destitit, erectis passim Ecclesiis,
Scholis fundatis, coactis Synodis,
editisque *Capitularibus*, (sic Edicta
Regum ac Imperatorum, potissimum
Ecclesiastica, vocabantur) quorum
multa ad Ecclesiæ decus, & Disci-
plinæ instaurationem pertinebant. Has
inter curas, Aquisgrani diem obiit
extremum, an. C. 814. ætatis 71.
regni 47. imperii 14. hæredemque
Gallici regni, imperiique Occiden-
talis LUDOVICUM PIUM reliquit, qui
turbatissimis licet rebus, nec unâ filio-
rum defectione, non pauca etiam
de Ecclesiæ rebus constituit. Hujus

CAROLUS
MAGNUS
Ecclesiæ &
Literis fa-
vet.

Moritur
an. 814.

LUDOVICUS
PIUS
ei succe-
dit.

F 5 tem-

862. Concilium Constantinopolitanum an. 866. contra Nicolaum Papam. Sub BASILIO Macedone, Photius exauetoratur, Ignatius restituitur, an. 867. Concilium Constantinopolitanum, Latinis Oecumen. VIII. an. 869. contra Photium. Novum dissidium inter Græcos & Latinos de Bulgaria. Photius restitutus an. 878. Concilium Constantinop. Græcis Oecumen. VIII. an. 879. pro Photio, Romani Episcopi iterum Photio adversi. Sub LEONE Philosopho, Photius rursus expellitur ac relegatur, an. 886. Dissidii inter Græcos & Latinos continuatio. Capita dissensus inter Græcos & Latinos. De Johanna Papissa. Ausa superba Romanorum Pontificum, spec. Nicolai I. & Hadriani II. Paparum ausis multi obfistunt. De Formoso Rom. Episc. gestisque pro eo & contra eum. Genes ad Fidem conversæ. Scriptores Ecclesiastici Sæculi IX. Photii Biblio-

COMPENDIUM. *Sæculum IX.* 89
bliotheca & Nomocanon. Pseudo-
Decretales veterum Paparum. Pro-
bationes criminum ineptæ.

SÆCULUM IX.

CAROLUS MAGNUS, octingentesi-
 mō Christi annō, ut dictum su-
 periùs est, Imperatoris ornatus titu-
 lo, Ecclesiæ reique literariæ favere
 non destitit, erectis passim Ecclesiis,
 Scholis fundatis, coactis Synodis,
 editisque *Capitularibus*, (sic Edicta
 Regum ac Imperatorum, potissimum
 Ecclesiastica, vocabantur) quorum
 multa ad Ecclesiæ decus, & Disci-
 plinæ instaurationem pertinebant. Has
 inter curas, Aquisgrani diem obiit
 extremum, an. C. 814. ætatis 71.
 regni 47. imperii 14. hæredemque
 Gallici regni, imperiique Occiden-
 talis LUDOVICUM PIUM reliquit, qui-
 turbatissimis licet rebus, nec unâ filio-
 rum defectione, non pauca etiam
 de Ecclesiæ rebus constituit. Hujus

CAROLUS
 MAGNUS
 Ecclesiæ &
 Literis fa-
 vet.

Moritur
 an. 814.

LUDOVICUS
 PIUS
 ei succe-
 dit.

F 5 tem-

LEO AR-
MENUS
Imp. O-
rient.
Imagines
damnat.
Concil.
Constan-
tin. an.
814. con-
tra Imagi-
nes.

MICHAEL
BALBUS
Imp. Ima-
ginum
cultui ad-
versus.

Concil.
Constan-
tin. sub
Michaële
Balbo,
contra
Imagi-
num ado-
rationem.

tempore, LEO ARMENUS, Orientis
Imp. Imaginibus adversum se præ-
buit, Synodumque Constantinopoli
annô labente 814. quâ Nicæna II.
damnata est, haberi curavit; Qui
autem parere nollent, interque alios
Nicephorum Patriarcham, & *Theodo-
rum Studitam*, acerrimos Imaginum
defensores, loco movit, atque in
exilium pepulit. Leoni Armeno
successit MICHAEL BALBUS, qui
quanquam ab Imaginum abhorrens
cultu, mitius tamen hoc negotium
tractavit, revocatis exsulibus, relic-
tâque singulis judicii libertate: In-
terim ritus superstitiosos, omnem-
que aded Imaginum cultum, emen-
dari voluit; habitô Conciliô, quo
statutum est, ut Imagines nonnisi
in locis sublimioribus collocarentur,
ubi *pictura loco scripturæ esset*, ne
scilicet *ab ignavis atque infirmis ado-
rarentur*, néve *lucernas eis accende-
rent*, aut *incensum adolerent*. Quin-
imò misit hac de re Michaël Lega-
tos

tos ad Ludovicum Pium, nec non & ad Romanum Pontificem, qui tum erat *Eugenius II.* ut negotium hoc, communi consensu, in Occidente simul & Oriente, conficeretur. Quæ legatio cum ad Ludovicum pervenisset, hic *Freculphum* & *Adegarium* statim Romam misit, qui de negotio illo, juxta Imperatoris Græci sententiam, cum Episcopo Romano agerent. At cum Romæ nihil proficerent, hoc saltem petierunt à Papa, ut Ludovico liceret, *unà cum suis Episcopis, tantæ rei veritatem familiariter quærere.* Quô impetratô, Ludovicus Pius doctissimos Galliarum Præsules Lutetiam convocat, sub finem an. 824. qui, re maturè ponderatâ, Epistolam ad Ludovicum & Lotarium scribunt, quâ docent, se nolle quidem auferri Imagines, quod Synodus Constantinopolitana sub Copronymo jusserrat, sed & vicissim à superstitionis carum adoratione, qualis Nicææ statuta

Legatio
Michaëlis
Balbi ad
Ludov.
Pium, &
Rom.
Pontif.,
de Imagi-
num cau-
sa.

Synodus
Parisina
sub Ludo-
vico Pio,
an 824.
contra
Imagines.

tuta fuerat, abhorrere, cuius *superstitionis pestis*, sic ipsi loquuntur, *partim ignorantia, partim pessimæ consuetudinis usu*, in Ecclesia Romana inoleverat. His acceptis, Ludovicus Pius novos Legatos Romam mittit, *Jeremiam* nempe Senonensem, & *Jonam* Aurelianensem Episcopos, qui Præfulum Gallorum sententiam Pontifici renuntient, ejusque consensum, ad rem cum Græcis conficiendam, postulent. Verum quis fuerit, tum legationis illius ad Papam, tum alterius ad Imperatorem Græcum, successus, ignoratur. Hoc certum, viros doctissimos illius ætatis, in Gallia præsertim, putà *Agobardum* Lugdunensem, *Claudium* Taurinensem, *Jonam* Aurelianensem, *Hincmarum* Rhemensem, *Amalarium*, *Dungalum*, aliósque, à colendis Imaginibus penitus abhorruisse; nec nisi ferò, ac post plura Sæcula, cultum illarum in Galliam Germaniamque introductum esse. In Orien-

Doctores
Occiden-
tales,
præf. Gal-
li, ab Ima-
ginum
cultu ab-
horrentes.

te pariter, tum sub MICHAELE BALBO, tum sub filio ejus THEOPHILO, cultus proscriptus Imaginum fuit. At, mortuô Theophilô, an. 842. filiôque MICHAELE adhuc impubere, THEODORA hujus mater, quæ Imperium administrabat, ad restituendas Imagines statim se accinxit; pulso Johanne Patriarchâ, qui Imaginibus adversabatur, electôque qui eis faveret *Methodiô*; simulque habitô Conciliô, quô Imaginum cultus, haud amplius in Oriente abolendus, definitus est: Ut pateat, muliebri ineptiæ, *Irenes* quidem primum, tum & istius *Theodoræ*, supersticiosas illas sanctiones acceptas referendas esse. Post hanc litem, alia non una Ecclesiam, cùm Occidentalem, tum Orientalem, exercuit. *Gotteschalco*, Orbacensis in diœcesi Sueffionensi Monachus, cùm Augustinianam de Prædestinatione sententiam, crudiùs quàm fieri solebat, proponeret, negans velle Deum

THEOPHILUS
Imp. Imaginum cultui adversus.

THEODORA Imp.; Imaginum cultum restituit.

Concil. Constant. pro Imaginibus, an. 842.

De Gotteschalco, & Prædestinationiana Controversia.

omnes salvos fieri, docensque alios à Deo prædestinatos ad vitam, alios prædestinatos ad interitum, adeoque illos damnari, hos servari non posse, in gravissimas, non censuras modò, sed & pœnas, incurrit; primum quidem damnatus à *Rabano Mauro*, Archiepiscopo Moguntino, & Concilio Moguntinæ habito, an. 848. deinde & ab *Hincmaro* Rhemeni, *Rhotado* Sueffionensi, aliisque ejusdem diœceseos, in Concilio Carisiacensi, an. 849. ubi & sacerdotio exutus, virgis cæsus, ac Monasterio inclusus fuit. Quò tamen judiciò, neque ille à sententiâ dimotus, neque controversiæ finis allatus est. Plurimi quippe Viri docti illorum temporum circa hanc materiam stylum strinxerunt; alii quidem contra Gotteschalcum, ut *Rabanus Maurus*, *Hincmarus* Rhemeni, *Amulo* Lugdunensis, *Johannes Scotus Erigena*, & Carisiacensis Synodus altera, an. 853.; alii pro Got-

Gotteschalcus
damnatus
Moguntinæ
an. 848.;
& Carisiaci,
an.
849.

Sacerdotio
dejectus,
& virgis
cæsus.

Gotteschalchi
adversarii
atque fau-
tores.

Concil.
Carisiac.
an. 853.

tes-

teschalco, vel cum saltem excusan-
tes, aut ad eum accedentes, ut *Ra-*
tramnus Monachus Corbeiensis, *Pru-*
dentius Tricassinus Episcopus, *Re-*
migius Lugdunensis, *Florus* Diaco-
nus, *Lupus Servatus* Ferrariensis Ab-
bas, & Concilium Valentinum an.
855., quo Augustini doctrina san-
cita, & Carisiacensia capitula re-
jecta sunt. Qua quidem in lite,
aliisque similibus, ut id obiter ob-
servemus, sapissimè de vocibus, po-
tius quàm de rebus, disceptatum
est: vel, si quod fuit in rebus dif-
fidium, profectò tanti non erat, ut
Ecclesiæ pax turbaretur, seque alii
alios hæreticorum loco haberent,
quemadmodum ab Ecclesia Lug-
dunensi, in sua Carisiacæ Synodi
censura, sapienter monitum est. Alii
Controversiæ, circa eadem tempo-
ra, ansam præbuit *Paschasius Rad-*
bertus, Corbeiensis in Picardia Cœ-
nobii primùm Monachus, deinde &
Abbas, scriptò Librò *de Sacramento*

contra
Gottesc-
chalcum.

Concil.
Valentin.
an. 855.
contra ca-
pit. Cari-
siac.

Sapiens
Ecclesiæ
Lugdun-
ensis mo-
nitum.

Paschasius
Radbertus
præsen-
tiam rea-
lem do-
cet.

Cor-

Multi
ejus sen-
tentiam
refellunt.

Ratramni
Liber de
Corpore
& Sangu-
ine Domi-
ni.

Corporis & Sanguinis D. N. I. C. ;
quò cum doceret, eandem Christi
carnem, quæ nata est de Maria, &
passa ih cruce, & resurrexit, non
in figura, sed verè ac realiter in
Sacramento adesse, non potuit non
sententia illa, ut à Ratione & Scrip-
tura, ita & ab Antiquitate planè
abhorrens, rejici à multis atque im-
probari. Certè adversus illam scrip-
sere *Rabanus Maurus*, *Johannes Sco-
tus Erigena*, omnium verò princeps
Ratramnus, sive *Bertramus*, Mona-
chus Corbeïensis, qui consultus hac
de quæstione ab Imperatore CARO-
LO CALVO, Librum *de Corpore &
Sanguine Domini*, huic Principi in-
scriptum emisit; quò novitiâ Pas-
chasii sententiam, quanquam sup-
pressò illius nomine, ita adgredi-
tur atque refellit, ut pateat, Pon-
tificios, qui vel aliam ei affingunt
mentem, vel eum librum Ratramno
abjudicant, misère vitilitigari atque
operam perdere. Sed nec alii Scrip-
tores

tores defunt, hac ætate celeberrimi, qui de Eucharistia aliter planè quàm Paschasius sentire videntur, ut *Hatto* Episcopus Basileensis, *Heribaldus* Altissiodorensis, *Amalarius* Diaconus Metensis, *Walafridus Strabo*, *Drutmarus*, *Fiorus* Diaconus, aliique: Paschasiumque omnium primum, de hoc argumento, juxta genuinum hodiernæ Ecclesiæ Romanæ sensum scripsisse, à *Bellarmino* & *Sirmondo* ingenuè agnoscitur. Verùm litem nullam graviorem nec diuturniorem vidit hæc ætas, eâ quæ Græcos inter & Latinos, in causa *Photii*, excitata est. Scilicèt, imperante *Michaële* Theophili filiò, cùm *Ignatius* Constantinopolitanus Patriarcha, *Bardæ* Cæsaris auctoritate, loco motus esset, *Photius* verò, vir doctissimus, & Politicis muneribus clarus, in ejus locum subrogatus, an. 858., illudque judicium in Concilio Constantinopolitano an. 861., præsentibus ac subscribentibus Romanæ Se-

Alii Scrip-
tores à
Paschasii
sententiâ
alieni.

Diffidiunt
inter Ori-
entales &
Occid. in
causa *Pho-*
iii.

Ignatius
Patriar.
Constant.
depositus,
& *Photius*
electus an.
858.

Concil.
Constant.
an.
861. pro
Photio.

98 HISTORIÆ ECCLESIASTICÆ

dis Legatis, confirmatum esset, *Nicolaus I.* Rom. Episc., vir supra modum superbus, & proferendæ suæ Sedis auctoritati unicè intentus, ab Ignatio interpellatus, hujus partes suscepit; habitôque Romæ, Conciliô an. 862. Photium cum omnibus adseclis damnavit. Hinc literæ acerbissimæ, tum Michaëlis Imp. ad Nicolaum, tum Nicolai ad Michaëlem, nec non & Concilium Constantinopoli à Photio habitum, an. 866.; quô Nicolaus vicissim damnatus, & anathemate percussus est. Inter hæc, magna fit rerum in Oriente conversio; BASILIO MACEDONE Imperium adeptô, an. 867.; à quo statim Photius depositus, Ignatius restitutus est: Quod judicium ut esset solemnius, Concilium Constantinopoli ab Imperatore convocatum est, an. 869., quod Occum. VIII. apud Latinos numeratur, quô, præsentibus imò & præfidentibus Episcopi Romani Legatis, qui

Nicolaus I.
Rom. Ep.
Photium
damnat in
Concil.
Rom. an.
862.

Concil.
Constant.
an. 866.
Contra
Nicolaum
Papam.

Sub BA-
SILIO Ma-
ced. Pho-
tius depo-
nitur,
Ignatius
restitui-
tur, an.
867.

Concil.
Constant.,
Latinis
Occum.
VIII. an.
869. con-
tra Pho-
tium.

qui tum erat *Hadrianus II.*, Photii
 abdicatio, Ignatii verò restitutio
 confirmata est: Quo in Concilio,
 id singulare fuisse memorant, quòd
 ei non nudo atramento, sed tinctis
 calice Eucharistico pennis subscripse-
 rint. Et tunc quidem pax Græcam in-
 ter & Latinam Ecclesiam erat: Verùm
 illa brevis ævi fuit; Etenim, eò ipso
 tempore, novum rursus inter utram-
 que de Bulgaria dissidium exarsit;
 cujus Ecclesias dum Patriarcha
 Constantinopolitanus sui juris esse
 contenderet, contra Romani Epif-
 copi vehementer intercessere, ut-
 que illas suæ Sedi subjicerent, ni-
 hil omisere. Dum hæc ita essent,
 mortuò Ignatiò, an. 878., Photius
 restituitur; non invitò *Johanne VIII.*
 Romano Episcopo, qui eum statim
 pro legitimo Patriarcha habuit; unde
 & Concilio Constantinopolitano sub
 Photio habito an. 879., Græcis Oe-
 cumenico VIII., Papæ Legati in-
 terfuerunt. At brevi post, mutata

Novum
 dissidium
 inter Græ-
 cos & La-
 tinos de
 Bulgaria;

Photius
 restitutus
 an. 878.

Concil.
 Constant.
 Græcis
 Oecum.
 VIII. pro
 Photio,
 an. 879.

Romani
Episcopi
iterum
Photio
advers.

Sub LEO-
NE Philof.
Photius
rursus ex-
pellitur ac
relegatur,
an. 886.

Diffidii
inter Græ-
cos & La-
tinos con-
tinuatio.

sententiâ, Johannes rursus in Pho-
tium insurgit; missôque Constanti-
nopolim *Marinô*, se gesta prius con-
tra Photium antiquare nolle decla-
rat; qui Marinus ab Imperatore in
carcerem coniectus est; mox libe-
ratus, Romamque reversus, mortuô
Johanne Papatum obtinuit, Photii-
que damnationem confirmavit. Se-
xennio post, Basilio Imperatori fa-
tis functo successit filius ejus LEO
PHILOSOPHUS, qui Photium ite-
rum exauctoravit, atque in Arme-
niam relegavit, ubi non multo post
mortuus est. Verum ne sic quidem
vulnus inter utramque Ecclesiam
diductum coaluit: Cum enim Ro-
mani Pontifices, Photio dejecto non
contenti, eos omnes præterea, quos
Photius ordinaverat, deponi vellent,
id pati Græci noluere: Hæcque
caussa, unâ cum variis circa doc-
trinam ac ritus diffidiis, ei ortum
dedit Schismati, quod ad hunc us-
que diem perdurat. Capita dissen-
sus

COMPENDIUM. *Sæculum IX.* 101

fus (præter causam Photii, & rem Bulgarorum) isthæc memorantur

Capita
dissensûs
inter Græ-
cos & La-
tinos,

1. de processione Spiritûs Sancti;
2. de jejunio Sabbathi, Romæ usi-
tato; 3. de duratione jejunii qua-
dragesimalis; 4. de barbis Sacerdo-
tum Latinorum rasis; 5. de lege
Cœlibatûs; 6. de chrismatione fron-
tis in Baptismo; 7. de Diaconis ad
Episcopatum admissis; 8. de aquæ
communis, loco chrismatis, usu;
9. de agno consecrato in Festo Pas-
chali; 10. de primatu Ecclesiæ Ro-
manæ. Quid verò, de his aliisque,
actum postea fuerit, suo quidque
loco narrabimus. Ad hujus Sæculi
medium pertinet celebris illa *Johan-*
næ Papissæ historia, dicam an fabula,
quæ, sub nomine *Johannis VIII.*,
inter *Leonem IV.* & *Benedictum III.*
interjicitur: Quæ quidem narratio
à quamplurimis Romanarum partium
Scriptoribus, iisque non obscuris at-
que é trivio, sed muneribus & fa-
ma conspicuis, Monachis, Episco-

De *Johanne*
næ Papissæ

pis, Archiepiscopis, per quingentos fermè annos ante Reformationis ævum, tradita literis & credita apparet, sed quam tamen, veri studio ducti, cum Chronologicis Historicisque rationibus stare non posse ingenuè agnoscimus. Utinam certiora non essent, quæ de Romanorum ausis Pontificum, speciatim de *Nicolao I. & Hadriano II.*, omnia ad se trahentibus, Canones posthabentibus, Acta Synodorum pro lubitu rescindentibus, Episcopos per totum Orbem instituentibus ac destituentibus, cum Regibus atque Imperatoribus superbissimè se gerentibus, hoc Sæculo memorantur. Verùm non deerant, cum in Oriente, quemadmodum jam vidimus, tum etiam in Occidente, qui ausis illis strenuè obsisterent: in Gallia quidem præ cæteris *Hincmarus* Rhemensis, cui Gallicana Ecclesia hoc nomine plurimum debet; in Germania quoque non pauci, ut *Guntherius* Colo-

Ausa superba Romanorum Pontificum, spec. *Nicolai I. & Hadriani II.*

Paparum ausis multi obsistunt.

Ionienſis & *Theutgaudus* Trevirenſis Archiepiſcopi, qui cùm depoſiti à *Nicolao* & excommunicati eſſent, diras illas in ipſius caput vividiffimò reſponſo retorſerunt. Sub extrema Sæculi, *Formoſus*, ex Portuenſi Romanus factus Epifcopus, ambigua admodum apud ſucceſſores famæ fuit: Mortui ſiquidem cadaver, juſſu *Stephani VI.*, tumulo extractum, ſacriſque exutum veſtibus, ac tribus digitis mutilatum, in Tiberim projectum eſt: Quæ Acta poſtmodum à *Johanne IX.*, aliifque Papis, reſciſſa ſunt. Succis ac Danis, curâ *Anſcharii* Hamburgienſium & Bre-menſium Epifcopi; Sclavonicis gentibus, Bohemis præſertim atque Moravis, curâ *Conſtantini* atque *Methodii*; Bulgaris, rege *Bogori*, ac præcone ipſius ſorore, Chriſtiana Fides innotuit; ſed, ut erant tempora, ſuperſtitionibus erroribufque inquinata. Non deſuiſſe hac ætate, claros, pro temporum captu, Scriptores,

De *For-*
moſ. Rom.
Epifc. geſ-
tiſque pro
eo, & con-
tra eum.

Gentes
ad Fidem
converſæ.

Scripto-
res Eccle-
ſiaſtici.
Sæc. IX.

cum in Oriente, tum in Occidente, ex narratis abundè liquet. Inter Græcos, doctrinâ, labore, criticâ, que etiam solertiâ, omnium facilè Princeps *Photius*, teste ejus *Μυριοβιβλος*, seu *Bibliotheca*, quâ 280. veterum Scriptorum, magna jam parte perditorum, excerpta nobis servavit, & *Nomocanone*, seu Canonum Ecclesiasticorum collectione, variisque Epistolis. In Latinis, præter memoratos, *Eginartus*, *Anastasius* Bibliothecarius, *Ado* Viennensis; &c. Extollendis Pontificum juribus, hóc Sæculò fabricatæ sunt, certè hóc Sæculò primùm productæ, veterum Pontificum *Pseudo-Decretales*, quæ sub *Isidori Mercatoris* nomine veniunt, Probationes per aquam frigidam, vel ferrum candens, vel singulare certamen, vel alia ejusdem generis, non ultimum, inter hujus Sæculi ineptias, locum merentur,

Photii Bibliotheca,
& *Nomocanon*.

Pseudo-Decretales veterum Paparum.
Probationes criminum inep-
te.

Summa Capita

SÆCULI X.

Decimi Sæculi facies horrida. Romani Pontifices scelestissimi. Acta pro & contra memoriam Formosi. Papæ se mutò expellentes. Meretrices Romæ dominantes. Sergius III. Lando. Johannes X. Hugo, puer quinquennis, in Archiepiscopum Rhemensem electus. Johannes XI. ΟΥΘΟ Magnus Imp. Johannis XII. scelera. Johannes XII. & Leo VIII. simul Papæ. Leo VIII. & Benedictus V. simul Papæ. Leonis VIII. decretum memorabile in gratiam Imperatoris. Johannes XIII. à Romanis expellitur, ab Othone restituitur. Benedictus VI. strangulatus à Bonifacio VII. qui & fame enecat Johannem XIV. Gregorius V. Johannes XV. Antipapa.

G s

pa.

pa. Sylvester II. antea Gerbertus dictus. De quartis Nuptiis LEONIS PHILOSOPHI Imperatoris. De Theophylacto, Constantinopolitano Patriarcha indigno. De Arnulpho Archiepiscopo Rhemensis. De divorzio Roberti Francorum Regis & Bertæ. Conversiones ad Christianam Fidem, Normannorum, Danorum, Polonorum, & Moschorum. Summa hęc Sæculi ignorantia & morum depravatio. Errorum ac Superstitionum progressus. Baptismus campanarum. Canonizationis Sanctorum origo. Probationes criminum ridiculæ. Ordo Cluniacensis institutus, an. 910. Scriptores Ecclesiastici Sæculi X.

SÆCULUM X.

Decimi
Sæculi fa-
cies horri-
da.

SÆculi decimi ita horrida deformis-
que facies fuit, ob tetram
ignorantiam, morisque perditissi-
mos, ut *obscurum* atque *infelix*, fer-

reum.

reum & plumbeum vulgò appelletur. Certè plurimos Romanorum Pontificum, non homines fuisse, sed monstra, adèd in omne libidinum ac scelerum genus ruebant, apud omnes, etiam causæ Pontificiæ additissimos; in confesso est. Nam, ut res *Formosi* mittamus, cujus memoria à *Stephano VI.* damnata, à *Johanne IX.* restituta, à *Sergio III.* qui *Formosi* quondam æmulus fuerat, nigro iterum calculo notata; ut mittamus etiam Pontifices quosdam, non ambitu modò, occultisque artibus, sed apertâ vi sese expellentes, *Leonem V.* quadragesimò Pontificatûs die à *Christophoro* in vincula coniectum, *Christophorum* non multò post à *Sergio* expulsum, atque in monasterium trusum; quis ignorat, illis temporibus, imò & magna hujus Sæculi parte, impudentissimas meretrices, *Theodoram* matrem, & *Marosiam* ac *Theodoram* filias, maximam Romæ totâque Italiâ

Romani Pontifices scelestissimi.

Acta pro & contra memoriam *Formosi*.

Papæ se mutuo expellentes.

Meretrices Romæ dominantes.

liâ

Sergius
III.

Landone.

Johannes
X.

liâ auctoritatem habuisse, adeò ut res Ecclesiæ pro lubitu administrarent, Episcopatus quibus vellent assignarent, denique ad ipsum Papatûs culmen, suos clientes, amasios, filiosque nothos, eveherent? Et ex Marosia quidem *Sergius III.* filium habuit, qui & postmodum Papa fuit *Johannes XI.* Haud multò post, à *Landone* Pontifice *Theodora* obtinuit, ut *Johannes* quidam ipsius amasius, primò Bononiensis Episcopus, deinde & Ravennatensis Archiepiscopus crearetur, qui & mox, mortuò *Landone*, ejusdem favore mulieris Papa creatus est, dictusque *Joannes X.* Is rei bellicæ quàm religionis studiosior fuit, & ad bellum contra Saracenos Italiæ molestos processit: Verùm, quem meretrix promoverat, eum altera meretrix dejecit, Marosia nempe, ejusque maritus *Wido*, Marchio Tusciæ; quorum jussu, in vincula conjectus, & faucibus cervicali occlu-

clusis suffocatus est. His temporibus, quàm nulla fuerit Ecclesiasticæ disciplinæ ratio, vel ex hoc æstimare licet, quòd in puerum necdum quinquennem, *Hugonem* nempe Heberti Comitis Veromanduorum filium, Archiepiscopatus Rhemensis collatus sit; rem adprobantibus, tum Rege Gallorum, tum etiam Johanne Papa: Quæ tamen electio magnis postmodum tumultibus ansam præbuit. Aliquot pòst annis, Marosia, pro absoluta quâ pollebat auctoritate, pudendum illum filium, quem ex Sergio Papa susceperat, nonnisi 24. vel 25. annos natum, Papam instituit; qui se dixit *Johannem XI.* Sed Albericus; filius & ipse Marosiæ, Hugoni Italiæ Regi, cui Marosia Widone mortuò nupserat, infensus, hunc quidem Roma expulit, Marosiam verò matrem, fratremque uterinum Johannem Papam, in carcerem conjecit; ubi iste post aliquot annos mortuus est. Verum

Hugo, puer quinquennis, in Archiep. Rhemensem electus.

Johannes XI.

om.

Johannes
XII.

omnium, quos hæc ætas tulit, indignorum Pontificum, turpitudinem atque infamiam superavit *Johannes XII.* dictus antè *Octavianus*, Albertici filius, & Marosix nepos, annò ætatis 17. vel 18. quidam & dicunt 12. ad Pontificatum evectus. Is,

OTHONE
MAGNUS
Imp.

cùm OTHONI Germaniæ Regi (cui *Magno* inditum cognomen) solemnî sacramento sese obstrinxisset, imò & coronam Imperatoriam ei imposuisset, statim digressò Othone, rebellis in eum ac perjurus fuit. Quamobrem reversus Otho, Concilium

Johannis
XII. sceler.

Episcoporum Romæ coëgit, in quo nefarius ille Pontifex, cùm citatus haud compareret, immanium postulatus scelerum, putà libidinum, incestuum, crudelitatum, sacrilegiorum, fidem omnem superantium, denique perjurii ac perduellionis, Pontificatu dejectus est, ejusque loco substitutus *Leo VIII.* Cui judicio, quanquam justissimo, Romani tamen non subscripsêre; sed post

Johannes
XII. &
Leo VIII.
simul Pa-
px.

Otho-

Othonis discessum, Leone expulsô, Johannem, qui largitionibus amicos sibi pepererat, revocârunt: At is divinam non diu effugit ultionem; nam brevi pòst cum adultera in lecto deprehensus, ictu ad tempora inflicto necatus est, an. 964. Exstinctô illô, nihil veriti Imperatorem Romani, Leonem omittere pergunt, novúmque Pontificem *Benedictum V.* sibi creant: Verùm, obsessâ ab Othone Româ, Romanisque fame ad deditionem adaçtis, Benedictus Papatu cessit, rediitque *Leo VIII.* Qui, partim gratô in Othonem animô, partim præteritorum experientiâ ac tædiô tumultuum, Othoni ejúsque successoribus, jus eligendi successorem in Regno Italiæ, & confirmandi Romanum Pontificem, dandæque Episcopis investituræ, solemni Decreto concessit: Exstat Decretum hoc apud Gratianum; cui & aliud ab Historicis quibusdam adjungitur, de redditis Imperatoris

*Leo VIII.
& Benedictus V. si-
mul Papæ.*

*Leonis VIII. de-
cretum memora-
bile in gratiam Imperato-
ris.*

ditionibus omnibus, quas Pipinus, Carolus M. vel alii Principes, Ecclesiæ Romanæ donaverant. Quidquid sit, mortuô Leone, consultôque circa successoris electionem Imperatore, *Johannes* Narniensis Episcopus in Pontificem eligitur; qui cum durius Romanos haberet, ab iis in carcerem truditur, deinde in Campaniam relegatur; donec reversus in Italiam Otho revocari Johannem curavit, ejusque expulsores Romanos Magistratus pœnis affecit. In sequentibus, *Benedictum VI.* strangulatus à *Bonifacio VII.* Romanamque invadit sedem: At cum Romanos parùm sibi faventes haberet, expilatis Ecclesiæ thesauris, Constantinopolim se recipit; ejusque loco *Benedictus VII.* sufficitur, huic *Johannes XIV.* quem Bonifacius redux comprehensum fame enecat; ipse post paulò mortuus; cumque exosus omnibus esset, ejus cadaver à plebe per vicos tractum, lan-

Johannes
XIII.

A Romanis expellitur.

Ab Othone restituitur.

Benedictus VI. strangulatus à *Bonifacio VII.* qui & fame necat.

Johannem
XIV.

lanceisq̃ue confossum, vix tandem à suorum quibusdam sine honore terræ mandatum est. Sub extrema Sæculi, *Bruno*, Sueviæ ducis filius, Othonis M. ex filia pronepos, in Pontificem eligitur, noménque assumit *Gregorii V.* Is expulsus à Cres-

*Gregorius
V.*

centio, qui se Romæ dominum gerebat; eique *Johannes XV.* subrogatus. Sed redux Imperator Crescentium suo cum Papa in vincula conjicit, Gregoriúmque restituit. Tandem, hoc defuncto an. 999. *Gerb-*
bertus, primò Rhemensis, deinde Ravennatensis Archiepiscopus, Romanæ Sedi admovetur, assumptò *Sylvestri II.* nomine; vir supra Sæculi caprum eruditus, atque ob Matheſeos peritiam Magiæ infimulatus; qui cum multa liberè admodum contra Romanam Ecclesiam dixisset, dum Rhemensis Antistes esset, factus Papa stylum mutavit, atque in extollendo suæ Sedis culmine haud segnis fuit. Et hæc qui-

*Johannes
XV. Anti-
papa.*

*Sylvestri II.
antea Ger-
bertus dictus.*

H

dem

dem de Romana Ecclesia : Apud
cæteras, vix quidquam memoria dig-

De quartis
Nuptiis
LEONIS
PHIL.
Imp.

num occurrit. Ineunte Sæculô ,
LEO PHILOSOPHUS , Orientis Imp:
cùm ex tribus quæ ipsi fuerant uxo-
ribus filium nullum suscepisset , mas-
culæ prolis desiderio quartam *Zoën*
nomine duxit : At , cùm quartæ
nuptiæ Canonibus Orientalium Ec-
clesiasticis prohiberentur , huic con-
jugio *Nicolaus* Patriarcha adversa-
tus est ; cùmque precibus nihil pro-
moveret , Imperatorem à sacris re-
movit. Imperator vice versâ *Ni-*
colaum exaudivit , atque in exi-
lium pepulit ; ejusque loco *Euthy-*
mius constituit. Mortuô Leone ;
Euthymius ejectus , *Nicolaus* resti-
tutus est ; novôque decretô , quar-
tæ nuptiæ , imo & secundæ ac ter-
tiæ damnatæ sunt. Mediô Sæculô ,

De Theo-
phyllasto
Constanti-
nopol.
Patriar-
cha indi-
gno.

Theophylactus , ROMANI Imperatoris
filius , vix sedecim natus annos ;
Patriarchatum Constantinopolitanum
præter meritum adeptus , indignissi-
mè

mè gessit, sacra omnia vendens; nec nisi equis ac venationibus deditus; adeò ut narrent, eum aliquando, die solemni Coenæ Dominicæ, magnæ quintæ antepaschalis, (h. e. die Jovis ante Pascha) cum ipse in Pontificalibus sacris operaretur, nuntiatio equæ quam deperibat partu, solemnia abruptisse Sacra, ut ad equæ partum accederet, mox confectò pullò ad absolvenda Sacra rediisse. Apud Gallos, sub Sæculi finem, duæ lites non ignobiles in Ecclesia visæ sunt. Altera circa *Arnulphum*, Archiepiscopum Rhemensem, Lotharii regis ex concubina filium, adeoque ex posteris Caroli M., qui cum perduellionis adversus Hugonem Capetum, traditæque Carolo Lotharingo patruo suo Rhemorum urbis insimularetur, à Concilio Episcoporum suæ provinciæ exauctoratus est, *Gerbertus* verò in ejus locum suffectus: Verùm judicio illi, titut Canonico, Romani Pontifices

De *Arnulpho*
pho Ar-
chiep.
Rhemenfi.

Johannes XV. & Gregorius V. intercessere; quorum auctoritate, summotò Gerbertò, Arnulphus restitutus est: Et hac quidam occasione Gerbertus, (is qui postmodum fuit Papa *Sylvester II.*) vividè admodum contra Ecclesiam Romanam scripsit, quemadmodum suprà notavimus. Alterum negotium, fuit de conjugio *Roberti* Francorum Regis cum *Berta*; quod ob rationem consanguinitatis, quanquam nonnisi consobrinorum liberi essent, à *Gregorio V.* Pontifice diremptum est: Quippe gradus prohibiti, jam inde ab aliquot Sæculis, ultra divini præscripti formulam latissimè extendebantur. Christiana Fides, sed Sæculi nævis erroribúsq; inquinata, apud Boreales præsertim gentes, hâc ætate disseminata est. *Normanni*, duce *Rollone*, Christiani fiunt, sacrisque abluuntur undis, an. 912.; impulsore *Carolo Simplice* Gallorum rege, qui eâ lege *Gislam* filiam *Rolloni* uxorem

De divor-
tio *Roberti*
Franco-
rum Regis
& *Berte*.

Conver-
siones ad
Christia-
nam Fi-
dem,
Norman-
norum;

rem dat, additâ dotis loco eâ provinciâ, quæ exinde *Normanniæ* nomen accepit. *Dani* pariter, *Haraldus* rege, cùm ab *Othone M.* Germaniæ rege victi essent, in victoris sacra transitum fecêre, an. 948. Verùm, triginta duobus pòst annis, *Haraldi* filius *Sueo* in patrem rebellavit, *Ethnicismum*que restituit; *Haraldus*que, coronâ simul ac vitâ amissâ, martyribus adscriptus est. *Polonorum* dux *Micislaus*, suâsu *Dobrawæ* uxoris; dux & *Moschorum* seu *Russorum* *Vlodimirus*, *Annæ* seu *Helenæ* conjugis hortatu, Christianos adoptant ritus, eosque à subditis admitti curant. Apostoli gentium illarum, *Adaldagus* Bremensis Antistes, *Adalbertus* Magdeburgensis, & *Adalbertus* Pragensis, præ cæteris commemorantur. Haud aliô Sæculô, minùs doctrinæ, aut plus vitiæ, fuit. Dicitur, fopore quodam constriictos animos; quô factum, ut jacerent literæ, ex-

Danorum;

Polonorum, & Moschorum.

Ignorantia & morum depravatio summa hoc Sæculo.

tingueretur industria, nec nisi ad inania, imò & turpia, impetus esset. Clericorum plurimi, alia longè omnia, quam quæ sui muneris erant, curabant: fœdæ libidini, turpi lucro, aliisque indulgebant vitiis: nec pietatem modò & virtutem, sed & pudorem ipsum ejurasse videbantur.

Errorum
ac Superstitionum
progressus.

Tantis in tenebris, haudquaquam mirum est, si pullulaverint in agro Domini zizania, errorumque ac superstitionum auctior indies factus numerus sit. Ergo festis, peregrinationibus, imaginibus, reliquiis, jejuniis, nec modus amplius, nec finis erat. Cœptæ baptizari campanæ, auctore Johanne XIII. Cœpta & Sanctorum Canonizatio, *Udalricô* Augustanô Episcopô, à Johanne XV. aliisque Episcopis in Divos relatô. Nihilque crebrius, totô hóc Sæculô, ridiculis illis probationum ritibus, per singulare certamen, ferrum candens, aliæque, quæ *Judicium Dei*, aut voce Saxonica *Or-*

Baptismus
campanarum.

Canonizationis
Sanctorum origo.

Probationes
criminum
ridicule.

daliurn

dalium dicebantur. Florebat & hac ætate vita Monastica, strictior alibi, alibi remissior; atque Ordo Cluniacensis, auctore *Bernone*, successoribus præ cæteris *Odone* atque *Odilone*, in Burgundis institutus est. Rari Scriptores hęc Sæculò, non tamen nulli: In Oriente, *Simeon Metaphrastes*, fabulosissimus confarcinator vitæ Sanctorum; In Ægypto, *Eutychius*, Patriarcha Alexandrinus, Annalium Arabicorum scriptor: In Occidente, *Flodoardus*, *Aimoinus*, *Witikingus*, *Luitprandus*, historici; *Ratherius Veronensis*, *Ælfricus Anglus*, alique.

Ordo
Clunia-
censis in-
stitutus,
an. 910.

Scriptores
Ecclesiast-
ici Sæc.
X.

Summa Capita

SÆCULI XI.

*Status Ecclesiæ Sæculi undecimi. Syl-
vester II. Papa. Sergius IV. Be-
nedictus VIII. Johannes XVIII.*

H 4

Be

Benedictus IX. puer decennis vel duodecennis. Benedictus IX. Sylvester III. & Gregorius VI. simul. Leo IX. *Dissidium inter Ecclesias Græcam & Latinam.* Epistola Michaëlis Cerularii Patriarchæ Constantinopolitani contra Latinos, an. 1053. Epistola Leonis IX. ad Michaëlem Cerularium. Scriptores utriusque partis. *Literæ Imperatoris Græci & Michaëlis Cerularii ad Leonem IX.* Legati à Leone IX. Constantinopolim missi, ejusque literæ ad Imperatorem & Patriarcham. Legati Romani Michaëlem Cerularium excommunicant. *Controversia Berengariana de Eucharistia.* Quis fuerit Berengarius, & quænam ejus sententia. Ejus Discipuli & Adversarii. Concilia in quibus damnatus est. Formula Berengario imposita in Concilio Romano an. 1059. Berengarius ad pristinam sententiam redit. Iterum damnatur, & ad ejurandam sententiam adigitur. Sed

men-

COMPENDIUM. *Sæculum XI.* 121

mentem non mutat. Moritur an.
1088. De Gregorio VII. antea
Hildebrando dicto. Ejus diffidia
cum HENRICO IV. Imperatore.
Decretum Gregorii VII. contra Cle-
ricos simoniacos & concubenarios.
Investituras à Principibus datas,
& conjugia Clericorum, damnat.
Episcopi à Gregorio excommunica-
ti, ab Henrico verò protecti. Con-
ventus Wormatiæ an. 1076. contra
Gregorium VII. Gregorius VII.
Henricum excommunicat, & regno
dejicit. Conventus Triburiæ contra
Henricum. Henrici iter in Ita-
liam, ut absolutionem à Papa im-
petret. Quàm indignè à Papa ex-
cipiatur. Durs leges Henrico im-
positæ. Pax inter Henricum & Gre-
gorium non diuturna. Rodolphus
Sueviæ dux in Germanorum Regem
electus; ab Henrico victus & occi-
sus, an. 1080. Guibertus, seu Cle-
mens III. Antipapa. Gregorius Ro-
ma fugatus & mortuus an. 1085.

H 5 Gre-

*Gregorius VII. Monarchiæ Universalis usurpator. Dictatus Gregorii VII. Schismatis continuatio post Gregorium VII. Bellum Sacrum à Crucesignatis susceptum, hortatu Urbani II. & Concilii Claromontani an. 1095. Principes Crucesignati. Capta Hierosolyma an. 1099. cujus Rex creatus Gothofredus Bullio-
 neus. Philippus Galliæ Rex ob Bertæ divorcium à Papa excommunicatus. S. Stephanus, primus Hungariæ Rex. S. Casimirus ex Monacho Cuniacensi Rex Poloniæ. Scriptores Ecclesiastici Sæculi XI. Theologia subtilius tractari cœpta. Theophylactus Bulgar. Archiep. Fulbertus. Ivo, Petrus Damiani. Lanfrancus. Anselmus. Historici Græci & Latini. Michaël Psellus. Cultus divinus linguâ Populo ignotâ. Officium Romanum passim receptum. Ludicra pugna hac de re in Hispania. Superstitionum incrementa. Veteris Disciplinæ extinctio.*

COMPENDIUM. *Sæculum XI.* 123
xio. Tyrannidis Papalis fastigium.
Cardinalium dignitas aucta. Novi
Ordines Monastici. Cælibatus Cle-
ricorum severissimè imperatus. Ori-
go Patarinorum. Testes veritatis in
Italia & Gallia.

SÆCULUM XI.

HAud multò sanior, hâc ætate, Status Ec-
 clesiæ status, quàm supe-
 riori, fuit; siquidem firmati sunt
 errores crassissimi, novis auctibus cre-
 vit Superstitio, ausaque Romanorum
 Pontificum, cum in universas Or-
 bis Ecclesias, tum adversus Reges
 ac Imperatores, modum omnem ex-
 cessere. Sedebat, incunte Sæculô,
 is de quo jam diximus *Sylvester II.* *Sylvester*
 antea *Gerbertus* dictus; primò Rhe- *II. Papa.*
 mensis, deinde Ravennatensis, de-
 nique Romanus Episcopus; qui, pro
 ea quâ pollebat apud OTHONEM III.
 Imperatorem gratia, ab eo non una
 donatione augeri Ecclesiam Roma-
 nam

nam curavit. Eundem Pontificem, occasione dissidii cujusdam, inter *Vidonem* Comitem Lemovicensem, & *Grimoaldum* ejusdem Urbis Episcopum, superbam hanc atque inhumanam tulisse Legem ferunt, ut quicumque Episcopum captivâset, ab equis indomitis discerperetur. Quibusdam interjectis, Papa fuit *Sergius IV.* antea *Os porci* dictus, qui, ut nominis aboleret turpitudinem, non ipse modò nomen mutavit, quod à multis jam factitatum, sed &, de mutando deinceps à Pontificibus nomine, tulisse Legem fertur. Post hunc Papam exortum Schisma est inter *Benedictum VIII.* Tusculani Comitis filium, & *Gregorium* quendam qui ab alijs electus fuerat: Verùm *Benedictus*, parentis auctoritate, & *Henrici Imp.* patrocinio; superior fuit. Hòc defunctò, anno 1024. Tusculanus Comes, ut Pontificatum sua in familia retineret, alterum ex filiis Pontificem instituit, qui

Sergius IV.

Benedictus VIII.

qui fuit *Johannes XVIII.* Sed hic, *Johannes XVIII.*
electionem suam vitiosam & simonia-
cam confessus, à Papalibus func-
tionibus tamdiu abstinuit, donec à
Clero Romano iterum eligeretur;
quod & postmodò factum est. Hu-
jus post excessum, *Albericus* ejus
frater, Comes Tusculanus, adservan-
di etiamtum apud suos Papatûs cu-
pidus, filium suum nonnisi decen-
nem, vel duodecennem, immensis
largitionibus fieri Papam curavit.
Dicebatur *Theophylactus*, dictûsque
est *Benedictus IX.* Is Pontificatum,
præter fas omne, merâque simoniâ
adeptus, flagitiosissimè administravit;
eò usque ut Ethnicæ idololatriæ, ar-
tiûmque diabolicarum, insimulatus
sit. Hujus tempore, triceps quidam
Cerberus Ecclesia Romana fuit, præ-
ter *Benedictum* illum IX., *Sylvestro*
III. & *Gregorius VI.* Pontificis nomen
gerentibus: Cujus Schismatis ut fi-
nem faceret *Henricus III.* Imp. (Be-
neditô IX. ob missam *Petro Hun-*
gariæ

Benedictus IX. puer decennis vel duodecennis.

Benedictus IX. *Sylvestro III.* & *Gregorius VI.* simul.

gariæ Regi coronam Imperatoriam, peculiariter insensus) tres illos Papas, ut simoniacos, intrusos, aliorumque criminum reos, exauctorari curavit, eorumque loco *Suidgerum* Bambergensem Episcopum institui fecit, qui dictus est *Clemens II.* Verum, hœc non multò post mortuò, & *Damasô II.* viginti tribus post consecrationem diebus veneno extinctò, ad Pontificatum iterum rediit *Benedictus IX.* Cujus monstri pertæsis Romanis, *Bruno* Tullensis Episcopus ab Imperatore transmissus, atque à Romanis electus est an. 1049.

Leo IX. assumpto nomine *Leonis IX.* Is Pontifex, decessoribus quidem melior, sui tamen muneris decòrum haud servavit, dum ipse in aciem contra Normannos processit; à quibus & bello captus, mòxque sine ullo redemptionis pretio honorificè dimissus est. Sub hœc Pontifice, grave illud diffidium; quod jam inde à Sæculo IX. inter Græcàm Ecclesiam &

Diffidium
inter Græ-
càm & La-

& Romanam intercesserat, in nervum rursus erupit. Cœpit agitari hæc Contróversia an. 1053. scriptâ à *Michaële Cerulario* Patriarcha Constantinopolitano, cum suo, tum *Leonis Acridani*, aliorumque Episcoporum nomine, Epistolâ ad *Johannem Tranensem* in Apulia Episcopum, quâ sequentia in praxi Latinorum arguebantur; 1. quòd azymis uterentur in Eucharistia; 2. quòd Sabbatho jejunarent, tempore Quadragesimæ; 3. quòd sanguine & suffocatis vescerentur; 4. quòd Alleluya, in Quadragesima, non canerent. Hæc Michaël Cerularius; qui simul omnes Latinorum Ecclesias Constantinopoli claudi jussit, omnesque Abbates ac Monachos, qui ritibus Ecclesiæ Romanæ abrenuntiare nollent, e Monasteriis eiecit. Rescripsit ad Michaëlis Epistolam *Leo IX.* suæque Ecclesiæ dignitatem in immensum extulit, Græcam verò plurimarum hæresium ream peregit, quarum

tinam Ecclesias.

Epistola
*Michaëlis
Cerularii*
Patriarchæ Constantinop.
contra Latinos an.
1053.

Epistola
Leonis IX.
ad Michaëlem Cerularium.

in

Scriptores
utriusque
partis.

in numero *Johannis Jejunetoris* superbiam reposuit, qui Episcopi Oecumenici titulum usurpaverat. Scripsit & contra *Michaëlem Cerularium* Cardinalis *Humbertus*, Episcopus *Sylvæ-candidæ*; Pro Græcis verò *Nicetas Pectoratus*, Monachus Studienſis: Atque inter capita diffenſus, quæſtiones de primatu Ecclesiæ Romanæ, de processione Spiritûs S. & de conjugiiſ Sacerdotum, haud infimum locum tenuêre. Inter hæc,

Literæ
Imperatoris
Græci
& Michaëlis
Cerularii ad
Leonem
IX.

Græcus Imperator, qui tum **CONSTANTINUS MONOMACHUS** erat, utilem sibi Romani Pontificis amicitiam ratus, datis ad ipsum literis studium pacis testatus est; quod & *Michaël Cerularius* fecit. Quibus acceptis, **Leo IX.** Legatos Constantinopolim misit, putà *Humbertum* Cardinalem, *Fridericum* Cardinalem quoque, & Ecclesiæ Romanæ Cancellarium, & *Petrum* Archiepiscopum Melphitanum, unà cum literis ad Græcum Imperatorem, & *Michaë-*

Legati à
Leone IX.
Constantinopolim
missi, ejus-
que literæ
ad Imperatorem &
Patriarcham.

chaëlem Cerularium ; quibus ista potissimum Græcis exprobrabantur ; quòd Michaël Cerularius, cùm Neophytus esset, ad Patriarchalem Sedem statim promotus fuisset ; quòd suæ Jurisdictioni Alexandrinum & Antiochenum Patriarchatū subicere vellet ; quòd titulum Patriarchæ Universalis sibi assumeret, cùm *nec Petrus* (verba sunt Leonis) *nec successores ejus, tam prodigioso prænomine consensissent appellari* ; denique quòd Ecclesiam Romanam anathemate ferire, omnesque azymo utentes graviter persequi non dubitaret. Cum his literis Constantinopolim appellunt Legati Romani, & à Græco Imperatore, qui Latinis nonnihil favebat, honorificè excipiuntur. At cùm Michaël Cerularius dimoveri à sententia non posset, eum Legati illi publicè excommunicant, instrumentumque excommunicationis magno altari Ædis S. Sophiae imponunt ; quòd profectò absque risu legi non

Legati
Romani
Michaë-
lem Ceru-
larium ex-
communi-
cant.

potest, cum veteres omnes hæreses, etiam teterrimas, etiam alienissimas, quales sunt *Simonianorum*, *Nicolaitarum*, *Marcionitarum*, *Manichæorum*, *Arianorum*, *Pneumatomachorum*, aliasque, Græcis adscribat. Perstitit in sententia pars utraque; neque Schisma illud, quidquid sæpissimè fuerit tentatum, verè componi ad hunc usque diem potuit.

Controversia Berengariana de Eucharistia.

Alia Controversia, circa idem tempus, imò & magnâ hujus Sæculi parte, Occidentales Ecclesias exercuit; de Eucharistia nempe: Quod argumentum vexatum jam Sæc. IX. inter *Paschasium Ratbertum*, ejusque Adversarios, fuerat. Ab eo verò tempore, obstetricantibus Sæculi X. tenebris, passim invaluerat, quamquam non apud omnes, doctrina Paschasii. At XI., quo de agimus, Sæculo, adversus doctrinam illam non pauci insurrexerunt; præsertim verò *Berengarius*, patriâ Turonensis, & Archidiaconus Andegavensis, vir, vel

Quis fuerit Berengarius & quænam ejus sententia.

vel fatentibus ejus Adversariis, dialecticæ peritiâ & morum sanctitate conspicuus. Is, sive à *Leuthero* Senonensi Archiepiscopo, qui ei prælusisse fertur, sive ab aliis, rectiorem de Eucharistia sententiam edoctus, pertractoque suas in partes *Brnone* Andegavenſi, asseruit, panem & vinum Eucharistiæ, non verè & realiter, sed per figuram tantum & similitudinem, esse corpus & sanguinem Domini. Cœpit hæc docere an. 1035.; multosque, totâ Galliâ, Italiâ, & Angliâ, cum fautores, tum discipulos habuit. At é contrario plurimos nactus est Adversarios, præ cæteris *Adelmannum* Brianxianum Episcopum, *Dietwinum* Episcopum Leodiensem, *Lanfrancum* Archiepiscopum Cantuariensem, *Albericum* Monachum Cassinensem, *Guitmundum* Archiepiscopum Aversanum, aliosque. Neque tantum privatis Scriptis, sed & multorum Conciliorum decretis damnatus est,

Ejus Discipuli & Adversarii.

Concilia in quibus damnatus est.

putà in Synodis Romana & Veracellensi, sub Leone IX. an. 1050.; in Synodo Parisiensi an. 1053.; in Synodis Florentina & Turonensi sub Victore II. an. 1055.; rursùs in Synodo Romana sub Nicolao II. an. 1059. ad quam Synodum Berengarius citatus est, atque intentato mortis metu ad palinodiam adactus, subscriptâ formulâ, quâ agnoscebat; *panem & vinum quæ in Altari ponuntur, post consecrationem; non solummodò sacramentum; symbolum; sive figuram; sed etiam verum corpus & sanguinem D. N. J. C. esse; & sensualiter non solum sacramento; sed in veritate, manibus Sacerdotum tractari, frangi, & fidelium dentibus atteri*: Quæ quidem formula, ab Humberto Cardinali conscripta; & Berengario imposita, ab hodierna Ecclesiæ Romanæ sententia non parùm abludit. Quidquid sit, cùm Berengarius nonnisi vi ac minis ad recantandum adactus esset, ad pristinam

Formula
Berengario imposita in
Concilio Romano
an. 1059.

Berengarius ad
pristinam sententiam
recedit.

tinam sententiam statim rediit: Quâ de causâ rursûs damnatus est in Synodo Rothomagensi an. 1063., in Pictaviensi an. 1075. & in Romanis sub Gregorio VII. an. 1078. & 1079.; in qua postrema, ad ejurandam sententiam suam, novæque formulæ subscribendum, rursûs est compulsus.

Iterum damnatur, & ad ejurandam sententiam adigitur.

Verum ne tunc quidem mentem

Sed mentem non mutat.

mutavit; sed novam illam Fidei professionem, quæ ipsi præscripta fuerat, rejecit postmodum & confutavit; hancque confutationem à se visam docet *Mabillonius*. Obiit Berengarius an. 1088. in D. Cosmæ

Moritur an. 1088.

insula, Turonibus proxima, ubi habitum Monachalem per octennium gesserat: Defunctumque splendidissimo Epitaphio prosecutus est *Hildebertus* Episcopus Cenomanensis.

Labente Sæculô, anno nempe 1073.

ad Romanum Pontificatum evehctus

est *Gregorius VII.* antea *Hildebrandus* dictus, Pontificum omnium qui

De Gregorio VII. seu Hildebrandis.

unquam vixere audacissimus ac su-

Ejus diffi-
dia cum
HENRICO
IV. Imp.

Decretum
Greg. VII.
contra
Clericos
simonia-
cos & con-
cubina-
rios.

Investitu-
ras à Prin-
cipibus
datas, &
Conjugia
Clerico-
rum dam-
nat.

perbissimus; cujus ausa intoleranda, veréque Antichristiana, ut Ecclesias omnes omniâque Regna sibi subji- ceret, speciatim verò dissidia ejus cum HENRICO IV. Germanorum Im- peratore, Europam omnem per plu- res annos bellis tumultibûsque im- plevêre. Scilicèt, Gregorius factus Pontifex, Conciliô Romæ habitô, Clericos simoniacos & concubina- rios statim damnavit. Cujus decreti exsecutio, per Italiam, Germaniam, aliâsque oras, dici non potest quan- tum querelarum ac turbarum exci- taverit; eo præsertim quòd simo- niacis illi etiam accenserentur, qui Beneficiorum collationem, seu *Investituram*, à Laicis acceperant; sub concubinariis verò, etiam conjuga- ti, quorum maximus adhuc nume- rus erat, comprehenderentur. Tur- babant & Germaniam, per illa tem- pora, motus Politici; Saxonibus ali- isque populis Henrico rebellantibus; Quæ opportunitas captata à Gre- gorio

gorio, sedulóque promota est. Cùm enim *Gothofredum* Archiepiscopum Mediolanensem, aliósque Italiae Episcopos, ob simoniæ causam excommunicassent Gregorius, ab eorum verò communione recedere Henricus nollet, hinc lis gravissima inter illos exorta est: Quæ cùm per Legatos ultrò citróque missos aliquandiu agitata esset, in apertum tandem bellum erupit. Quippe Henricus Conventum Principum atque Episcoporum Wormatiæ habet, an. 1076. à quo *Hildebrandus*, ob varia scelera, Pontificatu indignus pronuntiatur; Subscribunt huic decreto Episcopi 26.; mittiturque Romam Legatus, qui iudicium illud Pontifici notum faciat. Qui quidem, hóc acceptò nuntiò, dum Concilium Romæ celebraret, eos Episcopos à quibus damnatus fuerat, vicissim damnat; Henricum etiam diris devovet, Regnóque dejicit, ejusque subditos fidei sacramento exsol-

Episcopi à Gregorio excommunicati, ab Henrico verò protecti.

Conventus Wormatiæ an. 1076. contra Gregorium VII.

Gregorius VII. Henricum excommuni-

cat, &
Regno
dejicit.

Conven-
tus Tribu-
riensis
contra
Henri-
cum.

Henrici
iter in
Italiam,
ut absolu-
tionem à
Papa im-
petret.

Quàm
indignè à
Papa ex-
cipiatur.

vit. Scribit & ad Germaniæ Prin-
cipes ac populos, eosque ad Hen-
rici partes deferendas, novumque
eligendum Regem, hortatur. Qui-
bus exciti illi Principes, Triburiæ
prope Moguntiam sub anni finem
congregantur, Henricum regno spo-
liaturi, nisi pollicitus per Legatos
esset, se intra statutum tempus ab-
solutionem à Papa impetraturum.
Igitur cedens infelicitati temporum
Henticus, mediâ hyeme, unâ cum
uxore & filio parvulo, iter in Ita-
liam suscipit, atque à Pontifice, qui
tum Canusii versabatur (erat id cas-
tellum Mathildis Comitissæ in Lom-
bardia) indignissimo modo excipi-
tur. Cum enim castellum illud tri-
plici muro septum esset, Henricus
foris relictò omni comitatu, cultu-
que regiò depositò, nudis pedibus,
sub dio, frigore atque inedia con-
sumptus, intra secundum murorum
ambitum, à mane usque ad vespere-
ram detentus est. Hoc primò die,

&

& secundò, & tertiò factum. Tandem verò quartò die, cum ad se admisit Papa, durissimisque impositis legibus anathemate liberavit; his legibus nimirum, „ ut quo die & loco Papa præciperet, ad causam dicendam veniret, & accusationibus sibi intentatis responderet, paratus regno cedere, si ita juberet Pontifex, promittensque se totam hanc injuriam patienter laturum, nec de quoquam vindictam sumpturum; denique regni insignia atque administrationem ad illud usque judicium non recepturum; &c. Acta hæc mense Januario an. 1077. Verum, ne hæc quidem fœdâ submissione, pacem atque regnum sibi asserere valuit Henricus; siquidem & amicos suos ad indignationem & contemptum movit, neque obstitit quominus adversæ partis Principes, Forchemii congregati, ab eo planè defecerint, & *Rodolphum* Sueviæ ducem in Regem elegerint; cui & Pa-

Duræ leges Henrico impositæ.

Pax inter Henricum & Gregorium non diuturna.

Rodolphus Sueviæ dux in Germano-

rum Re-
gem elec-
tus;

pa coronam misisse fertur, cum hoc
versiculo,

*Petra dedit Petro, Petrus diadema
Rodolpho.*

ab Hen-
rico victus
& occisus
an. 1080.

Pugnatum ergo vario Marte inter
Henricum & Rodolphum fuit; sed
Rodolphus victus tandem atque oc-
ciscus est an. 1080. non sine agnita
divini iudicii æquitate, quod eadem
dextrâ, quâ juratam Domino fidem
fefellerat, percussus esset. Interim,
cùm novis diris in Henricum sævi-
ret Gregorius, ab Henrici factione
iterum damnatus est, ejusque loco

Guiber-
tus, seu
Clemens
III. Anti-
papa.

Guibertus, Archiepiscopus Raven-
natis, in Pontificem electus, af-
sumptò nomine *Clementis III.* Hen-
ricus porrò, Rodolpho victo, in Ita-
liam venit; obsessâque non semel

Gregorius
Roma fu-
gatus &
mortuus
an. 1085.

Româ, Gregorium, qui Norman-
nos suam ad opem advocârat, fu-
gere tandem Salernum coëgit, ubi
& mortuus est an. 1085. Atque
hic finis fuit Hildebrandi, turbulen-
tissimi illius Pontificis, cujus factum
non

non Germania solum ac Italia expertæ sunt, sed & Gallia, Anglia, Hispania, Hungaria, Bohemia, Dania, Polonia, Sicilia, Sardinia, denique ipsum Græcorum Imperium; siquidem Regnorum illorum omnium, non spiritualement modò, sed & temporalem Monarcham agebat, ausis iniquissimis ac superbissimis, eoque solo dignis qui se ὑπὲρ πάντων σεβασμῶν elaturus erat. Quin & habentur, inter ejus epistolas, Decreta quædam (*Dictatus* appellantur) superbæ illius verèque Antichristianæ doctrinæ testes; quales hi sunt præ cæteris; „Quòd solus Romanus Pontifex jure dicatur Universalis; Quòd „ille solus possit deponere Episcopos, „vel reconciliare, etiam absque Synodali conventu; Quòd cum excommunicatis ab illo nec in eadem domino permanere liceat; Quòd illi „soli licet, pro temporis necessitate, „novas leges condere; Quòd solus „possit uti Imperialibus insigniis; Quòd „so-

Gregorius VII.
Monarchiæ Universalis
usurpator.

Dictatus
Gregorii
VII.

„solius Papæ pedes omnes Principes
 „deosculentur; Quòd illius solius no-
 „men in Ecclesiis recitetur; Quòd
 „unicum sit Papæ nomen in mundo;
 „Quòd illi liceat Imperatores depo-
 „nere; Quòd nulla Synodus, abs-
 „que præcepto ejus, debet Genera-
 „lis vocari; Quòd nullum capitu-
 „lum, nullusque liber Canonicus ha-
 „beat absque illius auctoritate;
 „Quòd sententia illius à nullo de-
 „beat retractari, & ipse omnium so-
 „lus retractare possit; Quòd à nemi-
 „ne judicari debeat; Quòd Roma-
 „na Ecclesia nunquam erravit, nec
 „in perpetuum errabit; Quòd Ro-
 „manus Pontifex canonicè ordina-
 „tus meritis beati Petri in. v. itanter
 „efficitur sanctus; Quòd C. alicus
 „non habeatur, qui non concordat
 „Romanæ Ecclesiæ; Quòd à fideli-
 „tate iniquorum (h. e. Regum ac
 „Principum à Romana Sede dam-
 „natorum) subjectos potest absolve-
 „re; &c. „ Quæ quidem Decreta
 ita

ita iniqua atque tyrannica ipsis Pontificiorum sanioribus videntur, ut ea pro genuino Gregorii fœtu haberi nolint: Verùm, siue hæc scripserit, siue non, hoc tamen certissimum est, ejus facta his consensisse. Mortuô Gregoriô, non ideò Schisma extinctum est; Electus quippe est, ab ejus factione, *Victor III.* & post hunc *Urbanus II.* dum interim *Clementi III.* siue *Guiberto*, Henricus Imp: adhæresceret. Ab illo Urbano II. dum in Galliis versaretur, celebratum est Concilium Claramontanum, an. 1095. quô, inter alia, Bellum Sacrum, ad Palæstinam Saracenis eripiendam, primum decretum est. Operis instigator fuerat *Petrus* quidam *Eremita*, patriâ Ambianensis, qui, cùm in Syriam iter fecisset, Christianorûmque sub Saracenicis jugo gementium statum explorâisset, redux in Europam sacre illius militiæ classicum cecinerat. Igitur, susceptâ é lana rubra Cru-

Schismatis
continuatio
post Gre-
gor. VII.

Bellum
Sacrum à
Crucesig-
natis sus-
ceptum,
hortatu
Urbani II.
& Conci-
lii Claramont.
an. 1095.

ce

„folius Papæ pedes omnes Principes
 „deosculentur; Quòd illius solius no-
 „men in Ecclesiis recitetur; Quòd
 „unicum sit Papæ nomen in mundo;
 „Quòd illi liceat Imperatores depo-
 „nere; Quòd nulla Synodus, ab-
 „que præcepto ejus, debet Genera-
 „lis vocari; Quòd nullum capitu-
 „lum, nullusque liber Canonicus ha-
 „beatur absque illius auctoritate;
 „Quòd sententia illius à nullo de-
 „beat retractari, & ipse omnium so-
 „lus retractare possit; Quòd à nemi-
 „ne judicari debeat; Quòd Roma-
 „na Ecclesia nunquam erravit, nec
 „in perpetuum errabit; Quòd Ro-
 „manus Pontifex canonicè ordina-
 „tus meritis beati Petri indubitanter
 „efficitur sanctus; Quòd Catholicus
 „non habeatur, qui non concordat
 „Romanæ Ecclesiæ; Quòd à fideli-
 „tate iniquorum (h. e. Regum ac
 „Principum à Romana Sede dam-
 „natorum) subjectos potest absolve-
 „re; &c. „ Quæ quidem Decreta
 ita

ita iniqua atque tyrannica ipsis Pontificiorum sanioribus videntur, ut ea pro genuino Gregorii fœtu haberi nolint: Verùm, siue hæc scripserit, siue non, hoc tamen certissimum est, ejus facta his consensisse. Mortuô Gregoriô, non ideò Schisma extinctum est; Electus quippe est, ab ejus factione, *Victor III.* & post hunc *Urbanus II.* dum interim *Clementi III.* siue *Guiberto*, Henricus Imp. adhæresceret. Ab illo Urbano II. dum in Galliis versaretur, celebratum est Concilium Claramontanum, an. 1095. quô, inter alia, Bellum Sacrum, ad Palæstinam Saracenis eripiendam, primùm decretum est. Operis instigator fuerat *Petrus* quidam *Eremita*, patriâ Ambianensis, qui, cùm in Syriam iter fecisset, Christianorûmque sub Saraceno jugo gementium statum explorâisset, redux in Europam sacre illius militiæ classicum cecinerat. Igitur, susceptâ é lana rubra Cru-

Schismatis continuatio post Gregor. VII.

Bellum Sacrum à Crucesignatis susceptum, hortatu Urbani II. & Concilii Claramont. an. 1095.

Principes
Crucefi-
gnati.

ce (quæ tessera militiæ fuit) hū-
merisque impositâ, ad expeditionem
illam procedunt *Hugo Magnus*, *Phi-
lippi Galliæ Regis* frater, *Robertus*
Normannorum dux, frater Regis
Angliæ, *Robertus Comes Flandriæ*,
Raimundus Comes Tolosanus, *Gotho-
fredus Bullioneus* Lotharingiæ dux,
cum *Balduino* & *Eustachio* fratribus;
aliique Viri principes, unâ cum im-
mensâ hominum cujuscunque ordi-
nis multitudine; qui variis defuncti
periculis, captisque Nicæâ, Edes-
sâ, Antiochiâ, aliisque urbibus,
Hierosolyma tandem expugnârunt,
an. 1099. primûmque Regem creâ-
runt *Gothofredum Bullioneum*. Circa
eadem tempora, an. nempe 1094.
& 95. *Philippus* Galliæ Rex, ob da-
tum *Bertæ* uxori repudium, adscitâm-
que ejus loco *Bertradam*, ab Ur-
bano Pontifice excommunicatus est;
mox, remotâ *Bertradâ*, in integrum
restitutus: Quam tamen postea rece-
pit, &, accedente *Paschalis II.* dif-
pen-

Capta
Hierosol.
an. 1099.
cujus Rex
creatus
*Gothofre-
dus Bullio-
neus*.
Philippus
Galliæ
Rex ob
Bertæ di-
vortium à
Papa ex-
communi-
gatus.

penfatione , uxorem habuit. Hôc
Sæculô, *Stephanus*, primus Hunga-
 rorum Rex , & *Casimirus* ex Mo-
 nacho Cluniacensi Poloniæ Rex crea-
 tus , rem Christianam promoviffe ,
 & singulari vitæ sanctitate (sed qua-
 lem tempora illa ferebant) claruiffe
 perhibentur , unde & uterque Di-
 vis adscriptus est. Habuit hæc ætas
 Scriptores non paucos , cùm Græ-
 cos , tum Latinos , sed , quos exi-
 mios dixeris , nullos. De Religio-
 ne subtiliùs quàm antea disferi cœp-
 tum : verùm illâ subtilitate , non tam
 ad verum eruendum , quàm ad er-
 rores defendendos atque incrustan-
 dos utebantur , quemadmodum in
 lite Eucharistica patuit. Inter Græ-
 cos Theologos , eminet *Theophylac-*
tus , Bulgarorum Archiepiscopus ,
 sed qui nil ferè in Commentariis
 quàm Chrysostomum exscribit. In-
 ter Latinos eminent *Fulbertus* & *Ivo*
 Carnotenses Episcopi , *Petrus Da-*
miani ; *Lanfrancus* & *Anselmus* ,

S. Stéph-
anus pri-
 mus Hun-
 garie
 Rex.

S. Casi-
mirus, ex
 Monachò
 Clunia-
 censi Rex
 Poloniæ.

Scriptores
 Ecclesiast-
 ici Sæc.
 XI.

Theolo-
 gia subti-
 liùs tracta-
 ri cœpta.

Theophy-
lactus ,
 Bulgar.
 Archiep.

Fulbertus;
Ivo ; *Pe-*
trus Da-
miani ,

Ar-

Laufra-
cus; Anse-
lmus.

Historici
Græci &
Latini.

Michaël
Pfellus.

Cultus
divinus
linguâ
ignotâ.

Archiepiscopi Cantuarienses, alii-
que, quos, tum in caussa Græco-
rum, tum in caussa Berengariana,
suprà memoravimus. Apud *Ansel-*
mum Cantuariensem, quo non alius
subtilior fuit, reperiās idem ferè ar-
gumentum pro existentia Dei, quo
usus est novissimò Sæculò *Cartesius*.
Sunt & Historici non incelebres; in
Græcis, *Gregorius Cedrenus*, *Leo Gram-*
maticus, *Johannes Scylitza*, Histo-
rici Byzantini; *Johannes Xiphilinus*,
epitomator Dionis; in Latinis, *Her-*
mannus Contractus, *Marianus Scotus*,
Lambertus Schafnaburgensis, *Ade-*
marus, *Glaber Radulphus*, *Berthol-*
dus Constantiensis, &c. Neque
omittendus *Michaël Psellus*, vir in
Aula Byzantina illustris, & in omni
Scientiarum genere pro temporum
captu versatissimus. Cultus divinus,
ignotâ Plebi linguâ, huic ætati præ-
sertim debetur, defuescente magis
magisque Latini sermonis usu, quem
tamen in Sacris retentum Pontifices
Ro-

Romani curabant: Unde, cum *Wra-
tislavus* Bohemiæ dux à *Gregorio VII.*
petiisset, ut cultum sacrum Linguâ
Slavonicâ celebrare sibi liceret, re-
nuit *Gregorius*; contra quàm, du-
centis antè annis, à *Johanne VIII.*
Pontifice, in gratiam *Sphētopulchri*
Moraviæ Principis concessum fuerat.
Dedēre & operam Romani Pontifi-
ces, speciatim *Gregorius VII.* & *Ur-
banus II.* ut Officium Romanum,
sicubi fortè nondum receptum, ubi-
que admitteretur: Quæ lis in His-
pania, inter Officium vetus, *Mo-
zarabicum* dictum, & Officium Ro-
manum, ludicrâ admodum ratione
disceptata est; nimirum singulari cer-
tamine, & probatione ignis; Qui-
bus in congressibus, licet victoria
penès Officium vetus fuisset, Ro-
manum tamen, Pontificis jussu, &
Alphonſi Regis voluntate, introduc-
tum est. Superstitionum nullus finis;
Cultus Divorum, B. Virginis, An-
gelorum, reliquiarum, &c. novis

Officium
Roma-
num pas-
sim rece-
ptum.
Ludicra
pugna hac
de re in
Hispania

Su, erſi-
tion. nin
crementa

K quo-

Veteris
Discipli-
næ extin-
ctio.

Tyranni-
dis Papalis
fastigium.

Cardina-
lium dig-
nitas auc-
ta.

Novi Or-
dines Mo-
nastici.

quotidie ritibus ornatus: Quæ qui-
dem Sacrorum ineptiæ, jejûnia, pe-
grinationes in loca sancta, pœni-
tentia ludicræ, absolutiones Roma
emendicatæ, flagellationes volunta-
riæ hœc Sæculô demùm introductæ,
denique sacra militia, veriùs impu-
rissima ac flagitiosissima dicenda,
quidquid ex veteri Disciplina super-
erat pessumdedere. Aucta ditioni-
bus Ecclesia Romana; magis verò
audacia ac tyrannide, quam ultra
terminos omnes ab Hildebrando per-
ductam ostendimus. Aucta quoque
Cardinalium dignitas; in primis sub
Nicolao II. in Concilio Romano; an-
1059. quò potissimæ partes in elec-
tione Pontificum ipsis delatæ sunt:
Ad Monachorum familias antè ins-
titutas, accessere hœc Sæculô, Or-
do *Camaldulensis*, auctore *Romualdo*;
Congregatio *Vallis umbrosæ*, aucto-
re *Gualberto* Florentino; Ordo *Gran-
dimontensis*, auctore *Stephano*; Ordo
Cartusianorum, auctore *Brunone*; Or-
do

do *S. Antonii* in Gallia, auctoribus *Gastone & Girino*, viris nobilibus *Provinciae Viennensis*; Ordo *Cisterciensis*, auctore *Roberto Abbate Molefensi*; denique Ordo *Fontebraldensis*, auctore *Roberto de Arbrissellis*. Cœlibatûs Legem, multis in locis non observatam, Pontifices hujus Sæculi, in primis *Leo IX. Nicolaus II. & Gregorius VII.*, strictiùs multò atque severiùs quàm antea præceptam curârunt: Quod jugum cùm intolerandum plurimis videretur, hinc gravissimæ passim turbæ exortæ sunt. Certè *Mediolani Clerici* non pauci, cùm uxores dimittere nollent, ab Ecclesiæ Romanæ communione secessêre, & peculiares sibi conventus instituere, in loco *Patarea* dicto; Quæ origo *Patarinorum*, sive *Valdensum*, Sæculo sequenti notissimorum, videtur fuisse. Sic é tenebris educebat lucem Deus; ortis, non in Italia solum,

Cœlibatus Clericorum severissimè imperatus.

Origo Patarinorum.

Testes veritatis in Italia & Gallia.

'148 HISTORIÆ ECCLESIASTICÆ
Pontificiis erroribus atque tyrannidi
sefe opponerent.

Summa Capita

SÆCULI XII.

'Nova inter Imperatores & Papas dis-
sidia. Paschalis II. Papa, & va-
rii Antipapæ. Diffidium inter
HENRICUM IV. Imp. & Pascha-
lem II. P. Item inter HENRICUM
V. & eundem Paschalem. Gela-
sius II. & Burdinus Antipapa.
Fædus circa Investituras, inter
Henricum V. Imp. & Calixtum
II. P. Concilium Lateranense I.
an. 1123. Innocentius II. P. &
'Antipapa Petrus Leonis, seu Ana-
cletus II. Concilium Lateranense
II. an. 1139. sub Innocentio II.
Eugenius III. Diffidium inter
FRIDERICUM Ænobarbum Imp. &
Alexandrum III. P. Antipapæ
Victor

COMPENDIUM. *Sæculum XII.* 149

Victor III. Paschalis III. & Calixtus III. *Pax inter Fridericum Imp. & Alexandrum III. P. an. 1177. Dissidium inter Henricum II. Angliæ Regem, & Thomam Becket Archiep. Cantuar. Bellum Sacrum bis instauratum hoc Sæculo, an. 1147. & 1188. Hierosolyma à Saladino capta an. 1187. Veritatis testes. Petrus Brusius & Henricus. Petrus Valdo. Albigenses & Valdenses, perperam cum Manichæis confusi. Concilium Lateranense III. an. 1179. sub Alexandro III. Papa. Canon 27. contra Valdenses. Literarum studia Sæculo XII. Theologiæ Scholasticæ ortus. Petrus Lombardus. Petrus Abelardus. Gilbertus Porretanus. D. Bernardus. *Academia. Philosophia. Jus Civile. Juris Canonici origo. Historici. Judæorum Doctores. Arabes. Errorum augmenta. Nomen Transsubstantiationis natum. Ordines Monastici. Ordinum Militarium institutio.* SÆ.*

SÆCULUM XII.

Nova inter Imperatores & Papas diffidia.

Paschalis II. P. & varii Antipapæ.

Diffidium inter HENRICUM IV. Imp. & Paschalem II. P.

NOva diffidia Imperatorum cum Papis, & ea quidem vividissima, hoc Sæculô exstitere. Causa præcipua, *Investitura*; quæ lis tandem, ut videbimus, utcumque composita est. His accessere motus Politici, quibus Pontifices se immiscebant: Tum & plurium de Pontificatu contendentium ambitus, quorum alios præ aliis Imperatores tuebantur. Et initio quidem, *Paschalis II.*, post oppressos plures Antipapas, putà *Guibertum*, seu *Clementem III.*, *Albertum*, *Theodoricum*, & *Maginulphum*, ad pristinas cum HENRICO IV. Imperatore lites, magnô animô, magnâque audaciâ, rediit: Quo factum, ut infaustum Principem, novis à Pontifice percussus diris, ipse filius nominis ejusdem bello adortus sit, victumque folio deturbârit, an. 1105. Sed neque

que huius HENRICO V. longa cum *Paschali* concordia fuit, qui, dum lata à Gregorio VII contra Investiturae decreta renovat, ab Henrico captivus abducitur, neque ante liberatur, quàm jura Investiturarum Imperatori reddidisset: quò factò, Romam revertuntur, ubi Henricus solemnî ritu à Paschali coronatur, an. 1111. Verùm illa Investiturarum concessio, quam expresserat metus, non unò mox Conciliò revocata est; Unde novis in Henricum diris novisque tumultibus, locus datus est. Interim *Gelasius II.*, quem in Paschalis defuncti locum Cardinales suffecerant, *Burdinum* Henricus opposuit, qui dictus est *Gregorius VIII.* Verùm cum *Calixto II.* Gelasii successore, in fœdera pacis Henricus venit, eâ lege ut jus Investituræ *per baculum & anulum* remitteret Imperator, fierent tamen electiones Episcoporum & Abbatum præsentè Cæsare, à quo

Item inter
HENRI-
CUM. V. &
eundem
Pascha-
lem.

Gelasius
II. & Bur-
dinus An-
tip.

Prædus
circa In-
vestituras,
inter Hen-
ricum V.
Imp. &
Calixtum
II. Pap.

Concil.
Later. I.
an. 1123.

& regalia electi per sceptrum acciperent. Initum hoc fœdus Wormatiæ an. 1122.; annò verò sequenti in Concilio Lateranensi I. confirmatum; sicque illi de investituris disfidio, quod, inde ab annis plus quàm quinquaginta, miras in Ecclesia tragœdias creaverat, finis tandem impositus. Burdinum interea Antipapam Calixtus capit; camelóque impositum, verso ad caudam capite, pellibúsque indutum caprinis sanguine maculatis, per Urbem circumduci curat, tandémque Monasterio pœnitentiam acturum includit. Haud multò pòst, novo divorzio Ecclesia Romana scissa est, hinc

Innocentius
II. P. &
Antip. Petrus Leonis, seu
Anacletus
II.

Innocentio II. illinc Antipapa *Petro Leonis*, sub *Anacleti II.* nomine, de Papatu contendentibus; Qua in lite, superior tandem Innocentius II. fuit; à quo & Concilium Lateranense II. habitum est, an. 1139, quò, inter alia, Petri Leonis fautores damnati sunt. Quibusdam pòst

Concil.
Lateran.
II. an.
1139. sub
Innocen-
tio II.

an-

annis, Papa fuit *Eugenius III.*, D. *Eugenius*
 Bernardi Abbatis Clarævallis discipulus; ad quem & iste *Libros de*
Consideratione inscripsit, quibus vitia
 illorum temporum, speciatim Romanæ Sedis, vividè perstringuntur. Iste Eugenius, cum Senatus Romani auctoritatem ratam esse noller, perpetua cum Romanis habuit dissidia; unde & Roma cedere, ac per Italiam & Galliam errare, toto ferè Pontificatus tempore coactus est. Dum verò in Galliis esset, à *Ludovico Juniore* Rege honorificè exceptus, non unò habitò Conciliò sacræ militiæ classicum cecinit. An.
 1159. atrox cœpit dissidium, inter
 FRIDERICUM *Ænobarbum* Imperatorem, & *Alexandrum III.* Papam, quem à magna Cardinalium parte electum Fridericus pro vero Pontifice habere noluit, *Victoris III.* primum, deinde & *Paschalis III.* tandem & *Callisti III.* Antipaparum partes secutus. Variâ utrinque Con-
 K 5 cilia

Dissidium
 inter FRI-
 DERICUM
Ænobarb.
 Imp. &
Alexan-
drum III.
 P.

Antip.
 Victor
 III. Pas-
 chalis III.
 & Calix-
 tus III.

Pax inter
Frideric.
Imp. &
Alexandr.
III. an.
1177.

Diffidium
inter Hen-
ricum II.
Angliæ
Regem,
& Thomam
Becket Ar-
chiep.
Cantuar.

ilia ac bella, per annos propè octodecim. Tandem Fridericus, clade à Liguribus acceptâ, Legatos qui de pace agerent ad Alexandrum misit, quæ re verâ Venetiis inter illos sancita est, an. 1177. Imperatore, in vestibulo Basilicæ D. Marci, sese coram Papa humi proster-nente, ab eoque accipiente osculum pacis. Quibus & alii addunt, Pontificem prostrati ad pedes Cæsaris collum pede compressisse, his pro-latis ex Psalte verbis, *Scriptum est, super aspidem & basiliscum ambula-bis, & conculcabis leonem & draco-nem*: Cùm verò dixisset Imperator, *Non tibi, sed Petro, Papam, Et mihi & Petro*, reposuisse. In An-glia, Henrico Regi, hujus nominis II. lis magna fuit cum *Thoma Bec-ke*t, Archiepiscopo Cantuariensi; qui, cùm Clericos flagitiosos, intérque alios Canonicum quendam, in jus vocari nollet, imò neque adduci posset ut Regni consuetudinibus, nisi

sal-

COMPENDIUM. *Sæculum XII.* 155

salvo ordine suo, sese submitteret, iram in se Regis concitavit. Mox tamen ab aliis persuasus, in Conventu Clarendunensi an. 1164. unà cum cæteris Angliæ Præsulibus, ad Regni consuetudines *bonâ fide* observandas solemni juramento sese obstrinxit. At verò facti pœnitens, in Conventu Northamptunensi damnatus est, seque in Galliam recepit, ubi Romanum Pontificem Galliæque Regem patronos nactus, pace tandem compositâ in Angliam rediit, an. 1170. Sed cum Regi iterum cæterisque Præsulibus, molestus esse non desineret, à quatuor regiis satellitibus, injussu tamen Regis, confossus est. Pro qua cæde nihilominus severa pœnitentia Regi à Pontifice est imposita; Thomas verò, triennio post, in Martyrum ac Divorum numerum relatus. Bellum Sacrum, sub finem Sæculi superioris inchoatum, hac ætate semel atque iterum instauratum est; primum an. 1147. ab

Bellum
Sacrum
bis instauratum hoc

Im.

Sæculo ,
an. 1147.
& 1188.

Hieroso-
lyma à Sa-
ladino
capta an.
1187.

Veritatis
restes.

Imperatore *Conrado*, & *Ludovico VII.* sive *Juniore*, Gallix rege; deinde an. 1188. à *Friderico Ænobarbo* Imperatore, *Philippo Augusto* Gallix, & *Richardo* Angliæ regibus; sed nullo, imò infaustissimo potiùs successu; Saracenorum res promovente Græcorum perfidiâ, Latinorumque discordiis, ac perditissimis moribus: Unde captam à *Saladino* Hierosolymam anno 1187. tot Christianorum exercitus recuperare non valuêre, sed re infectâ in patriam remeare coacti sunt. *Fridericus* Imp. an. 1190. dum per æstivos calores in quodam Ciliciæ flumine se ablueret, extinctus est. *Philippus* annô sequenti in Galliam rediit. *Richardus* Angliam repetens, interceptus in itinere est ab *Leopoldo* Austriæ duce. Sicque nihil aliud quàm Europæ damna, & Christianæ rei perniciem, Expeditiones illæ pepêrê. Contra Papales Superstitiones, tyrannidémque Antichristianam, mul-

COMPENDIUM. *Sæculum XII.* 157

multi hōc Sæculō insurrexerunt ; inter quos eminuere *Petrus Brusius*, & *Henricus* ejus discipulus, qui in meridionalibus Gallix partibus prædicârunt , uterque martyrio ibidem coronatus. Omnium verò maximè notari meretur *Petrus Valdo*, civis Lugdunensis, qui cūm dives esset, bona sua omnia in pauperum usum impendit , expositisque vernaculo sermone Sacris Literis, confluentem ad se multitudinem puriori fide imbuuit. Claruit circa annum 1170. Atque hinc *Albigensium* & *Valdensium* ducuntur origines: quanquam dubitari nequit , quin antea jam, in illis Gallix atque Italix tractibus, à Romana fide multi desciverint, quemadmodum ad superius Sæculum notavimus. Quòd verò illi cum *Manichæis* (qui & non pauci per illa tempora fuere) à Pontificiis vulgò confunduntur, id partium studio tribuendum ; siquidem piæ illorum doctrinæ , vitæque inculpatæ,

tum

*Petrus
Brusius, &
Henricus.*

Petrus Valdo.

Albigenses & Valdenses ;

*perperam
cum Manichæis
confusæ.*

tum apud Historicos fide dignissimos, tum in pluribus eorum Libris etiamnum superstitibus, tum etiam apud ipsos eorum Adversarios, haud obscura monumenta exstant. Interim diris atque suppliciis eos persequi Roma non destitit; latâ in primis in eos sententiâ in Concilio Lateranensi III. an. 1179. Alexandro III. Pontifice, Canone 27. quô, ad bellum iis indicendum, promissis etiam Indulgentiis, Principes omnes excitantur; prohibeturque, sub pœna anathematis, *ne quis eos in domibus, vel in terra sua tenere, vel fovere, vel negotiationem cum iis exercere præsumat.* Unde, armis tormentisque pressi; in varias sese regiones diffuderunt. Literarum studia, quæ seculata dudum prioribus Sæculis fuerant, hac ætate excitata sunt; non tamen qualia oportuerat, ob ignorantiam Linguarum, Librorum penuriam, artémque rectè ratiocinandi, ac de Veterum libris iudican-

di,

Concil.
Later. III.
an. 1179.
sub Ale-
xandro
III. P.

Can. 27.
contra
Valden-
ses.

Literarum
studia
Sæc. XII.

di, penitus ignotam. Ejus Theologia, quam *Scholasticam* dicunt, (quæ, & inanium quæstionum, & barbararum vocum ferax est, magisque hominum testimoniis quàm Dei Oraculis nititur) huic ætati assignatur ortus; auctore in primis *Petro Lombardo*, Episcopo Parisiensi; qui, quatuor Libris *Sententiarum* dictis, Theologiam ex Latinis Patribus digessit, hinc *Magister Sententiarum* vulgò appellatus: Quam quidem methodum, & *Robertus Pullus* Cardinalis, *Petrus Pictaviensis*, *Rupertus Tuitiensis*, *Hugo & Richardus de Sancto Victore*, aliique, eâdem ætate secuti sunt. Prima hæc fuit *Scholasticorum* ætas, ab Evangelii quidem simplicitate multum jam aliena, ut vel ex primo Lombardi libro cernere licet, sed purior tamen sequentibus, quibus omnia ad Aristotelis doctrinam composita sunt. His verò alii hunc Sæculum jam præluserant; in primis *Petrus Abælardus*, &

Theologiae Scholasticæ ortus.

Petrus Lombardus.

*Petrus
Abalar-
dus &
Gilbertus
Porreta-
nus.*

& *Gilbertus Porretanus*, Pictaviensis Episcopus, inter doctissimos & acutissimos hujus ætatis Viros numerandi, sed ob quædam subtiliùs tractata, & à vulgaribus placitis remota, non unius Concilii censuras experti. Fuere porro & alii Theologi hac ætate non incelebres, inter Latinos, *Petrus Blæsenfis*, *Petrus Cellensis*, &c. inter Græcos, *Johannes Zonaras*, & *Theodorus Balsamon*, Canonum Ecclesiasticorum Commentatores, &c. Verùm inter Doctores omnes, de quibus hæc ætas potest gloriari, primas tenet *D. Bernardus*, Abbas Claræ-vallensis, Vir meliori dignus Sæculo, in notandis suorum temporum, ipsiùsque aded Curia Romanæ vitiis liberrimus; superstitionis tamen ac zeli præposteri, in nonnullos nomine tenus Hæreticos, meritò infimulandus. Academia hoc Sæculo celebres; quas inter, *Bononiensis* in Italia, & *Parisiensis* in Galliis, eminuere. Aristotelis Philosophia

D. Bernardus.

Academia.

phia ab Arabibus ad Latinos transf- Philoso-
lata. Jus Civile, repertis in Apulia phia.
Justinianæis Pandectis, é tenebris Jus Civi-
erutum, &, auctoritate LOTHARII le.
SAXONIS, Germanorum Imperatoris,
ab Irnerio, sive Wernero, publicè
doceri cœptum. Quò exemplò, no-
vum *Jus Canonicum*, sive Pontifi- Juris Ca-
cium, ex Patrum dictis, Actis Con- nonici qd
ciliorum, & Romanorum Pontifi- rigo.
cum Epistolis & Constitutionibus,
à Gratiano Monacho Thusco com-
pilatum est; quod opus *Concordan-*
tiam discordantium Canonum voca-
vit, nunc *Decretum Gratiani* appel-
latur; sequentibus Sæculis à Grego-
rio IX., Clemente V., aliisque Pon-
tificibus, novis Decretalibus augen-
dum: Quo in opere, innumeros
esse omnis generis errores, atque
in primis Scripta spuria pro genui-
nis laudari, apud ipsos Pontificio-
rum Viros doctos in confesso est.
Habuit hæc ætas plurimos Histori- Historici
cos, cum Latinos, tum Græcos;

L in

in Latinis, *Petrum Comestorem*, Historiæ Scholasticæ, five Sacræ, confarcinatorem; *Othonem Frisingensem*, scriptorem Historiæ universalis; *Sigebertum* Chronici Hieronymiani continuatorem, *Gulielmum Tyrium*, qui Bellum Sacrum in literas retulit, &c; in Græcis, *Johannem Zonaram*, *Michaëlem Glycam*, *Constantinum Manassem*, *Johannem Cinnamum*, *Nicephorum Briennium*, *Annam Comnenam* &c., qui omnes inter Historicos Byzantinos locum occupant. Judæorum Doctores clarissimi hac ætate existere; *R. Salomo Jarchi*; *R. Abenezra*; *R. David Kimchi*, ejusque frater *Moses*: speciatim verò *R. Moses ben Maimon*, Rabbiorum omnium facile princeps; aliisque *Moses Nachmanis* filius; &c. Arabes duo longè celeberrimi, *Avicenna* & *Averroës*, suis in Aristotelem commentariis clarissimi. Erroribus jam inolitis, circa Divos, Reliquias, Imagines, &c. item circa

Judæorum
Doctores.

Arabes.

Errorum
augmenta.

ca

COMPENDIUM. *Sæculum XIII.* 163

ca Eucharistiam, aliâque capita, novum quotidie robur accedebat. Ipsum nomen *Transsubstantiationis*, postquàm res invaluerat, hac ætate primum auditum. Nec tamen deerant, qui, tum huic errori, tum aliis, adversarentur, prout suprà jam ostensum est. Monachis *Præmonstratenses* & *Carmelitæ* accessere. Denique Ordines Militares, putà *Hospitalariorum*, sive *S. Johannis Hierosolymitani*, *Templariorum*, *Teutonicorum*, *D. Jacobi*, & *Calatravæ*, hoc Sæculo primum nati sunt.

Nomen
Transsub-
stantiationis
natum;

Ordines
Monastici.

Ordinum
Militarum
institutio.

Summa Capita

SÆCULI XIII.

Innocentius III. *Papa.* Philippo Augusto *Galliæ Regi anathema dicit.* Philippum *Sueviæ Ducem, de Imperio contendentem, excommunicat.* Idem Pontifex *excommunicat* OTHO-

NEM Imp. *Dissidium inter Innocentium III. & Johannem sine terra, Regem Angliæ. Duplex electio ad Archiepiscopatum Cantuariensem. Neutram Papa ratam habet; sed Stephanum Langton Card. eligi curat. Vividæ Regis literæ ad Papam, an. 1208. Responsum Papæ. Johannes Angliæ Rex à Papa excommunicatus. Anglia sub interdicto. Papa Philippum Aug. Galliæ Regem ad bellum Johanni inferendum excitat. Johannes Regna Angliæ & Hiberniæ Pontifici resignat, edque sub tributi lege recipit. Acta contra Albigenes & Valdenses. Cruciata Expeditio contra Albigenes. Valdenses passim comprehensi atque combusti. Ordines Prædicatorum à Dominico, Minoritarum à Francisco Assisio instituti. Officium Inquisitionis erectum. Concilium Lateranense IV. Oecum. an. 1215. Capit. I. Transubstantiatio primum sancita. Capit.*

COMPENDIUM. *Sæculum XIII.* 165

pit. 3. de Hæreticis excommunicandis, & ad pœnam tradendis. Cap. 21. Confessio Auricularis primum imperata. FRIDERICUS Imp. à Gregorio IX. excommunicatus. Bellum inter Imperatorem & Papam. Guelphi & Gibellini. Innocentius IV. Papa. Concilium Lugdunense I. Oecum. an. 1245. Friderici Imp. obitus. Novæ de Imperio & Regno Siciliae lites. Ausis Romanorum Pontificum multi obfistunt. Bellum Sacrum infelix. Belli Sacri finis, an. 1291. Constantinopolis à Latinis capta, Imperiumque ibi fundatum, an. 1204. recepta à Græcis an. 1261. Tentata Ecclesiæ Græcæ cum Romana concordia. Concilium Lugdunense II. Oecumen. an. 1274. quò pax cum Græcis inita. Concordia à Græcis rejecta, in Concilio Constantinop. an. 1284. Scriptores Græci pro & contra concordiam. Jubilæi institutio an. 1300. Status Religionis

indies corruptior. Theologi Scholastici. Superstitionum incrementa. Festum Corporis Christi institutum ab Urbano IV. an. 1264. Ordines Mendicantes. Liber Gulielmi de Sancto Amore, de periculis novissimorum temporum. Liber, cui titulus, Evangelium æternum. Electionum Ecclesiasticarum vitia indies majora. Pragmatica Sanctio in Gallia instituta. Causæ collapsæ Disciplinæ. Dictum Hugonis Card. de corruptis Clericorum moribus. Historici. Viri Docti. Doctores Judæi. Memorabilia quædam hujus Sæculi.

SÆCULUM XIII

Pergunt Romani Pontifices Regibus atque Imperatoribus se formidabiles præstare, neque aliàs unquam plura aut majora hujus fastūs specimina videre liceat. Et ineunte quidem Sæculô, Romæ sedebat Innocen-

Innocentius III. antea *Lotharius* dictus, *Anagnia*, quæ *Campaniæ* civitas est, oriundus, *Trafimundi* Comit^{is} *Signini* filius, vir pro temporum captu non indoctus, sed *super omnes mortales ambitiosus & superbus*, ut ait *Matthæus Parisiensis*, omnesque hujus Pontificis res gestæ clamant. Is, anno 1199. *Philippo Augusto* Galliæ Regi, ob dimissam *Isenburgim* Regis Daniæ filiam, *Mariamque Agnetem* ejus loco ductam, anathema dixit, imò & toto Galliæ regno sacra fieri vetuit; neque antè destitit, justam quidem causam, sed jure nullo, tyrannicæque ratione agere, quàm *Philippus*, rejectâ *Agnete*, *Isenburgim* recepisset; quod factum mediâ *Quadragesimâ* anni 1201. Circa idem tempus, hujus nempe Sæculi initiô, cum *Philippus* Sueviæ dux, & *Otho* dux Saxonæ, à sua quisque electus factione, de Imperio contenderent, *Innocentius III.*, *Othonis* partes amplexus, ful-

Innocentius III. Papa.

Philippo Aug. Galliæ Regi anathema dicit.

Philippum Sueviæ Ducem, de Imperio contendente, excommunicat.

Idem
Pontifex
excom-
municat
OTHONE-
NEM Imp.

Diffidium
inter In-
nocen-
tium III.
& Johan-
nem sine
terra. Re-
gem An-
gliz.

mina in Philippum vibrare non def-
titit; Mox verò, mortuò Philip-
pò, atque OTHONE consentienti-
bus Principum suffragiis electò, ei
quidem statim coronam Imperialem
imposuit Innocentius an. 1209.; At,
mutatò postmodum animò, Otho-
nem diris devovere, Imperio de-
jicere, ejusque subditos fidei sacra-
mento exsolvere non dubitavit, an.
1211. Cui decreto respondit even-
tus, derelictò à Principibus ac fusò
Othone, an. 1214. FRIDERICÒ ve-
rò Ænobarbi nepote Imperium ad-
eptò. Verùm inter multa ab Inno-
centio adversum Reges superbè ges-
ta, eminet diffidium illud, quod ei
cum *Johanne* Angliæ Rege, dicto
sine terra, intercessit, in quo non
minor Principis ignavia, quàm Pa-
pæ audacia sese prodidit. Scilicet,
defunctò Cantuariensi Antistite, an-
nò hujus Sæculi sextò, in deligen-
do successore nata quædam alterca-
tio est; hinc Monachis Cantuarien-
sibus:

sibus, illinc Episcopis ejusdem diœ-
 ceseos, jus electionis ad se trahen-
 tibus. Et illi quidem, nullâ morâ,
 inconsulto Rege, clanculùm coëunt;
 electumque *Reginaldum*, Domûs suæ
 Subpriorem, ad confirmationem Pon-
 tificis impetrandam, Romam able-
 gant. Sed metuentes post paulo,
 ne, deficiente Regis consensu, ir-
 rita electio haberetur, ad novam
 electionem procedunt, *Johannémque*
Norwicensem Episcopum, à Rege
 commendatum, eligunt; quem &
 Episcopi, eandem ob causam, ab
 altera parte elegère. His auditis,
 Pontifex neutram electionem ratam
 habet, sed à Monachis quibusdam
 Anglis, qui tum Romæ versaban-
 tur, *Stephanum Langton* Cardinalem,
 natione Anglum, Parisiensis Acade-
 miæ Cancellarium, eligi curat; mis-
 sis interim ad Regem donis, mar-
 garitis nempe annullis inclusis, cum
 epistola ineptiis scatente, ut animum
 ejus demulceret. At Rex, facto in-
 dig-

Duplex
 electio ad
 Archie-
 piscopa-
 tum Can-
 tuariën-
 sem.

Neutram
 Papa ra-
 tam ha-
 bet; sed
Stephanum
Langton
 Card. eli-
 gi curat.

Vividæ
Regis li-
teræ ad
Papam,
an. 1108.

Respon-
sum Pa-
pæ.

Johannes
Angliæ R.
a Papa ex-
commu-
nicatus.

dignatus, vehementes ad Pontificem
litteras scribit, quibus de illata sibi
iniuria gravissimè conqueritur, mo-
nèrque se Regni sui libertates, ad-
eoque Norwicensis Episcopi electio-
nem, ad mortem usque defensu-
rum; minaturque, nì sibi satisfiat,
„se omnibus Romam petentibus,
„maris semitas angustaturum, ne
„terra sua divitiis evacuata, ipse ad
„hostes depellendos minùs sufficiat;
„cùmque non desint suo in Regno
„Præsules eruditissimi, se justitiam
„extra terras suas ab alienigenis non
„emendicaturum.” Rescribens Pon-
tifex, queritur quòd Rex *contume-
liosè & protervè* ad se scripserit,
quòdque *frivolas occasiones præten-
dens*, Stephani Langton electioni in-
tercesserit; cùmque quantis potest de-
precationibus ac minis ad Romanæ
Sedi parendum hortatur. Quæ cum
Regem nihil moverent, ad solita
conversus arma, cum Papa excom-
municat, totòque Angliæ regno sa-
cra

cra fieri prohibet; Quin & eò usque progreditur, ut Johannem folio indignum pronuntiet, ejus subditos jurata fide exsolvat, universum Clerum ac Populum in ipsum excitet, Philippum imprimis Galliarum regem, ad bellum ei inferendum, cumque folio deturbandum, hortetur, suscepto etiam Crucis insigni, promissaque, quibuscunque ad hanc militiam se accingentibus, vel ei opes aut operam impendentibus, peccatorum remissione, non aliter quam si de Domini sepulcro visitando ageretur. Ad hæc Johannes, frendere, minari, jurare *per dentes Dei* (quæ erat jurandi formula ei solemnis) „se universos Angliarum Prælatos, „imò & Clericos omnes ad Papam „missurum, eorumque bona fisco „addicturum; imò & quoscunque „Romanos in Anglia repererit, Romanam, erutis oculis, naribusque præcis, destinaturum. Tandem vero fractus ac tetritus, sibi in-

pri-

Anglia
sub inter-
dicto.

Papa Phi-
lippum
Aug. Gal-
liarum R. ad
bellum
Johanni
indicen-
dum ex-
citat.

primis à Francorum rege bellum parante metuens, eò adductus est à Legato Romano Pandulpho, an. 1212.

Johannes
Regna
Angliæ &
Hiberniæ
Pontifici
resignat;
eâque sub
tributi le-
ge recipit.

ut Regna Angliæ atque Hiberniæ Pontifici resignaret; à quo illa deinde, tanquam Feudum Ecclesiæ Romanæ, & sub tributis lege, recepit. Qua tamen fœda submissio-

ne, neque pacem sibi, nec regnis, sed æternam potius infamiam, maiorumque iliada accersivit; prout à *Matthæo Parisiensi*, aliisque illorum temporum Historicis, non sine gravissima atque justissima indignatione, refertur. Dum sic in reges fureret

'Acta con-
tra Albi-
genes &
Valden-
ses.

Innocentius, etiam Pontificiæ addictos Sedi, non mirum si in *Albigenses* atque *Va'denses*, qui Romanas superstitiones tyrannidemque palam arguebant, sævitum eo auctore fuerit. Missi qui in eos inquirerent. Excitati in eos Principes, imprimis Galliæ Rex *Philippus Augustus*. Instituta, non tam iis erudiendis quàm illaqueandis, Collationes; qualis illa
quæ

quæ ad *Montem regium* prope *Car-*
caſſionam, an. 1206. hrbita eſt;
 Quibus cum ſuperari non poſſent,
 armis agi in eos cœpit. Ergo con-
 ſcripti numeroſiſſimi exercitus, Crux Cruciata
Expedi-
tio
contra
Albigen-
ſes.
 ſuſcepta, promiſſæ Indulgentiæ, tan-
 tôque furore geſtum bellum, ut
 aliquando ne iptis quidem Catholi-
 carum partium hominibus, qui cum
 Albigenſibus mixti erant, parcere-
 tur. Captæ *Biterræ*, *Carcaſſona*,
Caftrum, aliæque Albigenſium ſe-
 des. *Raymundus* Comes *Toloſanus*,
 qui eorum partes tuebatur, ditioni-
 bus ſuis exutus, eæque *Simoni* Co-
 miti *Montisfortis* adjudicatæ. De-
 nique tot editæ ſtrages, tot vaſtatio-
 nes, tot incendia, ut bellum atro-
 cius atque immanius nunquam viſum
 fit. Neque mitiùs cum iis *Vaiden-*
ſibus, qui per *Galliam*, *Germaniam*, Valdenſes
paſſim
compre-
henſi at-
que com-
buſti.
Britanniam, aliâſque oras, diſperſi
 erant, agebatur; quorum multi com-
 prehenſi atque ultricibus flammis de-
 voti ſunt. Inter eos autem præco-
 nes,

Ordd.
Prædica-
torum à
Dominico,
Minorita-
rum à
Francisco
Assisio in-
stituti.

Officium
Inquisi-
tionis erec-
tum.

Concil-
Later. IV.
Oecum.
an. 1215.

nes, quorum studio excitata hæc mi-
litia est, fuit *Dominicus Guzman* His-
panus, qui Ordini *Prædicatorum*, seu
Dominicanorum, ortum dedit; dum
Franciscus Assisius Italus, Ordinem
Minoritarum seu *Franciscanorum* in-
stitueret: Ambo postea Divis adscrip-
ti; nec immerito, si furor in inno-
xios, vel emotæ mentis deliria, sanc-
tatis loco habeantur. Et ab illo
quidem Dominico erectum *Inquisi-*
tionis Officium est, primum qui-
dem in Albigenes, deinde & in
quosvis hæreticos: Quod institutum;
Christiani dedecus nominis, imò &
humanæ naturæ probrum, ab Inno-
centio Papa, & Concilio Latera-
nensi confirmatum est. Habitum est
Concilium hoc Lateranense IV. an.
1215. Adfuerunt Episcopi 412. Ab-
bates & Priores penè 800. plurimi-
que Regum ac Principum Orato-
res: Verum id habuit tam nume-
rosus Cætus singulare, quòd, nul-
lius rogatâ sententiâ, Capitula 70.

ab

ab Innocentio composita, ejusque jussu prælecta, in Canonum formam abierint. Primo habetur Fidei formula, quâ *Transsubstantiationis* doctrina, imò & nomen antea ignotum, traditur. Secundo, damnantur errores Abbatis *Joachimi*; qui subtilia quædam de Trinitate contra Lombardum disputaverat. Tertium de Hæreticis excommunicandis, & in manus Potestatum Sæcularium tradendis agit, additâ pœnâ anathematis, imò & exaucturationis, adversus Principes qui illos de terris suis exterminare neglexerint. Capit. 21. Confessio Auricularis primum imperata. Capit. 43. immunitas Clericorum stabilita. Capit. 50. Consanguinitatis gradus, matrimonium impediens, ineptissimis de causis ad quaternarium numerum referuntur. Denique de Bello Sacro ad Palæstinam recuperandam instaurando, quæ fuerat occasio Concilii, non pauca sancita sunt. Porro, de

func.

Capit. 1.
Transsubstantiationis
primum
sancita.

Capit. 3.
de Hæreticis excommunicandis & ad pœnam tradendis.

Cap. 21.
Confessio Auricularis primum imperata.

FRIDERI-
CUS Imp.
à Gregorio
IX. ex-
communi-
catus.

Bellum
inter Im-
perato-
rem & Pa-
pam.

Guelphi
& Gibelli-
ni.

Innocen-
tius IV. P.

functô anno sequenti Innocentiô Pa-
pa, eadem consilia à successoribus,
Honorio III. Gregorio IX., aliisque,
haud remissioribus animis promota
sunt. Renovatæ cum FRIDERICO II.
Imperatore lites; ipsæque, Gregorii
anathematibus, ad Bellum Sacrum
procedere coactus: mox receptis
Hierosolymis, cum ob turbas ab ip-
so Pontifice in Italia excitatas redi-
tum maturâset, novis diris excep-
tus est. Atque inde atrox in Italia
bellum, quô Gregorius, cum fuisset
inferior, Romæque capta ac vastata
esset, mœrore confectus obiit
an. 1241. Vigebant per ea tempo-
ra, in Italia præsertim, *Guelpho-
rum* qui Pontificis, & *Gibellinorum*
qui Imperatoris partes sequebantur,
factiones: quorum iræ atque certa-
mina utramque hujus Sæculi & se-
quentium paginam implent. Cum
verò Sedes Pontificia toto ferè va-
câset biennio, ad eam evectus *In-
nocentius IV.* nihilo mitius in Fridericum

COMPENDIUM. *Sæculum XIII.* 177

ricum Imp. se gessit; sed, convoca-
 tō Conciliō Lugdunensi I. an. 1245. cum diris iterū devovit, eique ab-
 rogavit imperium; unde *Henricus*
Hassia & Thuringia Landgravius,
 deinde &, hōc mortuō, *Gulielmus*
Hollandia Comes, Imperatoris titu-
 lo ornatī sunt. Quæ inter, *Fridericus*,
 tot jactatus turbis, atque in
 Italia cum *Guelphis* conflictans, à
Manfredo filio notho, admoto pul-
 vinari, suffocatus est, anno Imperii
 32. hujus Sæculi 50. Insequenti
 tempore, novæ de Imperio, tum
 in *Conradum* *Friderici* filium, &
Gulielmum *Hollandum*, tum postea
 inter *Ricardum* Regis *Anglia* fratrem,
 & *Alphonsum* Regem *Castilia*, con-
 certationes fuerunt: Fuere & diffi-
 dia de *Sicilia* regno, inter *Conra-*
dinum filium *Conradi*, & *Carolus*
Andegavensem *Ludovici Gallia* Re-
 gis fratrem: Quibus omnibus sese
 immiscere, coronasque pro lubitu
 donare ac transferre, pro solita sua
 M super.

Concilij
 Lugd. I.
 Oecum.
 an. 1245

Friderici
 Imp. obi-
 tus.

Novæ de
 Imperio
 & Regno
 Sicilia li-
 tes.

Aufis Ro-
manorum
Pontifi-
cum multi
obstunt.

Bellum
Sacrum
infelix.

superbia Romani Pontifices non des-
titerunt: Verum ut hæc fusè didu-
cantur, compendii nostri ratio non
finit. Hoc unum omittendum non
est, aufis illis Romanorum Pontifi-
cum, tum eos Principes quorum
res agebatur, tum etiam Præsules
non paucos, vehementer obstisse:
Qua de re vividissima exstant Fride-
rici Imp. & Germanorum Episco-
porum Scripta, Romanam superbiam
atque tyrannidem graphicè descri-
bentia. Bellum Sacrum, impellen-
tibus Pontificibus atque Conciliis,
pluries hoc Sæculo instauratum est;
putà an 1218. ducibus *Andrea* Hun-
gariæ rege, & *Leopoldo* Austriæ du-
ce; an, 1228. duce *Friderico II.* Im-
peratore, qui Hierosolymam, inito
cum Saracenis fœdere, recepit; anno
1248. duce *Ludovico IX.* Galliæ re-
ge, qui Sancti nomen meruit; ite-
rùm an. 1270. ab eodem Ludovico,
qui vulgatâ per exercitum lue ad Tu-
netum in Africa extinctus est. Ve-
rùm

tum expeditiones illæ omnes parum
 prosperè cessere : Tandémque an.
 1291. amissis omnibus quæ capta fue-
 rant, ab iis ulteriùs suscipiendis pla-
 nè cessatum est. Captam à Fran-
 cis Venetisque, ad bellum Sacrum
 se accingentibus, Constantinopolim,
 ibique Latinum Imperatorem consti-
 tutum, *Balduinum* Flandriæ Comi-
 tem, Græcis interim Nicæam Bithy-
 niæ Imperiî sedem transferentibus,
 hujus Sæculi primordia viderunt;
 Sed anno 1261. à MICHAËLE PA-
 LÆOLOGO, Imperatore Græco, Con-
 tantini urbs recepta, Latinorumque
 imperio finis allatus. Hæc inter,
 tentata non semel Græcæ Romanæ-
 que Ecclesiæ concordia, sub *Inno-*
centio III. Gregorio IX. Alexandro IV.
 omnium verò maximè *Michaëlis Pa-*
læologi temporibus, qui à *Carolo Si-*
ciliæ rege sibi metuens, Romano-
 rumque sibi conciliaturus gratiam,
 Legatos ad *Urbanum IV.* de con-
 cordia acturos misit, ad quam se

Belli Sa-
 cri finis,
 an. 1291.

Constan-
 tinopolis
 à Latinis
 capta. Im-
 perium-
 que ibi
 fundatum
 an. 1204.

recepta à
 Græcis
 an. 1261.

Tentata
 Ecclesiæ
 Græcæ
 cum Ro-
 mana
 concor-
 dia.

Concil.
Lugd. II.
Oecum.
an. 1274.
quò pax
cum Græ-
cis inita.

non promptum modò , sed & iusto
faciliorem præbuit. Quamobrem,
variis actis atque scriptis ultrò citrò-
que , tandem in Concilio Lugdunen-
si II. sub *Gregorio X.* anno 1274.
non tam fœdera pacis inita, quàm
ad Latinorum arbitrium omnia com-
posita sunt. Sed pacem subdólam
ætas altera non tulit; quippe quæ ,
sub *ANDRONICO* Michaëlis filio &
successore , pulsò *Johanne Veccò* Pa-
triarchâ , restitutòque *Josephò* , so-
lemni judicio à Græcis rejecta est.
Habitum hac de re Concilium , in
Palatio Constantinopolitano *Blacher-*
narum dicto , an. 1284. quò *Vec-*
cus cæterique concordix promo-
res damnati sunt. Capita dissensus
eadem quæ suprà; in primis prima-
tus Papæ, processio Spiritus S. à Pa-
tre *Filioque*, atque azyma. Pro con-
cordia scripsêre *Joh. Veccus*, *Geor-*
gius Metochita , *Constantinus Meli-*
teniota , &c. Contra concordiam
Theodorus Lascaris Imp. , *Gregorius*
Cy-

Concor-
dia à Græ-
cis rejec-
ta, in
Conc.
Constant.
an. 1284.

Scriptores
Græci pro
& contra
concor-
diam.

Cyprius; *Georgius Moschamper*, aliique. Ultimum Sæculi annum *Jubilæi* Pontificii institutio nobilitavit, auctore *Bonifacio VIII.* Pontifice, à quo amplissimæ promissæ Indulgentiæ iis qui limina Apostolorum salutare, præcipuâsque Romæ basilicas invisere non gravarentur: quæ de causâ, Romæ ingens populorum concursus fuit. De Theologia, Sacrorumque ritibus, piget verba facere, quæ deteriora & inquinatiora indies facta sunt. *Theologorum* à *Schola* dictorum agmen ingens hoc Sæculo exstitit; putà *Alexander Halensis*, *Albertus Magnus*, *Thomas Aquinas*, *Bonaventura*, *Henricus Gandavensis*, *Gulielmus Durantes*, *Gulielmus Parisiensis*, *Ægidius Columna*, *Ricardus de Mediavilla*, aliique; qui quidem non tam ad Scripturæ normam, quàm ad mentem Aristotelis, de rebus divinis commentati sunt. Novorum Sanctorum, reliquiarum, rituum, festorum, quotidie

Jubilæi
institutio
an. 1300.

Status
Religionis
indies
corruptior.

Theologi
Scholastici.

Superstitionum
incrementa.

Festum
Corporis
Christi in-
stit. ab Ur-
bano IV.
an. 1264.

Ordines
Mendi-
cantes.

Liber Gu-
lielmi de
Sancto A-
more, de
Periculis
novissimo-
rum tem-
porum.

crefcebat nimerus: Quæ inter, me-
moratu præ cæteris dignum est Fes-
tum *Corporis Christi*, ab *Urbano IV.*
Pontifice, an. 1264. institutum, oc-
casione visorum quorundam, quæ
Moniales Lepdienses, *Juliana* atque
Eva, sibi cœlitus obtigisse fabula-
bantur. Ordinum quoque Monasti-
corum, *Mendicantium* imprimis, fe-
racissimum hoc Sæculum fuit; mag-
nò Republicæ Christianæ damnò,
nec unâ hinc in Ecclesiis & Aca-
demiis exortâ lite: Unde pullulan-
tibus Familiis illis modum quendam
ponere, multasque abrogare, Con-
cilium Lugdunense II. necesse ha-
buit. Verùm suis illis mancipiis &
satellitibus favebat Roma, neque il-
lorum vitia redargui facillè patieba-
tur. Sensit id *Gulielmus de Sancto*
Amore, Parisiensis Doctor, cujus Li-
ber de *Periculis novissimorum tempo-
rum*, acerrimè statim damnatus est;
dum é contrario propudiosus Mo-
nachi cujusdam foetus, cui titulus
Evan-

Evangelium æternum, vel, *Evangelium Spiritûs S.*, in Christum & Apostolos contumeliosissimus, nonnisi ægrè, imò & clanculùm à Pontifice damnari potuit. In Electionibus Ecclesiasticis, conferendisque Beneficiis, fœda jamdudum nundinatio vigeat; hinc Principibus, illinc verò Papis jura omnia ad se trahentibus. Quibus emendandis vitiis, speciatim verò moderandis Romanæ Curia exactionibus, non paucæ hoc Sæculo Leges, in Regnis, & Conciliis, factæ sunt: qualis *Pragmatica illa Sanctio*, quam in Gallia Rex *Ludovicus*, cognomento *Sanctus*, instituit: sed hæc imbecilla nimium; neque paria malis remedia fuere, Christianam omnem Disciplinam; emendandis moribus natam, ineptæ illorum temporum devotiones, prava Sacerdotum exempla, Bella Sacra, Indulgentiæ, tandemque Confessionis privatæ institutio, pessumdede-
runt. Morum quanta deprava-

Liber dictus, *Evangelium æternum.*

Electio-
num Ec-
cles. vitia
indies ma-
jora.

Pragmatica Sanctio
in Gallia
instituta.

Causæ
collapse
Discipli-
næ.

Dictum
Hugonis
Card. de
corruptis
Clerico-
rum mo-
ribus.

Historici.

Viri Doc-
ti.

tio fuerit, præcipuè apud Clericos, doceat vel unus *Hugo* Cardinalis, cujus hoc effatum traditur; „Dia-
bolum duas habere filias, Avari-
tiam & Luxuriam; Illam Judæis,
hanc Ethnicis olim elocâsse; nunc
verò Clericos & Sacerdotes utram-
que suis viris eripuisse, & sibi
propriam habere. „ Historici hac
ætate non incelebres; inter Græcos,
Nicetas Choniates, *Georgius Acropo-
lita*, *Georgius Pachymeres*, &c; in-
ter Latinos, *Conradus à Lichtenau*
Abbas *Urspergensis*, *Matthæus Pa-
risiensis*, *Martinus Polonus*, &c; in-
ter Arabes, *Gregorius Abulpharagius*,
cujus *Historia Dynastiæ* Arabicè
& Latinè à Pocockio edita exstat.
Neque alii desunt hoc Sæculo Dis-
ciplinis clari; ut *Petrus de Vineis*,
Friderici II. Imperatoris Cancellarius,
qui ejus jura adversus Romanum Pontificem strenuè defendit;
Gulielmus de Sancto Amore, de quo
suprà, Monachorum castigator acer-
rimus;

rimus ; *Robertus Sorbona*, Collegiū Sorbonici apud Parisios fundator ; *Johannes de Parisiis*, Regiæ potestatis contra Papam assertor , & cujus determinatio de modo quo Corpus Christi existit in Eucharistia, non per transubstantiationem , sed per assumptionem substantiæ panis in Verbo (quæ fuerat sententia *Johannis Damasceni*) à Doctoribus Parisiensibus illius ævi minimè damnata est; *Rogerus Baconus*, *Robertus Grossthead*, sive *Capito*, Anglus uterque ; *Raymundus Martini*, Catalaunus, qui *Pugionem fidei* contra Judæos & Mauros edidit ; *Raymundus Lullus*, Majoricensis, magni vir nominis, sed ambigux famæ ; atque ille Castellæ Rex, Astronomiæ peritia celeberrimus *Alphonsus*. Judæis, quanquam pressis passim & vexatis , sui etiam non obsecuri Doctores fuere ; putà *R. Moses ben Nachman* ; *R. Meïr* ; *R. Ascher* ; *R. Bechai* ; *R. Levi ben Gerson* ; *R. Schem Tof*, aliique. Cætera

Doctores
Judæi.

Memorabilia quædam hujus Sæculi.

tera hujus Sæculi Memorabilia, velut *Tartarorum* excursiones & vastationes; *Saracenorum* clades in Hispania, quibus tandem præter Granatense regnum nihil superfuit; Domus *Austriacæ* ad Imperium accessionem, in *Rodolpho Habsburgico*, an. 1273.; *Vesperas Siculas*, sive horrendam Gallorum in Sicilia stragem, ipso Paschatis vespere an. 1282.; hæc, inquam, & aliâ ejusdem generis, hujus non est loci enarrare.

Summa Capita

SÆCULI XIV.

Bonifacius VIII. *Ejus dissidium cum Philippo Pulchro Galliæ Rege. Bonifacius vetat tributa Clericis imponi, absque Romanæ Sedis consensu. Philippus vetat ne pecuniæ extra Regnum transferantur. Jubilæum quàm superbè à Bonifacio celebræ.*

COMPENDIUM. *Sæculum XIV.* 187

lebratum. Bulla Bonifacii contra Philippum Pulchrum. Responsum Regis ad eam Bullam. Bulla Bonifacii, Unam Sanctam. Bonifacius Philippum Gallie R. excommunicat. Accusationes contra Bonifacium. A Papa ad Concilium provocatur. Bonifacius à Nogareto captus & malè habitus. Moritur an. 1303. Acta Bonifacii à successoribus rescissa. Clemens V. Sedem Pontificiam Avenionem transfert. Ordo Templariorum extinctus. Crimina iis impacta. Comprehensi, & suppliciis affecti. Concilium Viennense an. 1311. quò Templariorum Ordo abolicus. Johannes XXII. LUDOVICUM BAVARUM Imp. excommunicat. Bulla Johannis XXII. contra Ludovicum Bavaram. Responsum Ludovici Bavari ad illam Bullam. Nicolaus V. Antip. Controversia inter Franciscanos de forma cucullarum & rogarum. Multi eam ob rem combusti. Alia Con-

troverfia, de bonorum proprietate. Pugnantes Pontificum hac de re sententia. Johannes XXII. Franciscanis adversatus, eisque invisus. Excommunicatio Ludovici Bavari Imp. à Benedicto XII. & Clemente VI. confirmata. CAROLUS IV. Imp. Sedes Pontificia à Gregorio XI. Romam reducta. Schismatis initium, an. 1378. Urbanus VI. Romæ, Clemens VII. Avenione, simul Pontifices. Bonifacius IX. Romæ. Benedictus XIII. Avenione. Gallia utriusque Pontificis obsequio se subtrahit. De Johanne Wiclefo. Ejus doctrina, fautores, & adversarii. Præfectura Collegii donatus, an. 1365. eadem submotus an 1367. Fuit unus é Legatis Regiis ad Papam missis, an. 1374. Wiclefus accusatur an. 1377. Synodus Londinensis hujus anni eum non damnat. Damnata Wiclefi doctrina in duabus Synodis, Londinensi & Oxoniensi, an. 1382. Duplex ejus
Con-

COMPENDIUM. *Sæculum XIV.* 189

Confessio de Sacramento Altaris. Moritur an. 1387. Wiclefitæ, Lollardi. Scriptura S. à Wiclefo Anglicè versa. Multa ei per calumniam afficta. De Ecclesia Græca. Simulatus cum Latinis consensus. Barlaamitæ, Palamitæ. Scholastici. Superstitionum progressus. D. Catarina. D. Brigitta. Jubilæum an. 1350. Exactiones Curie Romanæ. Dissidia Monachorum cum Ordinariis. Inquisitio in Valdenses, alióſque pro hæreticis habitos. De Judæis. Viri Docti. Memorabilia Sæculi XIV.

SÆCULUM XIV.

Bonifacio VIII., antea *Benedicto* *Bonifacius VIII.*
Cajetano dicto, qui post abdicationem decessoris sui *Celestini V.* Romanam Sedem invaserat, an. 1294. gravissimum, tum superiori desinente Sæculo, tum hoc ipso ineunte, cum *Philippo Pulchro* Galliarum re-
ge

*⁊ Ejus diffi-
dium
cum Phil-
ippo Pul-
chro Gal-
liæ rege.*

*Bonifa-
cius vetat
tributa
Clericis
imponi,
absque
Romanæ
Sedis con-
sensu.*

*Philippus
vetat ne
pecuniæ
extra Re-
gnum
transfe-
rantur.*

*Jubilæum
quàm su-
perbè à
Bonifacio
celebra-
tum.*

ge dissidium fuit. Cum enim Pon-
tifex supremam sibi, non in spiri-
tualibus modò, sed & in tempora-
libus, auctoritatem arrogaret; datâ-
que Bullâ vetuisset, ne tributum
ullum, absque consensu Romanæ
Sedis, Clericis imponeretur, vel
impositum penderetur, ausis illis mag-
no animò restitit Philippus; vicif-
simque, ne pecuniæ ullæ extra Reg-
num suum transportarentur, pro-
hibuit. Exardet Pontifex; vetitum-
que illud, si ad Clericos extendâ-
tur, temerarium, imò & stultum, at-
que anathemate dignum pronuntiat:
Verùm sua Regniq̃ue jura adver-
sùm hæc Scripto publico defendit
Philippus. Tunc temporis, annò
nempe trecentesimo supra millesi-
mum, dum institutum à se Jubilæum
celebraret Bonifacius, suæ specimen
superbiæ, arreptique in Reges im-
perii, in oculis omnium posuit: Nam
die quidem primo, in Pontificali-
bus, populo benedixit: At postero
die,

die, Imperatoris habitu, gladium ante se nudatum deferri iussit, his prolatis vocibus, *Ecce duo gladii hîc;* quibus duplicem potestatem, spiritua-lem & temporalem, sibi datam fig-nificabat. Anno sequenti, novis Bullis arrogantiae plenissimis, contra Philippum furit Bonifacius. Una talis erat. *Bonifacius Episcopus, ser-vus servorum Dei, Philippo Franco-rum regi. Deum time, & mandata ejus observa. Scire te volumus, quod in spiritualibus & temporalibus nobis subes. Beneficiorum & prebendarum ad te collatio nulla spectat; & si ali-quorum vacantium custodiam habeas, fructus eorum successoribus reserves: Et si qua contulisti, collationes tales irri-tas decernimus, & quantum de facto processerunt, revocamus. Aliud cre-dentes hæreticos reputamus. Datum Laterani &c. Quid verò Rex? Nem-pe Bullam illam publicè cremari ju-bet; simulque Regni Ordines con-vocat; Qui, se nullum alium do-mi-*

Bulla Bo-nifacii contra Philip-pum Pul-chrum.

Respon-
sum Regis
ad eam
Bullam.

Bulla Bo-
nifacii,
Unam
Sanctam.

minum præter Regem agnoscere, Regnique jura ac libertates ad mortem usque defensuros, pollicentur. Mox Philippus ad Bullam Bonifacii, pari brevitæ, nec minùs acriter stylo, respondet. *Philippus Dei gratia Francorum rex, Bonifacio se gerenti pro summo Pontifice, salutem modicam, seu nullam. Sciat maxima tua fatuitas, in temporalibus nos alicui non subesse; Ecclesiarum & prebendarum collationem ad nos jure regio pertinere, & fructus earum vacatione durante nostros facere. Collationes à nobis hætenus factas, & in posterum faciendas, fore validas; & illarum vigore, possessores contra omnes viriliter nos tueri; secùs autem credentes, fatuos & dementes reputamus. Datum Parisiis &c.* Interim Bonifacius, à proposito neutiquam desistens, contrà magis exacerbatus, famosam illam Bullam, quæ *Unam sanctam* incipit, promulgat; quâ *duplicem gladium*, seu duplicem potest-

testatem, spiritualement & temporalem, Ecclesiæ competere fancit; qui se-
cūs sentiunt, quāsi duo cum Ma-
nichæis principia statuerent, damnati;
denique *subesse Romano Pontifici om-
nem humanam creaturam, de necessi-
tate salutis esse* decernit. Quæ qui-
dem Bulla Juri Canonico inserta est
*Extravag. Commun. Lib. I. Tit. de
Majoritate & obedientia.* Igitur, cū
cedere Philippus nollet, eum Pon-
tifex sacris interdicit, eosque sive
Presbyteros sive Episcopos, qui ei
sacra ministrarent, pariter excom-
municat. Hæc inter, *Gulielmus No-
garetus*, quem Philippus Rex Romam
ablegaverat, à Pontifice malè habi-
tus, factâ in ejus vitam atque mō-
res inquisitione, eum, apud Regem
Regniq̃ue Proceres, gravissimorum
scelerum accusat; putâ, quod non es-
set legitimus Pontifex, vivo deces-
sore per vim & fraudem intrusus;
quod esset hæreticus, simoniacus, de-
prædator Ecclesiarum, tyrannidis,

Bonifa-
cius Phi-
lippum
Galliæ Rē
excom-
municat.

Accusa-
tiones
contra
Bonifa-
cium.

N

exac-

A Papa
ad Conci-
lium pro-
vocatur.

Bonifa-
cius à No-
gareto
captus &
malè ha-
bitus:

Moritur
an. 1303.

exactionum, ac blasphemiarum reus,
&c. Quæ accusationes cum lectæ
atque confirmatæ in Ordinum con-
ventu essent, à Bonifacio ad Con-
cilium, ea de causa cogendum, fu-
turumque Pontificem, provocatum
est. Neque dictis solum, sed &
factis, castigatur ejus arrogantia:
Quippe Nogaretus, adjunctis sibi
Columnensium nonnullis (quæ fa-
milia Bonifacio inimicissima erat)
Anagniam, ubi tum Pontifex ver-
fabatur, petit; expugnatôque cas-
tellô, Papæ thesauros expilat, eum-
que captivum ducit; Imò verò chi-
rothecâ ferreâ, seu à Nogareto ip-
so, seu, ut alii tradunt, à Sarra
Columna, gravissimus ei colaphus
impositus est. Mox ab Anagnensi-
bus popularibus suis liberatus Ro-
mam rediit, ubi ex mœrore & ra-
bie obiisse fertur, Octobri mense
an. 1303. Unde pervulgatum de il-
lo est, *quod intraverit ut vulpes, reg-
naverit ut leo, & exstinctus sit ut
canis*

COMPENDIUM *Sæculum XIV.* 195

canis. Huic suffectus *Benedictus XI.* Benedicto *Clemens V.* à quorum utroque Acta Bonifacii in Philippum rescissa sunt. Ab hoc Clemente Sedes Pontificia Avenionem translata est, quæ ibi annis hæsit septuaginta. Idem Pontifex, junctis cum Philippo Galliarum Rege consiliis, *Templariorum* Ordinem, inde ab annis propè ducentis institutum, opibus verò atque potentia ad invidiam auctum, durissimis judiciis exstinxit. Cum enim gravissima scelera, imò & fidem superantia, iis impacta essent; putà, quòd in Ordinem cooptati Christum abnegarent, atque in imaginem crucifixi ter inspuerent; quòd caput ligneum auro obductum adorarent; quòd omni cum mulieribus consuetudini nuntio misso, masculam venerem pro licita haberent; quòd si quis Templarius rem cum virgine habuisset, puerum inde natum cremarent, & ex ejus adipe idolum suum inungerent; &c,

Acta Bonifacii à Successoribus rescissa.

Clemens V. sedem Pontificiam Avenionem transfert.

Ordo. *Templariorum* exstinctus.

Crimina iis impacta.

Compre-
henſi, &
ſuppliciiſ
affecti.

Concil.
Vienn.
an. 1311.
quò Tem-
plario-
rum Ordo
abolitus.

Johannes
XXII.

ſeu crimina illa vera fuerint, ſive
in eorum invidiam conficta, (quod
à veri ſpecie non prorsùs abhorret)
omnes, ſtatutò die, primùm in Gal-
lia, deinde & per Angliam, Hiſ-
paniam, Italiam, comprehenſi, ac
de plurimis ſumptum ſupplicium,
annis 1307. & ſequentibus; annò
verò 1311. in Concilio Viennenſi,
eam præcipuè ob cauſſam congre-
gato, Ordo ille antiquatus eſt. Mul-
ti tormentis adaſti, vel promiſſà im-
punitate, ſcelera confeſſi ſunt: Sed
multi contrà ſuam & ſociorum in-
nocentiam ad ultimum uſque ſpiri-
tum aſſeruère. Bona eorum, quæ
immenſa per totam Europam erant,
partim *Hospitariis*, vel aliis Ordi-
nibus adſcripta, partim in fiſcum
relata ſunt. Mortuò Clemente V.
an. 1314. magnum inter Cardinales
ſententiarum divortium fuit, Italis
Italum, Gallis Gallum fieri Ponti-
ficem exoptantibus: nec niſi inter-
jectò bienniò, in *Johannem XXII.*

con-

consensere. Is acerrimam LUDOVICO BAVARO Imperatori litem intentavit, eique anathema dixit, eo quod, suâ adprobatione non expectatâ, insignia Imperii sumpsisset. Verum superbissimæ Johannis Bullæ, quâ Imperatoriam dignitatem Romani Pontificis beneficium esse contendebat, Scriptum vividissimum & audacissimum opposuit Ludovicus, quô Johannem *sevissimum lupum, discordiarum ac seditionum auctorem, Antichristum, hæresiarcham*, imò & *Satanam* vocat. Unde & Populo novi eligendi Pontificis potestatem fecit, qui fuit *Petrus de Corbario*, dictus *Nicolaus V.*; sed hic postmodum comprehensus, atque in manus Johannis traditus est. Sub hoc Johanne XXII. non illepidæ inter Franciscanos disceptationes fuerunt: Una, de forma Cucullarum atque Togarum, quas alii laxiores atque ampliores, alii angustiores volebant; Illi *Conventuales*, isti *Spirituales* dicebantur.

LUDOVICUM BAVARUM Imp. ex. communicat.

Bulla Johannis XXII. contra Ludov. Bavar.

Responsum Ludov. Bavar. ad illam Bullam.

Nicolaus V. Antip.

Controversia inter Franciscanos de forma cucullarum & togarum.

Multi
eam ob-
rem com-
busti.

Alia Con-
troverfia,
de bono-
rum pro-
prietate.

Pugnan-
tes Ponti-
ficum hac
de re sen-
tentiz.

Et isti quidem ita obfirmato pro suis Cucullis animo erant, ut plurimi durissimum carcerem, nonnulli etiam ignis supplicium ea de caussa tolerârint: dubium facientes, sua pertinacia, an Præpositorum crudelitas major fuerit. Altera Controversia fuit de rerum quibus Franciscani utuntur, quasque absumunt, proprietate; Nam illi quidem proprietatem omnem à se amoliebantur; in eoque Evangelicæ paupertatis perfectionem statuebant: quod & Pontifices non pauci, *Gregorius IX. Innocentius IV. Nicolaus III. Martinus IV. Nicolaus IV.* denique *Clemens V.* iteratis decretis confirmaverant. At verò alia Johannis XXII. mens fuit; nempe, in rebus quæ absumuntur, usum à proprietate sejungi non posse; illudque paupertatis genus, quod in abjicienda proprietate, retento usu, situm est, Christo & Apostolis ignotum fuisse, denique hæreticum esse asserere, Christum omni jure atque

atque dominio, in res quibus utebatur, caruisse. Hæc Johannes XXII. Quo nomine invisum sese Franciscanorum Ordini præstitit; idque ipsi, tum à Ludovico Bavaio Imperatore, tum ab aliis adversariis, in gravissimæ hæreseos loco positum est. Porro latam à Johanne XXII. in Ludovicum Bavarum excommunicationis sententiam, ejus successor, *Benedictus XII.* & *Clemens VI.* confirmârunt; & eo quidem successu, ut tandem ab Electorum parte alius creatus sit Imperator, putà CAROLUS IV. cui Ludovicus tum temporis mortuus, (anno nempe 1347.) vacuum locum reliquit. Inclinante Sæculô, anno nempe 76. exeunte, *Gregorius XI.* Sedem Pontificiam Avenione Romam reduxit, eò, ut ferunt, monitis D. Catarinæ Senensis impulsus. Nec multò post, hóc mortuô Pontifice, an. 1378. gravissimum Schisma exortum est, quod totis 50. annis, summo cum Eccle-

Johannes
XXII.
Franciscanis
adversatus, eis-
que invisus.

Excommunicatione
Ludovici
Bav. Imp.
à *Benedicto XII.* & *Clemente VI.*
confirmata.

CAROLUS
IV. Imp.

Sedes
Pontificia
à *Gregorio XI.* Romam
reducta.

Schismatis
initium
an. 1378.

fixæ damno & dedecore, viguit. Cùm enim ex Cardinalibus qui Romæ aderant, Italum Itali, Gallum Galli Pontificem vellent, Romanique, non precibus modò, sed & minis agerent, ut ne alius quàm Romanus eligeretur; tumultuariò, nec nisi leniendæ plebi, *Bartholomæum Pregnanum*, Barrensem Archiepiscopum, electum esse disseminatum est; Qui quidem electionem suam, quanquam non seriam, ratam esse voluit, dixitque se *Urbanum VI.* Ex adverso, Cardinales, ad alium eligendum congregati, *Robertum* Cardinalem Genevensẽ, Amedei Comit̃s Genevensis fratrem, Papam constituunt, qui se *Clementem VII.* vocat. Urbanus Romæ, Clemens Avenione, sedem fixere; Quos inter, mutua anathemata, scissusque studia in contraria Christianus Orbis. Pro Urbano stabat Italia penè omnis, Germania, Anglia, Suecia, Dania, Polonia, & Comes Flandriæ.

Cle-

*Urbanus VI. Romæ,
Clemens VII. Avenione
simul Pontifices.*

COMPENDIUM. *Sæculum XIV.* 201

Clementi adhærebat Gallia, Scotia, Johanna Neapolitana, Dux Lotharingiæ, Comites Sabaudia & Gebennensis. Neque verò, mortuis illis Papis, restituta concordia est. Etenim mortuo Urbano an. 1389. *Petrus de Thomacellis*, dictus *Bonifacius IX.* mortuo verò Clementi an. 1394. *Petrus de Luna*, seu *Benedictus XIII.* à sua quisque factione suspecti sunt. Et multa quidem componendo Schismati proposita: Quæ cum nihil promoverent, ob Contententis utriusque, in retinendo Pontificatu, etiam contra promissa, pertinaciam, Gallia regnum, auctoribus Universitatis Parisiensis Doctoribus, de utroque deferendo Pontifice, neutrique obtemperando, consilium cepit: Quæ subtractio obediæ, an. 1398. publicata, per plures annos, variis intervallis, perstitit, quemadmodum ad Sæculum sequens dicemus. In Anglia, inde ab anno hujus Sæculi 60. floruit doctrina

Bonifacius IX. Romæ.

Benedictus XIII. Avinionæ.

Gallia utriusque Pontificis obsequio se subtrahit.

N 5 næ

De *Johanne Wicle-*
fo.

Ejus doc-
trina, fau-
tores, &
adversa-
rii.

Præfetu-
ra Colle-
gii dona-
tus, an.
1365.
eadem
submotus
an. 1367.

næ laude *Johannes Wiclefus*, Theo-
logiæ Doctor & Professor Oxonien-
sis, mox & Ecclesiæ Lutterwor-
thiensis in Diœcesi Lincolnienſi Rec-
tor: Qui cùm multa liberè admo-
dum, contra receptas opiniones, Cle-
ricorum vitia, Curia Romanæ ty-
rannidem, Monachorumque Men-
dicantium omnia ad se trahentium
audaciam, tum voce, tum scriptis
doceret, multos quidem patronos
ac discipulos, in Aula, Clero, Po-
puloque habuit; sed & multorum,
præsertim inter Monachos, eorum-
que fautores, iram atque odium in
se concitavit. Anno 1365. à *Simone*
Islip, Archiepiscopo Cantuariensi,
præfectura Collegii Cantuariensis apud
Oxonium donatus est: sed biennio
post, ab ea est submotus à *Simone*
Langham Islipii successore, qui eam
Monacho cuidam dedit: A quo ju-
dicio cùm *Wiclefus* ad Papam pro-
vocasset, qui tum erat *Urbanus V.*
is nihilo in *Wiclefum* æquior, Ar-
chie-

chiepiscopi sententiam ratam habuit.

Quanti autem tunc ab ipso Rege *Edwardo III.* fieret Wiclefus, vel id unum indicio sit, quòd inter Legatos regios ad Papam missos an.

Fuit unus
é Legatis
regiis ad
Papam
missis an.
1374.

1374. nomen ejus compareat. An.

1377. gravis ipsi lis de doctrina moveri cœpit, à *Simone Sudburio* Archiepiscopo Cantuariensi, qui *Gregorii XI.* Romani Pontificis excitatus

Wiclefus
accusatur
an. 1377.

litteris, Synodum Londini hac de re habuit: Sed Wiclefus, Ducis Lancastriæ aliorumque Procerum præsidio, tunc temporis indemnatus abiit.

Synodus
Londinensis
hujus anni
eum non
damnat.

Verum, remoto quibusdam pòst annis à Regni administratione Lancastriæ Duce, resumptum majoribus

animis à *Gulielmo de Courtenai* Archiepiscopo Cantuariensi, Wiclefi

negotium est, an. 1382. ejusque doctrinâ in duplici Synodo, altera Lon-

Damnata
Wiclefi
doctrina
in duabus
Synodis,
Londin. &
Oxon. an.
1382.

dini, altera Oxonii, discussâ, novem quidem capita ut hærefes, quin-

decim ut errores damnata sunt, ipsò interim, sive patronorum favore,

sive

Duplex
ejus Con-
fessio de
Sacramen-
to Altaris.

Moritur
an. 1387.

Wiclefite,
Lollardi.

Scriptura
S. à Wi-
clefo An-
glicè ver-
sa.

sive quòd sua negâsset vel ejurâsset dogmata, Ecclesiæ suæ redditô. Certè, cùm hæresium ipsi adscriptarum hæc primaria sit, quòd veritatem Corporis Christi in Sacramento Altaris negare diceretur, habetur duplex ejus Confessio, una brevior, altera prolixior; sed quarum utrâque, non *Transsubstantiatio*, sed potius *Consubstantiatio* docetur; additurque, partem Cleri maximam, eandem sententiam tenuisse, eamque defendere ipso vitæ dispendio paratam fuisse. Quidquid sit; obiit Lutterworthiæ ex paralyfi Wiclefus, die ultimo anni 1387. scriptis ingenti numero Libris, innumerisque relictis Discipulis, qui *Wiclefite* ac *Lollardi* dicti, longè latèque disseminati sunt, gravissimâque vexationes pertulerunt. Excitabat auditores suos ad Scripturæ studium Wiclefus, quam & propterea in Anglicam linguam converterat. Vir erat, vel fatentibus ejus Adversariis, doctrinæ non vul-

vulgaris, Theologiæ Scholasticæ quæ
 tum vigeat peritissimus, & dispu-
 tandi solertia nulli secundus: In
 quo, quanquam Scholasticis impe-
 ditus tricus, Sæculique tenebris non-
 dum discussis, de quibusdam minùs
 rectè senserit, non dubium tamen
 quin multæ ex hæresibus ipsi adscrip-
 tis, veluti hæc, *quòd Deus debet*
obedire diabolo, & hæc, *quòd quid-*
libet est Deus, &c. per calumniam
 confictæ, vel odiosis saltem illationi-
 bus ex ejus principiis deductæ sint.
 Afflictæ Græcorum res, totò hóc
 Sæculò, Turcis eos assiduè vexanti-
 bus: Quæ res Imperatores illos ad
 Latinorum opem confugere, cùm-
 que in finem consensum quendam
 cum Ecclesia Latina præ se ferre,
 non semel fecit: Quod factum ab
 ANDRONICO juniore, an. 1339. misso
 in Occidentem *Barlaamò*; deinde & à
 JOANNE PALÆOLOGO, qui ipse in Ita-
 liam venit an. 1369. Fideique profes-
 sionem ad mentem Latinorum edidisse
 fer-

Multa ei
 per ca-
 lumniam
 afficta.

De Eccle-
 sia Græca.

Simulatus
 cum Lati-
 nis con-
 sensus.

fertur: Verùm hæ meræ artes erant, neque ad Græcos Latinis conciliandos quidquam valuere. Ipsi interim inter sese inanibus vacabant dissidiis; qualia fuere inter *Barlaamitas* & *Palamitas*, de luce quadam increata, modo orationis, aliisque capitibus. In Occidente, Doctorum *Scholasticorum* immensus ordo; *Johannes Duns Scotus*, à quo *Scotistæ*, *Thomistis* oppositi; *Gulielmus Ockam*; *Durandus de S. Porciano*; *Johannes de Janduno*, *Thomas de Argentina*; *Petrus Aureolus*; *Robertus Holkot*; *Thomas Bradwardinus*; *Gregorius de Arimino*, &c. qui omnes, humanis argutiis, & malè sana subtilitate, rem Christianam, planam per se ac facilem, obscurare non destiterunt. Subinde tamen, seu vi veritatis, seu quòd aliæ rationes accederent, de nonnullis capitibus faniora quàm vulgus sentiebant; ut, cùm multi panem Eucharisticum post consecrationem remanere statuunt; ut & multa à *Guliel-*

Barlaamitas, *Palamitas*.

Scholastici.

lieimo Ockam, aliisque, contra Ecclesiæ & Romani Pontificis auctoritatem asserta; &c. Porro novis Sanctis, festis, reliquiis, atque omne genus Superstitionibus, obruebatur quotidie Religio. *Catarina* Senensis, & *Brigitta* nobilis Sueca, hoc

Superstitionum
progressus.

D. catarina.
D. Brigitta.

tempore illustres, atque ob visâ Divis adscriptæ: Quanquam cavendum ab istiusmodi, seu viris, seu mulieribus, visâ cœlestia venditantibus, seque ab iis fuisse deceptum, Gregorius XI. morti proximus monuisse fertur. *Jubilæum* Pontificium, ab

anno centesimo ad quinquagesimum, ad exemplum Jubilæi Judaïci, an.

Jubilæum
an. 1350.

1350. à *Clemente VI.* redactum est:

Mox & ab *Urbano VI.*, *Sixto IV.*,

aliisque, arctioribus terminis inclusum; quò frequentior nimirum mes-

sis illa evaderet. Exactionibus Cur-

Exactiones Curiz
Romanæ.

riæ Romanæ, exemptionibus, reserva-

tionibus, gratiis expectativis, aliisque

corradendæ pecuniæ artibus, ita op-

primebantur Ecclesiarum libertates,

vio-

Diffidia
Monacho-
rum cum
Ordina-
riis.

Inquisi-
tio in *Val-
denses*,
aliisque
pro hære-
ticis habi-
tos.

violabaturque disciplina, ut creberimæ hac de re, tum in Gallia, tum in Anglia, tum alibi passim, expostulationes fierent: Quæ quidem mala antea jam cœpta, sub Papis Avinionensibus, præsertimque tempore Schismatis, auctore præ cæteris *Bonifacio IX.* ad cumulum pervenêre. Monachi *Mendicantes*, jura concionandi & confessiones audiendi ad se trahere, imò & Ordinariorum jurisdictioni se subducere, quâvis arte nitebantur: Qua de re, lites non paucæ hoc Sæculo occurrunt, ferè semper à Romana Cûria in Monachorum gratiam determinatæ. Ardebat interim contra *Valdenses*, *Patarinos*, *Begardos* &c., tota passim dispersos Europa, Inquisitorum furor; quorum multi vivicomburiis, aliisque suppliciis affecti sunt. Horum propagines *Wiclefite* seu *Lollardi* in Anglia; unde in Germaniam, Bohemiâque præsertim, sparsi, translatis secum Wiclefi libris, Sæculo

culo sequenti *Huffitis* seu *Bohemis* ortum dedere. Judæis, sive verè, sive per calumniam, adscripta hoc Sæculo scelera non pauca, infanticidia, puteorum atque fontium infectiones, hostiæ transfixæ, aut in aquam bullientem conjectæ: Quæ accusationes iis vexandis atque expellendis, ex Gallia præsertim atque Germania, pluries hoc Sæculo arsam præbuere. Quidam Christo nomen dederunt, quos inter *Nicolaus de Lyra*, suis in Scripturam Sacram Commentariis clarus, Floruit hoc ævo ingenii laude *Franciscus Petrarca*, Viri Docti Poëta Italus, cujus in libris despectatissimus Curia Romanæ status vivis coloribus non semel depingitur. Jurisconsulti, *Marsilius Patavinus*, *Bartolus*, *Baldus*. Historici Græci, *Nicephorus Callisti*, *Nicephorus Gregoras*, *Johannes Cantacuzenus* Imp. Historici Latini, *Gulielmus de Nangiac*, ejusque continuatores, *Matthæus Westmonasteriensis*, cæterique rerum

Memora-
bilia Sæ-
culi XIV.

rum Gallicarum, Anglicarum, aliarumque Scriptores. Reliqua horum temporum memorabilia, ut *Caroli IV.* Aurea Bulla de Electorum juribus atque officiis; *Venceslao* Caroli filio abrogatum Imperium; Anglorum assidua cum Francis bella; duo Angliæ Reges, *Edwardus II.* & *Ricardus II.* de solio dejecti; Turcarum res sub *Othomannis*; *Bajazeti* præsertim gesta, ejusdemque clades per *Tomerlanem*; Bombardarum bellicarum, praxidisque nauticæ inventa; hæc aliæque ad Civilem pertinentia historiam, extra instituti nostri fines versantur:

Summa Capita

SÆCULI XV.

Schismatis Antipaparum continuatio.
Gallie subtractio. Innocentius VII.
Romæ. Gregorius XII. *Romæ.*
Con-

COMPENDIUM. *Sæculum XV.* 211

Concilium Pisanum, Oecum. an. 1409. à quo Benedictus XIII. & Gregorius XII. exauctorantur, eligiturque Alexander V. Tres Papæ simul, Benedictus XIII. Gregorius XII. & Johannes XXIII. SIGISMUNDUS Imp. Concilium Constantiense, Oecum. an. 1414. Scopus Concilii. Auctoritas Concilii supra Papam asserta. Johannes XXIII. depositus. Gregorius XII. sponte cedit. Benedictus XIII. depositus. Martinus V. electus. De Johanne Hus. Ejus doctrina. Constantiam venit. Contra fidem publicam comprehenditur & crematur. Hieronymus Pragensis etiam comburitur. Wiclefi doctrina & memoria damnata. Communio sub utraque specie in Bohemia. Canon Concilii Constant. Sess. 13. contra Communionem sub utraque specie. Tractatus & Conciones de corrupto Ecclesie statu, & necessitate Reformationis. Finis Concilii. Præcipui Doc-

tores in Concilio. Schismatis continuatio post Concilium. Finis Schismatis, an. 1429. Bellum Bohemicum, seu Hussiticum. Johannes Zizca. Procopius. Concilium Basileense Generale an. 1431. Superioritas Concilii supra Papam confirmata. Eugenius IV. Concilium dissolvere jubet. Dissolutionem revocat; & Concilium adprobat. Concilium Ferrariæ coactum à Papà an. 1438. translatum Florentiam, an. 1439. Eugenius IV. deponitur. Felix V. eligitur. Mortuò Eugeniò, Nicolaus V. eligitur. Felix Papatu cedit. Finis Schismatis, an. 1449. Legati Bohemorum ad Concilium Basileense. Eorum petitiones. Redeunt in patriam, re infectâ. Legati in Bohemiam missi. Calixtini, Taboritæ. Calix Bohemis redditus. De concordia cum Græcis actum in Concilio Florentino. JOHANNES PALÆOLOGUS Imp. aliique Græci, Florentiam veniunt. Capita dissidii:
Qui

COMPENDIUM. *Sæculum XV.* 213

Quibus artibus concordia inita sit. Bessarion. Marcus Ephesius. Concordia à Græcis rejecta. Constantinopolis à Turcis capta, & finis Imperii Græci, an. 1453. Græci docti in Italiam se recipiunt. Nicolaus V. Pius II. Paulus II. Alexander VI. Quatuor ad Reformationem ducentia, 1. major indies Ecclesiæ Romanæ corruptio; 2. querelæ Virorum Doctorum, in ipso Ecclesiæ Romanæ sinu; 3. aperti Ecclesiæ Romanæ Adversarii, Valdenses, Wiclefitæ, Bohemi, &c. Johannes Wesselus, Hieronymus Savonarola. 4. Literarum παλαιογενεια. Mauri & Judæi ex Hispania puls. Viri Docti. Memorabilia Sæculi XV.

SÆCULUM XV.

Fœdo Schismate, inde ab anno proximè descripti Sæculi 78. laborabat Ecclesia Romana; Bonifacio IX. Romanæ, Benedicto XIII. Avenione, Pontifici.

Schismatis Antipapæ continuatione.

Gallie
subtrac-
tio.

*Innocen-
tius VII.*
Romæ.
*Gregorius
XII.* Ro-
mæ.

Conci-
lium Pi-
san. an.
1409. d

tificis nomen gerentibus: Quorum uterque, cum ad deponendum Pontificatum vix ac ne vix quidem adduci posset, licet id antè spon-
dissent, hinc Galliæ regnum, ut su-
prà visum est, utriusque obsequio
sefe subtraxit. Publicata hæc Sub-
tractio an. 1398. sublata, certis sub
legibus, an. 1403. restituta an. 1406.
confirmata an. 1408. Quod exem-
plum & alii quoque, in primis Ger-
maniæ pars secuta est. Interim,
mortuô Bonificiô, *Innocentius VII.*
hòc defunctô *Gregorius XII.* ab ejus-
dem factionis Cardinalibus electi
sunt. Cum verò, neque Benedic-
tus, neque Gregorius, ad reddend-
am Ecclesiæ pacem seriò se accin-
gerent, omniâque Principum studia
& conatus eluderent, id impulit
utriusque partis Cardinales, acce-
dente etiam Principum auctoritate
& consensu, ad Concilium Gene-
rale Pisis celebrandum, an. 1409.;
quo, damnatô & exauctoratô utrô-
que

que Pontifice; alius electus est, nimirum *Alexander V.* Verum ne sic quidem Schisma coaluit. Cum enim Pontifices exauctorati Concilii iudicio stare nollent, hinc factum ut, pro duobus, tres deinceps Papæ existerint; inter quos scindebatur Christianus Orbis. *Gregorio XII.* seu *Angelo Corario*, pars Italiæ adhuc suberat, favore imprimis *Ladislai* Neapolitani Regis, qui Roma protiebat. *Benedictum XIII.* seu *Petrum de Luna*, Regna Castiliæ, Aragoniæ, & Scotiæ, Pontificem salutabant. Cætera *Alexandro V.* hœcque mortuô *Johanni XXIII.* seu *Balthazari Cossæ*, subdita fuere. Qui Johannes, ut se tueretur, cæterisque prævaleret, communicatis cum SIGISMUNDO Imperatore consiliis, novum Concilium in Urbe Constantia, Novembri mense anni 1414. habendum indixit. Adfuit Johannes Papa, cum ingenti Cardinalium ac Præsulum multitudine. Adfuit &

quo *Bened. XIII.* & *Gregor. XII.* exauctorantur, eligiturque *Alexander V.*

Tres Papæ simul, *Bened. XIII.* *Greg. XII.* & *Johan. XXIII.*

SIGISMUNDUS Imp.

Concil. Constantin. Oecum. an. 1414.

Imperator, cum non uno Germania Principe, cæterorumque Europæ Regum ac Principum Oratoribus. Scopus Concilii triplex; Schismatis extinctio; Hæresium extirpatio; & Reformatio Ecclesiæ in Capite & in Membris. I. Ad primum quod attinet, post assertam, Sessione quartâ & quintâ, Concilii supra Papam auctoritatem, cum *Johannes XXIII.* depositus. *Johannes XXIII.* solemniter promisso, se Pontificatu cessurum, apud Concilium se obstrinxisset; promissi verò eludendi gratiâ clam aufugisset, obstinationem & scelera damnatus est, & Papatu submotus. *Gregorius XII.* spon- te cedit. *Gregorius XII.* per Legatos Pontificatu sponte cessit. *Benedictus XIII.* cum, neque ab ipso Imperatore, qui ad eum profectus erat, neque ullis Concilii suorumque Cardinalium precibus, ad deponendam tiaram compelli posset, ab omnibus fermè desertus, & à Concilio Pontificatu dejectus est. Quorum omnium in locum,

cum, *Odo Columna* Romanus, Pa-
pali cathedræ impositus est, dictus-
que *Martinus V.* II. Dum hæc age-
rentur, *Johannes Hus*, Doctor Pra-
genſis, doctrina pariter & vitæ mun-
ditia clarus, atque in magna apud
suos auctoritate, cum ob quædam
liberius dicta adversus Curiam Ro-
manam (nec enim in aliis doctrinæ
capitibus eum à receptis placitis abi-
isse apparet) in Archiepiscopi Pra-
genſis, imò & Papæ censuras in-
currisset, se purgaturus Constantiam
venit: Quamvis verò Imperatoris
salvo-conductu munitus esset, at-
amen contra fidem publicam in car-
cerem conjectus, nec multò post
vividus crematus est, 6. Julii anni 1415,
Comprehensus & Hussi amicus at-
que socius, *Hieronymus Pragenſis*;
cúmque extortam, tædio carceris,
mortisque metu, retractationem, re-
sumpto postmodum animo revocaf-
set, ignis supplicio pariter extinctus
est, 30. Mai. an. 1416. Ambo

De *Johanne Hus.*

Ejus doc-
trina.

Constantiam ve-
nit.

Contra
fidem pu-
blicam
compre-
henditur
& crema-
tur.

*Hieronymus Pra-
genſis* eti-
am com-
buritur.

Wiclefi
doctrina
& memo-
ria dam-
nata.

Commu-
nio sub
utraque
specie in
Bohemia.

Canon
Concil.
Const.
Sess. 13.
contra
Commu-
nionem
sub utra-
que spe-
cie.

mirabilem constantiam, exquisitamque pietatem, inter ipsas flammæ testati. Antequam verò illi damnarentur, damnata *Wiclefi* doctrina est, qui eorum Magister habebatur; quam illi non in omnibus cum *Wiclefo* consentiebant: Igitur dictum *Wiclefi* placitis memoriæque anathema; ejusque ossa, si modò ab aliis secerni queant, exhumanda ac ejicienda pronuntiantur. Erant in Bohemia, per ea tempora, Doctores quidam (quorum caput *Jacobus de Misa*, aliàs *Jacobellus* dictus) qui, sive à dispersis Valdensibus, sive ex *Wiclefi* libris instituti, Communionem sub utraque specie celebrandam docebant, imò & in quibusdam Ecclesiis, plaudente populo, celebrabant: Quorum sententia famoso illo Canone Sessionis XIII. Concil. Constant. damnata est, decretumque, quòd, *licet Christus sub utraque specie panis & vini hoc venerabile sacramentum discipulis suis ad-*
mi-

ministraverit, & in primitiva Ecclesia reciperetur à fidelibus sub utraque specie, tamen, hoc non obstante, juxta consuetudinem rationabiliter institutam, debeat à laïcis tantummodo sub specie panis suscipi &c. III. Quod ad tertium Concilii scopum, putà Ecclesiæ reformationem in Capite & in Membris, quanquam ejus necessitatem Præsules non pauci, tum vividissimis Tractatibus, tum Concionibus audacissimis coram Concilio habitis, demonstrassent, imò & Congregationis ad hoc institutæ creberrimi conventus fuissent, tamen vix quidquam alicujus momenti hæc de re definitum est; siquidem Martinus Papa, re infectâ, Concilium dimisit. Stetit Concilium tribus annis cum dimidio, cœptum 5. Novemb. anni 1414. dimissumque 22. Aprilis 1418. Partes in eo præcipuas egerunt (præter SIGISMUNDUM Imperatorem, haud vulgari studio Ecclesiæ res promoventem) Johannes

de

Tractatus
& Con-
ciones de
corrupto
Ecclesiæ
statu, &
necessita-
te Refor-
mationis.

Finis
Concilii.

Præcipui
Doctores
in Conci-
lio.

Schisma-
tis conti-
nuatio
post Con-
cilium.

Finis
Schisma-
tis an.
1429.

Bellum
Bohemi-
cum, seu
Hussiti-
cum.

Joh. Zisca.

de Brogniaco, Cardinalis Vivariensis
sive Ostiensis, qui in plerisque Ses-
sionibus præfuit; *Petrus de Alliaco*,
Cardinalis Cameracensis; *Franciscus*
Zabarella, Cardinalis Florentinus;
Johannes Gerson, Universitatis Pari-
siensis Cancellarius, unusque ex Re-
gis Galliæ Legatis. Finito Conci-
liô, non statim Schismati finis est
impositus, *Benedictô XIII.* seu *Pe-
trô de Luna*, ad mortem usque ob-
tinatô; imô & aliô post ipsum elec-
tô, qui se *Clementem VII.* dixit:
Verum hic tandem, *Francisci Petri*
Cardinalis Fuxiensis operâ, ad ce-
dendum compulsus est. In Bohe-
mia, auditô Johannis Hussi & Hie-
ronymi Pragensis suppliciô, dici non
potest quantum exacerbatî animi fue-
rint: Quæ res gravissimis tumulti-
bus, bellôque per tredecim annos
duraturo initium dedit. Hussitarum
dux *Johannes Zisca*, nobilis Bohe-
mus, qui, cæcus licet, Pontificium
exercitum non una strage affecit,
hosti-

COMPENDIUM. *Sæculum XV.* 221

hostibusque etiam post obitum ter-
riori fuit. Hôc defunctô anno 1424.

Bohemis præfuit *Procopius*, & eo *Procopius.*

quidem successu, ut, neque Sigis-

mundi copiis, neque Martini Papæ

fulminibus, qui crucis vexillum ad-

versus illos erexit, vinci potuerint.

Hæc inter, Concilio Basileensi, quod

Martinus V. deinde, hôc mortuô,

Eugenius IV. convocaverant, initium

factum est, 23. Julii an. 1431. præ-

sidente Cardinali *Juliano*, quem ad id

muneris constituerat *Eugenius IV.*

In eo statim Constantiensia decreta,

de superioritate Concilii supra Pa-

pam, prægnantissimis verbis asserta

sunt: Quæ res cum Eugenio displic-

eret, dissolvi Concilium, & Bo-

noniam transferri jussit. Verùm

Pontifici morem gerere Concilii Pa-

tres renuerunt; imò &, nisi Bullam

illam revocaret, Conciliûmque con-

firmaret, eum Papatu submoven-

dum decrevêre: Quamobrem sese

submittere, Conciliûque continua-

tiô.

Concil.
Basil. Ge-
ner. an.
1431.

Superiori-
tas Con-
cilii supra
Papam
confirma-
ta.

Eugenius
IV. Con-
cilium
dissolvi
jubet.

Dissolu-
tionem
revocat,
& Conci-
lium ad-
probat.

Conci-
lium Fer-
rariæ co-
actum à
Papa an.
1438.
translatum
Floren-
tiam an.
1439.

Eugenius
IV. depo-
nitur.

Felix V.
eligitur.

tionem adprobare necesse habuit. Cum verò pergeret Concilium de reformanda Ecclesia decreta conde-
re, sibi que adhuc metueret Eugē-
nius, Concilium aliò transferre, vel
saltem Concilium Concilio oppone-
re rursùs constituit. Igitur Conci-
lium Ferrariæ cogit an. 1438. illud-
que, anno sequenti, pestis occasio-
ne, Florentiam transfert. Basileen-
ses interim, posthabitis Eugenii ful-
minibus, novum istud Concilium
irritum pronuntiant; imò & Euge-
nium ipsum, tanquam *contumacem
ac inobedientem universali Ecclesiæ,
rebellem; violatorem contemptorem-
que Canonum; unitatis perturbatorem;
scandalizatorem; simoniacum; perju-
rum, hæreticum, incorrigibilem, schis-
maticum; à fide devium, pertinacem
hæreticum, dilapidatorem bonorum Ec-
clesiæ; &c.* omni honore indignum
judicant, adeoque Papatu dejiciunt:
Mox *Amadeum*, Ducem Sabaudix,
qui tum Ripaliæ ad Lacum Lemana-
num

num versabatur, atque eremiticam vitam agebat, in Pontificem eligunt, 17. Novemb. 1439., qui *Felices V.* nomen assumpsit. Ergo Pontifex Pontifici, Concilium Concilio adversum, mutuis sese diris ferebant. Neque cessavit Schisma illud, donec, mortuô Eugeniô an. 1447., electoque in ejus locum *Nicolaô V.* Felix, qui Lausannæ tum versabatur, Pontificatu sponte cessit, abolitis ab utraque parte anathematibus, salvisque quæ in utroque Concilio transacta fuerant. Actum hoc an. 1449. Præter illud autem Schismatis negotium, alia non paucæ, tum in Concilio Basileensi, tum in Florentino, gesta occurrunt; quorum præcipua, de *Bohemis* nempe & *Græcis*, haudquaquam hîc omitenda sunt. Basileam quidem invitati *Bohemorum* Legati venerunt; quos inter erant, *Procopius* ipsorum dux, & *Johannes Rockzana*, unus ex præcipuis eorum Doctoribus. Illi qua-

Mortuô
Eugeniô,
Nicolaus
V. eligi-
tur.

Felix Pa-
patu ce-
dit.
Finis
Schisma-
tis an.
1449.

Legati
Bohemo-
rum ad
Concil.
Basil.

Eorum pe-
titiones. quatuor à Concilio petierunt ; 1. communionem sub utraque specie ;

2. de publicis delictis à Magistratu puniendis , nullâ concessâ Clericis immunitate ; 3. de libera Verbi Dei prædicatione ; 4. de civili dominio Clericis interdicens : De quibus postquàm per delegatos utriusque partis Theologos diu frustra que disceptatum esset , Bohemi re infectâ

Redeunt
in pa-
triam, re
infectâ.
Legati in
Bohe-
miam
missi.

Calixtini.
Thabori-
ta.

in patriam rediére. Mox verò Concilium in Bohemiam Legatos misit , quorum unus erat *Æneas Sylvius* , qui , concessô Calicis usu , Bohemorum multos , *Calixtinos* dictos , ad Romanæ Ecclesiæ communionem reducere : Quippe scissi erant illi duas in partes , *Calixtinorum* & *Thaboritarum* : quorum illi hoc uno in capite discrepabant à Pontificiis , quòd Calicis usum urgerent ; hi , à monte *Thabor* propè Pragam , arcêque ei imposita , ita appellati , plura longè in Ecclesia Romana reprehendebant. Itaque illis , reddito Calice ,

lice, satisfactum est: Sed isti, per medias strages, variâmq; bellorum fortunam; à Pontificiis sejuncti manserunt, usque ad tempus Reformationis, quò Protestantium conventibus sese adjunxere. Apud Florentiam; de incûnda cum Græcis concordia haud vulgari pompâ actum est. Etenim venere ad Concilium, ipse Græcorum Imperator JOHANNES PALÆOLOGUS, *Demetrius* ejus frater, *Josephus* Patriarcha Constantinopolitanus, *Marcus* Ephesius, alique, tum in Ecclesia; tum in Aula, primæ notæ Viri. Capita diffidii agitata præ cæteris quatuor; 1. de processione Spiritûs S. 2. de Purgatorio. 3. de Azymis. 4. de primatu Papæ. De quorum uno & altero cum habitæ haud magno fructu disceptationes essent, Græcus Imperator, qui, spe impetrandi contra Turcas auxilii, fœdus inire quavis arte optabat, Eugeniûsque qui ex hac concordia multum sibi suoque

Calix Bo-
hemis
reëditus.

De con-
cordia
cum Græ-
cis actum
in Concil.
Florent.

JOHAN-
NES PA-
LÆO. Imp-
alique
Græci,
Floren-
tiam ve-
niunt.

Capita
diffidii.

Quibus
artibus
concordia
instita sit.

Bessarion.

*Marcus
Ephesius.*

Concor-
dia à Græ-
cis rejec-
ta.

Constan-
tinopolis
à Turcis
capta, &
finis Im-
perii Græ-
ci an.
1453.

Concilio accessurum gloriæ spera-
bat, aliâ viâ rem aggressi sunt :
Scilicet delecti ab utraque parte, qui-
bus ea res commissa est : Et in
Græcis quidem, præ cæteris delecti
sunt viri Latinis planè mancipati,
quorum præcipuus *Bessarion* Nicæ-
nus, Cardinalitia dignitate postmo-
dum auctus. Unus restitit magnâ
constantia *Marcus* Ephesius. Cæteri,
partim minis terri, partim promif-
sis allecti ; præsertim verò, si reluc-
tarentur, stipendiorum Papalium
subtractione mulctati, ad assensum
Latinis præbendum, fraudulentoque
Concordiæ decreto subscribendum,
adacti sunt. At verò, in patriam
reduces, deque fraude palàm con-
questi, subdolæ illi concordiæ nun-
tium misere. Porro attritæ magis
magisque Græcorum res à Turcis
fuerunt, à quibus capta Constanti-
nopolis annò 1453. ; Græcòque Im-
perio finis allatus. Quæ quidem pro-
cella doctam Græcorum manum in
Ita-

Italiam detulit, putà *Theodorum Ga-* Græcæ
zam, Georgium Trapezuntium, Ar- docti in
gyropyllum, Demetrium Chalcocondy- Italiam se
lam, &c., quorum adventus ad ex- recipiunt.
 citandum, Occiduis in partibus,
 Græcæ Linguæ studium non parùm
 valuit. Sedebat per ea tempora *Ni-* *Nicolaus*
colaus V., qui Literis & Literatis *V.*
 non parùm favebat. Nec multò
 pòst, eandem Sedem occupavit *Pius*
II., antea dictus *Æneas Sylvius*, ob *Pius II.*
 doctrinam inter principes illius ævi
 Viros numerandus, ut ex ejus Scrip-
 tis apparet; sed hoc culpandus,
 quòd ea quæ scripserat adversùs Ro-
 manam Curiam, dum adhuc priva-
 tus esset, factus Pontifex revocare
 atque immutare non erubuerit. Hunc
 secuti, *Paulus II.* magnus Literarum *Paulus II.*
 osor, *Sixtus IV.* *Innocentius VIII.*
 denique monstrum hominis *Alexan-* *Alexander*
der VI., haud aliter quàm vitiis il- *VI.*
 lustres fuère. Sic omni ex parte
 nova emergebant, quæ ad secutu-
 ram Reformationem vias dispone-
 rent,

ut major
indies Ec-
cl. Rom.
corruptio:

2. querē-
lz Viro-
rum doc-
torum, in
ipso Eccl.
Rom. si-
nu.

3. aperti
Eccl.
Rom. Ad-
versarii;
Valdenses,
Wiclefite,
Bohemi,
Eccl.

rent: 1. horrenda, crescēsq̃ue in dies, Ecclesiæ Romanæ corruptio; pietas in nugis posita; plebs Christiana, non verbo Dei, sed anilibus Legendarum fabulis pasta; Cleri avaritia; luxus, libidines; simonia nullo pudore exercita; venalia Romanæ omnia, *Templa, Sacerdotes, altaria, sacra, Deusque.* 2. liberæ Virorum doctorum, etiam in ipso Ecclesiæ Romanæ sinu, de his scandalis expostulationes; ut *Nicolai de Clemangis, Petri de Alliaco; Johannis Gerson, Thomæ Netteri, Waldensis dicti, Joh. Bapt. Mantuani poetæ, Theodorici à Niem, Joh. Bapt. Platinae*, qui duo postremi inter Pontificum scribas atque domesticos locum habuerant; &c. 3. non pauci ab Ecclesiæ Romanæ communione sejuncti, qui publicum ejus erroribus bellum indicebant; putà *Valdensum* propagines, per Italiam, Galliam, aliasque oras dispersæ; *Wiclefite* seu *Lollardi* in Anglia; in
Gers

COMPENDIUM. *Sæculum XV.* 229

Germania, *Hussitæ*, seu fratres *Bo-*
hemi; Quibus & duo adjungendi
 Viri, qui inter Reformatorum præ-
 cursores vulgò numerantur, *Johan-* *Joh. Wess-*
nes Wesselus Groningensis, vulgò *selus.*
Lux Mundi dictus, qui in multis
 doctrinæ capitibus ab Ecclesia Ro-
 mana dissentiebat, & *Hieronymus* *Hier. Sa-*
Savonarola, Ferrariensis, Ordinis *vonarola.*
 Dominicani, & Concionator cele-
 berrimus, qui ob multa liberè dicta
 adversùs Romanam Ecclesiam, quam
Babylonem vocabat, Florentiæ com-
 bustus est anno 1498. 4. excitata ma- 4. Lite-
 gis magisque Literarum studia: Quam *rarum*
 ad rem, & Græci illi advenæ, de *παλαιο-*
 quibus diximus, & Typographicæ *ιστια,*
 Artis inventum, auctore, ut ferunt,
Johanne Guttembergio, equite Mo-
 guntino, circa an. 1440. non pa-
 rum contulere. *Mauros*, sive Sara- *Mauri &*
 cenos, variis affectos cladibus, tan- *Judæi ex*
 dem captâ Granatâ anno 1492. ex *Hispaniâ*
 Hispania *Ferdinandus* Rex penitus *pulsi.*
 ejecit, septingentis octoginta post,
 P 3 quam

quàm eò venerant annis. Nec multò post, *Judæi* etiam eodem Regno pulsi sunt, ingenti, ut ferunt, numero, qui ad familiarum centum septuaginta millia, & capitum octingenta millia adscenderet: Inter profugos fuit *R. Isaac Abarbanel*, suis in Scripturam commentariis notissimus. Viri Docti, præter memoratos, quavis in Arte non pauci fuere; in Theologicis, *Alphonsus Tostatus*, Abulensis Episcopus, *Johannes de Turrecremata* Cardinalis, *Paulus Burgenfis* ex Judæo Christianus, *Johannes Capreolus*, *Dionysius à Rickel*, vulgò dictus *Carthusianus*, *Hieronymus à Sancta Fide*, *Raymundus de Sebunde*, *Nicolaus Cusanus* Cardinalis, *Thomas à Kempis*, &c.; in Juridicis, *Nicolaus de Tudeschis*, Panormitanus Archiepiscopus & Cardinalis, *Alexander de Imola*, vulgò *Tartagnus*, &c.; in Historicis, *Biondus Flavius*, *Gobelinus Persona*, *Mathæus Palmerius*,
Theo-

Viri Docti.

COMPENDIUM. *Sæculum XV.* 231

Theodoricus à Niem, Platina, Sabellicus, Antoninus, Trithemius, &c.; in Grammaticis & Philologicis, *Laurentius Valla, Emanuel Chrysoloras, Franciscus Philelphus, Leonardus Aretinus, Joh. Franciscus Poggins, Rudolphus Agricola, Hermolaus Barbarus, Joh. Picus Mirandulanus, Angelas Politianus, Marsilius Picinus, &c.* Alia non defunt hóc Sæculó memoria digna, quæ ab Historiæ Civilis Scriptoribus peti possunt; velut, Francorum res Anglico bello attritæ, donec anno 1429. solutâ Aureliæ obsidione, duce *Johanna Darcia*, quæ vulgò *Puella Aurelianensis* dicitur, restitui paulatim cœperunt: Turcarum crescens indies potentia, quos tamen duo fortissimi Viri, *Johannes Hunniades Transsylvaniæ Princeps, & Scanderbegus Epirotarum rex* non parùm repressere: Bella, de regno Neapolitano, atque inter alias Italiæ urbes, fermè perpetua. Denique Novi Orbis, seu *Indiæ Oc-*

Memorabilia Sæculi XV.

cidentalis detectione, auctoribus *Christophoro Columbo* Genuensi, & *Americo Vesputio* Florentino, tum *Ferdinandi & Isabellæ* principatus, quibus auspiciis ea res gesta est, tum ipsa etiam Sæculi hujus extrema nobilitata sunt.

FINIS SÆCULI XV.



HISTORIÆ
ECCLESIASTICÆ

COMPENDIUM


A CHRISTO NATO *usque ad*

Annum MDCC.

PARS POSTERIOR

de

Sæculis XVI. & XVII.





HISTORIÆ
ECCLESIASTICÆ
COMPENDIUM,

A CRISTO NATO *usque ad*

Annum MDCC.

PARS POSTERIOR

de

Sæculis XVI. & XVII.

SÆCULUM XVI.

GRatissimum Veri amantibus, me-
moriæque dignissimum, Sex-
tum-decimum Æræ Christianæ Sæ-
culum

Sæculum
XVI. oñ
Reforma-
tionem illi,
lustre.

culum fuit: utpote quô Christianorum Sacra, à multis jam Sæculis inquinatissima, faustis auspiciis expurgata sunt. Opus jampridem bonorum votis expetitum; in Conciliis Sæculi superioris, *Pisano*, *Constantiensis*, & *Basileensi*, tentatum quandantenus atque inchoatum, in iis saltem quæ ad fœdas quasdam Romanæ Curix nundinationes spectabant; sed ab iis quorum intererat superstitionem ac tyrannidem fovere, nulla non arte impeditum ac retardatum; in quo proinde excitando atque promovendo, Divinæ Providentiæ virtus emicuit. Nos beatam hanc rerum conversionem, per varias Europæ partes, non quidem pro argumenti amplitudine atque dignitate, sed pro compendii nostri modulo, breviter hîc exhibebimus; postquam verbum de iis quæ antecesserant dictum fuerit.

Summa

Summa Capita

SECTIONIS I.

Alexander VI. Papa. Julius II. Papa. *Ejus turbulenta consilia & facta. Conventus Turonensis contra Papam, an. 1510. Decem gravamina Germanorum adversus Curiam Romanam. Concilium Pisanum an. 1511. Concilium Lateranense V. an. 1512. Leo X. P. Concordata inter Leonem X. P. & Franciscum I. Galliae Regem.*

SECTIO I.

De iis quæ antecesserunt Reformationem.

Romæ sedebat, incunte Sæculo, Pontifex nequissimus, *Alexander VI. P.* Alexander VI., antea Rodericus Borgia dictus, cujus, ut & filii ejus, Cæsaris

faris Borgiæ, Cardinalis & Ducis Valentini, crudelitas, perfidia, atque libidines, modum omnem excessere. Dignum eâ vitâ exitum habuit, annô 1503., haustô per errorem, quod aliis parabat, venenô. Hunc, interjectô *Piccolomineô*, seu *Pio III.*, viginti sex dierum Pontifice, excepit *Julianus de Roveria*, seu *Julius II.* qui, emptô donis & promissis Pontificatu, totam Europam armis & factionibus miscuit: primùm cum Imperatore & Galliæ Rege, adversùs Venetos, conjunctus, annô 1508., eo fœdere quod ex loco ubi percussus est *Camera-cense* dicitur; mox Venetis reconciliatus, Gallis verò infensissimus, à quibus non unâ clade adfectus est, speciatim ad Ravennam, annô hujus Sæculi duodecimô, auspice *Vastone Flustrate*, Duce Nemorenfi, qui in prælio illo occubuit. Quid de turbulenti hujus Pontificis audacia atque diris sentirent Galli, docuit

Julius II.
P.

Ejus tur-
bulenta
consilia &
facta.

cuit *Conventus Turonensis*, an. 1510. ipseque Rex LUDOVICUS XII. aureo cuso Numismate, cum hac inscriptione, PERDAM BABILONIS NOMEN. Sed nec Germani Romanæ Curie exactiones atque tyrannidem placidè spectabant, à quibus *decem* hac de re *Gravamina* Imperatori MAXIMILIANO oblata sunt. Ergo, communi Imperatoris & Regis Gallie consensu, *Concilium Pisanum* à Cardinalibus quibusdam habetur, annò 1511.; quò de emendenda, tam in capite quàm in membris, Ecclesia, cohibendisque Papæ Julii furoribus, consilia agitantur. Cui ex adverso *Concilium Lateranense V.* opponit Papa, inchoatum annò 1512., & ad annum usque 1517. continuatum, quò Pisanum Concilium damnatum, in eoque gesta irrita declarata sunt. Quæ dum agerentur, moritur Julius II. Februariò mense anni 1513., ei que Cardinalis Medicæus, *Leo X.*

Conventus Turonensis contra Papam an. 1510;

Decem Gravamina Germanorum adv. Curiam Romanam.

Concilium Pisanum annò 1511.

Concilium Lateranense V. an. 1512.

Leo X. P. dic.

dictus, sufficitur. Sub hoc Pontifice, continuatæ Concilii Lateranensis Sessiones, quibus in primis de abroganda *Pragmatica Sanctione*, quæ in Gallia obtinebat, sed quam Romana Curia cane pejus & angue aversebatur, actum est: Qua de re initum, *Leonem* inter & *Franciscum I.* Galliarum Regem, qui Bononiæ convenerunt, fœdus, exeunte anno 1515.; quô, in Pragmaticæ locum, novæ quædam Constitutiones, *Concordata* dicta, sancita sunt. Sed, cum iis Ecclesiæ jura non parum violarentur, præsertim ad electiones Ecclesiasticas quod adtinet, quarum facultatem omnem, iis ablâtam quos penès erat, Rex & Pontifex inter se quasi dividebant, Gallorum gens ad Concordata illa admittenda ægrè admodum adduci potuit: Nec nisi iterum iterumque jubente Rege, minasque intentante, in Suprema Curia Parisiensi prælecta, Actisque publicis inserta sunt.

Sum-

Concordata inter
Leonem X.
P. & Franciscum I.
Gall. R.

Summa Capita

SECTIONIS II.

De Reformatione Germaniæ.

REFORMATIONIS *primordia*. *Indulgentiæ* à Leone X. *promulgatæ*. Martinus Lutherus *Indulgentias impugnat*. Lutherus Romam citatur; auditur à Card. Cajetano; à Pontifice ad Concilium provocat. Bulla Leonis X. contra Lutherum. Leonis Bullam, & Decretalium Libros, publicè cremat Lutherus. Lutheri *Adversarii*. Liber Lutheri de Captivitate Babylonica. CAROLUS V. Imperator. Lutherus à Carolo V. in Comitibus Wormatiensibus auditur, mox proscribitur. In Arce Wartembergica delitescit. Multi Principes & Civitates Germaniæ Reformationem amplectuntur. Ha-

Q

dria

drianus VI. Papa. Centum græ-
 vamina Nationis Germanicæ. Co-
 mitia Spirensia an. 1526. Comitia
 Spirensia an. 1529. Origo nominis
 Protestantium. Carolus V. Imp. à
 Clemente VII. P. coronatur. Con-
 ventus Protestantium Smalcaldicæ,
 an. 1529. Comitia Augustana an.
 1530. Confessio Augustana. Con-
 fessio IV. Civitatum. Decretum
 Augustanum contra Protestantes. Fœ-
 dus Smalcaldicum; sub finem an.
 1530. Conventus Smalcaldicus an.
 1531. Pax Norimbergica an. 1532.
 sæpius deinde confirmata. Bellum
 Cæsaris contra Protestantes; an.
 1546. Mors Lutheri. Fusi Protes-
 tantes an. 1547. Saxo & Hassus
 capti. Liber Interim Cæsaris jussu
 editus an. 1548. à Protestantibus
 rejectus; Romæ etiam improbat.
 Mauritius Saxo, mutatis partibus,
 Protestantibus se adjungit. Bellum
 contra Cæsarem, an. 1552. quò
 res Protestantium restituantur. Pax
 Pas-

COMPENDIUM. *Sæculum XVI. 243*
Passaviensis, an. 1552. confirmata
Augustæ, an. 1555.

SECTIO II.

De Reformatione GERMANIÆ.

SED hæc levia, præ mira illa re-
rum conversione, quæ hoc ip-
so tempore, anno nempe 1517. in
GERMANIA occœpit, indéque per to-
tum Christianum Orbem, velut sig-
nô datô, diffusa est. Occasio fuit
promulgata à Leone X. Romano
Pontifice, delictorum quorumlibet
venia (*Indulgentias* vocant) iis qui
pecunias ad instaurandam D. Petri
Basilicam erogassent. Missi quaqu-
versum, qui venalia illa Diploma-
ta ferrent, & pecuniis corradendis
præficerentur. Et in Germania qui-
dem, id negotii datum, inter alios,
Johanni Tezelio, Monacho Domi-
nicano; cujus turpi nundinatione,
impisusque concionibus, excitatus

REFOR-
MATIONIS
primor-
dia.

Indulgen-
tiæ à Leone
X. pro-
mulgatæ,

Mart. Lutherus Indulgentias impugnat.

Lutherus Romam citatur.

Auditor à Card. Cajetano.

Martinus Lutherus, Islebii in Comitatu Mansfeldiensi ortus, Augustiniani Ordinis, & Wittembergensis Academiæ Doctör, ineptias illas vividè perstrinxit, cum publicis concionibus, tum affixis propositisque ad disputandum capitibus xcv. quæ quidem, unà cum literis, quibus de hac inundatione querebatur, misit ad *Albertum* Brandenburgicum, Archiepiscopum Moguntinum & Magdeburgensem, ad quem earum rerum cura pertinebat: Sed *Albertus* nihil pensi habuit ei malo medicinam afferre; uti nec *Leo X.* ad quem etiam literas reverentiæ plenas dederat *Lutherus*. Quinimò hic, tanquam reus, ad causam dicendam, Romam citatur: Verùm, operâ *Friderici* Saxonie Electoris, qui ei impensè favebat, ut in Germania audiretur effectum est. Ergo Augustæ, coram Legato Pontificio, Cardinale *Cajetano*, comparuit; quicum, promissis ac minis, ad ea quæ pro-

protulerat revocanda adigere nullâ non arte conatus est. At ille, nihil cedens, à Cajetano ad Pontificem, à Pontifice Indulgentias datâ Bullâ confirmante & commendante, ad futurum Concilium provocat. Quo factò iratus Pontifex, novâ Bullâ, xvii. Kal. Jul. an. 1520. Lutheri doctrinam tanquam impiam & hæreticam damnat, ejus Libros comburi jubet, ipsumque, nisi intra sexaginta dies ad sanitatem redeat, sacris interdicat atque proscribit. Cui censuræ vividè respondet Lutherus, suamque ad Concilium adpellationem iterat; imò & Bullam Leonis, unâ cum Paparum Decretalibus Epistolis, Wittembergæ publicè cremat. Cùm autem multi adversùs Lutherum stylum stringerent, putà *Johannes Eckius*, quocum publicam Lipsiæ disputationem habuit, *Sylvester Prierias*, ut & Anglorum Rex *Henricus VIII.* ipse vicissim se tuebatur, novisque quotidie editis

à Pontifice ad Concilium provocat.

Bulla Leonis X. contra Lutherum.

Leonis Bullam, & Decretalium Libros, publicè cremat Lutherus. Lutheri Adversarii.

Liber Lu-
theri de
Captivitate
Babyl.

CAROLUS
V. Imp.

Lutherus
à Carolo
V. in Co-
mitis
Worm.
auditor,
mox pro-
scribitur.

In Arce
Wartem-
burg de-
litescit.

Libris, Ecclesiæ Romanæ errores ty-
rannidémque impugnabat; qui sco-
pus inprimis Libri *de Captivitate Ba-
bylonica*, quò apertum Romano Pon-
tifici, ejúsque Ecclesiæ, bellum in-
dixit. Interim mortuo MAXIMILIANO,
Romanorum Imperatori, nepos ejus
CAROLUS V., antea jam Hispa-
niarum Rex, in Imperio succeffe-
rat; à quo convocatis WORMATIÆ
Ordinibus, anno 1521. Lutherus
fide publica arcessitus auditus est:
Sed cum nollet sua retractare, di-
missus quidem juxta fidem datam,
sed non multò pòst ab Imperatore
& Comitibus proscriptus, ac, ne quis
ei patrocinaretur, gravi denunciata
pœnâ, vetitum est. Cujus securi-
tati ut prospiceret *Fridericus* Elector
Saxonix, eum in via abripi jubet,
& in Arcem Warzburgicam se-
cretò deportari, ubi, per menses
decem, tanquam in Patmo sua de-
lituit. Fervebat interim Religionis
negotium in Germania, multis Prin-
cipi-

cipibus & Civitatibus ad puriorem fidem accedentibus, Cæsare verò in id intentò ut diffidium illud quâvis arte componeret; qua de re in Imperii Comitiiis sæpe sæpius deliberatum est. Certè in Comitiiis Norimbergensibus, sub finem anni 1522. & initio sequentis, oblata sunt, Principum nomine, & missa ad Pontificem, qui tum erat *Hadrianus VI.* gente Belga, Cæsaris olim informator, vir ab emendanda Ecclesia, si potuisset, non alienus, ad eum, inquam, transmissa sunt, *Centum gravamina Nationis Germanicæ*: Verùm tanta intercesserunt à parte Cleri obstacula, tamque brevis fuit Hadriani, hoc ipso anno defuncti, Pontificatus, ut peragi nihil potuerit. Triennio post, Spirensibus Comitiiis, cùm Wormatiensis Edicti executionem multi urgerent, moderatiora tamen consilia prævaluere: Decretum quippe, ad constituendam Religionis formam, & retinen-

Multi Principes & Civitates Germanicæ Reformationem amplectuntur.

Hadrianus VI. P.

Centum gravamina Nationis Germanicæ.

Comitia Spirensia an. 1526.

Comitia
Spirensia
an. 1529.

Origo
nominis
Protestan-
tium.

dam tranquillitatem, opus esse legitimo, vel totius Orbis; vel Germaniæ saltem, Concilio; Interea verò donec habeatur, ita se gerere unumquemque debere, ut facti sui rationem Deo & Cæsari reddere possit. At cùm in aliis comitiis, itidem Spiræ habitis, annò 1529. Missæ abrogatio prohibita, aliæque adversus puriorem doctrinam sancta essent, contra Decretum illud Principes non pauci protestati sunt, putà *Johannes* Elector Saxonix, *Georgius* Brandenburgicus, *Ernestus* & *Franciscus* Luneburgici, Hassiæ Landgravius *Philippus*, & *Wolfgangus* Anhaltinus; quibus & Civitates xiv. se adjunxere: A qua protestatione deductum *Protestantium* nomen est, quò purioris doctrinæ adseclæ deinceps appellati sunt. Versabatur tum temporis Carolus V. in Italia, quò ad Coronam Imperialem ex manu Pontificis accipiendam venerat; ejus ipsius Pontificis *Clementis VII.* quem bien-

biennio antè Romæ obsessum captivumque tenuerat. Cùm ergo Placentiæ esset, ad eum accedunt Protestantium Legati, qui de facta protestatione certiore faciant. Verùm exacerbatô illô, minasque intente, Protestantes sibi consulturi, Smalcaldiæ, quæ Hassiæ Civitas est, nec multò post Norimbergæ etiam coeunt; ubi fœderis Smalcaldici, postmodum ineundi, jacta semina sunt. Habentur interim Junio mense anni 1530. Augustæ Comitia, quibus celebris illa Confessio, quæ *Augustana* propterea dicitur, à Protestantibus Principibus Imperatori oblata est, & coram Imperii Ordinibus publicè lecta. Cui & IV. Civitates, *Argentoratum, Constantia, Memminga, Lindavia*, suam adjunxere. Verùm, licèt ex Confessionibus illis, earumque Apologia, satis pateret, quàm innocua esset Protestantium doctrina, durissimum tamen fuit, & Protestantibus iniquissimum, Co-

Carolus
V. Imp. à
Clemente
VII. P.
corona-
tur.

Conven-
tus Pro-
testan-
tium.
Smalcal-
diæ an.
1529.

Comitia
Augustana
an. 1530.
Confes-
sio Augus-
tana.

Confessio
IV. Civi-
tatum.

Decre-
tum Au-
gustanum
contra
Protestan-
tes.

Fœdus
Smalcal-
dicum,
sub finem
anni 1530.

Conven-
tus Smal-
caldicus,
an. 1531.

mitiorum illorum Decretum; utpo-
te quò innovatio omnis in Religio-
ne vetabatur, & restitutio eorum
omnium, quæ immutata fuerant;
imperabatur, pœnis quinetiam, non
fisci modò, sed & proscriptionis,
in eos qui obsequium detrectarent,
constitutis. Quæ cum cernerent Pro-
testantes Principes, fœdus inter se,
sub finem hujus ipsius anni, Smal-
caldiæ ineunt; non ullius quidem
offendendi, sed sui defendendi caus-
sâ; ad quod & cæteri qui tum abe-
rant, ut & Civitates omnes Evan-
gelium professæ, invitatae sunt. Dum
autem fœderati Principes, anno
sequenti, Smalcaldiæ iterum ef-
sent, literas à Cæsare acceperunt,
quibus auxilia contra Turcas expos-
cebat. Respondent, se auxilia lu-
bentissimè collaturos, si modò fisca-
lis omnis actio tollatur, & securitas
ipsis præstetur. Itaque cernens Im-
perator, se violentis consiliis parùm
huc usque promovisse, ad pacis con-
silia

filia animum applicat, decernitque ut nemini religionis causâ molestia creetur, adusque Concilii tempus; vel, si nullum sit, tantisper donec per Ordines Imperii alia ratione statutum fuerit. Protestantes vice versa, qui tum erant Principes VII. & Civitates XXIV. omne obsequium Imperatori, & contra Turcas auxilia pollicentur. Sancita hæc Pax Norimbergæ, an. 1532. quæ iterum Cadani in Bohemia, an. 1534. inter *Ferdinandum* Romanorum Regem, & *Johannem Fridericum* Electorem Saxonie; Francofurti an. 1539. Spiræ an. 1544. & aliàs non semel confirmata est. Verum, Romano Pontifice, qui tum erat *Paulus III.* contra Protestantes assidue classicum canente, Imperator, pace prius cum Gallis initâ, pactisque cum Turca induciis, Protestantes bello adortus est, an. 1546. Excesserat hóc ipso annô é vivis *Lutherus*, annos natus 63, neque descendam quæ suis imminet.

Pax Norimbergica an. 1532. sæpius deinde confirmata.

Bellum Cæsaris contra Protestantes an. 1546.

Mors Lutheri.

Fusi Pro-
testantes,
an. 1547.
Saxo &
Hassus
capti.

minebat cladem conspexit. Nam
is fuit belli exitus, ut Aprili mense
sequentis anni 1547. funderetur Pro-
testantium exercitus, captô duce,
Johanne Friderico, Electore Saxonix,
fortiter quidem pugnante, sed à
multitudine hostilium copiarum op-
pressô; *Philippôque* Hassix Landgra-
viô, cum ad Cæsarem supplex ivis-
set, contra fidem datam aprehen-
sô, & in carcerem conjectô. Saxo-
ni quidem Electoris Dignitas ademp-
ta, atque in Mauritium agnatum
ejus collata: Utrique verò libertas,
nonnisi quinquennio pòst, versis in
melius Protestantium rebus, reddita
est. Annô qui cladem illam secu-
tus est, 1548. cupiens Imperator Re-
ligionis in Germania statum ad tem-
pus saltem componere, usquedùm
perfectiùs in Concilio definiretur,
tribus adhibitis Theologis, duobus
Pontificiis, tertio Protestante, nem-
pe *Julio Pfluggio* Numburgensi Episcopo,
Michaële Sidonio, & *Joh. Is-
lebio*

Liber In-
terim Cæ-
saris jussu
editus an.
1548.

COMPENDIUM. *Sæculum XVI.* 253

lebio Agricola, Formulam conscribi curat (*Interim* ei nomen fuit) cui sese submittere in Germania omnes juberentur. Tota erat Pontificia, si duo capita excipias, de Communione sub utraque specie, & Conjugiis Sacerdotum. Ergo obtruditur Liber ille Protestantibus, sed omnes fermè illum rejiciunt, utpote quò pars longè maxima Papalium Superstitionum atque errorum confirmabatur. Sed neque ipsi Romanæ Curiae admodùm acceptus fuit, quæ ne minimùm quidem de suis Statutis volebat remittere, Principémque Sæcularem aliquid de rebus sacris definire ægrè ferebat. Cæsar, nunc hos, nunc illos urgere, nec modò suasionibus, promissis, minis, sed aperta vi nonnunquam agere, ut sua illa Formula à Protestantibus admitteretur: Sed frustra hæc omnia; neque ipse Saxo captivus ad redimendam hac mercede libertatem adduci potuit. Verùm, quod mireris, unde

à Protef-
tantibus
rejectus;

Romæ
etiam im-
probatas.

Mauritius
Saxo, inu-
ratis par-
tibus, Pro-
testanti-
bus se ad-
jungit.

Bellum
contra
Cæsarem,
an. 1552.
quò res
Protestan-
tium resti-
tuntur.

Pax Passa-
vienfis,
an. 1552.
confirma-
ta Augus-
tæ an.
1555.

unde clades Protestantibus, nempe ab altero Saxone *Mauritio*, inde ipsis salus affulsit. Cum enim pro Landgravio *Philippo*, socero suo, diu multumque apud Cæsarem egisset, indignatus quòd nihil proficeret, mutatis partibus, annò 1552. Protestantium causam suscepit; tantoque id egit successu, unà cum Brandenburgico Electore, aliisque Principibus Viris, adscitò etiam in fœderis societatem Gallix Rege *Henrico II.* ut Augustam aliasque Urbes mira celeritate caperent ac diriperent; Imperatorem, unà cum fratre Ferdinando Romanorum Rege, noctu Oeniponte aufugere cogerent; denique honestam Protestantibus, aliisque fœderatis pacem impetrarent. Cautum nempe, inter alia, ut ne ulla cuiquam, propter religionem, exhiberetur molestia; ad Imperialis iudicii Confessum, sive Cameram, etiam ii qui sunt Augustanæ Confessionis admitterentur; proscripti restituc-

COMPENDIUM. *Sæculum XVI.* 255
tituerentur; &c. Atque hæc est celeberrima illa Passaviensis Pacificatio, Julio mense an. 1552. sancita, in Comitibus Augustanis anni 1555. repetita & confirmata, quâ Germanorum Protestantium securitati ad hunc usque diem prospectum est.

Summa Capita

SECTIONIS III.

de Reformatione *Helvetiæ.*

Reformatio HELVETIÆ. Zuinglius, Oecolampadius, Hallerus, præcipui Reformatores. Natus Zuinglius an. 1484. Prædicare incipit an. 1516. Vocatur Tigurum initio an. 1519. & Scripturam purè exponit; Indulgentiæ in Helvetia publicatæ Samsonis in illis vendendis impudentia. Eas impugnat Zuinglius. Prima Disputatio Tiguri, an. 1523.
Edic-

Edictum Senatûs Populique Tigurini, de Evangelio purè prædicando. Secunda & tertia Disputatio Tiguri, eodem anno. Decretum cæterorum Helvetiorum contra Reformationem, Lucernæ, 26. Januarii 1524. Tigurini in proposito constantes. Superstitiones abolitæ. Missa abolita, an. 1525. Reformatio Scaphusiana & Sangallensis. Reformatio Bernensis, an. 1528. Reformatio Basileensis, an. 1529. Bellum inter Helvetios. Mors Zuinglii, an. 1531. Mors Oecolampadii, eodem anno. Reformatio GENEVENSIS. Reformatores, Farelus, Viretus, Frumentius. Disputatio Genevæ habita an. 1535. Missa abolita 10. Aug. ejusdem anni. Libertas Genevensium spiritalis & temporalis. Johannes Calvinus. Genevæ retinetur an. 1536. Ejus labores. Moritur an. 1564. Theodorus Beza.

SECTION III.

De Reformatione HELVETIÆ.

DUM hæc in Germania fierent, haud abſimilis in Helvetia noſtra Sacrorum emendatio viſa eſt, curâ *Huldrici Zuinglii*; *Johannis Oecolampadii*; *Bertholdi Halleri*; aliorumque Virorum præſtantium, quos ad id operis adgrediendum Dei Providentia excitaverat. Natus Zuinglius annô 1484. in Toggiſſorum pago, quem *Domum Sylveſtreſem* dicunt; fuitque, Glaronæ primùm, hinc ad D. Virginis Eremitanæ, quam vocant, Ædem, denique & Tiguri, ſacris Præpoſitus, publicuſque Concionator. Et maturè quidem, annô nempe ſalutis decimô ſextô ſupra milleſimum & quingentefimum, Lutheri nomine apud Helvetios necdum auditô, prædicare Evangelium occæpit. At verò Ti-

Reforma-
tio HEL-
VETIÆ.

Zuinglius,
Oecolampadius,
Hallerus,
præcipui
Reformato-
res.

Natus
Zuinglius
an. 1484.

Prædicare
incipit an.
1516.

R gorum

258 HISTORIÆ ECCLESIASTICÆ

Vocatur
Tigurum
initio an.
1519. &
Scriptu-
ram purè
exponit.

Indulgen-
tiæ in
Helvetia
publica-
æ.

Samsonis
in illis
vendendis
impuden-
tia.

gurum vocatus, ineunte annò Sæ-
culi illius decimò nonò, fortiùs id
multò clariùsque adgressus est. Mat-
thæum quippe, missis humanis com-
mentationibus, solóque adhibito Scrip-
turarum lumine, sacra é cathedra
enarrandum sumpsit: Quò peractò,
& Actus Apostolicos, & Epistola-
rum maximam partem, pari metho-
do explanavit. Quæ dum ageret,
idem negotium, quod Germanicæ
Reformationi ansam præbuerat, ad
eam etiam inter Helvetios promo-
vendam non parùm contulit: In-
dulgentiæ nimirum, ad quas per
Helvetiam divendendas, missus est
Bernardinus Samson, Mediolanensis,
é familia Franciscanorum: Cujus
cùm aviditas ac impudentia modum
omnem excederent, promissâ etiam
sceleratissimis, dummodò pecunia
adesset, peccatorum quorumlibet
veniâ, sibi que adscriptâ animarum
é Purgatorio extrahendarum adedò
promptâ facultate, ut eas ad nũ-
tum

COMPENDIUM. *Sæculum XVI.* 259

tum suum evolare confirmaret, adversus hæc ingens animorum facta commotio est: Et ea quidem ita vividè, tantoque successu impugnavit Zuinglius, animos quinetiam addente *Hugone*, Constantiensi Episcopo, ut aditu Urbis nugivendolo illi Monacho interdictum sit. Fuit hic primus Tigurinæ Reformationis gradus; quæ deinde, cum ex Scriptis, tum ex Concionibus Zuinglii, novis quotidie auctibus crevit. Sed cum multi obstreperent, Dominicani in primis, visum est Senatui, publicâ institutâ Disputatione, anno 1523. utriusque partis rationes audiri. Ergo Zuinglius doctrinam suam, 67. propositionibus inclusam, præfertim de Scripturæ auctoritate, adversus Traditiones, Concilia, Patres Ecclesiæ, de Sanctorum intercessione ac invocatione, de Cœlibatu Sacerdotum, &c. ita clarè adversus quosvis contradicentes defendit, ut Edicto sanxerit Senatus Populusque

Eas impugnât Zuinglius.

Primâ Disputatio Tiguri, an. 1523.

Edictum
Senatus
Populique
Tigurini
de Evan-
gelio purè
prædican-
do.

Secunda
& tertia
Disputa-
tio Tigur.
eodem
anno.

Decretum
cætero-
rum Hel-
vetiorum
contra
Reforma-
tionem,
Lucernæ,
16. Janua.
1524.

Tigurinus, „pergeret Zvinglius;
„prout cœperat, sacrosanctam Evan-
„gelii doctrinam annuntiare: cæte-
„rique omnes Sacrorum Ministri,
„cùm in Urbe; tum in agro, nihil
„proponerent; quod Evangelicæ
„doctrinæ testimoniò, & sacræ Scrip-
„turæ auctoritate probari non pos-
„set. Eam disputationem altera ex-
cepit, ad quam Constantiensis, Cu-
riensis, & Basileensis Episcopi ad-
vocati sunt: Absuerunt illi; sed in-
gens Ecclesiasticorum Virorum, ad
sexcentos usque; numerus, cùm ex
Helvetia, tum ex Germania etiam,
accessit. Vicit & hic, & in ter-
tia iterum concertatione; Zuinglius
Quamobrem, obnitentibus licet cæ-
teris Helvetiæ Pagis, qui, Lucer-
næ congregati Januario mense anni
1524. nihil immutandum in Religio-
ne sanxerant; missisque Tigurum
Legatis à Reformationis proposito
abducere Socios tentaverant, hi ni-
hilominus, de veritate nihil ampliùs
am-

ambigentes, modestoque Sociorum literis datò responsò, sacra illi operi manum admovêre. Et statim quidem crassiores quædam Superstiti-
 nes abolitæ, putà solemnes Proce-
 siones, Sacramenti circumgestatio
 atque expositio: Quin & apertæ in
 Ecclesiis Tumbæ, quibus Martyrum
 ossa vel reliquiæ contineri diceban-
 tur; sed in plerisque nihil, vel quis-
 quilæ tantum repertæ; sicubi verò
 essent ossa, terræ sunt mandata. A-
 liquo pòst tempore, putà Junio men-
 se an. 1524. ablatae é Templis Ima-
 gines, tandèmq; Aprili mense an.
 1525. Missa abolita est. Tigurino-
 rum exemplum *Scaphusi* & *San-*
gallenses haud multò pòst secuti
 sunt; nec non etiam *Bernenses*, E-
 vangeli facem his præferente *Ber-*
zholdô Hallerô, publicâque habitâ
 1528. inter utriusque partis Theolo-
 gos disputatione: Quibus & *Basile-*
enses, præcone *Johanne Oecolampa-*
dio, pòst plurium annorum laborem,

Tigurini
 in propo-
 sito con-
 stantes.

Supersti-
 tiones a-
 bolitæ.

Missæ abo-
 lita an.
 1525.

Refor-
 matio *Scap-
 husiana*
 & *Sanzal-
 lensis*.

Reforma-
 tio *Bernen-*
sis, an.
 1528.

Reforma-
 tio *Basile-*
ensis, an.
 1529.

R 3

nec

Bellum
inter Hel-
vetios.

Mors
Zuinglii,
an. 1531.

Mors Oe-
colampa-
dii, eo-
dem anno.

Reforma-
tio GENE-
VENSI.

nec sine aliquo inter Cives tumultu,
anno 1529. accessere. Cæteri Pagī
non modò Reformationem non ad-
miserunt, sed & bellum eā occa-
sione cum Tigurinīs Bernensibūsq̃ue
gessere: Quod cū sopitum ali-
quandiu fuisset, postmodū recru-
duit, anno 1531.; in eoque occu-
buit *Zuinglius*, 11 Octobris illius
anni, cū ipse quadragesimum oc-
tavum ætatis annum ageret. Nec
multū ei supervixit *Oecolampadius*,
ei semper conjunctissimus, dignissi-
mūsq̃ue in opere Domini sodalis,
sub Novembris finem morbo ex-
stinctus eodē annō, qui ætatis ejus
quadragesimus nonus erat. *Zuin-
glio Henricus Bullingerus*, insignis
Theologus, *Oecolampadio Osval-
dus Myconius*, successi sunt. Emen-
data porrò Doctrinæ bonum, fœ-
dere Bernensium atque viciniā, GE-
NEVÆ nostræ etiā contigit, pro-
fectis inde atque commendatis *Gu-
lielmo Farello* Vapincensi Delpina-
te,

COMPENDIUM. *Sæculum XVI.* 263

te, *Petro Vireto* Orbæ in ditione Bernensi nato, *Antonio Frumentio*, aliisque, quorum documentis atque concionibus magna Civium pars veritatis lumine collustrata est. Ergo, publicâ habitâ, 30. Maii 1535. de capitibus controversis Disputatione, quâ *Jacobus Bernardus*, Thesium auctor, & *Farellus* atque *Viretus*, puriorem doctrinam per plures dies propugnârunt, tandem 10. Augusti ejusdem anni, Missalia Sacra solemniter Ducentumvirum decreto abolita sunt. Sic adserta Genevensibus spiritualis Libertas est, annô altero postquàm temporalem, excussô Episcopi jugô, qui stationem deseruerat, seque hostem Urbis præbuerat, comparâssent. At verò, informem adhuc Religionis apud nos statum perfectiùs ordinavit, saluberrimisque in primis Disciplinæ Legibus auxit, Vir benedictæ in omne ævum memorix *Johannes Calvinus*, Noviodunensis in Picardia ortus; qui cùm Ge-

Farellus,
Viretus,
Frumentius. Reformatores.

Disputatio Genevæ habitâ.

Missâ abolita 10. Aug. 1535.

Libertas Genevensium spiritualis & temporalis.

Joh. Calvinus.

Genevæ
retinetur
an. 1536.

Ejus labo-
res.

Moritur
an. 1564.

Theod. Be-
za.

neva fortè transfiret, annò 1536. à Farello retentus est; immensisque laboribus, non Genevensem modò Ecclesiam, sed & totum Reformatum Orbem, erudiit atque illustravit; adeò ut de ejus nomine Reformati, quanti quanti sunt, non rarò adpellentur. Obiit 27. Maii 1564. ætatis 55.; primariumque in Ecclesia & Academia Genevensi locum, Theodoro Beza, Vezelio, suo hactenus Collegæ, reliquit; qui & ipse, ingenii cultu, doctrinæ laude, plurimisque laboribus, ad provectissimam ætatem, quintum putà Sæculi sequentis annum, inclaruit.

Summa Capita

SECTIONIS IV.

de Reformatione Sueciæ & Daniæ.

Reformatio SUECIÆ. Olaus Petri,
purioris apud Suecos doctrinæ præ-
co,

COMPENDIUM. *Sæculum XVI.* 265

co. *Ei se opponit Johannes Magnus. GUSTAVUS Rex Reformationi favet. Scriptura S. in Linguam Suecicam versa. Collatio Upsaliæ an. 1526. Reformatio in generalibus Regni Comitibus instituta, an. 1527. Reformatio DANIE. CHRISTIERNUS II. Rex puriori doctrinæ favet. Eam etiam fovet ac promovet Rex FRIDERICUS. Georgius Johannis & Johannes Tausslon, puriorem fidem prædicant. Quatuor Articuli in Comitibus Othoniæ sanciti, an. 1527. Reformationis incrementa. Confessio ab utraque parte oblata Comitibus an. 1530. Fridericus R. moritur. CHRISTIERNUS III. Friderici filius, invitis Proceribus atque Episcopis, Regnum obtinet. Joh. Bugenhagius Pomeranus ad Ecclesias ordinandas in Daniam vocatus. Reformatio in Dania solemniter modo instituta, 15. Jun. 1539.*

R 5

SEC.

S E C T I O , I V.

De Reformatione SUECIÆ & DANIÆ.

Reforma-
tio SUB-
CIA.

*Olaus Pe-
tri. purio-
ris apud
Suecos
doctrinæ
præco.*

*Ei se op-
ponit Jo-
hannes
Magnus.*

Aproximis, si jam ad remotis-
simas Septentrionis oras cogi-
tatione transferamur, per eas sese
diffundentem, haud minori celeri-
tate, Evangelii lucem cernemus.
In SUECIA quidem, maturè admo-
dum, nec multis post Lutheri exor-
tum annis, divinum illud jubar emi-
cuit, facem præferente *Olaø Petri*,
qui cum Lutherum in Germania au-
disset, redux in patriam, quæ acce-
perat, primum apud amicos, dein-
de apertiùs disseminavit. Cujus doc-
trinæ ut cursum sisteret *Hadrianus*
Pontifex, *Johannem Magnum* in Sue-
ciam ablegavit. GUSTAVUS verò
Erici filius, qui, pulsò CHRIS-
TIERNÔ, primum Gubernator, de-
inde Rex salutatus fuerat, quan-
quam Lutheranum animo jam im-
bibc.

biberat dogma, tamen, ne Episcopos gentemque togatam Regni primordiis in se concitaret, ei nondum publicè favebat. At, non multo post tempore, animi sensa aperuit, Clero Pontificio ea de causa præprimis infensus, quod partem reddituum, urgente licet necessitate, publicos in sumptus erogare nollet. Ergo, reluctantibus illis, non modò Lutheri libros non prohibuit, sed & novæ doctrinæ præcones Wittenberga accivit, imò & *Olaus Petri* magnæ Ecclesiæ Holmiensis Concionatorem instituit. Ab hoc Sacer Codex in Linguam Suecicam versus; quæ Versio, Gustavi Regis auctoritate, toto passim Regno recepta est. Interim, ut solemnior Controversiarum elucidatio fieret, publica Collatio, præsentē Rege, Upsaliæ habita est annò 1526. quâ *Petrus Gallius* Pontificiorum, *Olaus Petri* Evangelicorum partes agebant: Sed cùm nulla testimonia, præ

GUSTAVUS Rex
Reformationi fa-
vet.

Scriptura
S. in Lin-
guam Sue-
cicam
versa.

Collatio
Upsaliæ
an. 1526.

præterquam é Sacris petita Literis, admitterentur, Evangelica Veritas nullo negotio victrix evasit. Sic dispositis ad Sacrorum emendationem animis, Gustavus, annô sequenti 1527. rem ad Comitia Regni detulit, & vehementissimè urfit, eò usque ut se aliàs à Regni administratione recessurum minaretur. Quibus moti Regni Ordines, ad Gustavi pedes provoluti, ne Regnum deferat, rogant, se rem omnem ex ejus voto constituere paratos esse. Ergo statutum, ut Arces, quas tenebant Episcopi, Regi traderentur; bonorum Ecclesiasticorum pars in Regni usum cederet, aut Proceribus, à quibus manaverant, redderetur; denique, ejuratis Sacris Pontificiis, puriora toto Regno admitterentur.

Reformatio in generalibus Regni Comitibus instituta an. 1527.

Reformatio DANIÆ. CHRISTIERNUS II. R. pu-

In Dania, CHRISTIERNUS Rex, cum Friderici Saxonie Electoris ex sorore nepos esset, ad Avunculi exemplum, jam inde ab anno 1521.

Lu.

Lutheri doctrinam in pretio habuit ; imò & Doctorem quendam, *Martinum* nomine, *Wittemberga* acci-
vit, qui sibi à sacris esset. Sed cùm
exosus, non Danis minùs quàm Sue-
cis, evasisset Christiernus, Regno
cedere coactus est annò 1523. atque
in Germaniam se recipere, ubi lon-
gissimam quidem, ad annum usque
1559. ætatis 78. sed miserrimam, per
exsilia & carceres, vitam traduxit.
Pulsò illò, FRIDERICUS Holsatiæ
dux, Christierni patruus, in Regem
eligitur ; neque alio est in puriorem
doctrinam animo : quæ à *Georgio*
Johannis, *Johanne Tauffon*, aliisque,
liberè deinceps fuit proposita. Cùm
verò obsisterent Episcopi, cæteri-
que Clerici ; Rex, habitis Otho-
niæ in Fionia Comitibus, an. 1527.
gravissima oratione emendandæ Re-
ligionis necessitatem demonstravit.
Quibus persuasi Ordines, renitenti-
bus licèt Ecclesiasticis, in capita
hæc consensere : 1. ut liberum cui-
que

riori doc-
trinae fa-
vet.

Eam et-
iam fovet
Rex FRI-
DERICUS.

Georg.
Johannis,
Joh. Tauff-
son, &c.,
puriorem
idem præ-
dicant.

IV. Art.
in Comi-
tiis Otho-
niæ fanci-
ti an.
1527.

Incre-
menta
Reforma-
tionis.

Confessio
ab utra-
que parte
oblata
Comitiis
an. 1530.

Fridericus
R. mori-
tur, an.
1533.

que sit, utri velit Religioni, Luthe-
ranæ an Pontificiæ, adhærere; 2.
Religionis causâ turbandum nemi-
nem esse; 3. Regem protecturum
Lutheranos, adversus vim omnem
& tyrannidem hostium; 4. Mona-
chis & Monialibus liberum fore,
é claustris, si velint, egredi, imò
& nuptias contrahere. His fanci-
tis, nova quotidie purior fides in-
crementa cepit, eam tradi curante
Rege, & *Joh. Tauffon* ad concio-
nandum Hafniam missò. Qua de
re cum Præsules aliique é Pontifi-
ciorum grege quererentur, oblata
est Comitiis an. 1530. ab utraque
parte Confessio; decretumque, ut
Evangelici in instituto pergerent,
usquedùm generali Concilio Reli-
gionis negotium definiretur. Hæc
inter; *Fridericus* moritur, an. 1533.
Quâ opportunitate usi Pontificii,
Christiernum, filium Regis natu ma-
ximum, ob Lutheranismi suspicio-
nem, à Regni successione remo-
vent,

COMPENDIUM. *Sæculum XVI.* 271

vent, eique *Johannem* minorennem præferunt, quodd in Sacris Pontificiis institutus esset: Simul, *Johannem Taussion*, aliosque novæ doctrinæ præcones, Regno cedere jubent. Ita statuebant Proceres: sed alia fuit Plebis sententia, cujus favore CHRISTIERNUS III. non tamen sine multo labore & sanguine, paternum Regnum recuperavit. Iste, cum Episcopos adversantes expertus esset, secretâ habitâ cum Senatoribus deliberatione, septem Episcopos uno die in vincula conjicit, eorumque loco Antistites (*Superintendentes* vocant) collocat; *Johannem Bugenhagium*, Pomeranum, Wittemberga accersit, qui totam Ecclesiarum rationem constituat; denique 15. Jun. 1539. in publicis Othoniæ Comitibus, colophonem Reformationis operi ad-movet, cui Rex ipse atque Senatores se constanter adhæsurus, non verbis solum, sed ipsâ etiam subscriptione, professi sunt.

CHRISTIERNUS III. Frid. F. invitis Proceribus atque Episcopis, Regnum obtinet.

Job. Bugenhagius, ad Ecclesias ordinandas, in Daniam vocatus.

Reformatio in Dania solemniter modo instituta, 15. Jun. 1539.

Sum.

Summa Cápita

SECTIONIS V.

De Reformatione Angliæ & Scotiæ.

Reformatio ANGLIÆ. HENRICUS VIII. Rex contra Lutherum scribit. Defensoris fidei titulum accipit à Leone X. P. Vult Catariinæ Aragoniæ repudium mittere. A Clemente VII. post varias moras, & inania promissa, repulsam patitur. Catarinam dimittit, & Annam Boleniam uxorem ducit. Hæc damnat Papa, & Henricò anathema dicit. Angliæ Regnum à Papa discedit, & Rex Angliæ Caput Ecclesiæ declaratur, an. 1532. Clerus Anglicanus, ob Regni Leges violatas, in jus vocatus. Romane Adpellationes interdictæ. Electiones Ecclesiasticæ ad antiquum morem
re-

COMPENDIUM. *Sæculum XVI.* 273

revocate. Monasteria suppressa, an. 1535. & seq. Biblia S. Anglicè versa, & in publicum privatumque usum vocata. Henrici VIII. sævitia in Reformatos. Liber de Religione à Thoma Cranmero editus. Moritur Henricus VIII. an. 1547. EDWARDUS VI. Angliæ Rex. Fidei Confessio, Liturgia, & Ordinationum Liber. Martyr, Bucerus, Fagius, &c. in Angliam acciti. Edwardus moritur, an. 1558. JOHANNA GRAYA paucorum dierum Regina. MARIA, Angliæ Regina, Papatum reducit, & Protestantes crudeliter vexat. Martyres sub Maria. Cranmeri martyrium. Maria Reg. moritur an. 1558. ELIZABETHA succedit. Reformatio in perpetuum restituitur & adornatur. Reformatio SCOTIÆ. Patricius Hamiltonius purioris doctrinæ præco. Ejus martyrium an. 1530. Alii Martyres an. 1537. & 1539. JACOBUS V. Scot. R. moritur an.

1542. *Nova Martyria an. 1545.*
 & seq. Card. Santandreani; sævi
 persecutoris, cædes. *Motus Edim-*
burg: contra imaginem S. Andreæ:
Regina libertatem conscientia polli-
cetur; sed fidem datam fallit. Tur-
pe ejus dictum de Principum fide:
Bellum inter Reginam Regentem;
& maximam partem Gentis Sco-
ticæ. Reformatio in Scotia institu-
ta, auctore præc. Joh. Knox, Cal-
vini discipulo. MARIA STUARTA;
Scotiæ Regina; Regi Galliæ Fran-
cisco II. nupta. Nubit secundum
Henrico Stuardo, aliàs Darlæo:
Res tragicæ Mariæ Stuartæ, in
Anglia decollatæ an. 1587. JACO-
BUS, Scotiæ Rex, in Religione Re-
formata educatus, ei que addic-
tus:

SECTION V.

De Reformatione ANGLIÆ & SCOTIÆ.

ET ANGLIA quoque, mirabili
 prorsus Dei Providentiâ, ver-
 sisque ad divinorum operum exe-
 cutionem humanis adfectibus, rec-
 tioris fidei compos evasit. Nam
 initio quidem, HENRICUS Rex, ejus
 nominis VIII. causâ Pontificiæ ad-
 dictissimus fuerat, scripto etiam con-
 tra Lutherum de *septem Sacramentis*
 Ecclesiæ Romanæ librô: Qua de
 causâ, *Defensoris Fidei* titulo à Leo-
 ne X. Pontifice ornatus est, quo ti-
 tulo Angliæ Reges ad hunc usque
 diem decorantur. At eô Rege,
 non multis post annis, à Romana
 Sede abalienatô, insignis in Religio-
 nem mutatio inducta est, major
 etiam postmodum futura. Occasio
 fuit designatum ab Henrico cum
Catarina Aragonia divortium; seu

Reforma-
 tio AN-
 GLIÆ.

HENRI-
 CUS VIII.
 R. contra
 Lutherum
 scribit.

Defensoris
Fidei ti-
 tulum ac-
 cipit à
 Leone X.
 P.

Vult *Catarina A-*
ragonie
repudium
mittere.

quòd illa *Arturio* Principi, ipsius fratri, antea nupsisset, quæ ratio in vulgus proferebatur; seu quòd masculam prolem suscipere in votis haberet, quæ à *Catarina* sperari amplius non poterat; seu quòd hujus tædio, ob novos amores, aliâve ignotam causam, teneretur. Ergo se applicat Romano Pontifici, pro temporum illorum more, quò faciendi divortii sibi facultas concederetur: Eâque impetrâisset haud dubiè, Romanâ Curiâ in hujusmodi dispensationibus nimio plus facili, nisi *Caroli* Imperatoris, cujus matertera erat *Catarina*, auctoritas & studia contrâ stetissent. Cùm igitur, post multas pollicitationes, multasque moras, se à *Cemente VII.* delusum animadverteret, aliâ viâ (auctore consilii *Thoma Cranmero*, tunc Doctore Cantabrigiensi, postmodum Cantuariensi Antistite) rem expedire cum animo constituit. Conquisitis nempe celeberrimorum per
Eu

A *Clemente VII.*
post varias
moras, &
inania
promissa,
repulsam
patitur.

Europam Doctorum & Academia-
rum sententiis, cum pars maxima
divortio faveret, in eamque præpri-
mis partem Anglicæ Academiæ pro-
penderent, *Catarinam* quidem dimi-
sit, *Annam* verò *Boleniam* uxorem
duxit. Utrumque factum damnat
Pontifex, irritumque esse jubet,
dictis etiam Romano more in Hen-
ricum & *Annam* diris. Sed nihil
hæc Henricum movent; qui à Ro-
mani Pontificis communione prorsus
abscedit, eique omnem in Angliæ
Regno potestatem abrogat, seque
ipsum, *Caput Ecclesiæ*, & supremum
in spiritualibus, non minùs quàm in
temporalibus, Judicem esse declarat:
Quæ quidem omnia de sententia Or-
dinum Regni constituta ac decreta
sunt. Pendente lite, alia itidem
nonnulla statuebantur, quibus tan-
quam gradibus quibusdam Religio-
nis disposita emendatio est. Primum
enim Clerus Anglicanus annò 1531.
in jus vocatus est, quòd contra Re-

Catarinam
dimittit,
& *Annam*
Boleniam
uxorem
ducit.
Hæc dam-
nat Papa,
& Henri-
co ana-
thema di-
cit.

Angliæ
Regnum.
à Papa dis-
cedit, &
Rex An-
gliæ *Capus*
Ecclesiæ
declara-
tur, an.
1532.

Clerus
Anglica-
nus in jus
vocatus.

ob Regni
Leges vio-
latas.

Romanæ
Adpella-
tiones in-
terdictæ.

Electiones
Ecclesiastice
ad
antiquum
morem
revocatæ.

Monaste-
ria sup-
pressa, an.
1535. &
seq.

gni Leges, Ecclesiæque Britannicæ jura, Curia Romanæ jurisdictionem in plurimis agnovisset, multasque causas in Angliâ judicandas Romanam detulisset: In quo quidem culpam fateri, veniamque à Rege deprecari, imo & tributum haud exiguum ea de causa pendere, Clerus omnis necesse habuit. Biennio post, vetitæ sunt, novo decreto, à supremo Regni Senatu, Romanæ Adpellationes, omnisque Papæ in Angliæ Regno auctoritas abrogata; sic ut tota jam pene Episcopos, Archiepiscopos, ipsumque Regem, esset, Electiones juxta morem antiquum fierent, à solo Rege confirmandæ, nullis in eo Pontificis Romani partibus. At nihil utilius ad Sacrorum expurgationem fuit, quàm suppressio Monasteriorum, eorum Visitatore institutò *Thoma Cromwello*; quorum alia in Episcopales Sedes, alia in Gymnasia conversa sunt. Quibus progressibus & iste etiam longè

longè maximi momenti accessit, quòd Biblia Sacra Anglicè versâ, in publicum Ecclesiarum, privatûmque familiarum usum vocata sint: Quo factum, ut, invitò licèt, feròque ac flammis in Reformatos, eos præsertim qui corporalem Christi in Eucharistia præsentiam negarent, sæviante Henricò Rege, lux tamen Evangelica miris incrementis diffusa sit, curâ inprimis *Thomæ Cranmeri*, Archiepiscopi Cantuariensis, à quo Liber *de Religione* publicâ auctoritate editus; quò, si non omnes, certè non pauci Ecclesiæ Romanæ errores arguebantur. Hæc sub Henrico. At, mortuò illò, Januario mense anni 1547. sub ejus filio & successore EDUARDO VI. novem annorum, sed optimæ indolis, eximiarumque supra ætatem dotium puero, auspice inprimis *Edwardo Seymurio*, Somersætio Duce, Regis avunculo, Regnique Protectore, Pontificia Sacra abolita, Reforma-

Biblia S. Anglicè versâ, & in publicum privatûmque usum vocata.

Henrici VIII. sævitia in Reformatos.

Liber de Religione à *Cranmero* editus.

Moritur Henricus VIII. an. 1547.

EDWARDUS VI. Angliæ Rex.

Fidei
Confessio,
Liturgia,
& Ordina-
tionum
Liber.

Martyr.
Bucerus.
Fagius. in
Angliam
acçiti.

Edwardus
VI. mori-
tur, an.
1553.

tionisquæ opus feliciter absolutum est. Tunc Scripta Fidei Confessio, nec non & Liturgia, ac Ordinatio-
num Liber: Quæ non à Clero dun-
taxat, sed & à suprema Regni Cu-
ria adprobata & confirmata sunt.
Vocati tunc in Angliam, benignè-
que excepti, magno numero Viri
eruditi, qui puriorem Fidem in Ec-
clesiis & Academiis docerent, ut
Petrus Martyr, Martinus Bucerus,
Paulus Fagius, aliique, quorum ope-
râ atque consiliis in adornando ac
promovendo Religionis negotio usus
est Cranmerus. Verùm lætam illam
renascentis. Evangelii segetem vas-
tavit propemodùm atque oppressit,
eximii Principis, & ad bona omnia
surgentis, obitus: Qui terris tantùm
ostensus, immatura præreptus est
morte, Julio mense an. 1553. cùm
nonnisi sextum Principatûs annum
ageret. Et ille quidem, ante obi-
tûm, ut Religionis securitati prospici-
ceret, cui *Mariam* sororum natu-
ma

majorem infensam esse noverat, dubiisque de natalibus Elizabethæ animis, de consensu Procerum, ex hæredatis sororibus, ad JOHANNAM GRAYAM Henrici VIII. ex sorore proneptem, fœminam excellentis ingenii, sanæque doctrinæ addictam, Regni successionem transtulerat: Quæ re verâ quarto pòst die Regina pronuntiata est. At res Populo Nobilibusque displicuit, non tam studio Mariæ, quàm odio Northumbrii ducis, Johannæ soceri, qui consilii auctor habebatur. Ergo MARIA inauguratur; Johanna & Northumbrius capite plectuntur. Nec multò pòst, Papisticis innutrita sacris Regina, non ea modò in integrum restituit, admissò in Angliam *Polò* Cardinali, qui Regni Ordines Pontificis nomine in gratiam reciperet, sed & Protestantes, toto Regni tempore, crudelissimè vexavit, particeps consiliorum *Philippò II.* cui nupserat, Hispaniarum Rege; cujus tamen

JOHANNA
GRAYA
paucorum
dierum
Regina.

MARIA
Angliæ
Regina,
Papatum
reducit, &
Protestan-
tes crude-
liter ve-
xat.

S s suasu

Martyres
sub Maria.

Cranmeri
marty-
rium.

Maria
Reg. mo-
ritur an.
1558.

ELIZABE-
THA suc-
cedit.

Reforma-
tio in per-
petuum

suasu ferunt *Elizabetham* Mariæ sororem, Politicis de rationibus, ab exitio servatam esse. Ingens sub Maria Martyrum numerus, Fidei causâ interemptorum, quos inter *Ridleyus*, *Latimerus*, *Hooperus*, Episcopi, ipsèque etiam *Cranmerus*, qui cum humana imbecillitate mortisque metu statim lapsus esset, mox culpam illam, non lacrymis modò & pœnitentia eluit, sed & constantissimo martyrio; eâ dextrâ quâ peccaverat, primùm omnium, animo imperterritò flammis admotâ. Sic furebat in Dei servos *Maria*; novaque indies ad opprimendos Protestantes moliebatur, cum annò Principatûs quintò, hujus Sæculi 58. extincta est; derivatùmque in sororem *ELIZABETHAM*, Henrici VIII. ex Anna Bolena filiam, Regnum. Hæc in melioribus à puero instituta Sacris, ea restitui atque adornari statim curavit, operâ in primis *Thomæ Parkeri*, Cantuariensis Archiepiscopi.

pi. Cui operi perficiendo atque firmando, haud obstantibus non unius Pontificis diris, creberrimisque Papicolarum molitionibus, felicissimus & ad annum usque quadragesimum quintum productus Elizabethæ dominatus non parùm contulit.

restituitur
& adornatur.

Post res Angliæ, monet loci situs rerumque ordo, ut de vicina SCOTIA pariter dicamus. In eam illata, à juvenibus quibusdam Scottis, purioris doctrinæ semina, quæ ipsi in Germania hauserant: Quos inter primas tenuit *Patricius Hamiltonius*, ex nobilissima Hamiltoniorum gente, Comitis Araniæ ex fratre nepos. Iste, cum per Germaniam iter faciens Lutheri dogmate imbutus fuisset, atque ob raras ingenii dotes, eruditionemque singularem, Professor Theologiæ in Academia Marpurgensi creatus, postmodum in patriam redux, veritatem disseminaturus, à Dominicano quodam Monacho *Alexandro Cambello*

Reformatio
Scotie.

*Patric.
Hamiltonius.* purioris
doctrinæ
præco.

Ejus mar-
tyrium,
an. 1530.

Alii Mar-
tyres an.
1537. &
1539.

JACOBUS
V. Scot.
R. mori-
tur an.
1542.

Nova
Martyria
an 1545.
& seq.

bello proditus est, vivusque crema-
tus annô 1530.: quod supplicium,
juvenis licet, magna cum animi
constantia toleravit. Septennio post,
alii Lutherani (sic Protestantes vul-
gò dicebantur) in Scotia detecti,
& quinque ex illis pariter cremati
sunt: Quibus & quinque alii bien-
nio post accessere; cæteris in fugam
datis, interque alios *Georgio Bucha-*
nano, Poëta atque Historico per-
quàm eleganti, qui, dormientibus
custodibus, per fenestram elapsus
est. Verùm quæ doctrina, regnan-
te JACOBO V. ardentibus licet rogis,
disseminari jam cœperat, mortuô
illô an. 1542. magis magisque sese
extendit. Sed prorex *Hamiltonius*,
qui ei primùm faverat, eandem post
ejuravit: Neque supplicia in ejus
præcones sequacésve desinere, auc-
tore inprimis atque impulsore Car-
dinali Santandreano, *Davide Beto-*
nio, qui mox sævitæ pœnas luit,
Proceribus exosus factus, atque in
pro-

proprio cubiculo confossus, cadavere cum ipsum in locum projecto, unde *Sephocardi* Evangelici Pastoris martyrium paulò antè spectaverat. Subsecutis annis, MARIA LOTHARINGA, defuncti Regis viduâ, Regnum administrante, à Reformatorum suppliciis haudquaquam cessatum est: Quibus tamen veritatis scintillæ, non modò non extinctæ, sed potius excitatæ sunt. Unde, cùm populi Edimburgensis pars non exigua à Papatu abhorreret, imaginemque D. Andreæ, quæ per Urbem circumferebatur, arripuisset, pedibûsque proculcasset, ortâ eam ob rem seditione, Reformatisque conscientiæ libertatem sibi concedi postulantibus, metuens sibi Regina statim annuere necesse habuit. At postea, seu propriâ sponte, seu instigantibus Guisiis, quorum illa soror erat, fidem Scotis datam fefellit. Quinimò dicitur, supplicibus illis, datique promissi memoriam re-

novan-

Card.
Santan-
dreani
sævi per-
secutoris
czdes.

Motus E-
dimburg,
contra
imaginem
S. An-
dreæ.

Regina
liberta-
tem cons-
cientiæ
policetur

sed fidem
datam feli-
cit.

Turpe
ejus dic-
tum de
Principum
fide.

Bellum
inter Re-
ginam
Regen-
tem, &
maximam
partem
Gentis
Scoticæ.
Refor-
matio in
Scotia in-
stituta,
auctore
præc.

Joh. Knox,
Calvini
discipulo.

MARIA
STUARTA
Scotiæ
Regina,
Regi Gall.
Francisco
II. nupta.

nōvantibus, respondisse, *Promissio-
rum fidem non aliàs à Principibus exi-
gendam, quàm ubi commodum eis
videretur.* Ad quæ illi, *se ergo obse-
quium omne, parendique necessitatem,
ei renuntiare:* simulque, quantæ hinc
calamitates exorituræ essent, signifi-
cant. Sic exasperatis animis, ab
utraque parte bellum instruitur. Fœ-
deratis Angli, Reginæ Galli auxilia
præbent. Quos inter tumultus, va-
riūmque matrem, instituta plerisque
in locis, à Pōpulo atque Proceri-
bus, Religionis emendatio est, dis-
jectæ Imagines; Missa abolita, Mo-
nasteria everſa, eaque regiminis Ec-
clesiastici forma constituta, quam Jo-
hannes Knox, Calvini discipulus,
à Magistro acceperat. Moritur in-
terea Regina Regens; annō 1560.
Moritur itidem, sub anni exitum;
Galliæ Rex *Franciscus II.* cui MA-
RIA STUARTA; Scotōrum Regina,
nupserat. Ista; pacatis quadante-
nūs rebus; relictis Galliis, in Sco-
tiam

tiam remeat, cognatòque *Henrico Darlæo*, aliàs *Stuarto*, quem regia auxit dignitate, secundis votis juncta est: Ex quo conjugio *Jacobum*, postmodum *Scotiæ*, deinde & *Angliæ* Regem, peperit. Sed quæ tragœdiæ actæ post fuerint, miserè occisò *Henricò* Rege, *Reginâque* cædis suspectâ, ob turpes cum *Botwellio* statim à cæde initas nuptias, hinc exosâ illâ suæ Genti, in carcerem traditâ, Regno cedere coactâ, in *Angliam* fugiente, sed ibi comprehensâ atque detentâ, tandémque, ob perpetuas in *Elizabetham* molitiones, à Senatu *Anglico* capitis damnatâ atque decollatâ, an. 1587. ea omnia fusè enarrare, nostri propriè instituti non est. Firmatus interim magis magisque apud *Scotos* purus *Dei Cultus*, in eoque *JACOBUS* Rex sedulò institutus: Quod & *Scriptis* de Religione, seu dum uni *Scotiæ* præesset, seu post adeptam *Anglici Regni hæreditatem*, luculenter testatum dedit.

Nubit secundum *Henrico Senario*.

Res tragica *Mariæ Stuartæ*, in *Anglia* decollatæ an. 1587.

JACOBUS Scot. R. in Relig. Reformatâ educatus, eique addictus.

Sum-

Summa Capita

SECTIONIS VI.

De Reformatione in Gallia.

Reformatio qualis in GALLIA. Litterarum παλαιογενεῖα puriorem Fidem in Galliam infert. FRANCISCUS I. Gall. R. Reformatis adversus. Margareta Navarrenna iisdem faver. Res reformata per Aquitaniam & Benearniam pullulat. Septem capita emendanda à Regina Navarrenna proposita. Prima Ecclesia Reformata Meldis, an. 1523. Martyres tota Gallia. Principes Germani Protestantes de malè habitis Reformatis apud Franciscum Regem queruntur. Johannes Calvinus Galliæ Reformatorum præcipuus. Merindolensium & Caprariensium laniena. Atrox judicium adversus illos, an. 1540.

COMPENDIUM. *Saeculum XVI.* 289

1540. *Cruelissima ejusdem executionis, an. 1545. Testimonium de ipsorum innocentia. Moritur Franciscus I. an. 1547. Sub HENRICO II. novæ in Reformatos persecutiones. Viri Principes ad eos accedunt. Synodus Ecclesiarum Reformatarum Parisiis, an. 1559. Confessio Fidei, & Disciplinæ Ecclesiasticæ Leges. Senatores, Ludovicus Faber, & Annas Burgus, in carcerem missi. Mors Henrici II. an. 1559. FRANCISCUS II. Gall. R. Guisiorum & Borboniorum æmulationes vera causa Bellorum Civilium. Princeps Condæus caput Reformatorum; eorum hostes Guisii. Annas Burgus comburitur. Conjunctio Ambosiana. Moritur Franciscus II. R. an. 1560. CAROLUS IX. succedit. Collaquium Possiacenum an. 1561. Communio sub utraque specie, & Conjugium Clericorum, ab Aula Gallica petuntur, tum à Papa, tum à Concilio Tridentino, sed frus-*

T

trâ,

trâ. Cædes Vassiacensis. Primum Bellum Civile. Drocensis pugna, an. 1562. Pax, Martio mense an. 1563. Secundum Bellum Civile; an. 1567. Prælium San-Dionysianum. Pax, 1568. Tertium Bellum Civile. Pugna Jarnacensis & Montcontoriana. Pax, 1570. Nuptiæ HENRICI Navarra Regis cum Margareta Gall. Regis sorore. Lanniena Reformatorum, die S. Barthol. 24. Aug. 1572. Gasparis Colinii, Maris præfecti, cædes. Strages toto Regno se extendit. xxx. hominum millia interempta; vel; juxta alios; C. millia. Aula Romana hanc stragem adprobat; & de ea gloriatur. Quartum Bellum Civile, an. 1573. Obsidio Sancerre & Rupellæ. Pax eodem annô. Quintum Bellum; an. 1574. Mors Caroli IX. HENRICUS III. antea Polonia, nunc Gallia Rex. Sacrum fœdus, seu Liga. Sextum Bellum; compositum an. 1577. Septimum
Bels

COMPENDIUM. Sæculum XVI. 291

Bellum, an. 1579. Pax, an. 1580. Octavum Bellum an. 1585. Pugna Corrasiana. Guisii jussu Regis occisi, an. 1588. Henricus III. à Jacobo Clemente Dominicano confoditur, an. 1589. Extinctis Valesiis, jus Regni transit ad HENRICUM BORBONIUM, Navarræ Regem. Card. Borbonius à Ligatis Rex salutat. Henricus IV. R. ad Pontificiam Religionem descectit. Edictum Nannetense in gratiam Reformatorum, an. 1598.

SECTIO VI.

De Reformatione in GALLIA.

NON ea fuit GALLIÆ felicitas, Reformatio qualis in Gallia,
ut adinstar Angliæ, Scotiæ,
Sueciæ, Daniæ, magnæque partis
Germaniæ atque Helvetiæ, Reformationem publicâ auctoritate admitteret: Verumtamen haud exiguos
purior Doctrina eo in Regno progressus.

Literarum
παιδαγωγία fu-
 riorem
 Fidem in
 Galliam
 infert.

FRANCIS-
 CUS I.
 Gall. R.
 Reforma-
 ris adver-
 sus.

Margareta
 Navarrena
 iisdem fa-
 vet.

Henrico
Albretano
Navarra Regi

gressus fecit. Quam ad rem, bonarum
 Literarum instauration, tótque Viri
 Docti FRANCISCI Regis patrocínio
 & munificentia excitati, non parum
 contulêre. Sed qui Princeps Literis
 favebat, non perinde sanioribus Sa-
 ceris, quibus Literæ viam fecerant,
 patrocinebatur: quorum in præco-
 nes atque adseclas, cō regnante,
 passim sævitum est. Quanquam non
 deerant, ne in ipsa quidem Fran-
 cisci domo, Principes viri atque
 fœminæ, qui renascenti Evangelio
 faverent, Principisque animum e-
 mollire niterentur. Quo in numero
 præ cæteris fuit *Margareta*, Fran-
 cisci Regis soror, *Henrico Albreta-*
no Navarra Regi nupta, præcellen-
 tis mulier ingenii, quæ Viros de
 Religione rectè sentientes penès se
 multos habuit, intérque alios *Jacô-*
bum Fabrum Stapulensem, *Gerar-*
dumque Roussellium, quem Cleracen-
 sem Abbatem, deinde & Oleronen-
 sem Episcopum renunciavit: Qui
 duo,

duo, quanquam à Romana Ecclesia apertè non discesserant, averfissimò tamen erant à superstitionibus animo, veræque Doctrinæ progressibus non obscurè famulabantur. Et hujus quidem Reginæ favore, per Aquitaniam ac Benearniam Reformata res pullulavit, habitis Cœtibus, creatis Pastoribus, & sacrâ Domini Cœnâ Evangelico ritu celebratâ. Quibus indignato Rege, fororémque increpante, illa septem potissimum capita immutanda proposuit; 1. Ut nullæ essent Missæ sine communicantibus. 2. Ut nulla fieret Hostiæ elevatio. 3. Ut nulla esset ejusdem adoratio. 4. Ut Communio sub utraque specie fieret. 5. Ut in Missæ solennibus, nulla fieret B. Virginis nec Sanctorum commemoratio. 6. Ut communis panis frangendus, & populo distribuendus adhiberetur. 7. Ut Presbyteri ad cœlibatum non adigerentur. Verùm hæc omnia (*Missam*

Res Reformata per Aquitaniam & Benearniam pullulat.

Septem capita emendanda à Reg. Navarr. proposita.

septem capitum dixere) fastidiosè rejecta sunt; lique Doctores, quos, Navarrenæ secum adduxerat, in carcerem conjecit; unde nonnisi reclamante illâ educti sunt. Interim, per varias Galliæ Urbes, cœtus agebant Reformati; qui sicubi innotescerent, pœnis gravissimis, & sæpe quidem capitalibus, coërcebantur.

Prima Ec-
clesia Re-
form.
Meldis,
an. 1523.

Prima *Meldis*, haud procul Lute-
tia, Ecclesia dicitur fuisse, præco-
nem agente *Johanne Clerico*, lanæ,
ut ferunt, carminatore; qui com-
prehensus, & flagris cæsus, Me-
diomatricas se recepit, ubi cum
concionari pergeret, martyrio fi-
dem obsignavit. Et initio quidem
Reformatis faverat *Gulielmus Briçon-*
netus, Meldensis Episcopus, cujus
in familiaritate *Farellus*, aliquæ ve-
ræ doctrinæ instauratores fuerant:
Sed isti mox dispersi; *Farellus* in
Helvetiam, alii aliò se contulere.
Neque verò pauci memorantur ho-
rum temporum Martyres, qui, cum
Lute-

Martyres
tota Gal-
liæ.

Lutetiæ, tum alibi passim, renascentis Evangelii veritatem inter supplicia rogosque defendere; quos inter eminuit *Ludovicus Berquinus*, vir ex Artesia nobilis, qui Lutetiæ an. 1529. primum strangulatus, deinde & crematus est. De quibus suppliciis cum questi essent apud Franciscum Germaniæ Principes, eâ ratione se excusabat, quod non nisi in Fanaticos, Magistratuûmque contemptores, pœnæ illæ irrogarentur: Quod quàm à vero alienum esset, cum alia satis docebant, tum id in primis demonstratum est à *Johanne Calvino*, adhucdum juvene, inter Galliæ Reformatores longè præcipuo, luculento illo *Institutionis Christianæ* opere, quod Francisco Regi nuncupavit. Verùm nihil diutius neque iniquius, regnante Francisco I. adversus Reformatos transactum est, horrendâ illâ Merindolensium & Caprariensium laniena, quæ annô hujus Sæculi 45.

Principes
Germ.
Protestantes de male habitis Reformatis apud Franciscum R. queruntur.

Joh. Calvinus Galliæ Reformatorum præcipuus.

Merindolensium & Caprariensium laniena.

contigit. Erant illi veterum Valdensium propago; qui, cum in alias passim regiones, tum in montana Provinciæ, seu Galliæ Narbonensis, se receperant; ibique adiduo cultu & labore indefesso vitam sustentabant. Hi, postquam de emendata à Protestantibus religione fama sparsa esset, eorum se fratres declaraverant; sed, ut ejusdem fidei, ita & ejusdem odii suppliciorumque consortes fuere. Cum epim à Senatu Aqui-sextiensi in jus vocati, metu periculi sibi impendentis haud comparuissent, decretum, ut, tanquam contumaces, internecione omnes delerentur, bona fisco addicerentur, ipsaque loca quæ incolebant, dirutis ædificiis, resectisque arboribus, solo æquarentur. Et atrox quidem illud judicium, dum vixit Præfex *Chassaneus*, executioni haud mandatum est. Sed qui successit *Oppédius*, exciserandæ vir memoriæ, extorta à Rege per atroces calumnias

Atrox judicium
adversus
illos an.
1540.

ex-

exsequendi hujus Ediçti licentiâ ,
 conscriptum à se militem in miseros
 illos Fideles duxit ; à quo direptis op-
 pidis atque incensis , fugientes , nul-
 lô sexûs vel ætatis discrimine , tru-
 cidabantur ; plurimi ad Merindolium ,
 aliôsque pagos ; Caprariæ , ad octin-
 gentos usque. Fœminæ superstites
 horreo straminis pleno inclusæ , ad-
 moto igne ustulatæ ; quæ per fenest-
 ras eripere se tentabant , uncis fer-
 reis atque furcis in ignem repelle-
 bantur. Quod reliquum fuit , mon-
 tanis inclusi , fame ac ferarum la-
 niatu extincti sunt. Et hæc fuit
 barbara illa execrabilisque laniena ,
 quæ à Francisco I. adprobata , sub
 Henrico tamen II. examini subjec-
 ta est , & quidam ex auctoribus pœ-
 nas dedere. Habetur narratio hu-
 jus tragœdiæ ab auctore minimè sus-
 pecto , Pontificiæ religionis , *Jac.*
Aug. Thuano , optimæ notæ fideique
 Historico : Qui & narrat , Francis-
 cum I. antequàm sævi illius Edic-

Cruclissi-
 ma ejus-
 dem exse-
 cutio an-
 1545.

Testimo-
nium de
ipſorum
innocen-
tia.

ti executionem permetteret, de doc-
trina & moribus hominum illorum,
per *Gulielmum Bellaium Langæum*
Subalpinæ Provinciæ Præſidem, in-
quiſitionem fieri juſſiſſe; ex qua, de
ipſorum innocentia & pietate (niſi
quòd à Papalibus Superſtitionibus
abhorrerent) abundè conſtitit. Sed
quis effectus? Nonniſi trium dilatio
menſium, ad reſipiſcendum ipſis con-
ceſſa: ſi perſtent, ſupplicium more
ſolito de iis ſumatur. Sic ſe res
Reformatorum habuère, aduſque
mortem *Franciſci I.* quæ an. 1547.
accidit. Sed nec mitius cum iis ac-
tum eſt ſub HENRICO II. Franciſci
filio & ſucceſſore, quò regnante
ingens fuit Martyrum numerus,
quorum nomina atque ſupplicia in
Bezæ Hiſt. Eccl. videri poſſunt. Sed
his non obſtantibus, creſcebat fides;
Viri primariæ dignitatis, *Antonio*
Borbonio Navarræ Rege, ejuſque
fratre *Ludovico Principe Condæo*, nec
non & fratribus *Coliniis*, ad eam
incli-

Moritur
Franciſ-
cus I. an.
1547.

Sub HEN-
RICO II.
novæ in
Reforma-
tos perfe-
ctiones.

Viri Prin-
cipes ad
eos acce-
dunt.

inclinantibus, Ecclesiisque non paucis toto passim Regno exstructis. Quarum omnium Delegati Synodum Nationalem Parisiis celebrarunt an. 1559. In qua quidem, Fidei Confessio, scriptore, ut ferunt, *Ant. Chandæo*, Parisiensis Ecclesiæ Pastore, nec non & Disciplinæ Leges, communi consensu adprobatae ac receptæ sunt. Hoc ipso tempore, cum de pœnis in Sectarios statuendis in Senatu deliberaretur, supervenit Rex, auditisque singulorum sententiis, eos qui liberius pro Religionis emendatione locuti fuerant, putà *Ludovicum Fabrum*, & *Annam Burgum*, comprehendi jussit, tribus insuper propriis in ædibus non multo post captis, aliisque tribus amicorum operâ periculo se subducen-
tibus. Dum verò delegati à Rege Judices de causâ Senatorum illorum cognoscerent, & ad eorum se damnationem accingerent, en Rex ipse, in hastiludio, grave ad oculum

Synodus
Eccles.
Reform.
Parisiis,
an. 1559.

Confessio
Fidei, &
Discipli-
næ Eccles.
Leges.

Senato-
res, *Lud.
Faber*, &
*Ann. Bur-
gus*. in
carcerem
missi.

Mors
Henrici
II. an.
1559.

lum vulnus accipit, ex còque in ipso ætatis flore exstinguitur. Succedit juvenis adhuc atque infirmus

FRANCISCUS II.
Gall. R.

FRANCISCUS II. omnia gerente *Catarinâ Mediceâ* matre, summæque rerum præfectis *Guisiis*, *Carolo* nempe Cardinali, & fratre *Francisco*, quorum neptim *Mariam* Scotiæ Reginam matrimonio sibi junxerat Rex Franciscus. Hos inter & *Borbonios*

Guisorum
& Borbo-
norum æ-
mulatio-
nes vera
causâ
Bellorum
Civilium.

Principes, Regiæ familiæ cognatione proximos, natæ de imperio æmulationes atque discordiæ, longam bellis civilibus ansam præbuere; quorum Religio, si ex vero res æstimeretur, nonnisi obtentus fuit. Cum enim capita Reformatorum *Borbonii*

Princeps
Condæus
caput Re-
formato-
rum; Eo-
rum hos-
tes Guisii.

essent; inprimis *Ludovicus* Princeps Condæus, *Guisii* contrà, ex novæ doctrinæ odio, zeloque in ea persecutanda, laudem quærebant. Ergo, his auspiciis ac promotoribus,

Annas
Burgus
comburi-
tur.

novæ exardescunt toto Regno persecuciones. *Annas Burgus*, Parisiensis Senator, comburitur: *Ægrè ca-*
teri

teri, nec sine damno evasere: Ut pateret, valentibus Guisii, extrema omnia timenda esse. Quamobrem, ut se imminenti periculo subducerent Reformati, simulque ut Regiæ stirpis Principes ab intolerando Guisiorum jugo sese eximerent, consilium capitur, duce Condæo, de opprimendis Guisii, Regèque ac Regno armatâ manu ab eorum tyrannide liberandis. Verùm resecto, ante statum diem, ab uno ex consociis arcanò, Conjurati oppressi sunt; Multi occisi in armis, cæteri capti, & suppliciis adfecti. Ipsèque Condæus in vincula conjectus, capite haud dubiè luisset, nisi mors Regis ei liberando, negotiòque componendo, ansam dedisset. Sub CAROLO IX., novenni puero, potentia cupida *Catarina* mater, non ita se Guisii permisit, quin subinde in eorum æmulos Borbonios inclinare videretur. Hinc mitius statim cum *Hugonotis*, seu Reformatis, actum est:

Quos

Conjura-
tio Ami-
bosiana.

Moritur
Francis-
cus II. R.
fine anni
1560.
CAROLUS
IX. succe-
dit.

Collo-
quium
Possiace-
num an.
1561.

Quos inter & Pontificios, habitum est Possiaci Colloquium, præfente Rege, totâque Aulâ, Julio mense anni 1561. Ex parte Refortmatorum, collocutores erant *Theodorus Beza*, *Petrus Martyr*, *Augustinus Marlora-tus*, &c. Pro Pontificiis stabant; præter Cardinales *Lotharingum*, & *Turnonium*, *Claudius Espenceus*, *Claudius Santesius*, *Jacobus Lainez* & So-cietate Jesu, &c. Sed cum de va-riis actum esset; inprimis de Eu-charistia & Ecclesia, nihil tamen confici potuit; in id unum intentis Pontificiæ partis Doctoribus, ut ne quid in receptis placitis aut usibus immutaretur. Verumtamen, ne ni-hil prorsus emendationem postulan-tibus indulgeri videretur; post dis-cessum Refortmatorum, visum est Prælatiis, ipsique Aulæ, Communio-nem sub utraque specie, & con-jugium Clericorum; à Papa expe-tenda esse. Sed, neque à Papa, neque à Concilio; quod Tridenti-tum

Commu-
nio sub
utraque,
& Conju-
gium Cle-
ricorum,
ab Aulâ
Gallica

tum habebatur; quæcumque tandem petuntur, tum à Pa-
 fuerint Oratorum Gallicorum ex- pa, tum à
 postulationes, impetrari illa potu- Conc.
 re. Interim, cum, uno atque al- Trid.; sed
 tero Edicto, concessa Protestantibus frustra.
 quædam conscientiæ libertas fuisset,
 illudque Guisios malè haberet, exci-
 tarò ad Vassiacum suæ ditionis op-
 pidulum tumultu, Reformatisque
 plusquam sexaginta inter sacra tru- Cædēs
 cidatis, bello funestissimo initium de- Vassiacen-
 dère. Et hoc quidem primum fuit sis.
 Bellum Civile, Religionis non tam
 causâ quàm occasione excitatum. I. Bellum
 In eo occisus Navarræ Rex *Anto- Civile.*
 nius, qui, deserto Fratre Condæo,
 ad Pontificias partes redierat. Oc-
 cisus & à *Poltratio* quodam per in-
 fidias *Guisus*: Ingensque strages ab
 utraque parte in prælio Drocensi
 edita est, quò & capti *Momorani*
atque Condæus, diversarum par-
 tium duces, & *Santandreas*, al-
 ter ex ducibus Pontificiorum, oc-
 cisus. Quibus malis ut finis esset,
 fact-

Drocensis
 Pugna an.
 1562.

Pax, Martio
mense
an. 1563.

II. Bellum
Civile an.
1567.

Pælium
San-Dio-
nyssianum.

Pax 1568.

III. Bel-
lum Civi-
le.

Pugna Jar-
nacenſis &
Moncon-
toriana.

Pax 1570.

fancita Pax annò ſequenti 1563.,
conceſſaque Reformatiſ ſuorum Sa-
crorum libertas fuit. Sic tranquillæ
per aliquot annos Reformatæ res
fuere. At, ſparsâ poſtmodum fa-
mâ, inter Aulam Gallicam atque
Hiſpanicam de exſcindendis Refor-
matiſ captum Baïonæ conſilium ef-
ſe, ab his arma reſumuntur; præ-
liumque ad *S. Dionyſum*, quò *Mo-*
morantius regionum dux occumbit,
committitur. Ceſſere hoc bello
multæ Civitates in manus Proteſtan-
tium, intérequé alias *Rupella*: At,
dum illi *Carnutum* oppidum obſidio-
ne cingèrent, de Pace conventum
eſt, an. 1568. Quò ipſo annò ni-
hilominùs, redintégratum eſt bellum,
pugnatumque ad *Jarnacum* & *Mon-*
contorium; & Proteſtantium dux *Con-*
dæus occiſus: Neque alia lege iniri
pax valuit, quàm munitis Urbibus
quatuor, *Rupella*, *Montalbano*, *Co-*
gnaco, & *Caritatè*, Proteſtantibus,
ſecuritatis cauſſâ, relictis. Verùm,
quò

quo tempore se maximè tutos, maximèque Regi acceptos censebant, immani perfidia & crudelitate structæ in eos insidiæ sunt, quibus imensa ipsorum multitudo oppressa est. Scilicèt, ad nuptias *Henrici* Navarræ Regis cum *Margareta* Caroli IX. sorore, invitati magno numero Protestantium nobilissimi quique, sed eo fine invitati, ut Parisiis uno omnes die, ac velut uno ictu, trucidarentur. Dies delectus horrendo facinori, qui Bartholomæo facer est, Sextilis mensis vicesimus quartus; statutumque, ut, auditis campanis, matutini sacri indicibus, Hugonotti omnes, quotquot Lutetiæ essent, cæderentur. Factum initium à *Gaspere Colinio*, Maris præfecto, viro fortissimo ac integerrimo, quem, paucis antè diebus, per insidias jam vulneratum Rex ipse inviserat, blanditiisque demulserat. Is à militibus, quos Guisus secum duxerat, confossus; nobilissimam ani-

Nuptiæ
Henrici
Nav. R.
cum *Margareta*
Gall. R.
sorore.
Laniena
Reformatorum, die
S. Barthol. 24.
Aug.
1572.

Gasp. Colinii, Maris præfecti, cædes.

V

mam

mam magna cum constantia Deo reddidit; ejusque cadaver per vicos tractum, nullo non dedecoris genere à furente plebe habitum est. Sic occiso capite, mox ad cæteros omnes, nobiles, ignobiles, viros, foeminas, senes, pueros, derivata strages fuit; solò sponsò Navarrae Regè, ejusque patruele Condæo juniore, exceptis; qui, ut vitæ confulerent, ad Pontificia Sacra deflexere, ea postmodum dilapsò periculò ejuraturi. Neque solum in Urbe regia, sed & in cæteris Gallia civitatibus, Meldis, Aureliani, Tricassibus, Andegavi, Biturigibus, Lugduni, Tolosæ, Burdigalæ, &c. haud impari modo sævitum est. Non si centum essent ora, linguæque centum, describi omnes execrandæ hujus tragœdiæ furores possent; quibus triginta innocentum millia, (sic *Thuanus* Hist. Lib. LIII. Sed *Harduinus de Peresixe* in Hist. Henrici IV. centum ferè millia fuisse asserit) nullo

Strages
toto Regno
se extendit.

xxx. hominum
millia interempta;
imò, juxta
alios, c.
millia.

lô ætatis , sexûs , conditionis , discrimine , brevissimo tempore , ferro peremta sunt , incredibilisque tota Gallia excitatus luctus. Puduit certè detestandi facti , quotquot ex ipsis Pontificiis humanitatem non prorsus exuerant. Sed Aula Romana , sanguinis sitiens , pudendos , hōc acceptō nuntiō , triumphos egit , ejusque memoriam , cuspis Numismatibus , picturisq̃ Vaticano apensis , ad posteros transmitti voluit. Verum , ut iis quæ antecesserant , ita nec barbarâ hâc cæterisque cumulum adjiciente lanienâ , profligari Reformata res potuit. Quinimò , resumptis viribus , bellum instauravit ; quò *Sancerra* atque *Rupella* à Pontificiis obsessæ , horrendaque fame pressæ , mirâ constantiâ sese defenderunt ; ingentemque , defensione ac eruptionibus , hostium vim deleverunt. Sed , vocatō ad Poloniæ regnum , eō qui regiis castris præerat , *Henricō* , Regis fratre , Ru-

Aula Romana hanc stragem adprobavit , & de ea gloriatur.

IV. Bellum an. 1573.

Obsidio Sancerræ & Rupellæ.

Pax eod.
an.

V. Bellum
an. 1574.

Mors Ca-
roli IX.

HENRI-
cus III.
antea Po-
loniæ,
nunc Gal-
liæ R.

Sacrum
Fœdus,
seu *Liga*.

VI. Bel-
lum, com-
pos. an.
1577.

pellæ quidem obsidionem solvi, pa-
cémque cum Reformatis instaurari
oportuit. Sed nec ea stabilis fuit,
novô rursûs exortô bellô; quô fla-
grante, *Carolus* Rex moritur, fra-
térque HENRICUS, Poloniæ Rex, in
ejus locum succedit. Iste novam
pacificationem cum Reformatis in-
stituit. At illa non multò pôst tur-
batur, initô à Guisii eorúmque
seguacibus, rigidioribus Pontificiis,
atque instigante Romano Pontifice,
famosô illô Pactô, quod Gallico
nomine *Ligam* dixêre. Scopus fœ-
deris, extinctio Reformationum, Hen-
ricique Navarræ Regis, cognatio-
ne licèt proximi, à Gallici Regni
successione remotio. Ea verò fac-
tione, incredibiles, per annos plus-
quàm viginti, toto Regno concita-
ti motus, Rex interemptus, Regnûm-
que universum penè subversum est.
Ergo bellum redintegratur: Sed
Bergeraci in Petrocoriis, an. 1577.
componitur. Biennio pôst, iterùm
pug-

pugnatur. Sed Rex sibi à Ligatis metuens, pacem insequenti anno restituit. Quam pacem denuò turbantibus Guisiiis, Reformatosque malè habentibus, arma resumit Navarrae Rex, Ligatosque, ad *Cotrasium* Aquitaniae oppidum, vincit. Fervebat interim magis magisque, turbulenta illa, ipsique Regi formidabilis, Ligatorum factio: Cujus cum capita Guisii essent, ambo, Blæsensibus Comitibus, an. 1588. Regis jussu occisi sunt. Qua tamen cæde, tantum abest ut pacatae res fuerint, ut ea contra Ligatorum rabiem non parum exasperarit; adeò ut adversus Regem, tanquam hostem Ecclesiae, fauoremque hæreticorum, nulla non convitia evomerent, eique abrogandum cum vita Regnum, aperte clamitarent: Unde & ille, dum Lutetiam obsidione cingeret, à Monacho Dominicano, *Jacobo Clemente*, cultrò in ventrem immisso confossus est, 2. Aug. 1589. At-

VII. Bellum, an. 1579.

Pax an. 1580.

VIII. Bellum an. 1585.

Pugna Cotrasiana.

Guisii jussu Regis occisi, an. 1588.

Henricus III. à Jac. Clemente Dominico,

confoditur an.
1589.

Extinctis
Valefiis,
jus Regni
transit ad
HENRICUM
Borb.
Navarr.
Reg.

Card.
Borbonius
à Ligatis
Rex salu-
tatus.

Henricus
IV. R. ad
Pontif.
Relig. de-
flectit.
Edict.
Nannet.
in gratiam
Reform.
an. 1598.

que sic extincta est stirps omnis *Valesia*, quæ Principum numero atque splendore haud multis antè annis floruerat. Translata hinc ad *Borbonios*, ipsūque adeò HENRICUM Navarræ Regem, successio: Qua ut eum fraudarent Ligati, *Cardinalem Borbonium* Henrici patrum Regem pronuntiant. Sed, hōc non multò post mortuō, Henricus sua armis jura fortiter vindicavit. Quod ut facilius obtineret, nec sibi ulterius detrimento essent Sacra diversa, Romanique Pontificis diræ, à Reformatorum partibus descivit, annō 1593. Quorum tamen securitati, Sacrisque liberè habendis, Edicto Nannetensi, anno 1598. promulgato, perpetuo ac irrevocabili à se dicto, cautum voluit.

Sum-

Summa Capita

SECTIONIS VII.

de Reformatione in Belgio.

*Reipublicæ & Reformationis in Belgio primordia. Belgarum privilegia violata. Inquisitio tentata. Margareta Parmensis, Belgii Gubernatrix. Granvellanus revocatur. Compromissum inter Nobiles, de tuenda Libertate, an 1566. Libellus supplex ab iis oblatus, sed sine fructu. Unde ortum Gueu-
 siorum nomen. Seditiones passim excitatæ. Ferdinandus, Dux Albanus, cum copiis in Belgium missus. Comites Hornanus & Egmondanus capite mulctati, an. 1568. Albani crudelitas. Multi patria cedunt. Gulielmus Nassavius, Princeps Arausionensis, dux fæderato-*

rum. Pacificatio Gandavenſis, an. 1576. Non multò poſt abrumpitur. Unio Ultrajeſtina, an. 1579. Fæderati Philippi R. obſequio ſe ſubtrahunt, an. 1581. Reipublicæ Fæderati Belgii natales. Gulielmus Princeps Arauſionenſis occiſus, an. 1584. Mauricius, Princeps Arauſionenſis. Induciæ inter Hiſpanos & Belgas, an. 1609.

S E C T I O V I I.

De Reformatione in BELGIO.

Reipublicæ & Reformationis in BELGIO primordia.

Belgarum privilegia violata.

DUm hi vigerent de Religione in Gallia motus, nova exorta eſt in vicino BELGIO Reſpublica, quæ utramque ſimul Libertatem, corpoream & ſpiritualem, ſibi comparavit. Suberat Hiſpanicæ dominationi Belgium, non tamen ſine ampliffimis Populorum privilegiis: De quibus cùm multùm, nec una in re, derogaret PHILIPPUS II. dur-

rúmque in primis *Inquisitionis*, quam vocant, jugum, Genti ab eo pridem abhorrenti, & ad puriora Sacra jam propendenti, imponere vellet, (quod & antea non uno jam Edicto tentaverat CAROLUS V.) magna animorum per eas Provincias facta commotio est. Utebatur *Margareta Parmensis*, Belgii Gubernatrix, consilio atque opera Cardinalis Granvellani, *Antonii Perenotii*, qui cùm violentorum illorum consiliorum auctor censeretur, ejus remotionem Nobiles Belgæ enixissimè petierunt. Sed, cò remotò, cùm eandem mentem, eadem molimina urgeri pateret, hinc novæ querimonix, novique tumultus, quotidie existerant. Quinimò inità inter Nobiles plus quàm quadringentos confœderatione (*Compromissum* dictum est) supplicem Libellum communi nomine Gubernatrici obtulerunt, 5. April. 1566., quò gravaminum emendationem, Legúmque de religione

Inquisitio tentata.

Margareta Parmensis, Belgii Gubernatrix.

Granvellanus revocatur.

Compromissum inter Nobiles, de tuenda Libertate & Religione, an. 1566.

Libellus supplicis ab iis o-

blatus, sed
sine fruc-
tu.

Unde or-
tum *Guen-*
fiorum no-
men.

Seditiones
passim ex-
citatz.

Ferdinan-
dus Dux
Albanus
cum co-
piis in
Belgium
missus.

Comites
Hornanus
& *Egmon-*
danus ca-
pite mul-
ctati, an.
1568.

Albani
crudeli-
tas.

latarum revocationem, poscebant. At,
cùm nihil impetrarent, imò & tan-
quam rabulæ atque mendici (*Gueusii*
vernaculâ linguâ) cum dedecore &
contemptu repellerentur, Populi ea
de causâ vehementer commoti sunt,
adedò ut nihil non audere, Ecclesias
diripere, Images frangere, mul-
tis in locis cernerentur. Quibus ma-
lis violentum remedium, exasperan-
disque animis potiùs quàm leniendis
idoneum, à Philippo adhibitum est,
Missus cum copiis ex Hispania *Fer-*
dinandus Dux Albanus, qui cædibus
ac suppliciis omnia implevit. Certè
Hornanus & *Egmondanus* Comites,
ob defensa Patriæ jura, tanquam
rei Majestatis capite mulctati; nec
non & alii magno numero, consti-
tutis cum in finem Judicibus duo-
decim, quos *Senatum sanguinis* di-
xère. Denique tanto furore per
omnes Belgii Provincias sæviebat
Albanus, ut ipse jactare solitus es-
set, se quinque annorum, quibus
Bel-

Belgiæ præfuit, spatio, XVIII. hominum millia carnificis ministerio interemisse. Quæ res effecit, ut pluri-
 Multi patria cedunt.
 rimi, non ex plebe modò, sed & primariae dignitatis, patria cederent, interque alios *Gulielmus Nassavius*,
Gulielmus Nassavius Princeps Atrahion. dux Fœderatorum.
Atrahionensis Princeps, qui, ut sanguinis nobilitate, gestisque muneribus, ita & animo ingenti, præclaris virtutibus, gratiæque apud populares, plurimum valebat. Hic, cum aliquandiu in Germania egisset, cum collecto illic milite in Belgium redit, factusque Fœderatis dux, *Hollandis* præsertim atque *Zelandis*, pro libertate & religione fortiter pugnat: Quod & in *Frisia* tentaverat jam, fecitque in posterum, frater *Ludovicus*. Ergo, mira celeritate, Hispanico jugo se subducunt, aut Fœderatorum armis capiuntur, non Urbes modò, sed & Provinciæ: Quas ut recuperarent Hispani, pacificationem Gandavensem inire coacti sunt, an. 1576. ;
 Pacificatio Gandavensis an. 1576.
 cujus

cujus art. 5. decreta omnia contra hæreses promulgata, & criminalia Albani edicta, eò usque suspendebantur, donec ab Ordinibus aliter statutum esset. Sed fractâ fide à *Johanne Austriaco*, Belgii Governatore, Fœderati arma resumunt, & castella Hispanorum passim dejiciunt. Sic pugnatum vario Marte, Fœderatis auxilia præbentibus, non Germaniæ modò Principibus benè multis, sed & ELIZABETHA Angliæ Regina, ipsòque etiam non semel Galliæ Rege; sed non unâ ipsorum rebus objectâ remorâ, cùm ob malè habitos in Gallia Protestantes, tum ex intestinis discordiis, quæ, ut in aliis, sic etiam in causâ Religionis, exercebantur. Hinc redeunt ad Hispani obsequium, & veterum Sacrorum formam, Walonicæ Provinciæ, *Artesia*, *Hannonia*, *Flandriæque* Civitates, *Insula*, *Duacum*, *Orchiæ*. Sed ex adverso Provinciæ quinque, *Geldria*, *Hollandia*, *Zelandia*, *Frisia*,

Non mul-
tò pòst ab-
sumpfitur.

sia, & *Utrajectina*, solemnî fœdere, Trajecti ad Rhenum, inter se copulantur, Januario mense anni 1579. Cui fœderi *Groningani* & *Transisalani* haud multò pòst accessêre. Et hætenus quidem, dum pro patria & libertate pugnaretur, Regio nomini interim parcitum fuerat: Verùm hostiliter magis magisque contra Belgas agente *Philippo*, ei tandem ab Ordinibus imperium abrogatum est. Et, quemadmodum antea *Matthia*, Imperatoris Rudolphi fratri, tunc etiam *Francisco Valesio*, fratri Regis Galliarum, delata Rectoris insignia sunt; sic tamen, ut omnia ex Ordinum nutu, & *Arausionensis*, Vicarii Generalis, consiliis administrarentur. At, cùm Valesius ad pleniorē sibi quē propriam potestatem adspiraret, ea quæ sibi delata fuerat excidit, præcepitque in Galliam reversus haud multò pòst mortuus est. Sic ergo nata, faustissimis auspiciis, præpotens illa Respublica, quæ *Fœderata*

Unio Utrajectina
an. 1579.

Fœderati
Philippi
R. obsec-
quo se
subtra-
hant, an.
1581.

Reipubl-
icæ Fœde-
rati Belgii
natales.

deratorum Belgii Ordinum dicitur; Quæ, ut vindicatâ atque adfertâ magno animo Libertate, ita & purioris professione Fidei (toleratis interim dissidentibus Sectis) etiamnum celebratur. Sed vix é cunis exierat, cum tristissimum ac lethale propè casum experta est; *Gulielmo Nassavio*, Arausionensi Principe, ejus fundatore ac defensore, Delphis Batavis, sceleratâ *Balthazaris Gerardi* manu, glande trajectô, 10. Junii 1584. Una morientis ad Deum vox fuit, *Miserere Populi*. Eô mortuô, in *Mauritium* filium, septendecim annorum Juvenem, postmodum verò fortissimum ducem, Hollandiæ & Zelandiæ præfectura delata est; cujus auspiciis continuatum, mirâ virtute atque prudentiâ, quanquam per varios casus & rerum discrimina, bellum: Neque antè ab armis cessatum, quàm, pactis Induciis, annô Sæculi sequentis ix. pro libera ac sui juris Republicâ ab Hispanis ipsis haberentur. Sum-

Gulielmus
Princ. Arau-
sionensis
occisus an.
1584.

Mauricius
Princ. Arau-
sionensis.

Induciæ
inter His-
panos &
Belgas an.
1609.

Summa Capita

SECTIONIS VIII.

De Concilio Tridentino.

Optatum, ab initio Reformationis, Concilium Generale. Pontifices à Concilio alieni, & quare. Conditiones in Concilio requisitæ à Protestantibus. Clementis VII. artes ad vitandum Concilium. Indictum à Paulo III. Mantuæ, Vicentiæ, tandem Tridenti. Incipit 13. Decemb. 1545. Sessiones xxv. tribus intervallis. Desinit 3. Decemb. 1563. De quibus actum. Concilium Tridentinum Papæ mancipatum. Exitus Concilii Tridentini Ecclesiæ damnosissimus. Confirmatur à Pontifice. Professio Fidei à Pio IV. edita. Concilium Tridentinum ab Ecclesia Gallicana nunquam admissum.
Scrip-

Scriptores historiæ Concilii Tridentini. Paulus Sarpius. Card. Pallavicinus. Acta à Puteano edita. Literæ Vargas, & aliorum.

S E C T I O V I I I.

Optatum,
ab initio
Reforma-
tionis,
Conci-
lium Ge-
nerale.

Pontifices
à Conci-
lio alieni,
& quare.

Sic descriptis, uno tenore, filoque haud interrupto, emendatorum Sacrorum, per varias Europæ partes, primordiis, prætermittendum non est *Concilium Tridentinum*, cujus non ignobiles hoc in negotio partes fuerunt. Exoptata, jam inde ab initiis harum de Religione controversiarum, Concilii Generalis convocatio fuerat: quam quidem optimam componendorum dissidiorum rationem esse, Cæsar ipse & Imperii Ordines non semel statuerant. Sed Pontifices ab hoc proposito quammaximè abhorrebant, memores gestorum in novissimis Conciliis, *Constantiensi*, *Basileensi*, & *Pisano* utroque, tantumque de amplitudine

tudine & potestate sua detrahi existimantes, quantum ex disciplinæ emendatione auctoritatis & ornamenti Ecclesiæ accederet, ut hic *Thuanus*, Pontifici quidem, sed sapientissimi & veracissimi Historici, verba usurpamus. Protestantes, habendo Concilio, sed libero atque legitimo, haudquaquam reluctabantur; quod videlicet, non in Italia, sed in Germania haberetur; & in quo res, non ex Scholæ placitis, Legibusque Pontificiis, sed ex solo Dei Verbo, judicarentur; cuius proinde definitionibus, si modò rectæ essent, subscriberent; sin minus, iis haudquaquam adstringerentur. Verum has leges, ut æquas & rationi ac pietati consentaneas, Papa respuebat; neque aliud offerebat Concilium, quàm quod sibi planè subditum mancipatūque esset. Ergo, urgente Imperatore, se excusate *Clemens VII.* tergiversari, moras necitare: Quæ inter, mortuus est; onusque convocandi

Conditio-
nes in
Concilio
requisitæ
à Protestan-
tibus.

*Clementis
VII.* artes
ad vitan-
dum Con-
cilium.

322 HISTORIÆ ECCLESIASTICÆ

Indictum
8 Paulo
III. Man-
tuz, Vi-
centiæ,
tandem
Tridenti.

Incipit 13.
Decemb.
1545.

Sessiones
XXV. tri-
bus inter-
vallis.

Definit 3.
Decemb.
1563.

De quibus
actum.

Concilii *Paulo III.* successori reliquit. Ab hoc indictum, primò Mantuz, deinde Vicentiæ, tandèmq, his repudiatis locis, Tridenti: Factumque, post multas dilationes, initium 13. Decembris 1545. Habitæ in universum Sessiones xxv. tribus variis intervalis, à se mutuo non parùm disjunctis; Primum, annis 1546. & 47. sub *Paulo III.* Romano Pontifice; Alterum, annis 1551. & 52. sub *Julio III.* Tertium annis 1562. & 63, sub *Pio IV.* finisque 3. Decemb. impositus. Actum de multis, cum Doctrinæ, tum Disciplinæ capitibus; Doctrinæ quidem, putà de *Scriptura & Traditionibus*, de *Pecato originis*, de *Justificatione*, de *Sacramentis*, *Baptismo*, *Eucharistia*, *Confirmatione*, *Pœnitentia*, *Extrema Unctione*, *Ordine*, *Matrimonio*, de *Purgatorio*, *Invocatione Sanctorum*, *Reliquiis*, *Imaginibus*; Disciplinæ verò, velut de *sacris Concioniis*, & *Prælectionibus Theologicis*, de *Episcopo*

poporum residentia, de Beneficiis Ecclesiasticis, eorumque pluralitate, &c. Sed ita actum de iis omnibus, ut errores potius confirmati quam emendati fuerint, nec nisi levissima ac debilissima gravissimis Disciplinæ malis allata remedia. Neque mirum; cum nulla Contilio libertas esset, omniâque ad Pontificis & Romanæ Curia nutum procederent: Unde, *Spiritum sanctum in sarcina Roma advehi*, non illepidè dictum est. Certe, nihil actum, nisi proponentibus Legatis, omniâque in privatis Congregationibus, sibi planè mancipatis, determinantibus, antequàm publicæ Sessiones haberentur. His accedebat, quòd Italis hominibus, Papæ gnationibus atque mancipiis, maximam partem constaret Concilium, quorum & numerum pro lubitu augebat Papa: dum è contrario, res momentosissimæ, inexpectatis præcipuarum Gentium Theologis, expediebantur. Tum; si quis

Concilium Trid.
Papæ:
mancipatum.

Exitus
Concilii
Tridentini
Eccle-
siae cam-
nosissimus.

Confirma-
tur à Pon-
tificè.

Professio
fidei à
Pio IV.
edita.

paulò audacior, adversùs recepta placita, aut Curiae Romanae voluntatem, sententiam diceret, convitiis onerabatur, & ad silentium adigebatur. His aliisque huusmodi artibus, omnis à Concilio libertas, omne veri studium abfuit: Quamobrem, quod ad emendandam Ecclesiam, ejusque consolidanda vulnera, initio quæsitum fuerat, contrà erroribus, superstitionibus, atque tyrannidi, sigillum veluti imposuit, plagasque Ecclesiae immedicabiles fecit: Et vice versâ, quod invito animo, nec sine maxima sollicitudine, concesserat Curia Romana, ne immodicæ suæ potentiae obices ponerentur, id ipsum ad eam confirmandam atque augendam plurimum contulit. Finitò Conciliò, ejus decreta datâ Bullâ confirmavit Papa; Fideique professionem, juxta mentem Concilii, nec non & Indicem Librorum prohibitorum, edidit. Veruntamen, ne apud omnes qui

quidem Pontificios pari reverentia habitum est Concilium; ejusque decreta, saltem quod ad res Disciplinæ adinet, ab Ecclesia Gallicana nunquam admissa sunt. Historiam Tridentini Concilii, cā sapientiā, cā libertate, eō sale atque acumine, scripsit *Paulus Sarpus* Venetus, sub nomine *Petri Soavis Polani*, ut dignè satis prædicari nequeat. Neque verò quidquam de ejus pretio delibavit confutator ejus, Cardinalis *Pallavicinus*; siquidem præcipua quæque confitetur, nec nisi levissima quædam errata arguit. Habentur & Actorum ad Concilium pertinentium Collectiones admodum notabiles; ea præsertim quam *Puteanus* edidit, an. 1654. Nec non & literæ *Francisci Vargas*, & *Petri de Malvenda*, Theologorum Caroli V. in illo Concilio, ut & Card. *Sanctæ Crucis*, & Card. *Visconti*, omnes é tenebris nuper erutæ; quibus quæcunque, de Tridentinorum Patrum

Concilium Trident. ab Ecclesia Gallicana nunquam admissum. Scriptores historiæ Concilii Tridentini.

Paulus Sarpus.

Card. *Pallavicinus.*

Acta à *Puteano* edita.

Literæ *Vargas*, &c.

326 HISTORIÆ ECCLESIASTICÆ
servitute, & Curia Romanæ artibus,
scripserat Paulus Sarpius, luculenter
confirmata sunt.

Summa Capita

SECTIONIS IX.

De Imperatoribus & Papis, post
Concilium Tridentinum.

FERDINANDUS I. *Imp. moritur an.*
1564. *Quomodo se gesserit cum*
Protestantibus. MAXIMILIANUS II.
succedit. Ejus character. Consul-
tatio Cassandri. RODOLPHUS II. *Imp.*
an. 1576, usque ad 1612. Pius
V. *Rom. Pont. contra Elizabetham*
Angliæ Reg. Bullam promulgat,
& seditiones movet. Pius V. *nu-*
per Divis adscriptus. Gregorius
XIII. *P. Lanienæ Parisensi adplau-*
dit. Kalendarii emendatio an. 1582.
Sixtus V. *P. Ejus natales & charac-*
ter.

COMPENDIUM. *Sæculum XVI.* 327

ter, Navarra Regi & Condæo anathema dicit; ut & Henrico III. Gallia Regi, Parricidium Henrici III. à Sixto laudatum. Gregorius XIV. P. Acta ejus contra Henricum IV. Gall. R. Clemens VIII. P. Paparum ausa Galliam incendunt, & sicarios adversus Henricum IV. armant. Joh. Castellus Henricum IV. ad os vulnerat, an. 1594. Henricus IV. Papa reconciliatur. Vulgatæ Versionis editio Sixti V. Denuð emendata editur à Clemente VIII.

SECTION IX.

*De IMPERATORIO & PAPIS,
post Concilium Tridentinum,*

POSTQUÀM de Concilio Tridentino diximus, placet nonnulla de Imperatoribus & Papis, inde à Concilii illius exitu, adusque Sæculi finem, breviter hîc adnectere.

X 4

Alte

FERDI-
NANDUS I.
Imp. mo-
ritur an.
1564.

Quomo-
do se gef-
ferit cum
Protestan-
tibus.

MAXIMI-
LIANUS II.
succedit.

Ejus cha-
racter.

Consulta-
tio Cas-
sandræ.

Altero à fine Concilii anno, obiit
FERDINANDUS Imp. qui pacem cum
Protestantibus æquo satis animo co-
luit. Neque verò per ipsum ste-
terat, quominus rectiora Tridenti
consilia caperentur, gravissimis in-
terpositis expostulationibus atque pos-
tulatis, quæ apud *Goldastum* legi pos-
sunt; Unde & ipse, odia Roma-
norum Pontificum, præsertim *Pauli*
IV. non semel expertus est. Quibus
in consiliis imitatore filium suum
& successorem MAXIMILIANUM II.
habuit, laudabili Principem ingenio,
& cuius præclara, de vi conscien-
tiis haud inferenda, dicta memo-
rantur. A duobus illis Imperatori-
bus, *Georgii Cassandræ*, Colonien-
sis Theologi præstantissimi, de contro-
versis horum temporum quæsitæ sen-
tentia est: quam ille, edita *Consul-
tatione*, exhibuit, sapientissimam op-
pidò, & viro Christiano dignissi-
mam; quâ, si non omnes, haud
pauci tamen Pontificiæ Religionis
abu-

abusus notabantur, consiliâque fa-
luberrima de emendatione & pace
suggerebantur Maximilianum, an.
1576. immaturo ereptum fato, fi-
lius excepit RODOLPHUS II. placida
indole, nec damnandis moribus, cu-
jus vita ad duodecimum Sæculi se-
quentis annum producta est.

RODOL-
PHUS II.
Imp. an.
1576.
usque ad
1612.

Biennio post Concilium, obiit
itidem Pius IV, Pontifex, succes-
sorémque Pium V. habuit, qui an-
tea Michæ' Gieserius dicebatur. Is,
ex decretis Tridentini Concilii, Ca-

Pius V.
Rom.
Pontifex.

techisum confici curavit, qui *Ca-
techismi Romani* nomine venit. Idem
Pontifex, *Elizabetham* Angliæ regi-
nam, ceu hæreticam, diris devove-
re, omnique in Regnum jure, quan-
tùm in se fuit, spoliare ausus est.
Nec modò publicatâ Bullâ, sed &
ministerio *Roberti Ridolfi*, Patritii
Florentini, (qui sub specie merca-
turæ in Anglia agebat) Anglorum
animos in Elizabethæ perniciem ex-
citare non destitit, ingentibus etiam

Contra
Elizabe-
tham An-
gliæ Reg.
Bullam
promul-
gar, & se-
ditiones
mōvet.

subministratis subsidiis, Hispanóque, ut rebellibus auxilia præberet, vehementer impulsó. Verum res tota, Deo procurante, Elizabethæ diluxit, quæ Norfolcium alióque é conjuratis morte adfecit. Pium illum, veriùs impium, utpote seditionum incentorem, Romana Ecclesia haud ita pridem Divis adscripsit. Eum excepit an. 1572. *Gregorius XIII.* antea dictus *Hugo Buon-compagni*; qui, acceptó de laniena Parisiensi nuntiò, nulla non lætitiæ atque plausûs indicia dedit; cuiusque Numismate, quò UGONOTORUM STRAGES depingitur, atrocissimi facinoris memoriam servari voluit. Pontifex iste, operâ Astro-nomorum quorundam, speciatim *Alasfu Liti*, Kalendarium Julianum, diebus jam d. cem abnorme, emendari curavit, an. 1582. Quæ emendatio à Pontificiis statim admissa est, sed non à Protestantibus, ne Romano Pontifici morem gerere vide-

Pius V.
nuper Di-
vis adscri-
ptus.

*Gregorius
XIII. P.*

Lanienæ
Parisiensi
adplaudit.

Kalenda-
rii emen-
datio an.
1582.

rentur: Verùm tamen, cùm res esset
per se laudanda, eam postmodum
penè omnes admisère. In Grego-
rii, an. 1585. extincti locum, suc-
cessit *Sixtus V.* antea *Felix Mental-*
tius dictus, obscuro loco natus, &
rustici in Marchia Anconitana filius,
qui & porcos in pueritia duxisse
fertur. Is magno animo, sed su-
perbo admodum atque severo, Pon-
tificatum administravit: Borbonum
utrumque, Navarræ Regem atque
Condæum, tanquam hæreticos, &
in hæresim relapsos, anathemate per-
cussit, suisque ditionibus, ut & iu-
re omni in Regni Franciæ successio-
nem, dejectos pronuntiavit. Quin-
imò & in Henricum III. Galliæ Re-
gem, licet Pontificiis addictissimum
sacris, fulmen vibrare, ejusque sub-
ditos fidei sacramento exsolvere haud
veritus est, eo quòd Guisios sibi in-
fidiantes occidi curasset, & adver-
sus Fœderatos (seu *Ligatos*) bellum
gereret. Cujus fulminis ea vis fuit,

Sixtus V.
P.

ejus nata-
les & cha-
racter.

Navarræ
Regis &
Condæo,
ana hema-
dicit.

ut & Hen-
rico III.
Galliæ R.

Parricidium
Henrici
III. à Sixto
laudatum.

Gregorius
XIV. P.

Acta ejus
contra
Henricum
IV. Gall.
R.
Clemens
VIII. P.

Preparum
a Gallia
incedunt,
& sicario
adv. Hen-
ricum IV.
armant.

ut nefario Monachi, *Jacobi Clemensis*, cultro, miser ille Rex interime-
retur, prout superius à nobis nar-
ratum est. Factum adprobavit, &
in Cardinalium Consistorio publicè
laudavit Sixtus; nec modò Eleazari
& Judithæ facinoribus, sed & as-
sumptæ à Domino carnis, & resur-
rectionis ejusdem mysteriis, imma-
ni blasphemia, æquiparare haud du-
bitavit. Sixti furorem imitatus est
Gregorius XIV. missio ingenti ad Li-
gatos auxiliò, nec non & promul-
gatâ Bullâ, quâ Clerum & Nobi-
les, ne Henrico IV. parèrent, sub
anathematis poena vetabat. Paria
& fecit *Clemens VIII.*, an. 1592.
datâ Bullâ, quâ ad novi Regis elec-
tionem Gallos hortabatur. Quibus
quidem Pontificum ausis, dici non
potest quanti tumultus per Galliam
excitati sint, quantum animata Li-
gatorum factio, armatque adversus
Henricum Regem sicarii, intèrque
alios *Joh. Castellus*, qui, cum cum
ad

ad os vulnerâset, se zelo Religio-
nis, haustisque è Jesuitarum schola
principiis, id designâsse confessus
est: Quâ de causâ, non sumptum
modò de reo supplicium, sed &
ejecti Regno Jesuitæ, Pyramisque
in rei detestationem erecta. Hen-
ricus, probrosum in modum, ver-
beratis ejus Procuratoribûs, Ponti-
fici reconciliatur: Verùm, nec ac-
cessione ad Sacra Pontificia, nec in-
dignâ illâ submissione, vitæ suæ se-
curitati consulere potuit, quemad-
modum ad Sæculum sequens dice-
mus. Versionem Vulgatam, ex Tri-
dentinorum decreto emendatam, ut
solam authenticam, solamque reci-
piendam, edidit Sixtus V. *perpetuò
valiturâ*, ut ipse aiebat, *Constitutio-
ne*, Kal. Mart. 1589. Sed eam
tamen, plurimis iterùm repurgatam
mendis, triennio post emisit Clemens
VIII. solamque hanc editionem,
missâ Sixtinâ, pro vera & authenti-
ca haberi jussit; datâ Bullâ 9. Nov.

Joh. Cas-
tellus
Henricum
IV. ad os
vulnerat;
an. 1594.

Henricus
IV. Papæ
reconci-
liatur.

Vulgata
Versionis
editio
Sixti V;

Denuò
emenda-
tur à Cle-
mente
VIII.

1592.

1592. Quæ quidem Bullarum pū-
gna, cum nōn errandi privilegio,
à Pontificibus adsumpto, quōmodo
concilietur, haud fasile perspici-
mus:

Summa Capita

SECTIONIS X.

*De Ordinibus Religiosis, & Jesuitarum
Societate.*

*Ordines Religiosi Sæculo XVI. insti-
tuti. Jesuitarum ortus. Ignatius
Loyola. Confirmatur Jesuitarum
institutum à Paulo III. P. an. 1540.
Franciscus Xaverius Apostolus In-
dorum dictus. Societatis Jesu incre-
menta & varia fata.*

S E C T I O X.

De Ordinibus Religiosis, & Jesuitarum Societate.

ORdinum Religiosorum etsi infinitus jam in Ecclesia Romana numerus erat, non una tamen hac ætate accessio facta est; *Capucini* putà, *Recollecti*, *Pœnitentes*, propagines *Franciscanorum*; *Theatini*, *Barnabitæ*, aliique; quorum origines atque instituta ii demùm curiosè investigent atque describant, qui multùm pretii ipsis tribuunt. Sed omnibus palmam præripuit *Jesuitarum* Societas, auctore *Innigo* seu *Ignatio Loyola*, Hispano, qui cùm in juventute militiæ nomen dedisset, & in obsidione Pompeiopolitana armorum crus lapidis ictu amisisset, mox, paucis quibusdam adscitis sociis, interque alios *Francisco Xaverio*, novo sodalizio, Romanæ Sedi addic-

Ordines
Religiosi
Sæc. XVI.
instituti

Jesuitarum origo

Ignatio Loyola.

additissimo, & ad prædicandum Infidelibus Evangelium potissimum comparato, ortum dedit: Quod à *Paulo III.* Pontifice, anno 1540. adprobaturum & confirmatum, paucorum intervallo annorum in immensum numerum excrevit, & ad Indos usque, quò Xaverius profectus est, sese extendit. Xaverio illi, dum Apostolum Indorum ageret, haud pauca adscribuntur Miracula: Sed ea fabulis accensenda esse, cum ex Xaverii ipsius, in Epistolis, silentio, tum ex aliis testimoniis, constare potest. Quin Viros doctissimos & meritissimos protulerit hic Ordo, in dubium vocari nequit: Sed, ob potentiam, & artes politicas, plurimis exosus, multisque statim è locis pulsus, omnia tamen vicit obstacula, & incredibilem, in regionibus omnibus Ecclesiæ Romanæ ad dictis, auctoritatem comparavit.

Confirmatur Jesuitarum institutum à Paulo III. P. an. 1540.

Franc. Xaverius. Apostolus Indorum dictus.

Societatis Jesu incrementa & varia facta.

Summa Capita

SECTIONIS XI.

*De Prædestinatione & Gratia
discrepantes sententiæ.*

De Gratia & Prædestinatione discrepantes in Ecclesia Romana sententiæ. Scotistæ. Thomistæ. Qua arte Tridentina Decreta hanc in materiam concinnata sint. Dominicus Soto, & Andreas Vega, decreta illa in contrarias partes trahunt. Michaëlis Baii; Theol. Lovan. Propositiones à Pio V. & Gregorio XIII. damnatæ. Jesuitæ, initio, D. Thomæ Theologiam secuti. Idem ad contraria placita defleunt. Lud. Molinæ Liber de Concordia Gratæ & Liberi Arbitrii. Censuræ adversus Jesuitarum doctrinam, an. 1587. & 88. Congregatio

Y

gatio de Auxiliis instituta an. 1598. Reformatores D. Augustini placita sequuntur. Lutheri liber de Servo Arbitrio. Quidam Supralapsarii. Mitiora Melanchtonis & Bullingeri principia. Judicium de his controversiis.

S E C T I O XI.

*De Prædestinatione & Gratia
discrepantes sententiæ.*

De Gratia
& Prædesti-
natione
discrepan-
tes in Ec-
cl. Rom.
sententiæ.

Diversæ fuerunt, in ipso Eccles-
iæ Romanæ sinu, intéque
ipfos Tridentini Concilii Patres, de
non uno dogmate sententiæ; sed
ob agnitam ab utraque parte Ro-
manæ Sedis auctoritatem, nulli scis-
suræ ansam præbuerunt. Cujus
quidem rei exemplum notabile, spe-
ciminis loco, adducere juvat. De
Gratia & Prædestinatione, aliter sen-
tiebant Scotistæ, seu Franciscani, qui
ad Pelagiana vel Semipelagiana dog-
mata

Scotistæ,
Thomistæ.

mata propendere videbantur; aliter *Thomistæ*, seu Dominici, qui in *D. Augustini* & *D. Thomæ* sententiam jurabant. Quæ causâ fuit, cur, in cudendis hoc de argumento Tridentini Concilii decretis, diu multumque laboratum sit. Hinc scilicet animus erat, *Lutheri*, *Calvini*, *Zuinglii*, de Prædestinatione & Gratia efficaci, placita damnare. Sed & illinc certum ipsis erat, *D. Augustini*, *D. Thomæ*, adeoque Dominicanorum, hypotheses non rejicere. Res ardua; cum una ferme eademque esset, ad summam rei quod attinet, utrorumque sententia. Ergo tanta arte concinnata decreta, ut Reformatores quidem ferire, sed neutri Romanensium parti adversari viderentur. Quod quidem eo successu factum est, ut duo Concilii Doctores, *Dominicus Soto*, & *Andreas Vega*, editis, haud multo post Concilii decreta, libris, ea diversissimo modo exponere, imò

Qua arte
Tridentina Decreta hanc in materiam concinnata sint.

Domin. Soto & *Andr. Vega*, Decreta illa in contrarias partes trahunt.

& in contrarias partes trahere haud vererentur. Patet nihilominus, Tridentinos plus libero arbitrio dedisse, quàm ab Augustino & Thomistis fieri soleat. Utut sit, utrique Systemati, & fautores, & censores, in Ecclesia Romana plurimi fuerunt. Damnatæ à *Pio V.* & *Gregorio XIII.* Pontificibus, nonnullæ *Michaëlis Baïi*, Theologi Lovanien-
 sis propositiones, quæ tamen vix aliud quàm ipsissima Augustini sententia erant, hæc v. g. ordine 28. *Liberum arbitrium, sine gratiæ Dei adjutorio nonnisi ad peccandum valere.* *Jesuitæ*, primis institutionis suæ temporibus, an. 1550. D. Thomæ Theologiam suis tradi voluerant. Postmodum, an. 1559. ut aliud quoddam Systema, temporibus accommodatius, posset elligi, data ab ipsis libertas est. Qua quidem usi libertate Societatis illius Doctores, *Prudentius de Monte-majore*; *Gregorius de Valentia*, *Leonardus Lessius*, omnium

Mich. Baïi,
 Theol.
 Lovan.
 proposi-
 ziones à
 Pio V. &
 Greg.
 XIII.
 damnatz.

Jesuitæ.
 initio, D.
 Thomæ
 Theolo-
 giam se-
 cuti.

Eidem ad
 contraria
 principia
 deflec-
 tunt.

nium verò maximè *Ludovicus Molina*, Evoracensis in Lusitania Theologus, scripto de *Concordia Gratiae & Liberi Arbitrii* libro, missâ Thomistarum Theologiâ, diversam planè secuti sunt; & *Gratias sufficientes* omnibus concessas, quæ, pro vario libertatis usu, varios effectus edant, *Scientiâque Dei mediam*, de rebus sub conditione futuris, statuerunt. Quas hypotheses, Universitas *Lovanienfis*, nec non & *Duacensis*, postmodum & *Salmanticensis*, aliæque, suis subinde censuris notavêre. Atque hinc tanta Dominicanorum cum Jesuitis dissidia; Quæ cum acriora indies fierent, *Congregationi de Auxiliis*, à Clemente VIII. an. 1598. institutæ, locum dederunt, de qua ad Sæculum sequens dicetur. Reformatores nostri, ut verbum etiam de iis addamus, D. *Augustini*, de Gratia & Prædestinatione, sententiam, penè omnes sequebantur; quam & crudiùs nonnunquam tra-

Lud. Molina liber de Concordia Grat. & Lib. Arb.

Censuræ adv. Jesuitarum doctrinam, 1587. & 1588.

Congregatio de *Auxiliis*. instituta an. 1598.

Reformatores D. Augustini placita sequuntur.]

Lutheri
Liber de
Servo Ar-
bitrio.

Quidam
Su'ralap-
sarii.

Mitiora
Meta-Pho-
nis & Bu-
lengeri
principia.

Judicium
de his
Con-tro-
versis.

debant, ut ex *Lutheri de Servo Ar-
bitrio*, multisque *Zuinglii & Calvini*
locis, constare potest. Quin &
fuerunt, qui ad rigidissima *Supra-
lapsariorum* placita (quibus Electio
& Reprobatio, in Decretis divinis,
supra hominis lapsum statuuntur)
procedere haud dubitarent, ut *Be-
za & Zanchius*. Ad mitiora defle-
xit *Melanchthon*, duo extrema vitan-
da monens, hinc Pelagianismum &
Semipelagianismum, illinc Mani-
chæismum, seu fatum Stoicum. *Bu-
lengerus*, *μεταχθονισμῶν*, nec sine causa,
ferebatur. Melanchthonem Luthe-
rani deinceps, Calvinum Reforma-
ti, sed non tamen omnes, secuti
sunt. Pro omnes animo, ut qui-
dem censemus; nec satis causæ,
cur fraternitas inter utrosque abrum-
patur, quod, de abditissimis Dei
consiliis, humanum captum supe-
rantibus, non eadem omnes sen-
tiant.

Sum.

Summa Capita

SECTIONIS XII.

De Bello Rusticorum, & Anabaptistarum Monasteriensium tragædia,

Bellum Rusticorum, an. 1524. & 1525.

Thomas Munzerus, Phiserus, &c,
Lutherus contra Munzerum & Rusticos scribit. Germaniæ Principes contra Rusticos bellum gerunt, eosque variis in locis vincunt. Munzerus captus, & capite mulctatus,

De Anabaptistarum Monasteriensium tragædia, an. 1534. & 1535.

Anabaptistarum origo & placita.

Tumultus ab iis per Germaniam,

Helvetiam, & Belgium, excitati,

Lutherus, Zuinglius, Melancthon,

contra eos scribunt. Monasterium

veniunt, exeunte an. 1533. Eo-

rum capita, Johannes Matthæus,

Y 4

Johan.

Johannes Leidenſis, Bern. Rotmannus, Bern. Knipperdoling, &c. Urbe expulſi redeunt, & ſuperiores ſunt. Pugna inter Anabaptiſtas & cæteros Cives. Anabaptiſtarum furor. Urbs Monafterium ab Epifcopo obſeſſa. Bonorum communitas inter Anabaptiſtas inſtituta. Libros omnes, exceptis Bibliis, incendunt. Joh. Matthæus eorum Prophetæ occiditur. Polygamia inſtituta. XII. viris rerum ſumma deferitur. Joh. Leidenſis Rex ſalutatur. Discipulos 28. in alia oppida mitxit. Quæſtio de illis habita. Libri Anabaptiſtarum. Refelluntur à Landgravio, Luthero, &c. Regina, quòd populi vicem miſerata eſſet, capite plectitur. Urbs capitur, 28. Mai. 1535. Regis audax ad Epifcopum reſponſio. Regis & ſociorum ſupplicium. Conſpirationes Anabaptiſtarum adverſus Amſtelodamum & alias Urbes. Anabaptiſtæ tota Europa maiè habiti, & ad ſupplicia rapti.

COMPENDIUM. *Saeculum XVI.* 345
rapti. Multi Anabaptistæ placidi &
innocui. Unde dicti Mennonitæ.

SECTION XII.

De Bello Rusticorum, & Anabaptistarum Monasteriensium tragœdia.

REnascentis Evangelii pulchritudinem non parùm obscurârunt bella *Rusticorum*, & furores *Anabaptistici*, quibus, sub initia Reformationis, haud exigua Germaniæ pars turbata est: quanquam eorum, non veram causam, sed merum obtentum, Religionem fuisse, abundè patuit. Nam Rustici non semel jam antea adversùs Nobiles & Magistratus insurrexerant, propter onera quibus se nimium gravari querebantur: Verùm nunquam tantâ petulantia, tantâque ferocia, quanta visa est annis 1524. & 1525. per Sueviam, Thuringiam, Lotharingiam, aliasque partes Germaniæ.

Bellum
Rustico-
rum an.
1524. &
1525.

*Thomas
Munzerus,
Phiferus,
&c.*

*Lutherus
contra
Munze-
rum &
rusticos
scribit.*

Quibusdam in locis, res transactio-
ne utcumque composita est: At non
multò post recruduit vulnus, & to-
ta propemodum Germania, sese dif-
fudit. Et horum quidem tumultuum
instigatores ac fomites erant turbu-
lenti quidam Concionatores, præ-
cipuè *Thomas Munzerus, Phiferus*,
aliique, qui Evangelicam libertatem
in seditiones & anarchiæ obtentum
trahebant, bonorumque communi-
onem, & conditionum æqualitatem,
sublatis Principibus & Magistratibus,
stabilire nitebantur. Ab his persua-
si Plebei homines, ingenti numero
arma arripiunt; & Castellorum di-
reptione atque incendiis, agrorum
atque Urbium vastatione, Nobilium-
que cædibus, passim grassantur.
Quos ut ab errore & flagitiis illis
retraheret, non uno libro, sed in-
cassum, tentavit Lutherus. Ergo,
ut hac peste sese liberent Germa-
niæ Principes, cum Protestantes,
tum Pontificii, primum quidem Sue-
vici

vici fœderis focii, *Georgio Truceſſo Waipurgo* duce, deinde & Elector Saxoniz *Johannes*, ejusque patruelis *Georgius*, & Landgravius Hassiz *Philippus*, & *Henricus* dux Brunsvicensis, ingentes conscribere exercitus, & in aciem non semel prodire, necesse habent. A quibus fusi, non uno loco, nec uno tempore, Rusticorum exercitus; eorumque ad minimum quinquaginta millia cæsa. Munzerus, qui inanibus illos deluserat victoriæ promissis, vocatâ etiam in testimonium, quæ tum apparuerat, iride, post pugnam ad Francusium captus, 15. Mai 1525. capiteque mulctatus est.

Germaniz
Principes
contra
Rusticos
bellum
gerunt;

eosque,
variis in
locis, vin-
cunt.

Munzerus
captus &
capite
mulctatus.

Primam hanc tragœdiam altera excepit, annis 1534. & 1535. Monasterii, quæ est primaria Westphaliz Civitas, à furiosis quibusdam *Anabaptistis* excitata: Quæ quidem historia vel eo nomine memoranda est, ut pateat, quantum fanaticismo infecta Religio, e mentitæque revelatione.

De Ana-
baptista-
rum Mo-
nasterien-
sium tra-
gœdia,
an. 1534.
& 1535.

*Anabap-
tistarum
origo &
placita.*

lationes, suadere malorum possint. Fuerant, ut sæpe jam antea, ita & primis Reformationis temporibus, qui parvulorum baptismum damnaverent, suosque novo baptismo tingerent; unde & *Anabaptistarum* nomen sortiti sunt. Iidem sanctimoniam quandam externam præ se ferebant; docebant, non licere Christianis in foro contendere, non gerere Magistratum, non jusjurandum dicere. Nec defuerunt etiam ex ipsis, qui bonorum proprietatem culparent, omniâque inter Christianos communia esse debere contenderent. Et hæc quidem illi principio: Sed multò deinde graviora opinionum portenta, à plurimis non concepta modò, sed & in vulgus edita sunt, quemadmodum jamjam dicemus. Quæ res incredibiles tumultus, tota passim Germania, Helvetia, Belgioque excitavit; Fanaticis illis (etenim plerique se à Deo adflatos dicebant) suam doctrinam suæque somnia

*Tumultus
ab iis, per
Germaniam,
Helvetiam,
& Belgium,
excitati.*

nia longè latèque disseminantibus; excitatis verò adversùs eos Magistratibus, qui ipsos edictis severissimis ac suppliciis coërcebant; dum eos interim, *Lutherus*, *Zuinglius*, *Melanchton*, aliique Viri docti, cùm scriptis, tum viva voce, ad saniorē mentem reducere conarentur. Neque verò alia ex schola prodierat *Thomas Munzerus*, de quo suprà dictum est; quemadmodum & *Nicolaus Storkius*, *Melchior Hofmannus*, *Johannes Matthæus*, *David Georgius*; aliique longè plurimi, quos recensere longum nimis esset. Cùm igitur eo hominum genere abundaret Germania, quidam *Monasterium* venerunt, sub finem anni 1533. postquàm ea Urbs, operâ *Bernardi Rotmanni*, diligentis Concionatoris, puriori fide imbuta esset. Capita eorum erant, *Johannes Matthæus* seu *Matthison*, Harlemissi pictor, *Johannes Bucoldus*; vel *Bohelfson*, sartor *Leidenfis*, *Jacobus Cam-*

Lutherus,
Zuinglius,
Melanch.
son, con-
tra eos
scribunt;

Monaste-
rium ve-
niunt,
exeunte
an. 1533;

Johannes
Matthæus,
Johannes
Leidenfis,
Bern. Rot-
mannus,

pena

Bern.
Knipperdoling,
&c.

penfis, Johannes van Geelen, aliique: Quibus & se adjunxere Bernardus Rotmannus, Ecclesiæ illius fundator; qui se seduci ab iis passus est, & Bernardus Knipperdolingus. Et hi

Urbe ex-
puli re-
deunt, &
superiores
sunt.

quidem veneno suo sic totam Urbem implevere, ut brevi ad multa hominum millia ad crescerent, nec multò post cæteris civibus superiores essent. Magistratus semel atque iterum eos Urbe excedere jubet: Verum ejecti statim redeunt. Provocantur ad disputandum, missis ab Hassiæ Landgravio Doctoribus, qui eos refellerent: Sed oblatas conditiones respuunt, viamque magis compendiosam suis promovendis rebus eligunt. Scilicet, ex ipsis quidam, velut Numine adflatus, per Urbem discurrens, *Pœnitentiam agere, clamabat; & rebaptizemini; sin minus, ira Dei vbs obruet.* Quo factum, ut multi; simplicitate circumventi, morem gererent; alii, quod sibi metuerent, non auderent ob-

COMPENDIUM. *Sæculum XVI.* 351

obstistere; adversarios quippe furiosi illi malè mulctabant, & possessionibus dejiciebant. Ergo gravissimus, ipsos inter, cæterosque cives, oritur tumultus, & ad arma utrinque concurritur: Quæ tamen pugna pacificatione utcumque composita est. Sed Anabaptistæ, ut validiores deinceps essent, cœptumque perficerent, missis literis, sui generis homines ex oppidis vicinis accersunt; quorum adventu audaciores facti, nullum ampliùs modum servant, & ad extrema omnia feruntur. Senatum abrogant, novumque eligunt, qui totus suæ factionis esset; interque alios, Consulem creant *Knipperdolingum*. Tempia invadunt atque incendunt. Armati per Urbem discurrunt, & quicumque suarum partium non essent, partim confodiunt, partim Urbe ejiciunt, eorumque bona occupant. Acta hæc anno 1534. quo tempore Episcopus Urbi iratus, ob admissam Reformationem, eam ob-

Pugna inter Anabaptistas & cæteros Cives.

Anabaptistarum furor.

Urbs Monasterium ab Episcopo obsessa.

dione

Bonorum
communi-
tas inter
eos insti-
tuta.

Libros
omnes,
exceptis
Bibliis, in-
cendunt.

Joh. Mat-
thæus eo-
rum Pro-
pheta oc-
ciditur.

dione cingebat; civésque de Religio-
ne rectè sentientes, qui Anabaptista-
rum furori se subducebant, hostium
lòco comprehendebat & malè mulc-
tabat. Interim *Johannes Matthæus*;
qui primi ordinis Propheta inter
Anabaptistas habebatur, mandavit,
ut quod quisque haberet auri, ar-
genti, rei mobilis; id omne defer-
ret in medium; capitis ptenâ re-
nudentibus propositâ: Qua Edicti se-
veritate populus adtonitus, obtempe-
rare cogebatur. Mox idem Pro-
pheta edicit, ne quis ullum librum,
exceptis Bibliis, servet, cæteri om-
nes afferantur, flammisq̃ue absuman-
tur; quod & factum est. Cùm ve-
rò; paucis pòst diebus, Vates ille
per Urbem discurreret, Deum Pa-
trem sibi in mandatis dedisse cla-
mans, ut hostem ab Urbe expelle-
ret, à milite quodam quem offen-
dit confossus est. Proximus ab eo
Vates; *Johannes Leidensis*, superio-
ribus ausis camulum addit. Templâ
quæ

quæ supererant dirui jubet; Polygamiam, tanquam Deo jubente, licitam declarat; Ipseque exemplum daturus, ternas statim ducit uxores, quarum una Johannis Matthæi, defuncti nuper Prophetæ, uxor fuerat. Idem Johannes, duodecim Viris à se designatis summam rerum defert, non alio fine quam ut, per eos homines, viam sibi ad Regnum faceret. Neque verò id effectu caruit: Novus quippe exortus Prophetæ, convocatâ in forum multitudine, edicit, hanc esse Patris cœlestis voluntatem, ut *Johannes Leidenfis* Imperium Orbis obtineat, & validissimis adjutus copiis, Reges omnes ac Principes interficiat, nec nisi multitudini justitiam colenti parcat; sic profligatis impiis, pios in hac vita regnatos. Vaticinio paret Johannes, Regisque nomen & insignia assumit, abrogatis XII. viris qui à se creati fuerant. Sic arreptum summâ impudentiâ Regnum,

Polygamia instituta.

XII. Viris rerum summa defertur.

Johannes Leidenfis. Rex salutatur.

Z

pari

Discipu-
los 28. in
alia oppi-
da mittit.

Quæstio
de illis
habita.

pari audaciâ & scelere administravit.
Misit quinetiam in oppida vicina
Discipulos XXVIII. qui doctrinam
suam Regnûmque disseminarent: Sed
capti illi, supplicioque adfecti sunt:
Quæstione habitâ de ipsorum fide;
dixerunt, „quatuor Prophetas esse;
„duos justos, *Davidem Georgium*,
„& *Johannem Leidensem*; duos injus-
„tos, *Pontificem* & *Lutherum*, sed
„hunc illo deteriorem. Interrogati;
„cur homines innocentes præter fi-
„dem datam ex Urbe profligâssent;
„eorûmque bona & uxores occupâs-
„sent, responderunt, tempus illud
„adesse, quo fore Christus dixerit, ut
„mites terram possideant; sic Ægyp-
„tiorum bona Deum Israëlitis olim
„dedisse: Postea, de statu Civitatis
„locuti, plerosque dicunt supra quin-
„que uxores habere; expectari co-
„pias é Frisia atque Hollandia; si-
„mul atque advenerint, proditurum
„cum omni exercitu Regem, ut
„Mundum sibi subjiciat; Regesque
„omn-

„omnes, ob non administratam justitiam, interfectorum.” Pleniùs suã hæc nefariã dogmata exposuerunt Monasterienses, tum literis ad Hassiæ Landgravium datis; tum libro non uno, putà libro *de Restitutioe*, alteroque de *Scripturæ mysteriis*; quibus totum Mundi tempus tres in partes distribuebant; & primum quidem Mundum, ab Adamo usque ad Noam, inundatione perisse; alterum, in quo nos versamur, igne perituum; tertium planè novum futurum, quò pii & electi cum Christo in terris regnent, impiis omnibus passim deletis atque oppressis. Docebant quinetiam, licere populis Magistratus abrogare; Et quanquam Apostoli nullum usurpandæ jurisdictionis mandatum accepissent, tamen eos qui nunc sunt Ecclesiæ ministros jus gladii sibi sumere debere, novumque imperium constituere. Hæc aliæque factiosæ ipsorum princi-

Libri
Anabaptistarum.

Refellun-
tur à
Landgra-
vio, Lu-
thero, &c.

Regina,
quod po-
puli vi-
cem mise-
rata esset,
capite
plectitur.

pia, cùm Landgravius datis ad eos literis, tum Lutherus aliique Doctores, vivide, prout decebat, confutârunt. Interea Monasteriensis Episcopus, aliorum Principum adjutus copiis, Urbis obsidionem strenuè urgebat; quæ cùm fame rerumque omnium inopia premeretur, una ex Regis uxoribus, populi vicem miserata, dixisse fertur, non putare se Dei voluntatem esse, ut homines ad hunc modum inedia consumantur. Quô auditô, Rex eam in forum producit; unâ cum cæteris uxoribus, & in genua procumbere jussam capite plectit, mortuamque scorti instar ignominia notat, mox chorum ducit, adstantesque omnes ad saltandum invitat. Porro ingravescente indies annonâ, rebusque in eum deductis statum, ut fame multi quotidie occumberent, multi aliò se recipere exanimis quasi cogerentur, belli duces monebant oppidanos, ut se dederent; quod

COMPENDIUM. *Saeculum XVI.* 357

quod quanquam optabant ipsi, se-
 veritate tamen Regis & vigilantia
 nihil audebant. Tandem, in ex-
 tremum adductis rebus, profugi duo
 Urbem produnt, 28. Mai. an. 1535. Urbs ca-
 pitur 28.
 Mai.
 1535.
 Rex & Knipperdolingus capiuntur.
 Rotmannus, ne vivus in hostium
 manus incurrat, in hostiles copias
 se conjicit, atque confoditur. Rex
 ab Episcopo interrogatus, qua fre-
 tus auctoritate tantam sibi licentiam
 arrogasset, Episcopum vicissim inter-
 rogat, quis ipsi jus & imperium in
 eam Civitatem dedisset: Cúmque
 responderet Episcopus, de Colle-
 gii Populique voluntate id sibi juris
 obvenisse, regerit ille, se divinitus
 in eam stationem vocatum esse. Post
 aliquot menses, 23. Januarii anni se-
 quentis, atrox de Rege sumptum
 supplicium; membra, per horam
 atque amplius, forcipibus ignitis la-
 cerata, usquedum trajecto in pec-
 tus mucrone decesserit: quo & sup-
 plicio Regis socii adfecti sunt. Dum

Regis au-
 dax ad E-
 piscopum
 responsio.

Regis &
 sociorum
 suppli-
 cium.

Conspira-
tiones A-
nabaptist.
adversus
Amstelo-
damum &
alias Ur-
bes.

Anabap-
tistæ tota
Europa
ma e ha-
biti, & ad
supplicia
rapti.

Multi A-
nabaptistæ
placidi &
innocui.

Unde dicti
Mennonii.
c. 6.

verò hæc Monasterii agerentur, tenta-
tæ etiam ab eisdem factionis ho-
minibus, per Belgium & German-
niam, Urbes non paucæ; omnium
verò maximè *Amstelodamum*, ad
quod capiendum non una inita conf-
piratio, missis eò à Monasteriensi
Rege, *Johanne van Geen*, & *Ja-
cobo van Campen*, quem prostremum
Amstelodamensem Episcopum crea-
verat. Verùm repressa hæc à Ma-
gistratibus, deque reis sumptum sup-
plicium. Quæ omnia in caussa fue-
runt, cur in hujus fursuris homines,
huc atque illuc dispersos, imò &
in multos Anabaptistas nullius reos
factionis, severè animadversum sit.
Agnosendum quippe, eorum non
paucos, qui in capitibus de Bap-
tismo, & juramento, aliisque non-
nullis, à reliquis Protestantibus dis-
crepabant, homines placidos & in-
noxios fuisse, qui à Monasterien-
sium furoribus planè alieni essent.
Et hi quidem, à *Mennone Simonis*,
Pres-

COMPENDIUM. *Sæculum XVI.* 359

Presbytero Frisio, qui circa annum 1536. ad eos accessit, *Mennonitæ* adpellati sunt: eorúmque propagines, in Germania præsertim & Belgio, ingenti numero ad hunc usque diem cernuntur.

Summa Capita

SECTIONIS XIII.

De diffidio inter Lutheranos & Reformatos.

Origo diffidii Sacramentarii inter Protestantas. Andreas Carolostadius quis fuerit. Quomodo verba Eucharistica exponeret. Lutherus Carolostadium ad bellum Sacramentarium provocat. Sententia Carolostadii à paucis admissa, & ab ipso etiam deserta. Zuinglius & Oecolampadius verba Eucharistica figuratè intelligunt. Scripti ultrò ci-

trōque libri. Bucerus, & Ecclesia
 Argentinenſis, pacis conſilia ſugge-
 runt, ſed fruſtrā. Colloquium Mar-
 purgenſe an. 1529. Principes &
 Civitates utriuſque ſententiæ à ſe
 mutuò non diſcedunt. Bucerus &
 Melanchton pacifici. Concordia
 Wittembergica, an. 1536. Amicæ
 inter Lutherum & Helvetioſ episto-
 læ. Eis renovatur, an. 1539. &
 1543. Inſignia Calvinī verba de
 Luthero. Lutherus, ante mortem,
 moderatior factus. Mortuò Luthero,
 diſſidia continuata, imò & aucta.
 Ubiquitatis dogma à Lutheranis
 quibuſdam productum. Hinc nata
 ſecunda Controverſia, de Perſona
 Chriſti, & communicatione idioma-
 tum. Tertia Controverſia, de Præ-
 deſtinatione, quando cœperit. Diſ-
 ſidia quædam inter ipſos Lutheranoſ.
 De variata & invariata Con-
 feſſione Auguſtana. Liber Concordiæ
 Bergenſis, an. 1580. Reformatiſ
 gravis, & à Lutheranis plurimis
 reje-

COMPENDIUM. *Saeculum XVI.* 361
rejectus. Consensus Sendomiriensis,
an. 1570. aliisque, in Polonia &
Bohemia. Colloquium Mulbrunnen-
se, an. 1564. Montpelgartense,
an. 1586.

SECTION XIII.

De diffidio inter LUTHERANOS &
REFORMATOS.

NEque parùm etiam Protestan-
 tium rebus nocuit diffidium
 Sacramentarium, primùm inter *Lu-*
therum & Carlostadium, deinde in-
 ter *Lutherum & Zuinglium*, eorùm-
 que discipulos, magno æstu agita-
 tum: Cujus origines atque progres-
 sus, nec non & tentatæ non semel
 concordia rationes, breviter hîc ex-
 ponere juvat. Erat *Andreas Bodens-*
tein, à patria *Carlostadius* vulgò
 adpellatus, unus ex Lutheri Colle-
 gis in Ministerio Wittembergensi,
 ejusque olim ad Doctoratum Theo-

Origo dif-
 fidii Sa-
 cramenta-
 rii inter
 Protestan-
 tes.

Andreas
Carlostad-
ius quis
fuerit.

Quomo-
do verba
Eucharis-
tica expo-
neret.

Lutherus
Caroloſta-
dium ad
bellum Sa-
cramenta-
rium pro-
vocat.

Sententia
Caroloſta-
dii à pau-
cis admiſ-
ſa, & ab
ipſo etiam
deſerta.

Zuinglius
& *O. colan-*
padius.

logicum promotor. Is à ſententia Lu-
theri, de corporis Chriſti unà cum
pane, in Eucharifticis Sacris præ-
ſentia, recedens, exponebat verba
Euchariftica, *Hoc eſt corpus meum*,
non de eo quod manibus geſtabat
Chriſtus, ſed de ipſomet Chriſti
corpore, viſibili ac vivente, quod
digito monſtraverit. Quam ob ſen-
tentiam, ut & propter alia nonnul-
la, Luthero inviſus factus, Witte-
berga ſeceſſit, & Orlamundam ſe
recepit. Eum Lutherus aliquanto
poſt, cùm Jenæ offendiſſet, de-
promptò é pera aureò, ad bellum
Sacramentarium provocavit, ſéque
promptum antagoniſtam obtulit Ca-
roloſtadius. Sed cùm ſententia Ca-
roloſtadii defendi vix poſſet, Secta-
tores habuit perpaucos, & ab ipſo
etiam auctore, in Helvetiam pro-
fecto, poſtmodum deſerta eſt. Aliam
hypotheſim longè aptiorem iſdem
temporibus protulerunt duo Helve-
tiæ Reformatores, *Zuinglius* & *Oeco-*
lam.

lampadius, verbis Eucharisticis, non secundum literam, sed figuratè expōitis: Quæ de re graves ipsi cum Luthero, ejusdèmq; sequacibus, disputationes intercessèrè. Zuinglius quidem, scriptà ad *Matthæum Alberum*, Pastorem Reutlingensem epistolà, deinde & *Commentario de vera & falsa Religione*, eidèmq; adjuncto *Subsidio*, sententiam suam de Eucharistia, & spiritali Christi manducatione, exposuit; Quæ, tum à Luthero, non uno in libro, tum à *Joh. Pomeano*, aliisque, confutata est. Oecolampadius etiam, de *genuina expositione verborum*, *Hoc est Corpus meum*, libellum scripsit: Quem Suevici Pastores XIV. auctore, ut creditur, *Joh. Brentio*, confutârunt, scriptò hanc in rem *Syngrammate*; cui vicissim *Antisyngramma* opposuit Oecolampadius. His aliisque ejusmodi Scriptis, dum inter se Magni illi Viri disceptarent, non defuerunt homines pacifici, qui litem componere

verba Eucharistica figuratè intelligunt.

Scripti ultro citroque Libri.

Bucerus &
Ecclesia
Argenti-
nenſis pa-
cis confi-
lia ſugge-
runt.

ſed fruſ-
trâ.

Colloqui-
um Mar-
purgenſe
an. 1529.

Principes
& Civita-

nere niterentur: qualis fuit præ cæ-
teris *Martinus Bucerus*, Argentora-
tenſis Eccleſiæ Paſtor, ipſaque illa
Eccleſia, quæ, miſſo Wittebergam
Chafeliô, periculum ex Schiſmate
oriturum Luthero expoſuit, eique
confilia pacis ſuggeſſit. Sed Lu-
therus non alia lege pacem inire
voluit, niſi mutatâ à Zuinglio &
Oecolampadio ſententiâ: Quocirca
pluribus & acerbioribus Scriptis quo-
tidie certatum eſt. Cui componen-
do diſſidio, *Philippus Haſſiæ Land-*
gravius Marpurgenſe Colloquium
inſtituit an. 1529. Interfuère, ab una
parte, *Lutherus* ipſe atque *Melanch-*
thon, *Juſtus Jonas*, *Brentius*, *Agri-*
cola; ab altera, *Zuinglius*, *Oecolam-*
padius, *Bucerus*, *Hedio*; inter quos,
de omnibus doctrinæ captibus, ſo-
lâ exceptâ quæſtione Eucharisti-
câ, conventum eſt; ſed &, niſi
obſtante diſſenſu illo, *mutuam* ſibi
caritatem ſpondere. Neque ve-
rò Principes. & Civitates, qui ad-
ver-

versus Spirense decretum protestati sunt, indeque acceperunt *Protestantium* nomen, ob Eucharisticum illud diffidium à se mutuò discessere; sed communi studiò atque operâ, in omnibus Imperii Conventibus, causam communem tutati sunt. Sed tamen, ut arctior esset concordia, Scriptorumque cristicorum utrinque prodeuntium finis fieret, Bucerus, cum voce, tum scriptis, susceptis quinetiam huc illuc itineribus, nihil omittebat; neque ab hac mansuetudine abhorrebat Melanchton. Horum studiis inita iterum Wittebergæ Concordia, an. 1536.; cuius formula à Melanchtone scripta est, eique Lutherus cum aliis sex suæ partis Theologis, ex altera parte Theologi undecim subscripsere: Ad quam Concordiam Helvetii mox accessere; quos inter & Lutherum amicissimæ ea occasione literæ scriptæ sunt. Verùm renovata postmodum lis est, Lutherò Zuinglii me-

tes utriusque sententiz à se mutuò non discedunt.

Bucerus & Melanchton pacifici.

Concordia Wittenbergensis an. 1536.

Amicæ inter Lutherum & Helvetios epistolæ.

Lis renovatur an. 1536.

1539. &
1543.

Insignia
Calvini
verba de
Luthero.

Lutherus,
ante mor-
tem, mo-

moriam atque dogmata subinde op-
pugnante; iratō inprimis, ut aiunt;
quod sua Bibliorum Versione non
contenti Tigurini, novam & ipsi,
auctore *Leon. Jæd*, edidissent: Qua
occasione vehementer exarsisse fer-
tur, Scriptisque violentissimis Zuin-
glii sequaces adortus est. Quibus
convitiis ne par pari redderent Hel-
vetii, eos pro solita sua mansuetu-
dine monebat *Bucerus*: Ipsæque etiam
Calvinus noster, datis ad *Bullinge-
rum* literis, quantus esset Vir Lu-
therus, & quanta pro Evangelio
præstitisset, in memoriā revoca-
bat, notabilia hæc verba subjun-
gens; *Sæpe dicere solitus sum, etiam-
si me diabolus vocaret, me tamen
hoc illi honoris habiturum, ut insignem
Dei servum agnoscam; qui tamen ut
pollet eximiis virtutibus, ita magnis
vitiis laboret.* Ferunt Lutherum,
paulò ante mortem, Melanchtoni
fassum esse; *ulterius se in hoc nego-
tio progressos esse quàm oportuerat: Re-
geren-*

gerenti verò Melanchtoni, *Scriptum* deratior factus.
ergo aliquod mite eam in rem vulgan-
dum fuisse; reposuisse, non id se
posse, ne totam doctrinam suspectam
redderet; sed id ipsis, suum post oti-
um curandum relinquere. Verùm

enimverò, quæ, vivò Lutherò, ex- Mortuò Lutherò, diffidia continuata, imò & aucta.
 orta fuerat discordia, eò defunctò
 non modò sopita non est, sed &
 vehementius exarsit; viris quibusdam
 turbulentis, *Joachimo Westphalo, Flac-*
cio Illyrico, Tilemanno Heshusio, ali-
isque, adversus Zuinglium, Calvi-
num, eorumque adseclas, acerbissi-
ma Scripta vulgantibus, ad quæ
respondere, Bullingerus, Calvinus;
Beza, necesse habuerunt. Ut ve-

rò lis ex lite feritur, ad defenden- Ubiquita- tis dogma à Luthe- ranis quibusdam produc- tum.
 dam corporalem Christi in Eucha-
 risticis Sacris præsentiam, primarii
 quidam Lutherani, *Johannes Bren-*
tius, & Jacobus Andreas, alias Smid-
linus dictus, omnipræsentiam Cor-
 poris Christi statuerunt; quam hy-
 pothesim aliquando jam produxerat

Lu-

Lutherus, sed ab eâ mox recesserat; eâque magnæ etiamnum Lutheranorum parti haudquaquam probatur. Arque sic uni dissidii materiæ, quæ fuerat de Eucharistiâ, altera hæc insuper accessit, Utrum divinæ proprietates humanæ Christi naturæ communicatæ sint; quæ *communicatio Idiomatum* vulgò adpellatur. Quibus duabus & tertiâ post adjuncta est, de *Prædestinatione* nimirum, Lutheranis ad mitiora Melanchtonis principia delabentibus, dum Reformati plerique rigidioribus adhærescerent: Quæ controversiâ Argentorati primum inter *Zanchium* & *Marbachium*, circa a. 1561. postmodum inter *Bezam* & *Jacob. Andreæ*, in Colloquio Montisbelgardensi, an. 1586. magno æstu agitata est. Sed & inter Lutheranos ipsos, de non uno disputatum est Doctrinæ capite; putâ, de *Adiaphoris*, de *Synergismo*, de bonorum operum necessitate, de natura peccati originalis, de modo

quâ

Hinc nata
II. Controversia,
de persona Christi,
& *communicatione Idiomatum*.

III. Controversia,
de *Prædestinatione*,
quando cœperit.

Dissidia
quædam
inter
ipsum Lutheranos.

quò justitia Christi nos justificat;
 &c. Item, de *variata* vel *inva-*
riata Confessione Augustana, in de-
 cimo nempe Articulo, qui est de
 S. Cœna; quem diversa tantisper
 ratione, quanquam sensu non di-
 verso, ob prudentiæ rationes, vario
 tempore scripserat Melanchton, haud
 repugnante Lutero, nec cæteris
 Protestantibus; sed rigidioribus post-
 modum, quorum caput *Flaccius Il-*
lyricus, Melanchtonis memoriæ at-
 que discipulis ea de causa litem mo-
 ventibus. Quæ quidem domesticæ
 Lutheranorum altercationes eò tan-
 dem perductæ sunt, ut; jussu Elec-
 toris Saxonix *Augusti*, Torgæ pri-
 mum anno 1574. quindecim Theo-
 logi rigidiores convenirent, & Doc-
 trinx Formulam conscriberent: Quæ
 Formula deinde; in Bergenſi Cœ-
 nobio prope Magdeburgum, à sex
 delectis Theologis, *Jacobo Andreae*,
Nicolao Selneccero, *Davide Chytræo*,
Martino Chemnitio, *Musculo*, & *Cor-*

De *variata*
 & *variata*
 Confes-
 sione Au-
 gustana.

Liber *Con-*
cordiæ Ber-
genſis, ann.
 1580.

nero, examinata est atque emendata, anno 1577. tandemque anno 1580. in lucem edita. Cui ut subscriberent, Lutheranorum benè multi adducti sunt, Electores, Principes, Civitates, & Sacrorum Administri ad octo millia: Qui renue-
runt, muneribus moti, imò & mul-
ti in carcerem trusi, durèque ad-
modum habiti sunt. Formulam il-
lam ægrè tulerunt Reformati; utque
ab ea imponenda abstineretur, pro
virili operam dederunt: Qua de
causa Francofurtum convenerunt
Legati *Elizabethæ* Angliæ Reginae,
Fœderatorum Belgii Ordinum, *Jo-*
hannis Casimiri Principis Palatini, Ec-
clesiarum Gallicarum, Polonicarum.
Hungaricarum, aliarumque, à qui-
bus urgentissimæ eam in rem ad
Principes Lutheranos literæ scriptæ
sunt. Sed prævaluit Formula; non
tamen ubique; siquidem à multis
Lutherani ritus Ecclesiis rejecta est,
hodièque rejicitur. Cæterum, dum
fer-

Reforma-
tis gravis,
& à Lu-
theranis
plurimis
rejectus.

ferveret infelix illud inter Protestantes dissidium, non semel tamen, nec uno in loco, concordia inter utroque inita est; putà in multis Poloniae & Bohemiae Conventibus, *Sendomiriæ & Posnaniæ* an. 1570. *Cracoviae*, 1573. *Petricovii* an. 1578. *Woldislaviæ* an. 1583. *Torunii* an. 1595. Quibus in Conventibus, Evangelici Augustanam, Bohemicam, & Helveticam Confessionem profiteres, fraternam concordiam in omnibus Religionis capitibus inierunt, articulò de S. Cœna, generalibus terminis, ad modum Concordiæ Wittembergensis, ita conceptò, ut ab utraque parte admitti posset. Tentata & alibi non semel, institutis inter Theologos Colloquiis, conciliatio; v. g. in *Colloquio Mulbrunnen- si*, an. 1564. inter Palatinos Theologos & Wirtembergicos; in *Colloquio Montpe'gardensi*, an. 1586. inter *Theod. Bezam*, Theologum Genevensem, & *Jacobum Andream*; Theo-

Consensu Sendomiriensis. an. 1570. aliisque, in Polonia & Bohemia.

Colloq. Mulbrun. an. 1564. Montpelg. an. 1586. &c.

logum Tubingensem, illiusque Academiæ Cancellarium : Sed parùm prosperi horum tentaminum exitus fuere; fervidis ingeniis ac immanis, quorum magnus semper numerus est, omnia pacificorum consilia sufflaminantibus:

Summa Capita

SECTIONIS XIV.

De diffidio Britannico, inter *Episcopales & Presbyterianos*:

Diffidii Britannici, inter Episcopales & Presbyterianos, origo. Prima de Vestibus disceptatio, circa an. 1550. Bucer & Martyris moderata eam in rem sententia. Johannes à Lasco, Vestes, & ritus quosdam Eccl. Angl. damnat. Pro-fugi multi, regnante MARIA, Presbyteriano regimini & cultui,
in

in exteris regionibus, adsuescunt, Joh. Knox, Scotus, Presbyterianismi adsertor. Sub ELIZABETHA, novæ de Cæremoniis disputationes. Reginae ad Cæremonias & superstitionem propensio; Episcopis molesta. Quidam à Cæremoniis alienissimi; alii moderatiores. Episcoporum Anglorum, & Theologorum Helvetiorum, moderatissima de Cæremoniis Anglicanis sententia. Articuli sex Cleri Anglicani judicio subjecti, an. 1562. Disceptatum de Articulis illis in Cleri conventu, parùmque absuit quin prævalerent. Multi à Cæremoniis & Regimine Anglicano abhorrent, & propterea exauctorantur. Joh. Fox, Martyrol. Angl. scriptor, Canonibus non subscribit, sed tamen toleratur. Schismatis initium, circ. an. 1567. Bezae & Theolog. Helvet, moderatissima consilia. Admonitiones duæ à Non-conformistis, seu Dissidentibus, supremo Regni Se-

*natui oblatae, an. 1572. Majora
& acerbiora indies diffidia. Brow-
nistarum, seu Independentium,
ortus, an. 1582. Schismatis con-
tinuatio, & pravi effectus.*

S E C T I O X I V.

*De diffidio Britannico, inter Episco-
pales & Presbyterianos.*

*Diffidii
Britanni-
ci, inter
Episcopales
& Presby-
terianos,
origo.*

*Prima de
Vestibus
discepta-
tio, circ.
an. 1550.*

ALIUD divortium, haud minùs
pertinax, reique Reformatæ
haud minùs damnosum, Britannicas
Ecclesias distraxit; putà, de Vesti-
bus sacris, de Episcopatu, de Cæ-
remoniis, &c.: A quibus institutis,
innocuis licèt, & bono animo re-
tentis, ut facilior à Papatu ad Sa-
cra emendata transitus esset, rigi-
diores non pauci abhorruère; résque
in apertum Schisma tandem erupit.
Cœpit diffidium regnante EDWAR-
DO VI. circa annum 1550. nec nisi
de Vestibus Episcopalibus statim
quæ-

quæstio fuit; *Hooperô*, *Rogeriô*, *Bradfordiô*, &c. viris optimis atque piissimis, ut vel ex eorum martyrio constitit, Vestes illas averfantibus; eò usque ut nominatus ad Episcopatum Glocestriensem *Hooperus*, per plures menses eâ de causâ restiterit, nec se submiserit nisi hac lege, ut in Consecratione quidem, solemnioribusque quibusdam diebus, Vestes illas gestaret, reliquo tempore iis abstineret. *Bucerus* & *Martyr*, quorum rogata hanc in rem sententia est, Papisticas illas Vestes amoveri quidem optâssent; sed tamen, cum res essent adiaphoræ, earumque usus à Suprema Potestate retentus atque imperatus, *Hoopero*, ut se submitteret, auctores fuerunt: Quam ad rem etiam, *Granmerus*, Cantuariensis Præsul, & *Ridleius* Londinensis, eum hortati sunt. Sed ex adverso, Germanicæ Ecclesiæ Londini institutæ Pastor, *Johannes à Lasco*, nobilis Polonus,

Buceri, & Martyris
moderata
eam in
rem sen-
tentia.

Joh. d
Lafco, Vef-
 zes, & ri-
 zus quof-
 dam Eccl.
 Angl.
 damnat.

Profugi
 multi, re-
 gnante
Mariâ,
 Presbyte-
 riano re-
 gimini &
 cultui ad-
 ſueſcunt.

veſtimentorum illorum uſum, nec non
 & adgeniculationem in ſumenda Eu-
 chariſtia, publico Scripto impugnavit:
 Quæ ſcintillæ ad tempus exiguæ, maxi-
 mum ac funeſtiſſimum progreſſu tem-
 poris incendium creârunt. Regnan-
 te MARIA, atque in Reformatos
 furente, pii multi in exteras oras
 ſe recipere coacti ſunt: Et alii qui-
 dem *Francofurti*, alii *Argentorati*,
 alii *Tiguri*, alii *Baſileæ*, nonnulli
 etiam hîc *Genevæ*, ſedem fixerunt.
 Quibus in locis, cum aliud ab E-
 piſcopali regimen vigeret, alia Li-
 urgia, parcioréſque in Cultu Di-
 vino ritus, his ſeſe moribus Exulum
 illorum non pauci adſueverunt;
 ſuûmque illud ingenium, reduces
 in Angliam, ſecum tulerunt. Et
 inter eos quidem qui *Francofurti*
 commorabantur, aliqua his de re-
 bus diſceptatio fuit, aliis Anglica,
 nas Cæremonias & Liturgiam reti-
 nentibus, aliis eas omittentibus, vel
 aliqua ſaltem ex parte immutanti-
 bus.

bus. Horum caput *Johannes Knox* *Joh. Knox*
Scotus,
Presbyte-
rianismi
adversor.
fuit, Verbi Divini Minister Scotus,
Calvino conjunctissimus, Geneven-
sisque Disciplinæ ac Liturgiæ adser-
tor: Quem ad modulum postea
Scoticam Reformationem adorna-
vit, neque parum ad eandem in
Anglia disseminandas notiones con-
tulit. Cum enim, extinctâ Mariâ,
solioque admotâ ELIZABETHA, res Sub *Eliza-*
bethæ, no-
væ de Cæ-
remoniis
disputa-
tiones.
Reformata instaurata in Anglia ef-
fet, novæ, & antecedentibus qui-
dem acriores, de Cæremoniis dis-
putationes exortæ sunt. Cæremo-
niis, externæque in Sacris pompæ,
supra modum favebat Regina; eò
usque ut Cruculam argenteam, unâ
cum cereis accensis, in Sacello sem-
per retineret: Quinimò & voluisset,
nisi restitissent Episcopi, Christi cru-
cifixi, Mariæ Virginis, & Johan-
nis Baptistæ imagines, in locis Ec-
clesiarum editioribus collocari, ut
à Populo conspicerentur, & proto-
typorum reverentiam in animis ex-

Reginæ
ad Cære-
monias &
supersti-
tione
propensio.

Episcopis molesta. citarent: Quæ res, sapientissimis illorum temporum Episcopis, *Parke-ro* Cantuariensi, *Juello* Sarisburiensi, *Sandio* Vigornienſi, aliisque, acerbissima erat, eique pro viribus adversabantur. Renovata itidem hoc tempore, de Papisticis vestibus, aliisque ritibus, dissidia; quibusdam, *Laurentio Humphredo*, *Thoma Sampſone*, aliisque, deferendas potius Ecclesias existimantibus, quàm ut reliquiae illæ *Amorrhæorum* (sic eos ritus vocabant) retinerentur & confirmarentur; aliis verò moderatiorem ea de quæstione sententiam foventibus: Hi nempe optâssent quidem, vestes illas, eosque ritus, qui Papismum nimis redolèrent, amoveri atque emendari; sed, his publicâ auctoritate retentis, deferendam statonem, permittendosque parùm idoneis Pastoribus greges, haudquaquam existimabant: Quæ fuit mens *Edmundi Grindalli*, Episcopi Londinensis, *Johannis Juelli* Sarisburiensis.

Quidam à
Cæremo-
niis aver-
sissimi;

Alii mo-
deratio-
res.

Episcopo-
rum An-
glorum, &

beriensis, *Roberti Horni* Vintonien-
 sis, *Edwardi Sandi* Vigorniensis, Theolo-
 aliorumque; nec non & Theologo-
 rum Helvetiorum, *Bullingeri*, *Gaulte-* Helvetio-
ri, *Martyris*, (tunc enim Tiguri *Mar-* rum mo-
tyr versabatur) imò verò & *Calvini* deratissi-
 nostri; quos inter, & Præsules illos, ma de Cæ-
 sapientissimæ ac moderatissimæ ea de remoniiis
 quæstione literæ scriptæ sunt, ex Anglic.
 Archivis Tigurinis magnam partem sententia,
 nuper descriptæ, & ab illustrissimo
 Reformationis Anglicanæ Historico
 BURNETO, Sarisbur. Episc. publici
 juris factæ. Magno documento,
 quanta moderatio & prudentia utrius-
 que esset, &, quominus infauusta
 illa secuturi Schismatis principia in
 herba veluti suffocarentur, penès
 ipsos haudquaquam stetisse. Refert
 idem Scriptor Articulos sex, infe-
 riori Domui Cleri Anglicani Provin-
 ciæ Cantuariensis oblatos, an. 1562.
 quibus sequentia requirebantur; 1.
 ut solis exceptis Dominicis diebus,
 cæterisque diebus Christo sacris,
 Festa

Articuli
 sex Cleri
 Anglicani
 iudicio
 subiecti,
 an. 1562.

Festa reliqua abrogarentur. 2. ut, in legendis publicis Precibus, sacrorum Minister versùs Populum, se converteret, & distinctè prælegeret, quo Populus faciliè audire ac ædificari posset. 3. ut signum Crucis, in Baptismo adhiberi solitum, tantquam ad superstitionem vergens, omitteretur. 4. Cùm multi, ob ætatem aut morbos, genua flectere in sumenda Eucharistia commodè non possent, & multi etiam ritum illum ad superstitionem traherent, id prudentiæ Ordinariorum in sua cujusque Jurisdictione relinqueretur. 5. ut sacrarum vestium in Cultu divino usus certis limitibus adstringeretur, vestesque decentes in Sacris faciendis adhiberentur. 6.

Disceptatum de Articulis illis in Cleri conventus parumque abfuit quin prævalerent, ut Organorum Musicorum usus aboleretur. De sex illis Articulis, multa fuit in eo Cleri conventu disceptatio, aliis eos adprobantibus, aliis improbantibus, aliis negotium illud omne Archiepiscoporum ac Episcoporum

Episcoporum judicio relinquentibus. Habitæ quinetiam, à viris doctis illius Confessûs, publicæ his de Articulis disputationes: Quibus auditis, rogatâ adstantium sententiâ, octo suffragiis prævalebat Articulorum adprobatio, adprobantibus 43, rejicientibus 35.: Sed numeratis pro more absentium etiam suffragiis, improbatio Articulorum uno suffragio superior fuit; 59. adversus 58. Quæ singula idèò notamus, ut pateat, Cleri Anglicani non exiguam partem, à Cæremoniis quæ offenderent emendatione haudquam abhorruisse. Porro; confirmatis publicâ auctoritate, & Confessione; & Liturgiâ Anglicanâ; ipsâque Reginâ ad Cæremonias retinendas ac imponendas propensissimâ, haud pauci tamen, nec ignobiles in Clero, reluctabantur. Et nonnulli quidem propterea muneribus moti, & à concionando prohibiti: Sed & mitiùs cum aliis actum;

Multi à Cæremoniis & Regimine Anglic. abhorrent & propterea exauctorantur.

Joh. Fox
Martyrol.
Angl.
Scriptor.
Canonibus non
subscribit,
sed tamen
toleratur.

Schismatis
initium
circ. an.
1567.

Beza, &
Theolog.
Helvet.
moderatissima
consilia.

rum; v. g. cum *Johanne Foxio*, celeberrimo Martyrologii Anglicani Scriptore, qui cum Canonibus Anglicanis juberetur subscribere, productô in medium Novô Testamento, *huic*, dixit, *subscribam*; Quo non obstante, sua in statione, quoad vixit, relictus est. Interim augebatur magis magisque animorum ab utraque parte commotio: Eoque res tandem delapsæ sunt, ut multi, non à publicis modò Cœtibus discederent, sed & privata, suo more faciendis Sacris, conventicula erigerent; quæ res aperti Schismatis initium fuit. Damnabant separationem illam multi etiam ex iis qui Cæremonias Anglicanas quammaximè emendari voluissent. Quin & consultus hanc in rem *Beza*, sicut & Tigurini Theologi, *Bullingerus* & *Gualterus*, moderatissimorum consiliorum, & ad faciendam concordiam aptissimorum, utrique parti auctores fuerunt, prout ex eorum literis etiam
num

num exstantibus constare potest. Sed incitatiores animi, partiùmque studiis fervientes, haud facillè dictis audiunt. Ergo unam atque alteram *Admonitionem*, & eas quidem justo acriores, supremæ Regni Curix offerunt *Non-conformistæ*, quibus de Regimine Episcoporum & Archiepiscoporum, tanquam Antichristiano, de Liturgia Anglicana tanquam Papisticis quisquiliis scatente, de Sacramentis tanquam pluribus ineptiis fœdatis, vehementissimum in modum queruntur. Quibus convitiis, tantùm abest ut medicina malis allata sit, ut contrà non parùm sint exasperata, & extra omnem emendationis spem constituta. Nam, ex una parte, magna Plebis pars, adversus Anglicanam Ecclesiam, & Sacra Legibus jussa, incitator indies fiebat: ex altera parte, in renitentes, fêque Ecclesiæ communioni subducentes, severè animadvertetur; quorum & nonnulli, *Bar-*

Admonitiones
duæ à
Non-conformistis
Parliamentò
oblatae
an. 1572.

Majora &
acerbiora
indies
Diffidia.

Brownistarum, seu
Independentium,
ortus, an.
1582.

Schisma-
tis conti-
nuatio, &
pravi ef-
fectus.

rovius; *Greenwood*, *Penry*, alique;
capitis supplicio adfecti sunt. Ec-
duo quidem é primariis Schismatis
auctoribus, *Robertus Brownius*, &
Thomas Harrison, cum in Anglia
suos habere conventus non possent;
Middelburgum *Zelandiæ*, unà cum
aliis quibusdam, se receperunt, an.
1582. ibique *Brownistarum* seu *In-*
dependentium (sic dicuntur qui sin-
gulas Ecclesias à se mutuo sejun-
tas, nullique confœderationi aut Con-
ventui obnoxias volunt) capita fuê-
re. Sed *Brownius* in Angliam mox
reversus est, seque Ecclesiæ Angli-
canæ exterius saltem submisit; dum
sua interim conventicula privatim
cogeret ac frequentaret. Atque ita
se dissidia illa, toto Elizabethæ prin-
cipatu, hoc est, ultra Sæculi finem,
habuerunt: Quantum verò aucta &
exacerbata Sæculo sequenti fuerint;
quantumque olei Civilibus adfude-
rint discordiis, suo loco à nobis nar-
rabitur:

Sum-

Summa Capita

SECTIONIS XV.

De Ecclesiâ Græca.

Ecclesiæ Græcæ Sæc. XVI. status depressus. Josephus Patr. Constantinop. cognoscendæ Protestantium doctrinæ cupidus. Confessio Augustana græco idiomate ad eum missa. Jeremiæ Patr. Constan. cum Theologis Tubingensibus commercium. Capita dissensus inter Græcos & Protestantes. Major dissensus inter Græcos & Pontificios. Meletius Patriarcha à Romana Communione alienissimus.

SECTIO XV.

De ECCLESIA GRÆCA.

Ecclésiæ Græcæ, post captam à Turcis Constantinopolim, an. 1453.

*Ecclesiæ
Græcæ
Sæc. XVI.
status de-
pressus.*

B b

1453.

1453. depressus admodum status fuit; Religionis libertate nonnisi annuis tributis redemptâ; rarâque ac perexiguâ, in Ecclesiis illis, earumque ductoribus, doctrinæ laude. Quosdam tamen cognoscendæ Protestantium doctrinæ cupido incessit: Qua de causa, *Josephus*, Patriarcha Constantinopolitanus, *Demetrium* Ecclesiæ suæ Diaconum in Germaniam misit, an. 1548.; qui per semestrem spatium, Vittebergæ commoratus, græcum Confessionis Augustanæ exemplar, unâ cum literis *Melanchthonis*, ad Patriarcham suum retulit. Josephi successori *Jeremiæ*, episcolicum commercium cum Theologis Tubingensibus fuit, ab anno 1574. usque ad 1581. operâ in primis *Stephani Gerlachii*, Cæsarei apud Turcam Oratoris Ecclesiastæ, & *Martini Cusii*, Græcarum literarum in Academia Tubingensi Professoris; à quo & Literæ illæ, ultrò citroque scriptæ, Græcè & Latine editæ

Josephus
Patr. Constant. cognoscendæ Protestantium doctrinæ cupidus.

Confessio August. græco idiomate ad eum missa.

Jeremiæ
Patr. Constant. cum Theologis Tubingensibus commercium.

editæ sunt. Jeremias consensum suum cum Protestantibus in plerisque testatus est: In his tantum dissensus fuit; 1. de processione Spiritûs sancti, 2. de libero arbitrio, & bonis operibus, 3. de traditionibus, & auctoritate Veterum Patrum, 4. de numero Sacramentorum, 5. de Sanctorum invocatione, 6. de Imaginibus; 7. de Monachatu. Cæterum ab Ecclesia Romana plus longè aberant Græci, putà de Papæ suprematu, Sacris vernaculis, azymis, communione sub utraque specie, purgatorio, cœlibatu Clericorum, &c. Quæ causâ fuit, cur Græci Antistites, omnium verò maxime *Meletius Piga*, primùm quidem Alexandrinus, deinde & Constantinopolitanus sub Sæculi finem Patriarcha, à Communione Romana plurimùm abhorrerint, majorémque ad Protestantium doctrinam propensionem testati sint.

Capitulum
dissensus
inter Græcos
&
Protestantes.

Major
dissensus
inter Græcos
&
Pontificios.

Meletius
Patriarcha à
communione Ro-
mana alienis-
simus.

Summa Capita
SECTIONIS XVI.

De Antitrinitariis.

Antitrinitarii Sæc. XVI. Societas quædam Italorum, circ. an. 1546. Lælius Socinus. Faustus Socinus, Multæ Unitariorum Ecclesiæ in Polonia & Transsylvania. Georg. Blandrata. Franc. Davidis. Disceptatio inter illos, de Christi invocatione. Socinianismus Photinianismi renovatio. Mich. Servetus. Val. Gentilis. De Hæreticidio quid videatur.

S E C T I O XVI.

De Antitrinitariis.

Antitrinitarii Sæc. XVI.

Antitrinitarii hac ætate multi occurrunt; quorum pars maxima

COMPENDIUM *Sæculum XVI.* 389

xima Photinianissimum vel Sabellianissimum, nonnulli etiam Arianissimum renovabant. Tales fuere Itali quidam, numero quadragenarium excedente, qui circa annum 1546. in Veneta ditione, prope Vicentiam, conventicula & colloquia inter se habebant. In his memorantur, *Leonardus Abbas Bufalis, Lælius Socinus, Senensis patricius, Bernardino Ochinus, Nicolaus Paruta, Valentinus Gentilis, Julius Trevisanus, Franciscus de Ruego, Paulus Alciatus*, aliique. Sed cum detecti essent, imò & duo, *Julius Trevisanus, & Franc. de Ruego*, comprehensi, & supplicio adfecti, cæteri sibi consulturi in varias oras dispersi sunt. *Lælius Socinus*, Helvetiam, Galliam, Britanniam, Belgium, Germaniam, Poloniam, peragravit; multisque, per eas regiones, suas notions instillavit. Obiit Tiguri an. 1562. cum nonnisi 37. ætatis annum ageret. Illius ex fratre nepos, *Faus-*

Societas
quædam:
Italorum;
cir. an.
1546.

Lælius Socinus.

Faustus Socinus.

*Multæ Unitario-
rum Ec-
clesiæ in
Polonia &
Transsyl-
vania.*

*Georg.
Blandrata.*

Franc. Davidis.

*Discepta-
tio de
Christi in-
vocatio-
ne, inter
Unitarios.*

tus Socinus, actis in Aula Magni
Hettruriæ Ducis annis duodecim,
varias quoque peragravit oras, tan-
démque anno 1579. in Poloniam
venit, ibique commorandi sedem
fixit. Multæ tum erant, in Polonia
& Transsylvania, Unitariorum Ec-
clesiæ, faventibus ei sententiæ No-
bilibus non paucis, inprimis *Johan-
ne Sigismundo* Transsylvaniæ Princi-
pe, nec non & *Stephano* & *Christo-
phoro Battoreis*, illo etiam ad Polo-
niæ Regnum evecto. Horum Ar-
chiater & Consiliarius fuit *Georg.
Blandrata*, Salucienfis Italus, quem
inter & *Franciscum Davidis*, de in-
vocatione Christi disceptatio fuit.
Christum invocandum negabat *Fran-
ciscus Davidis*; *Blandrata* & *Socinus*
affirmabant; Qua de caussa, à *Chris-
tophoro Battoreo*, Transsylvaniæ
Principe, in custodiam conjectus est
Franc. Davidis, ibique mortuus an.
1579. Plurima scripsit *Faust. Soci-
nus*, cum Exegetica, tum Polemi-

ca,

ca, quæ in *Bibliotheca Fratrum Polonorum* principem locum occupant: ab eoque *Socinianismus*, Photinianismi renovatio, nomen accepit. Obiit in pago Luclaviciis dicto, propè Cracoviam, an. 1604. ætatis 65. Inter Antitrinitarios, omittendus non est *Michaëli Servetus*, aliàs *Reves*, *Villanovani* etiam nomine notus, Tarraconensis Hispanus, professione Medicus, qui, lustratis etiam variis regionibus, nec unô, jam inde ab anno 1531. adversus Trinitatem vulgatô librô, cùm è carcere Viennensi effugisset, & in Italiam profecturus Geneva transfiret, illic comprehensus & ad rogam damnatus est, Octobri mense anni 1553. Par fuit *Valentini Gentilis* factum, qui, cùm in oppido Gaiô dicto, Genevæ vicino, conjectus in vincula esset, indèque liberatus, & in Poloniam profectus, postmodum reversus in Sabaudiam, captus est iterùm, & Bernæ decollatus, an.

Socinianismus
Photinianismi pro-
pago.

Mich. Servetus.

Val. Gentilis.

De Hære-
zicidïo
quid vi-
deatur.

1566. Quæ quidem Hæreticidii spe-
cimina, haud alia melius excusari
ratione videntur, quàm si dicatur
cum Viris gravissimis, & Orthodo-
xiæ addictissimis, reliquias Papatûs
fuisse.

Summa Capita

SECTIONIS XVII.

De Judæis.

De Judæis. R. Lemlem *Pseudo-Mes-*
sfias, an. 1500. R. Salomo Mal-
cho, *Pseudo-Messias*, crematus an.
1534. R. Elias Levita, *novitatis*
punctorum Hebr. adsertor. Vexati
à Papis Judæi.

SECTIO XVII.

De Judæis.

De Ju-
dæis.

JUDæis, annô 1500. ludos fecit
Rabbi quidam *Lemlem*, qui se
Mes-

Messiam, vel Messiaæ prodromum dixit. Cujus dictis adeò confidebant Judæi Germani, ut furnos domuum suarum demolirentur, sperantes, se, proximò annò, panem in Terra Sancta cocturos. Sed periit impostor ille, neque datam fidem liberavit. Fuerunt & alii Pseudo-Messiaæ, in primis Rabbi quidam *Salomo Ma'cho*, qui Mantuæ, jubente Carolo V. vivus crematus est, an. 1534. Inter Judæos hujus Sæculi, doctrinæ laude eminuit *R. Elias Levita*, Germanus, cujus Scripta non pauca, Grammatica præsertim, existant; Is Hebraïcorum novitatem punctorum docuit. Animum Judæis infensum Pontifices non pauci gessere; in primis, *Julius IH.*, qui Talmudem flammis devovit; nec non & *Paulus IV. Pius V.* & *Clemens VIII.*

R. Lemlem
Pseudo-
Messias,
an. 1500.

R. Salomo
Ma'cho
Pseudo-
Mess. cre-
matus an.
1534.

R. Elias
Levita, no-
vitatis
puncto-
rum Hebr.
adsertor.

Vexati à
Papis Ju-
dæi.

Summa Capita

SECTIONIS XVIII.

De re Literaria.

De statu Literarum Sæc. XVI. Theologi. Humaniorum Literarum cultores. Cultores Literarum Hebræicarum. Jurisconsulti. Historici. Philosophi. Typographi celebres ac eruditi. Scriptores Græci & Romani in lucem editi. Principes Literis faventes. Academia erectæ. Literarum splendor ad Sacra emendanda multum contulit.

SECTIO XVIII.

De re Literaria.

De statu Literarum Sæc. XVI. **F**Loruêre hóc Sæculô, si alio unquam, Literarum studia; ingénf.

génsque Virorum Doctórum pro-
ventus, per omnes propemodùm Eu-
ropæ partes, ac in omni Discipli-
narum genere, visus est. Nam, ut
de Theologis nihil addamus, quos Theologi.
magno jam numero, cùm Protestan-
tes, tum Pontificios, in exponendis
hujus Sæculi rebus, memoravimus,
vel solæ illæ Literæ, quæ ab huma-
nitate nomen sortiuntur, mira cepe-
runt incrementa, summóque studio
Humanio-
rum Lite-
rarum cul-
tores.
ab innumeris primæ notæ Viris ex-
cultæ sunt: Quales fuère, præ cæ-
teris, *Desiderius Erasmus*, *Ludovicus*
Vives, *Gulielmus Budæus*, *Petrus*
Bembus, *Jacobus Sadoletus*, *Phil.*
Melanchton, *Joach. Camerarius*, *Ju-*
lius Cæsar Scaliger, *Justus Lipsius*,
aliique, quos recensere longum ni-
mis esset. Literas Hebraïcas exco-
luère, *Johannes Reuchlinus*, aliàs
Capnio, *Franc. Vatablus*, *Ben. Arias*
Montanus, *Sebast. Munsterus*, *Paulus*
Fagius, *Andreas Masius*, *Joh. Mer-*
cerus, &c. Juris scientiam politio-
ri

Cultores
Literarum
Hebraica-
rum.

Juriscon-
sulti.

Historici.

Philoso-
phi.Typogra-
phi cele-
bres ac
eruditi.Scriptores
Græci &
Romani
in lucem
editi.

ri literatura ornatiorē fecēre, *Jacobus Cujacius*, *Franc. Hotomanus*, *Barn. Brissonus*, *Pithæi* fratres, *Petrus* & *Franciscus*, &c. Historias mirā elegantia scripsēre, *Paulus Æmilius*, *Polidorus Virgilius*, *Johannes Sleidanus*, *Georgius Buchananus*, &c. Inter Philosophos atque Astronomos eminuēre, *Nicolaus Copernicus*, & *Tycho Braheus*, duorum Mundi Systematum inventores. Neque defuēre Typographi celeberrimi inter Viros Doctos haud omit- tendi; in Italia nempe, *Aldi Manutii* duo, avus & nepos, & inter utrosque *Paulus*; in Gallia, *Stephani*, *Henricus*, *Robertus*, *Henricus* alter, *Carolus*; in Helvetia, *Frobenii* duo, *Johannes* & *Hieronymus*, *Oporinus*, *Hervagius*; in Germania, *Christianus Wecheli*us, &c. A quibus, præter Scripta recentiorum, Antiquitatis, cum Græcæ, tum Latinæ, thesauri, é Bibliothecarum tenebris educi, & elegantissimis typis descripti sunt. Ad excitanda

COMPENDIUM. *Sæculum XVI.* 397

per Europam Literarum studia, haud mediocriter contulit Virorum Principum patrociniū & munificentia, quales fuere *Carolus V.* Imperator, *Franciscus I.* Galliae Rex, *Henricus VIII.* Rex Angliae, *Cosmus Medicus*, *Leo X.* Pontifex, aliique. Erectae etiam magno numero Scientiarum officinae ac semina-ria, Academiae nimirum tota passim Europa fundatae; in Germania quidem, *Wittebergensis*, *Francofurtana*, *Marpurgensis*, *Dillingensis*, *Jenensis*, *Helmsradiensis*, *Argentoratensis*, *Altorfina*, inter Borussos, *Regiomontana*; in Dania, *Hafniensis*; in Belgio, *Duacensis*, *Leidensis*, *Franckerana*; in Gallia, *Rhemensis*; in Hispania, *Complutensis* & *Toletana*; denique nostra haec *Genevensis*, an. 1559. *Theodoro Beza* primo Rectore. Quantum verò ad Sacrorum emendationem Literarum splendor valuerit, res est in vulgus nota, & praedicari satis non potest.

Principes
Literis fa-
ventes.

Acade-
miae erec-
tae.

Literarum
splendor
ad Sacra
emendan-
da mul-
tū con-
tulit.

FINIS SÆCULI XVI.

SÆCULUM XVII.

*Pontificiū
& Protest-
anter.*

SCISSUS in duas potissimū partes ;
Pontificiorum & Protestantium ;
in his saltem occiduīs partibus ;
Christianus Orbis fuerat : Quibus
non levia , totō hōc Sæculō , cū
inter sese , tum secum invicem , dis-
sidia intercessere , De præcipuis , pro
instituta brevitate , verba faciemus.

Summa Capita

SECTIONIS I.

*Res Romanæ: Congregatio de Auxilia-
liis. Incipit an. 1598. sub Cle-
mente VIII. Desinit an. 1607:
sub Paulo V. Nihil pronuntiat; si-
lentium tantū indicit. Dissidium
inter Paulum V. & Rempublicam
Venetam. Ejus occasio. Veneti à
Pontifice Sacris interdicti. Pax ini-
ta.*

COMPENDIUM. *Sæculum XVII.* 399

ta. Tractatus varii de hoc diffidio.
P. Paulus, Reipublicæ Venetæ
Theologus; à sicariis impugnatus.
Memorable ejus dictum de se ip-
so. F. Fulgentius, ejus discipulus.

SECTIO I.

Res Romanæ. Congregatio de Auxiliis.
Diffidium inter Paulum V. &
Rempubliquam Venetam.

Romæ, inde ab anno superio- Res Ro-
ris Sæculi 98. instituta à Cle- manz.
mente VIII. Congregatio de Aux- Congre-
liis divinæ Gratiæ, quæ de pug- gatio de
nantibus Dominicanorum & Jesui- Auxiliis.
tarum sententiis, rixisque hinc ori- Incipit
entibus, cognosceret. Stetit illa ad an. 1598
annum usque 1607. quò finem ei sub Cle-
Paulus V. imposuit. Propendebant mente VIII.
Consultores illi, ipsique in primis Definit
Pontifices, ad damnandam *Molinæ* an. 1607
sententiam, quæ à Jesuitis defen- sub Paulo
debatur: Sed nihil est pronuntia- V.
tum;

Nihil
pronun-
tiat; silen-
tium tan-
tum indi-
cit.

Dissidium
inter *Paulum V.* &
Remp.
Venetam.

Ejus occa-
sio.

Venetis à
Pontifice
sacris in-
terdicti.

tum; Silentium tantummodò, usquequedum publica fieret definitio, imperatum quidem utrique parti, sed à neutra observatum est. Perpetuæ quippe, ut jamjam videbimus, de Quæstionibus illis disputationes postmodum fuere.

Grave dissidium, per eadem tempora, inter *Paulum V.* Pontificem, & Rempubicam *Venetam*, fuit. Cum enim facinorosos quosdam, è clericali ordine, in vincula conjecisset Senatus; Legesque de non ampliandis, absque licentia; Ecclesiæ ditionibus, renovasset, Pontifex, Leges illas revocari, sibi que tradi reos illos; etiam intentatâ anathematis poenâ, injunxit. Cum verò dicto non parerent Veneti, iis Pontifex sacris interdixit; Senatu, ex adverso, sacra more consueto fieri præcipiente. Quod cum exsequi nollent Jesuitæ, alique quidam Monachi, è Reipublicæ ditionibus expulsi sunt. Tandem, Galliarum Regis inter-

interventū , traditisque ejus Legato Clericis illis facinorosis , ablatae diræ , Venetique Pontifici reconciliati sunt. Scripti hoc de dissidio Tractatus non pauci , eruditi atque solidi , in primis à *Paulo Servita* , Reipublicæ Venetæ Theologo , qui , in statuendis Ecclesiasticæ & Civilis Jurisdictionis limitibus , cohibendisque Romanæ Curiaë ausis , animosè admodum se gessit , ea de causa Curiaë illius odium ac molimina non semel expertus : Certè cum aliquando à sicariis , quinque impugnatus esset , gravissimèque vulneratus , & pro mortuo relictus , sicarii , ut sibi consulerent , in domum Nuntii Apostolici se receperunt ; ipse à vulneribus ægrè convaluit. Ferunt ; illum , si audacior naturâ fuisset , animique sensa liberiùs potulisset , Venetorum Rempublicam ad puriorem fidem , cujus multa tum semina conceperat , facillimè tracturum fuisse : Sed non ipsi erat *Lutheri ingenium* ,

Pax interea !

Tractatus
varii de
hoc dissidio.

P. *Paulus*
Reip. Venetæ Theologus.

à sicariis
impugnatus.

Memorable ejus dictum de seipso.

F. Fulgentius discipulus.

prout ab ipso dictum memoratur. Discipulum non unum reliquit, atque inter alios *F. Fulgentium*, qui Magistri vitam scripto consignavit.

Summa Capita

SECTIONIS II.

Conjuratio pulveris pyrii, contra JACOBUM I. Angliæ Regem an 1605. Ejus resectio. Garnetus, aliique Jesuitæ, conscii. Juramentum fidelitatis in Anglia impositum. Papa Pontificios à juramento illo dehortatur. Libri hanc in rem scripti. HENRICUS IV. Galliæ Rex nefariè interemptus an. 1610. Putidæ scarii excusationes.

S E C T I O II.

*Conjuratio adversus JACOBUM I. Angl.**Reg. Cædes HENRICI IV.**Gall. Reg.*

VErùm inter molimina omnia, *Conjura-
tio pulve-
ris pyrii,
contra Ja-
cobum I.
Angl. Re-
gem, an-
1605.*
é malè fano Religionis zelo
profecta, nullum atrocius, nullum
horribilius, eà Conjuratone; quæ
adversus JACOBUM, Angliæ & Sco-
tiæ Regem, familiamque regiam,
imò & universos Regni Proceres,
annò hujus Sæculi quintò, inita est;
subjectâ Curiaë ingenti pulveris py-
rii copiâ, qui, dum haberentur Re-
gni Comitia, Rêxque ipse adesset,
accendi debuit. Res, mirâ Dei
providentiâ, paucis ante exsecutio-
nem diebus, quarundam indicio li-
terarum, resecta est. *Ejus rei
resectio,* Comprehen-
sit quidam ex auctoribus, &, agnitò
scelere, suppliciis adfecti. Eorum
C c 2 indi.

Garritus,
aliique
Jesuitæ,
conscii.

indicio constitit, *Henricum Garne-*
tum, aliosque quosdam Jesuitas, fac-
ti conscios, imò & adprobatores,
fuisse: In quos etiam, pro rei atro-
citate, animadversum est. Et hoc
quidem scelus, supremam Regni
Curiam, ipsúmque Regem, per-
movit, ad subditos omnes, cujus-
cumque Religionis, novo fidelitatis
Juramento adstringendos; quò pro-
fiterentur, „nullam esse Romano-
„Pontifici Regis exauetorandi po-
„testatem, séque nullius censuræ me-
„tu ab ejus obedientia & fide recef-

Juramen-
tum fide-
litatis, in
Anglia
impossi-
bile.

„suros. Cui Juramento ne se sub-
jicerent Angli Pontificii, Pontifices
intercessère, scripsitque ea de re li-
brum Card. *Bellarminus*, qui non
modò à Rege ipso, (erat enim is
eruditus, librorúmque multorum
auctor) Anglisque Protestantibus,
sed & à *Barclaiò* Pontificio, confu-
tatus est.

Libri hanc
in rem
scripti.

Henricus
IV. Gall.
R. nefariè

Neque verò Britannia solùm, ve-
rùm etiam Gallia, quos ad furores
præ-

COMPENDIUM. *Sæculum XVII.* 405

præposterus Religionis zelus homi-
nes ducat, novo tristiquè experi-
mento, hoc tempore edocta est;
HENRICO IV. Gallix Rege, dum
per Parisiorum vicos in rheda sua
veheretur, à *Francisco Ravalliaco*,
Engolismensi, tribus cultri ictibus,
nefariè interemptò, 14. Mai. 1610.
Comprehensus Regicida factum ex-
cusabat, quòd Rex diceretur hære-
ticis patrocinari, bellumque velle
inferre Papæ, *Papæ autem*, inquit,
bellum inferre, est bellum infer-
re Deo; siquidem Papa est Deus, &
Deus est Papa. His fasciatus prin-
cipiis, à maleferiatis quibusdam
Doctoribus, vix tandem ad scelus
agnoscendum adduci potuit; cujus
gravissimas, juxtà ac meritissimas,
pœnas luit.

interemptus an.
1610.

Putidæ fi-
carii ex-
cusatio-
nes,

Summa Capita

SECTIONIS III.

Res Belgicæ. Induciæ cum Hispanis, an. 1609. De Arminianismo. Diffiduum inter Gomarum & Arminium, de Prædestinatione & adnexis capitibus. Unde ortæ Remonstrantium & Contra-remonstrantium adpellationes. Collatis Hagienfis, an. 1611. Decretum Ordinum Hollandiæ & West-Frisiæ an. 1614. Synodus Dordracena an. 1618. & 1619. Citati Remonstrantes. Simon Episcopus, eorum primipilus. Eorum sententia damnata. Joh. Olden-Barnevelt supplicium. Grotius é carcere elapsus. Cætus Remonstrantium prohibiti; sed postea tolerati. Episcopus. Curcellæus, Poelenburg, Limborch, præcipui eorum Theologi. Judicium de hoc Schismate.

SECTION III.

*De rebus Belgicis, speciatim de
Arminianismo.*

ANno, qui tragœdiam illam anteceffit, hujus Sæculi 9. *Res Belgicæ.*
Fœderatæ Belgii Provinciæ, pactis cum Hispano duodecim annorum induciis, à belli laboribus tantisper quievêre. Sed alio interim belli genere, Ecclesiastico nimirum, agitatæ sunt. Huic ansam præbuit dissensio quædam, inter *Franciscum Gommarum*, & *Jacobum Arminium*, ambos Sacrarum Literarum in Academia Lugduno-Batava Professores, de Prædestinatione Divina, & adnexis capitibus; *Gomaro*, Prædestinationem absolutam, hoc est, solo Dei beneplacito nixam; *Arminio*, eandem conditionatam, seu ex prævisa fide pendentem, statuente: Quo quidem dissidio, non Theolo-

Induciæ cum Hispanis an. 1609.

De Arminianismo.

Dissidium inter Gommarum & Arminium, de Prædestinatione, & adnexis capp.

Unde or-
ta Remon-
strantium
& Contra-
remons-
trantium
adpella-
tiones.

Collatio
Hagiensis
an. 1611.

Decretum
Ordd.
Holland.
& West-
fris. an.
1614.

Synodus
Dordra-
cena an.
1618. &
1619.

gi modò & Ecclesiastæ, sed & Plebs ipsa atque Nobiles, in partes iv-
runt. Et ii quidem qui Arminii sen-
tentiam sequebantur, & libello sup-
plice Ordinibus oblato, anno 1610.
(*Remonstrantiam* dicebant) dicti sunt
Remonstrantes: Reliqui, ob opposi-
tam petitionem, *Contraremonstran-*
tium nomen sortiti sunt. Habita-

inter utrosque, Hagæ-Comitis, an-
no 1611. sed exiguo fructu, colla-
tio. Scripti ultrò citròque Libri;
Imò & tumultibus ac seditionibus,
res non rarò agebatur. Quæ ut
sedarent Hollandiæ West-frisiæque
Ordines, Edicto an. 1614. utrique
parti silentium, studiùmque pacis,
indixêre. Sed nec id satis pacan-
dis animis fuit. Quamobrem, ex
voto *Contraremonstrantium*, qui,
& numero prævalebant, & favore
apud Arausionensem Principem *Mau-*
ritium, coacta Dordraci Synodus
Nationalis est, an. 1618. & 1619.;
ad quam invitati ab exteris Refor-
ma-

matorum Ecclesiis Theologi; é Magna Britannia nempe, Gallia, Palatinatu, Hassia, Helvetia, & Rebuspublicis Genevensi, Bremensi, & Embdana. Galliæ, prohibente Rege, eò advolare non licuit. Citati ad Synodum Remonstrantes; quorum causam egit, unus é præcipuis, *Simon Episcopus*, sacrarum Literarum in Academia Lugduno-Batava Professor. Sed cum detrectarent Synodi judicium, eò quòd, ut ipsi quidem dicebant, iidem Judices & Partes essent, eorum sententia, quinque Articulis comprehensa, damnata est. Nec multò post, exauctorati passim Remonstrantes, non Pastores modò & Professores, sed & ex Politico ordine, *Johannes Barneveldius*, septuagenario major, summis in Republica muneribus, diu, nec sine laude, defunctus, sed Mauricio minus acceptus, capite damnatus est: *Hugo Grotius*, & *Rumboldus Hogerbetius*,

Citati Remonstrantes.
Sim. Episcopus, eorum primipilus.

Forum sententia damnata.

Job. Olden-Barneveld supplicium.

Grotius & *carcere*

C c s ille

elapsus.

Cœtus Remonstrantium prohibiti.

sed postea tolerati.

Episcopus, Curcellanus, Postemburg. Limborch, præcipui eorum Theologi.

Judicium de hoc Schismate.

ille Roterodamensis, hic Lugdunensis Urbis, Adscissores (Belgicè *Pensionarios* vocant) ad perpetuum carcerem damnati; E quo Grotius, uxoris arte, in capsâ libris mittendis ac remittendis destinata, post biennium elapsus. Prohibiti Remonstrantium sacri Conventus: Qui noluerunt promittere, se non ampliùs docendi munere functuros, in exsilium pulsi; nonnulli &, cùm rediissent, carceri inclusi. At, non multis post annis, tolerari eorum Cœtus cœpère: Quinimò & Schola, seu Seminarium, Amstelodami ab ipsis institutum est, in quo *Simon Episcopus* primùm, post hunc *Steph. Gurcellanus*, dein *Arnoldus à Poelemburg*, tandèmq; *Phil. à Limborch*, docendæ Theologiæ operam navârunt. Sic natum est, sic continuatum, ad nostra usque tempora: Schisma illud Remonstrantium; cui, ut & aliis benè multis, vel datus haudquaquam locus, vel citò finis fuit.

COMPENDIUM. *Sæculum XVII.* 411
fuiſſet, ſi minor eſſet viſ adfec-
tuum in religione, & Chriſtiani,
occultis Deo relictis, in revelatis
opere implendis occuparentur.

Summa Capita

SECTIONIS IV.

*Bellum Germanicum. Proteſtantium
res paſſim imminutæ, præſertim
in Bohemia. Audax Bohemorum
facinus. FRIDERICUS, Elector Pa-
latinus, in Regem Bohemiæ elec-
tus, an. 1619. Vincitur ad Pra-
gam, an. 1620. Ditionibus &
Electoratui ſpoliatur. GUSTAVUS
ADOLPHUS, Sueciæ Rex, res Ger-
maniæ reſtituit. Pugna Lipſienſis,
an. 1631. Pugna ad Lutzen, an.
1632. in qua Guſtavus Rex occum-
bit. CHRISTINA Regina, mino-
rennis. Galli Suecorum & Germa-
norum fœderati. Pax Weſtphalica,
an.*

an. 1648. & 49. *Bulla Innocen-
tii X. contra hanc Pacem. Protec-
tantium securitas firmata. Luthera-
ni & Reformati hac pace simul
comprehensi.*

S E C T I O I V.

De Bello triçennali Germanico.

Bellum
Germani-
cum.

Protestan-
tium res
passim im-
minutæ.
præsertim
in Bohe-
mia.

IN Germania, cùm de Protestan-
tium juribus ac privilegiis, va-
rio obtentu, variisque in locis, ali-
quid subinde imminueretur, hinc
natum tandem grave illud Bellum,
quò, totis triginta annis, non Ger-
mania modò, sed & Europa penè
universa conflagravit. Caput belli
Bohemia fuit, in qua, cùm de in-
juriis sibi illatis Protestantes sæpe
questi essent, neque ulla emenda-
tionis spes daretur, tandem in id
desperationis compulsi sunt, ut,
ejectis per fenestram Consiliariis qui-
busdam, qui præcipui injuriarum

auctores censebantur, omissoque
 FERDINANDO, Bohemiæ Rege
 designatô; (qui non multò post
 ad Imperium, mortuô MATTHIA,
 evectus est) Palatinum Electorem
 FRIDERICUM sibi Regem consti-
 tuerent, annô 1619. Sed hic vic-
 tus ad Pragam VIII. Id. Nov. 1620.
 Palatinatu & septemvirali dignita-
 te exutus, extrâ Germaniam se re-
 cipere atque errare coactus est. Sic
 Bohemis libertas adempta, sed non
 finis bello adlatus: quô, Cæsareis
 latè victoribus, libertatêque & Re-
 ligione in extremum adductis peri-
 culum; GUSTAVUS ADOLPHUS,
 Suecorum Rex, divinâ Providen-
 tiâ excitatus est, qui res fessas eri-
 geret; nutantique Germaniæ opitu-
 laretur. Quod quidem mirâ cele-
 ritate & successu effectum dedit,
 receptâ statim Pomeraniâ, quam
 sui juris fecerat Cæsar; restitutis,
 qui é suis sedibus ejecti fuerant,
 Principibus; duplicique partâ vic-
 toriâ,

Audax
 Bohemo-
 rum faci-
 nus.

FRIDERI-
 cus Elect.
 Palat. in
 Regem
 Bohemiæ
 electus an.
 1619.

Vincitur
 ad Pragam
 an. 1620.

Ditioni-
 bus & E-
 lectoratu
 spoliatur.

GUSTA-
 VUS A-
 DOLPHUS
 Sueciæ R.
 res Ger-
 maniæ
 restituit.

Pugna
Lipſienſis
an. 1631.

Pugna ad
Lutzen.
an. 1632.
in qua
Gultavus
R. oc-
cumbit.

CHRIS-
TINA Re-
gina mi-
norennis.

Galli
Suec. &
Germ.
fœderati.

Pax Weſt-
phalica
an. 1648.
& 49.

Bulla In-
nocentii X.
contra
hanc pa-
cem.
Proteſtan-
tium ſecu-
ritas fir-
mata.

toriâ, altera ad Lipſiam, VII. Sep-
tembr. an. 1631. alterâ anno ſequen-
te 1632. ad Lutzenam, quæ poſte-
rior acerbô ſimul & glorioſo tanti
Heroïs obitu funeſtata eſt. Eô ex-
ſtinctô, ſub CHRISTINA minorenni,
rerum ſumma ad *Oxenſtiernum*
Cancellarium delata, continuatûm-
que nihilo remiſſius bellum; Gallis
ſeſe in Suecorum & Germanorum
Fœderatorum ſocietatem adjungen-
tibus, dum Cæſar atque Hiſpanus
ex adverſa parte pugnarent. Cui
bello, per annos triginta, variâ for-
tunâ geſto, *Pax Weſtphalica*, quam
vocant, *Oſnabrugæ & Monafterii* an.
1648. & 49. ſancita, finem tandem
impoſuit. Qua quidem pace, rin-
gente licèt, datâque Bullâ fulmi-
nante, *Innocentio X.* Pontifice, Pro-
teſtantium ſecuritati proſpectum eſt;
liberô ipsis, ſuis in ditionibus, non
ſecus ac ſuperiori Sæculo, Religio-
nis exercitiô; bonis, quæ Eccleſiæ
antea fuerant, ſuo cuique Domino
adſer-

adfertis: Qua in sanctione, & ii qui Lutherani speciatim dicuntur, & ii qui Reformati, communi jure comprehensi sunt, eorum controversiis, quæ hætenùs non fuerunt compositæ, ulteriori compositioni reservatis, ut habent Pacta Osnaburgensia, Art. VII.

Lutherani
& Reformati hac
pace simul
comprehen-
si.

Summa Capita

SECTIONIS V.

Tumultus in Britannia sub CAROLO I. Rege. Eorum causæ Civiles & Ecclesiasticæ. Pontificii, contra Leges, ad Munera promoti. Strages Hibernica, an. 1651. Comitissæ Strafford. & Archiep. Laud supplicium. Bellum Civile, ab anno 1642. Carolus I. Rex capite damnatus, 30. Januar. 1649. Oliv. Cromwellus Protector. Episcopatus & Cæremoniæ, abolita. Fædus, dictum Covenant,

venant. Cromwelli potentia, & cura rei Protestantis. Rich. Cromwellus, Protector; sponte cedit. CAROLUS II. Rex; restitutus an. 1660. Episcopatus restitutus; Presbyteriani vexati. Character Caroli II.

S E C T I O V.

De tumultibus Britannicis, sub CAROLO I. R. & post eum.

Tumultus
in Britan-
nia, sub-
CAROLO
I. R.

Eorum
causæ,
Civiles &
Ecclesiastice.

TRistis admodum, per eadem tempora, Britannicæ facies fuit; fatali; Regem inter CAROLUM I. & subditos, flagrante bello. Causæ motuum, Ecclesiasticæ partim, partim Civiles: Ecclesiasticæ; quod Rex Hierarchiam & Cæremonias, ad suspensionem usque reducendi Papatûs, foveret; quarum rerum insensissimi hostes Puritani præsertim erant: Civiles, quod tributorum imponendorum, militumque pacis

pacis tempore conscribendorum, sibi jura adscriberet, quæ sibi propria contendeat Regni Senatus. His accedebat, quòd, Reginae favore, quæ Pontificia erat, utpote Regis Galliaë soror, Pontificii invalescebant, & ad Munera aulica, civilia, militaria, adversum Leges, provehebantur. Quæ omnia dum Anglos malè haberent, & à supremo Regni Senatu vividè exagitarentur, nuntius adfertur de horrendo facinore, ab Hibernis Pontificiis perpetrato; qui, sumptis armis, 23. Octobr. an. 1641. adversus Anglos rebellârunt, & quadraginta Protestantium millia (sunt qui multò plures dicant) toto passim Regno trucidârunt. Spargebant illi, se Regis jussu arma sumpsisse; imò & diploma Regio sigillo munitum ostentabant. Quæ quanquam fide parùm digna videbantur, tamen dici non potest quantum suspicionum ac irarum concitaverint. Certè, mutuis exposu-

Pontificiis
ad Munera
promoti.

Strages
Hibernica,
an. 1641.

D d latior

Comitis
Strafford.
& Ar-
chiep.
Land sup-
plicium.

Bellum
Civile ab
an. 1642.

Carolus I.
Rex capi-
te damna-
tus, 30.
Januar.
1649.

Oliv.
Cromwel-
lus Pro-
tektor.

Episcopa-
tus & Cæ-
remoniz,
abolita.

lationibus & criminationibus nullus
finis erat. Comes Straffordix, *Tho-
mas Wentworth*, & Archiepiscopus
Cantuariensis *Gulielmus Laud*, quòd
regionum consiliorum præcipui ha-
berentur auctores, in jus vocati, &
supplicio adfecti. Cùm verò Ar-
cium custodiam, cæteramque Regni
administrationem, utraque pars ad
se traheret, hinc apertum, Regem
inter & supremam Regni Curiam,
exarsit bellum, quò, per sex annos
& amplius, incensa Britannia est;
hoc exitu, planè stupendo, & do-
cumentorum moralium feracissimo,
quòd Rex captivus, atque à Judi-
cibus in id constitutis damnatus, se-
curi percussus sit, 30. Januar. 1649.
Sic occiso Rege, rerum summa *Oli-
vario Cromwello* Protectoris titulo,
delata est: Episcopali ordine, Li-
turgia, & Cæremoniis, valere jus-
sis; Ecclesiisque ritu Presbyteriano
administratis: Quem se ritum reten-
tuos atque defensuros, passim, per
An-

Angliam atque Scotiam, solemnifœdere ac juramento se obstringebant; Anglicè *Covenant* dixere, quod jam anno 1643. in Cœtu Theolôgorum Westmonasterii habito, sancitum fuerat. Floruit Britannia, Cromwelli auspiciis, cujus vel ipsum nomen, cùm extra, tum intra Britanniam, terrori erat; quique exteris Protestantium Ecclesiis, haud inefficacem, quâvis datâ occasione, opem ferebat. Eô mortuô, sub finem anni 1658. cùm *Richardus* filius, qui ei subrogatus fuerat, tanto se oneri imparem sentiret, dominatu sponte cessit: Quæ res revocando non multò post, ac in integrum restituendo CAROLO II. Regi, viam munivit. Factum id annô 1660. Ab hoc, non Episcopatus modò restitutus, sed & Presbyteriani non rarò vexatî; quibus tamen patrociniû, initio Regni, promiserat. Fuit is libidinis servus, sacra sùsque déque habens, Profes-

Fœdus;
dictum
Covenant

Crom-
welli po-
tentia, &
cura rei
Protes-
tantis.

Richardus
Cromwell
Protector,
sponte ce-
dit.

CAROLUS
II. Rex
restitutus
an. 1660.

Episcopa-
tus resti-
tutus;
Presbyte-
riani ve-
xati.
Character
Caroli II.

tantis speciem præ se ferens, ut securius regnaret; sed in extremis, ut quidem ferunt, Pontificio ritu rem divinam fecit. Quæ sacra quàm damnoſa fuerint ejus fratri & ſucceſſori *Jacobo II.*, ſuo loco à nobis narrabitur.

Summa Capita

SECTIONIS VI.

De Jansenismo. Corn. Jansenius Episc. Yprenſis. Ejus liber, dictus Augustinus. Aula Gallica in Jansenium malè adfecta. H. Habertus ſcribit contra librum Jansenii. Ant. Arnaldus Jansenium defendit. Doctrina Jansenii damnata ab Urbano VIII. Pontif. an. 1643. deſenſa à Lovaniensibus & Duacensibus. Quinque Propositiones Jansenii. Bula Innocentii X. adversus 5. Propositiones Jansenii; In Gallia promulgatur.

gatur. Juris & Facti distinctio. *Literæ Innocentii X.* quibus edicit propositiones damnatas re ipsâ Jansenii doctrinam esse. *Formula in Gallia instituta an. 1655.* adv. Facti & Juris distinctionem. *Ant. Arnaldus* é Sorbona ejectus. *Literæ Provinciales* à Pascasio scriptæ; à Nicolio notis illustratæ. *Bulla Alexandri VII. P.* adv. propositiones Jansenii. *Papæ*, imò & Ecclesiæ ipsius, infallibilitatem in rebus facti negant Jansenistæ; eam tuentur Jesuitæ. *Formula ab Alexandro VII. imperata, an. 1665.* Variè à variis subscribitur. *Quatuor Episcopi*, Alet. Apam. Bellov. Andeg. Facti & Juris distinctionem tuentur. *Clemens IX. P.* Pacificatio dissidiorum, *Literis Papæ*, & *Edicto Regio*, an. 1668. *Arnaldi fata.* *Innocentius XI.* Jesuitis adversus, & Jansenistis favere existimatus. *Bullæ Innocentii XII.* adv. Jansenismum, an. 1694. Ju-

dicium de his Controversiis. Multi, cum é Jesuitis, tum é Jansenistis, de re literaria optimè meriti.

S E C T I O IV.

De Jansenismo.

De Janse-
nismo.

Corn. Jan-
senius E-
pisc. Y-
prensis.

Ejus Li-
ber dictus
Augusti-
nus.

MULTAS de Gratia disceptatio-
nes in Ecclesia Romana fuis-
se, cum aliàs non semel, tum hoc
ipso ineunte Sæculo, suprà jam re-
censuimus. Recruduerunt hæ lites,
& majore quam unquàm antea fer-
vore agitatæ sunt, occasione *Janse-*
nismi, quem vocant; cujus proin-
de historia breviter hic adtexenda
est. Scripserat *Cornelius Jansenius*,
Episcopus Yprensis, Librum cui ti-
tulum *Augustino* fecerat; qui non-
nisi post auctoris facta, an. 1639. in
lucem prodiiit. In eo Augustini dog-
mata exposita magno studio atque
defensa, imò plenius atque crudius,
quàm à Thomistis, cæterisque Au-
gustini

gustini discipulis, fieri solet. Quæ notiones cum multis exosæ essent, ipsèque auctor, ob *Martem Gallicum* (quo libro Hispanorum causam adversus Gallos egerat) Aula Gallicæ parùm acceptus, hinc magnus factus est, in Gallia præsertim, deinde etiam Romæ, adversus posthumum hunc Jansenii foetum, impetus. In Gallia quidem, *Isaacus Habertus*, postmodum Vabrinensis Episcopus, primùm concionibus, deinde & scriptis, Jansenii librum impugnavit: Cujus defensionem, unâ atque alterâ Apologiâ, suscepit *Antonius Arnaldus*, Doctor Sorbonicus, Vir maximæ, cum ob hoc dissidium, tum ob alia benè multa, celebritatis. Romæ verò, examini subiectus, jubente *Urbano VIII.* Pontifice, ac damnatus, Jansenii liber fuit; quòd propositiones quasdam *Michaëlis Baii*, à Pio V. & Gregorio XIII. Pontificibus damnatas, renovare diceretur; frustra

Aula Gallica in Jansenium malè adfecta.

Is. Habertus scribit contra librum Jansenii.

Ant. Arnaldus, Jansenium defendit.

Doctrina Jansenii damnata ab *Urbano VIII.* Pont. an. 1643.

Defensa à
Lovaniensibus &
Duacensibus,

Quinque
Propositiones
Jansenii.

obnitentibus *Lovaniensibus* Doctoribus, (quibus & *Duacenses* accesserunt) qui, missâ Romam legatione, Jansenianæ causæ patrocinabantur. Augeſcente indies tumultu, quinque famosæ Propositiones é Jansenii libro excerptæ sunt, Romamque ab ejus Adversariis transmissæ, anno 1650., ut à Pontifice, qui tum erat *Innocentius X.* solemnî censura notarentur: Cui damnationi, ex altera parte, Galli Præsules non pauci obſistebant. Propositiones hæ fuerunt. I. *Aliqua Dei præcepta, hominibus justis valentibus & conantibus, secundum præſentes quas habent vires, impossibilia esse.* II. *Interiori gratiæ, in statu naturæ lapsæ, nunquam resisti.* III. *Ad merendum & demerendum in statu naturæ lapsæ, non requiri in homine libertatem à necessitate, sed sufficere libertatem à coactione.* IV. *Semipelagianos admississe prævenientis Gratiæ interioris necessitatem ad singulos actus, etiam ad*

ad initium fidei, & in hoc fuisse hæreticos, quod vellent eam Gratiam esse talem, cui posset humana voluntas resistere vel obtemperare. V. Semipelagianum esse dicere, Christum pro omnibus omnino hominibus mortuum fuisse, & sanguinem fudisse. Acta causa hæc magno studio Romæ, ab utriusque partis Delegatis, qui Pontificem atque Consultores, nulla non arte, ad se trahere nitentur. Tandemque Pontifex, qui fatebatur *Lucæ Hostenio*, se questionibus illas non intelligere, datâ Bullâ 13. Mai 1653. supradictas Propositiones damnavit: Quæ Bulla in Galliam transmissa, jubente Rege toto Regno promulgata est. Et hoc quidem tempore, celebris illa *Juris & Facti* distinctio à Jansenii discipulis usurpari cœpit. Cum enim Bullæ Pontificiæ contradicere haud tutum esset, dixerunt, eas quidem Propositiones, quæ damnatæ fuerant, eo sensu quem intendebat Pontifex,

Bulla Innocentii X. adv. 5. Propositiones Jansenii. In Gallia promulgatur, *Juris & Facti* distinctio.

re verâ damnandas fuisse; sed hunc non fuisse Jansenii sensum, adeoque Jansenii doctrinam haudquaquam damnatam esse. Quo effugio ne elabi possent, à Pontifice contenderunt ipsorum Adversarii, ut damnatas Propositiones re ipsâ Jansenii doctrinam esse, apertè ediceret: Quod quidem fecit, datis Literis 29. Septembris 1654.; quæ & Regia declaratione in Gallia confirmatæ sunt. Quinimò conscripta, anno sequenti, à quibusdam Galliæ Episcopis Jansenismo adversantibus, *Formula*, quâ quinque Propositiones é Jansenii libro excerptæ, juxta duplicem Innocentii definitionem, atro carbone notatæ sunt. Nutanti Jansenii causæ frustrâ suppetias tulit *Arnaldus*, non unô Scriptô hanc in rem emissô; quæ à Sorbonistis damnata, ipsèque ab eorum societate ejectus est. Scripta adversaria utriusque partis benè multa hîc non moramur: Sed omittendæ non sunt
inge-

Literæ Innoc. X. quibus, doctrinam damnatam esse Jansenii doctrinam, edicit.

Formula in Gallia instituta an. 1655. adv. Facti & Juris distinctionem.

P. Ant. Arnaldus é Sorbona ejectus.

ingeniosissimæ illæ, & Attico sale
 refertissimæ, *Provinciales Literæ*, auc-
 tore *Blasio Pascasio*, qui sub emen-
 tito *Ludovici Montaltii* nomine sese
 abdidit. Dici non potest, quanta
 elegantia quantoque acumine, Jan-
 senistarum causam agat, eorumque
 Adversarios ridendos propinet, per-
 sonatus ille Montaltius, qui & cor-
 ruptissimas Jesuitarum de rebus mo-
 ralibus hypotheses, in lucem pro-
 fert atque exagitat: Eas literas post-
 modum, alter é Jansenii familia
 haud ignobilis Scriptor *Nicolius*,
 sub *Wendokii* adpellatione, notis
 auxit atque illustravit. Interim con-
 firmatur ab *Alexandro VII.* Pontifi-
 ce, quinque Jansenii Propositionum
 damnatio, & quidem *in sensu à Jan-*
senio intento, datâ Bullâ 16. Octo-
 bris 1656. Quæ fuit causa, cur
 subscriptio Formulæ superius me-
 moratæ, à plerisque Galliæ Episco-
 pis, rigidè imperaretur; ipsis etiam
 Monialibus ad hanc subscriptionem
 adac-

Literæ
 Provin-
 ciales, à
Pascasio
 scriptæ,

à *Nicollò*
 notis il-
 lustratæ.

Bulla *Ale-*
xandri VII.
 P. adv.
 Proposi-
 tiones
 Jansenitæ,

Papæ in-
fallibilita-
tem in re-
bus facti,
negant
Jansenif-
tæ,

eam tuen-
tur Jesui-
tæ.

Formula
ab Alex.
VII. im-
perata,
an. 1665.

Variè à
variis sub-
scribitur.

adaactis, dum interim Jansenistæ, pro
Juris & Facti distinctione, militare
haud desisterent. Quumque ipsis
opponeretur Pontificis auctoritas,
Pontificem, imò verò & ipsam Ec-
clesiam, in rebus facti errare posse
adfirmabant: Contrà Jesuitæ, pro-
mulgatis Thesisibus, in Collegio suo
Claromontano, Papæ infallibilita-
tem, etiam in rebus facti, tueban-
tur; quæ quidem Theses, ab Uni-
versitate Parisiensi, & suprema Re-
gni Curia, damnatæ sunt. Porro,
ut major in Gallia esset suprâ dictæ
Formulæ auctoritas, ejus verba no-
væ Bullæ inseruit Papa, datæ 15,
Febr. an. 1665. quâ *quinque Propo-
sitiones, è Jansenii libro excerptæ, in
ipso sensu Auctoris, damnantur*: Cui
Bullæ, Réglo Edicto munitæ, non
tamen omnes Episcopi pari modo
subscripsere, nec subscribendam
præscripsere: Nam alii quidem,
nullâ adpositâ distinctione, subscri-
bi volebant; alii quasdam proferri

à subscriberibus exceptiones patiebantur; alii denique, doctrinam quidem fide amplectendam, factum verò nonnisi silentio & reverentiâ prosequendum, âpertè insinuabant; quorum in numero quatuor Episcopi præsertim fuère, *Aletensis, Apamien-sis, Bellovacensis, & Andegavensis*, qui ea de causâ in Curia Romanæ, ipsiusque etiam Aula Gallicæ, odium incurrerunt. Hæc inter, mortuo Alexandro Papa, an. 1667. in ejus locum successit *Clemens IX.*: Quo sedente, mitigati quodammodo, hanc in materiam, animi fuère; Quatuor Episcopi, mediatore Senonensi Archiepiscopo, cum aliis quibusdam Episcopis, Papæ simul & Regi Gallia reconciliati sunt; Papa, datis ad Regem literis, 28. Sept. 1668. sibi satisfactum testatus est; Rex, promulgato Edicto, 18. Octobris, præteritorum dissidiorum oblivionem imperavit, vetuitque ne alii alios, odiosis *hæreticorum, Jan-senis*.

Quatuor
Episcopis
*Alet. A-
pam. Bello-
& Andeg.*
Facti &
Juris dis-
tinctionem tuetur.

*Clemens
IX. P.*

Pacificatio diffi-
diorum,
Literis
Papæ, &
Edicto re-
gio, an.
1668.

Arnaldi
fata.

senistarum, Pelagianorum, similibusque adpellationibus, traducerent atque infamarent. *Arnaldus* ipse, factionis caput, in gratiam utcumque rediit; non tamen ad longum tempus; siquidem Aulæ semper suspectus, Regno cedere, & in Belgio Hispanico, ad mortem usque, quæ an. 1695. accidit, latitare coactus est. Mutua interim, inter Jansenistas, eorumque adversarios, non destiterunt odia, Scriptisque aculeatis sese subinde demonstrârunt.

Innocentius XI. Jesuitis adversus, & Jansenistis favere existimatus.

Bullæ Innocentii XII. adv. Jansenismum, an. 1694.

Innocentius XI. à Jesuitis averſus, quorum & periculosa de rebus moralibus placita damnavit an. 1679. haud alieno à Jansenistis animo fuisse existimatus est. Sed *Innocentius XII.* datis, sive ad Theologos Lovanienses, sive ad Episcopos Flandriæ, Bullis, superiorum Pontificum, his de quæſtionibus, Constitutiones confirmavit; Formulæque Alexandri VII. subscriptionem de nudo injunxit; ita ut Jansenii Propositio-

sitiones, in sensu obvio, quem ipsa
 met verba præ se ferunt, damnaren-
 tur. Verum ne sic quidem pugnae
 sopitæ sunt, prout ad Sæculum se-
 quens videbimus. Interim, si ani-
 mi sensa, de toto hoc negotio, li-
 berè proloqui liceat, hîc certè, si
 alibi uspiam, parùm fidei atque can-
 doris, multùm privatorum adfec-
 tum, ab utraque parte fuisse vi-
 detur. Nam, qui Jansenistas adeò
 acriter tanquam hæreticos infecta-
 bantur, ipsam simul *D. Augustini*
 & *D. Thomæ* sententiam impugna-
 bant; quos tamen Doctores se ma-
 gni facere atque revereri, nonnulli
 & cum iis sentire, existimari vole-
 bant. Vicissim illa *Juris & Facti*
 distinctio, quid aliud nisi merum
 Jansenistarum effugium erat, quo,
 retentâ verâ ac genuinâ Jansenii
 doctrinâ, alienum nescio quem sen-
 sum damnatis Propositionibus adfin-
 gebant, ut eas in sensu illo damna-
 re, sicque Romanæ Curiae anathe-
 mata

Judicium
 de his
 Contro-
 versis.

mata declinare possent. His accedebant iniquissimæ Jansenistarum adversus Calvinistas invectivæ, cum tamen, ad rei summam quod attinet, eadem fermè sit Jansenistarum & rigidiorum Calvinistarum sententia. Cæterum, præclara multa ac utilissima de studiis Literarum, imò verò & de rebus sacris, cum à Jesuitis quibusdam, tum à Jansenistis, seu à *Portu-regio* Scriptoribus, edita esse, iniquissimo sit animo, vel in historia Literaria planè hospes, qui non fateatur.

Multi, cum è Jesuitis, tum è Jansenistis, de re literaria optime meriti.

Summa Capita

SECTIONIS VII.

Protestantes à Pontificiis passim vexati, in Bohemia, Hungaria, Silesia, Transsylvania, &c. Galli Protestantes sub Henrico IV. tuti. Ludovicus XIII. eos vexare incipit.

Rupella obsessa an. 1628. Sub Ludovico XIV. adtriti paulatim Reformati. Ediçti Nannetensis revocatio, an. 1685. Reformati ad Sacra Pontificia compulsi. Plurimi Religionis causâ profugi. Pedemontani Valdenses vexati. Eorum strages an. 1655. Male habiti & ejecti, an. 1686. & 87. Revocati in patriam, an. 1690.

SECTIO VII.

De vexatis, per varias oras, Protestantibus.

IMminutæ totô hóc Sæculo, non una in parte, Protestantium res, in id incumbente Aulâ Pontificiâ, ut, quod rationibus non poterat, Ediçtis Principum, promissis, minis, carceribus, exiliis, imò cædibus ac lanienis obtineret. In *Bohemia*, in *Bohemia, Hungaria, Transylvania, &c.* victô Palatinô, & FERDINANDÔ rerum potitô, ablata penitùs Religio-
E e
nis

Protestantes à Pontificiis passim vexati;

in Bohemia, Hungaria, Transylvania, &c.

nis libertas est. In *Hungaria*, *Silezia*, *Transsylvania*, &c. vexati non semel, nec uno modo, Protestantes; quæ fuit etiam non raro Politicorum motuum causa. *Gallis* Reformatis, per Nannetense Edictum, fine Sæculi superioris concessum, abundè cautum videbatur. Neque verò, superstite HENRICO IV. Edicti illius auctore, quidquam iis mali contigit. Sed sub LUDOVICO XIII. captò à Bencarnia initiò, anno 1620. suis privilegiis ac munimentis exui cœpère, præcipuümque ipsorum propugnaculum *Rupella*, anno 1628. non sine operosa obsidione, capta est. Sub LUDOVICO XIV. etsi insignia non semel dederant, in procellis civilibus, constantissimæ in Regem fidei specimina, quod & non una declaratione Princeps ille restatum dedit, attamen adtriti ac debilitati innumeris Edictis fuere: Donec tandem Octobri mense an. 1685. Nannetense Edictum, *perpetuum*

Galli Protestantes
sub *Henrico IV.* tuti.

Ludovicus XIII. eos
vexare incipit.

Rupella
obsessa
an. 1628.

Sub *Ludovico XIV.*
adtriti
paulatim
Reformati.

Edicti
Nannetensium

tuum licet ac *irrevocabile*, revoca-
tum sit. Ergo everfa toto Regno
Templa, imò & immiffi per domos
Dimachi, qui invitos atque reluc-
tantes ad Sacra Pontificia compell-
lerent; ablata interim, in fide per-
stantibus, é Regno exeundi veniâ;
iisque qui in fuga deprehenderentur;
foetido carceri inclufis, aut ad trire-
mes aliave supplicia damnatis. Quod
tamen non obftitit, quominus plura
eorum centena millia, relictâ patriâ,
cognatis, commodis, fortunisque
omnibus, non fine maximis pericu-
lis evaserint, novâsque fibi, in Bri-
tannia, Belgio, Germania, Helve-
tia fedes quæfiverint; ubi, ab ejuf-
dem confortibus fidei, fraternè, ut
par erat, excepti funt. Sed & Gal-
lorum vicini, *Pedemontanarum Val-*
lium incolæ, miferum in modum
non femel vexati funt; tum anno
1655. quò horrenda eorum strages
vifa eft; tum annis 1686. & 1687-
quibus longo adtritâ bello, pluri-

tenf. re-
vocatio;
an. 1685.

Reforma-
ti ad Sacra
Pontificia
compulsi.

Plurimi
Religio-
nis caufâ
profugi.

Pedemont-
sani Val-
denfes ve-
xati.

Eorum
strages an.
1655.

Malè has-
biti &

ejecti, an.
1686. &
87.

Revocati
an. 1690.

misque defuncti ærumnis, é patria
ejecti, sed in eam, triennio post,
Principis Edicto, revocati sunt.

Summa Capita

SECTIONIS VIII.

Novi tumultus in Britannia, sub JACOBO II. Rege. Papatum inducere nititur, & Leges Regni violat. Suspiciones de puero, qui Regi natus dicebatur. Gulielmus, A-raussonensis Princeps, in auxilium à Britannis vocatus. Jacobus in Galliam fugit, & Regnum abdicat. GULIELMUS & MARIA, Magn. Brit. Rex & Regina. Presbyterianismus in Anglia toleratus, in Scotia publicè institutus. Præsules eximii Anglicanam Ecclesiam illustrent. Mariæ Reg. obitus, an. 1694. Gulielmus Fœderatorum dux contra Gallos. Pax Rysvicensis, an. 1697.

COMPENDIUM. *Sæculum XVII.* 437

1697. *Mors Gulielmi R. an. 1702.*

SECTIO VIII.

*De tumultibus Britannicis sub JACOBO
II. in cujus locum successit GULIEL-
MUS & MARIA.*

NOva tragœdia, malè fano itidem Pontificiorum zelo, in Britannia acta est; ubi, defuncto absque liberis CAROLO II. Rege, an. 1685. JACOBUS II, frater in ejus locum successit. Is, Pontificiam Religionem profiteri haud contentus, eandem variis artibus propagare nitetur; spretis Legibus, quibus Pontificii muneribus, cum civilibus, tum militaribus, exclusi erant; Britannicæque populi privilegiis non una parte imminutis. Quibus gravaminibus & hoc quoque accessit, quod, enixâ puerum Reginâ, (sed non sine fraudis suspitione) non in præsens modò, sed & in futurum,

Novi tumultus in Britannia, sub JACOBO II. R.

Papatum inducere nititur, & Leges Regni violat.

Suspiciones de puero, qui Regi natus dicebatur.

& Libertati, & Religioni, metuen-
 dum videretur. Ergo maxima, to-
 to passim Regno, animorum com-
 motio facta est, vocatūque in au-
 xilium *Gulielmus*, Arausionensis Prin-
 cept, *Mariæ* Jacobi filix nati ma-
 joris maritus; Quô in Britanniam,
 cum Batavorum copiis, advectô,
 Jacobi copix ad eum deficiunt, ip-
 seque Jacobus sibi metuens in Gal-
 liam trajicit, vacuumque relinquit
 solium. GULIELMUS & MARIA, Bri-
 tanniæ Liberatores, Rex & Regina
 salutantur. Restituta, iis regnanti-
 bus, Jura omnia, quæ à Jacobo
 violata, vel in discrimen adducta
 fuerant. Tentata & Episcopaliū
 cum Presbyterianis, sed absque suc-
 cessu, concordia. Mitissimè tamen
 cum Presbyterianis actum; qui, in
 Anglia quidem, ampla donati to-
 lerantia; in Scotiâ verò, quod ma-
 xima Gentis pars eam in partem
 propenderet, Presbyterianismus in
 titus publici formam abiit. Nun-
 quam

Gulielmus
Arausio.
Princeps
in auxi-
lium à
Britannis
vocatus.

Jacobus
 in Gal-
 liam fu-
 git, Reg-
 nūque
 abdicat.

GULIEL-
 MUS &
 MARIA
 Mag. Brit.
 Rex &
 Regina.

Presbyte-
 rianismus,
 in Anglia
 toleratus,
 in Scotiâ
 publice
 institutus.

quam tot eximii, cùm doctrina, tum pietate, Anglicanæ Ecclesiæ Præsules fuerunt; *Johannes Tillotsonius*, Cantuariensis, *Johannes Scharpius*, Eboracensis, ambo Theologi eximii, & in arte concionandi principes; *Gilbertus Burnetus*, Sarisburiensis, incomparabili Reformationis Anglicanæ historia notissimus, *Gulielmus Lloyd*, Asaphensis primum, dein Lichfeldiensis, demùm Vigornien-
 sis, Chronologiæ atque Historiæ peritissimus, *Edwardus Stillingfleet*, Vigornien-
 sis, in Controversiis tractandis eruditissimus ac solertissimus, *Simon Patrick*, Eliensis, multis in Scripturam Commentariis, aliisque operibus clarus, *Thomas Tenison*, & *Gulielmus Wake*, qui ambo, post Tillotsonium, ad Cantuariensem Sedem promoti sunt: Quorum omnium, ut & aliorum hujus temporis Theologorum, Scripta eximia, nostrisque laudibus majora, Religionem mirè illustrârunt ac defen-

Præsules
 eximii
 Anglicana-
 nam Ec-
 clesiam
 illustrant.

Mariz
Reg. obi-
tus an.
1624.

Gulielmus
Fœdera-
torum
Dux, con-
tra Gal-
los.

Pax Rys-
vicensis.
an. 1697.
Mors Gu-
lielmi R.
an. 1702.

derunt. Horum temporum felicitatem, ampliorēque de futuro spes, *Mariæ* Reginæ obitus turbavit; cujus raræ tanto in fastigio virtutes, pietas, castitas, modestia, bonitas, animus ad benefaciendum propensissimus; sed quæ, terris tantum ostensa, in ipso ætatis flore occubuit, an. 1694. Ei superstes *Gulielmus*, exquisitæ itidem prudentiæ Princeps, adscitis in fœdus plerisque Europæ Magnatibus, bellum cum Gallis haud infeliciter gessit, ab iisque tandem, Pace Rysvicensi, an. 1697. pro Rege Angliæ est agnitus. Sed & ipse brevis ævi fuit, an. 1702. ætatis 51. regni 13. terris creptus,

Summa Capita

SECTIONIS IX.

De Quietismo. Michaël Molinos,
Hispanus Presbyter, Ejus doctrina.
Li.

COMPENDIUM. *Sæculum XVII.* 441

Liber ejus, cui titulus, Dux spiritalis; ab Inquisitione damnatus; an. 1685. Propositiones 68. damnatae ab Innocentio XI. P. Moritur Molinos an. 1692. Quietistæ, Monachus La Combe. Matrona Guyon. Fenelo Archiep. Cameracensis. Ejus liber, Expositio doctrinæ Sanctorum. Damnatur ab Innocentio XII. P. Cameracensis damnationi se submittit.

SECTION IX,

De Quietismo.

INclinante Sæculo, *Michaël Molinos*, Hispanus Presbyter, haud ignobili inter Pontificios Sæctæ ortum dedit, quæ, ab animi quiete quam adfectat, *Quietistarum* nomen sortita est. Summa doctrinæ hæc esse dicitur: „Statum hominis Christiani perfectum merè passivum esse; „nullam voluntatem, nullum mo-

De Quietismo
Mich. Molinos Hisp. Presbyter.

Ejus doctrina.

E c s tum,

„tum, ei superesse; de pœna vel
 „præmio, de salute vel damnatione,
 „planè indifferentem esse; in eo sta-
 „tu peccari non posse; in eo etiam
 „statu, Cultu externo opus non es-
 „se; Sacramenta, preces, bona ope-
 „ra, supervacanea esse; quicquid
 „agatur, perinde esse; Deo nos per-
 „mittendos, ut, quicquid voluerit,
 „in nobis agat; eúmque *amore puro*,
 „hoc est, ab omni commodi res-
 „pectu semoto, diligendum esse.”

Liber ejus
*Dux spiri-
 tualis* dic-
 tus.

Ab Inqui-
 sitione
 damnatus
 an. 1685.
 68. Pro-
 pos. Mo-
 linos
 damnata
 ab *Inoc.*
 XI. P.

Moritur
 Molinos
 an. 1692.

Doctrinam hanc, libro Hispanico,
Duce Spirituali dicto, insinuaverat
 Molinos, eandemque in colloquiis
 spargebat. Quæ causa fuit, cur ad
 Inquisitionem delatus, an. 1685. ad
 palinodiam & perpetuum carcerem
 damnatus sit. Damnavit & doctri-
 nam ejus, 68. propositionibus com-
 prehensam, *Innocentius XI.* Papa,
 an. 1687. ipseque Molinos, an. 1692.
 in carcere vitam finiit. Verùm sec-
 tatores, tum in Italia atque Hispa-
 nia, tum in ipsa etiam Gallia, doc-
 tri-

trina illa non paucos habuit, inter-
que alios Monachum *La Combe*, &
Barnabitarum familia, nec non &
matronam *Guyonam* nomine; quorum
libri, dogmatibus illis referti, ab
Archiepiscopo Parisiensi, Episcopis-
que Meldensi & Carnotensi, dam-
nati sunt an. 1694. & 95. Biennio
post, *Franciscus Fenelo*, Cameracen-
sis Archiepiscopus, librum edidit,
quem *Expositionem doctrinæ Sancto-
rum de vita interiore*, inscripsit. Quo-
cum contineri viderentur non pau-
ca supradictæ Quietistarum doctrinæ
adfinia, puta de *Amore puro*, ab
omni ad metum, spem, desiderium,
pœnam, præmium, respectu libero,
ab iisdem Præsulibus doctrina illa
publicè damnata est. Quinimò &
negotium illud Romam delatum,
liberque ille Cameracensis Archie-
piscopi à Pontifice *Innocentio XII.*
damnatus, an. 1699. Quæ damna-
tio, regio munita diplomate, in Gal-
lia admissa est; eique Cameracensis
ipse,

Quieristæ;
i a Combe;
matrona
Guyon.

Fenelo Ar-
ch. Came-
racensis.

Ejus liber,
Expos. do-
ctrinæ S. m-
torum &c.

Damna-
tur ab In-
nocentio
XII. P.

Camera-
censis se
submittit.

444 HISTORIÆ ECCLESIASTICÆ
ipse, nullâ morâ, nullâ reluctantiâ,
sefe submisit.

Summa Capita

SECTIONIS X.

*Diffidia Ecclesiastica inter Gallos &
Curiam Romanam. Concilium Tri-
dentinum non admissum in Gallia.
Libri quidam de Papæ potestate
damnati in Gallia. Diffidium cum
Alexandro VII. & cum Innocen-
tio XI. Conventus Cleri Gallicani
an. 1682. Ejus declaratio de Po-
testate Ecclesiastica; Ediçto Regio
confirmata. Irascitur Innocentius XI.
& Episcopis Bullas denegar. Sub
Innocentio XII. lis illa componi-
tur, an. 1692.*

SEC.

S E C T I O X.

*De diffidiis Ecclesiasticis inter Gallos
& Curiam Romanam.*

INter domesticas Pontificiorum lites, prætermittenda non sunt crebra illa Gallorum cum Curia Romana diffidia, de capitibus momentosissimis, in quibus Civilis Societatis, non minùs quàm Religionis, cardo vertitur. Quamvis enim Romani Pontificis auctoritatem agnoscant Galli, eam tamen limitibus non paucis circumscribunt; easque quas vocant Gallicanæ Ecclesiæ Libertates, fartas tectas servari volunt. Quæ caussa fuit, cur, non obstantibus Curia Romanæ conatibus, Concilium Tridentinum, ad res Disciplinae quod adtinet, in Gallia admissum non sit. Eapropter etiam Libri non pauci, quibus Pontificia auctoritas in immensum extollebatur,

Diffidia
Ecclesiasti-
ca inter
Gallos &
Curiam
Roma-
nam.

Conci-
lium Tri-
dent. non
admissum
in Gallia

Libri qui-
dam de
Papæ po-

testate
damnati
in Gallia.

tur, & supra Regiam collocabatur, dato Romanis Pontificibus exauctorandorum Regum, subditorumque à jurata fide absolvendorum jure; (qualis fuit *Bellarmini* liber de potestate summi Pontificis, item *Mariana* de Regis institutione, nec non & *Santarelli*, *Vernantii*; aliorumque, propositiones); cum à Parisiensi Universitate, tum à Suprema Regni Curia, damnati ac proscripti sunt. Neque mirum id cavisse Gallos, cum funestissimos doctrinæ illius Ultramontanæ effectus, in execranda *Henrici III.* & *Henrici IV.* nece sensissent. His accesserunt vivida quædam Aulæ Gallicæ cum Pontificibus dissidia; putà cum *Alexandro VII.* de negotio Corforum; quâ occasione herbam portigere, & solemni missâ in Galliam legatione sese excusare Pontifex ille necesse habuit; deinde & cum *Innocentio XI.* de jure Regiæ, quod vocant, deque immunitatibus Palatii

Dissidium
cum *Alex-*
andro VII.

& cum *In-*
nocentio
XI.

tii

tii Oratoris Gallici Romæ. Et hoc quidem tempore conscripta est celeberrima illa Cleri Gallicani, de Potestate Ecclesiastica, declaratio, quatuor capitibus comprehensa: „1. Potestatem Ecclesiæ ad temporalia non extendi; Reges & Principes in temporalibus nulli Potestati Ecclesiasticæ subjici; neque deponi à quoquam, neque Subditos eorum à præstito fidei sacramento solvi posse. 2. valere debere Concilii Constantiensis decreta, de auctoritate Conciliorum Generalium, quæ Sessione quartâ & quintâ continentur. 3. usum Potestatis Apostolicæ (sic *Pontificiam* nominant) per Canones Conciliorum, & Libertates Ecclesiæ Gallicanæ moderandum esse. 4. Romani Pontificis judicium non esse irreformabile: Talis fuit Cleri Gallicani de Potestate Ecclesiastica declaratio, 19. Mart. 1682. Quæ & Edicto Regio confirmata est, omnesque Regni Scho-

Conventus Cleri Gallici. an. 1682. ejusque Declaratio de Potest. Ecclesi.

Edicti Regio confirmata.

448 HISTORIÆ ECCLESIASTICÆ

Transcitur
Innoc. XI.
& Episco-
pis Bullas
denegat.

Scholæ ac Universitates juxta prin-
cipia illa docere jussæ. Exarsit ad
hæc Pontifex; Præsulésque qui his
subscripserant, si qui ad Episcopa-
tus nominati à Rege essent, datis
Bullis confirmare noluit. Nee de-
sierunt dissidia illa, quamdiu vixit
Innocentius XI. Sed mortuô illô
an. 1689. electoque in ejus locum
Alexandrô VIII. deservescere lis illa
cœpit, sub ejus successore *Innocen-
tio XII.* an. 1692. demùm compo-
sita. Literis ad hunc Pontificem
datis, professi sunt Gallicani Præ-
sules, „se de gestis in Comitibus il-
lis vehementer dolere, & quid-
„quid in præjudicium Pontificiæ auc-
„toritatis censeretur potuit, pro infec-
„to haberi velle.“ Pontifex vicis-
sim Episcopis Bullas concessit, iis-
que reconciliatus est.

Sub Inno-
centio
XII. lis
illa com-
ponitur
an. 1692.

Sum-

Summa Capita

SECTIONIS XI.

Concordia Protestantium promota. Colloquium Lipsiense, an. 1631. Synodus Carentoniensis, an. 1631. Colloquium Cassellianum, an 1661. Johannis Düræi labores & itinera. Georgius Calixtus, Theologus pacificus inter Lutheranos. Generalis Reformatorum ad Concordiam promissio.

SECTIO XI.

Acta ad Concordiam Protestantium spectantia.

Componendis Protestantium diffidiis, non unus hęc Sæculō Conventus habitus est; velut Colloquium *Lipsiense*, annō 1631. in

Concordia Protestantium promota.

448 HISTORIÆ ECCLESIASTICÆ

transcitur
Innoc. XI.
& Episco-
pis Bullas
denegat.

Scholæ ac Universitates juxta prin-
cipia illa docere jussæ. Exarsit ad
hæc Pontifex; Præsulésque qui his
subscripserant, si qui ad Episcopa-
tus nominati à Rege essent, datis
Bullis confirmare noluit. Nec de-
fierunt dissidia illa, quamdiu vixit
Innocentius XI. Sed mortuô illô
an. 1689. electoque in ejus locum
Alexandrô VIII. deservescere lis illa

Sub Inno-
centio
XII. lis
illa com-
ponitur
an. 1692.

cœpit, sub ejus successore *Innocen-
tio XII.* an. 1692. demùm compo-
sita. Literis ad hunc Pontificem
datis, professi sunt Gallicani Præ-
sules, „se de gestis in Comitibus il-
„lis vehementer dolere, & quid-
„quid in præjudicium Pontificiæ auc-
„toritatis censeretur potuit, pro infec-
„to haberi velle.” Pontifex vicif-
sim Episcopis Bullas concessit, iis-
que reconciliatus est.

Sum.

Summa Capita

SECTIONIS XI.

Concordia Protestantium promota. Colloquium Lipsiense; an. 1631. Synodus Carentoniensis, an. 1631. Colloquium Cassellanum, an 1661. Johannis Düræi labores & itinera. Georgius Calixtus, Theologus pacificus inter Lutheranos. Generalis Reformatorum ad Concordiam propensio.

SECTIO XI.

Acta ad Concordiam Protestantium spectantia.

COMponendis Protestantium diffidiis, non unus hęc Sæculò Conventus habitus est; velut Colloquium *Lipsiense*, annò 1631. in

Concordia Protestantium promota.

F f ter

Colloq.
Lipſienſe,
an. 1631.

Synod.
Carento-
nienſis an.
1631.

Colloq.
Caſſell.
an. 1661.

Joh. Dura
labores &
itinera.

Georg. Ca-
lixtus
Theolog.
pacificus
inter Lu-
ther.
Reforma-
torum ad

ter Theologos Saxonicos ab una
parte, Brandenburgicos & Haſſia-
cos ab altera: Quô eodem annô,
Galli Reformati, in *Carentonienſi* Sy-
nodo, Lutheranos pacificos in Com-
munionem admittendos ſancivêre.
Habitum &, triginta poſt annis,
Colloquium *Caſſellæ*, an. 1661.
ſub auſpiciis Sereniſſimi Haſſiæ Land-
gravii *Wihelmi VI.* inter Marpur-
genſes & Rintelenſes Theologos.
Ad conciliandas partes, incredibili
zelo ac diligentia, Aulas, Eccle-
ſiâs, Academias omnes luſtravit Jo-
hannes *Duraus*, Theologus Scoto-
Britannus, qui & bene multa Prin-
cipum & Theologorum Judicia,
Concordiæ faventia, obtinuit, & in
publicam lucem emiſit. Inter pa-
cificos Lutheranæ partis Theologos
eminuit *Georgius Calixtus*, Theolo-
gus Helmſtadienſis, ea de cauſa
rigidiorum odia expertus. Apud
Reformatos unanimis ad Concor-
diam propenſio fuit; tôtque Libri
hanc

hanc in rem editi, ut eos recensere non liceat.

Concordiam pro-
pensio.

Summa Capita

SECTIONIS XII.

De Ecclesia Græca Saeculi XVII.

Quinque Patriarchatus. Sub Turcis, Græci miseri, & parum tuti. Patriarcharum fata. De Cyrillo Lucario. Ejus iter in Poloniam. Fit Patriarcha Alexandrinus; deinde Constantinopolitanus. Cornelius Haga, Legatus Belgicus; Antonius Legerus, ei à Sacris, Cyrilli Confessio. Varia Cyrilli fata. Ejus mors an. 1638. Cyrillus Berrhoënsis Patriarc. Confiant. Cyrilli Lucarii Confessionem damnat. Damnata & à Parthenio Patr. Const. Disputatio de fide Græcorum circa Eucharistiam, inter Arnaldum & Claudium.

F f 2

Con.

*Concilium Hierosolym. an. 1672.
Græcorum hodiernorum suffragia
non magni ponderis.*

S E C T I O XII.

De Ecclesia Græca.

*De Eccle-
sia Græca.*

*Quinque
Patriar-
chatus.*

*SubTurci-
mi'eri
Græci, &
parum tu-
ti.*

*Patriar-
charum
fata.*

Nihilo melior, hac ætate, Ec-
clesiæ Græcæ status, quàm
superiore, fuit. Quinque iis Patri-
archatus, quorum literæ initiales
VOCE KARAI comprehensæ, *Constan-
tinopolitanus, Alexandrinus, Ruthe-
nus, Antiochenus, & Jerosolymita-
nus*; omnes, Ruthenô exceptô, sub
Turcarum dominatu, pretiôque Sa-
crorum libertatem coacti redimere.
Patriarchæ vix unquam tranquilli;
perpetuis, sive Turcarum, sive suo-
rum, contumeliis obnoxii: pulsi é
suis Sedibus, in Insulas relegati,
imò se invicem, fœdissimum in mo-
dum, non rarò expellentes; multi
quinetiam laqueo aut veneno inter-
empti:

empti: Quorum omnium, eâ ætate quam nunc describimus; creberri-
ma occurrunt exempla. Unus é præ-
cipuis ac laudatissimis Græcorum
Antistitibus (quidquid in contrarium
blaterent Papicolæ) fuit *Cyrillus Lu-*
carius, de cujus doctrina & fatiſ
aliquid hic adscribendum est. Na-
tus Candiæ anno 1572. institutus Pa-
tavii, à *Meletio Piga* Alexandrino
Patriarcha Presbyter creatus est,
missusque in Poloniam, ut proposi-
tæ Lithuanorum cum Ecclesia Ro-
mana unioni obsisteret. Quo in
itinere cùm familiari Protestantium
consuetudine esset usus, eorûmque
doctrinæ notitiam comparâſſet, eam
cum Verbo Dei consentire animad-
vertit, ac in pretio habuit. Redux
ad suos, Meletii in Sede Alexan-
drina successor fuit, quam tenuit
annis novendecim; deinde anno
1621. Constantinopolitanæ est admo-
tus. Qua in statione, Jesuitis, cæ-
terisque Pontificiis, non semel ad-

*De Cyrillo
Lucario.*

Ejus iter
in Polo-
niam.

Fit Pa-
triarcha
Alexan-
drinus;

Deinde
Constan-
tinopoli-
tanus.

Legatus
Belg. Corn.
Haga; Ans.
Legerus, ei
à Sacris.

Cyrilli
Confessio.

Varia Cy-
rilli fata.

versatus est, eorūque odia in se concitavit. Erat tum Constantino-
poli Legatus Belgicus, *Cornelius Haga*, eique à sacris concionibus *Antonius Legerus*, Pedemontanus, Verbi Divini Minister: Quorum familiaritate usus Cyrillus, libros ex Occidente non paucos habuit, & in puriore doctrina non parum confirmatus est. Quas quidem notiones, scripta Fidei Confessione, protulit, datisque ad multos literis confirmavit. Auxit ea res non mediocriter Latinorum in ipsum odia, qui ad ei nocendum, eūque à Sede deturbandum, nihil omisere; Quod & non semel, suis apud Turcas accusationibus & calumniis obtinuerunt: Sed amicorum auxiliis non semel etiam restitutus est. Tandem importunis adversariorum criminationibus oppressus, in Occidentale castrum, quod Bosphoro imminet, translatus, & navi impositus, quasi esset in Insulam aliquam Maris

ris

ris *Ægei* deportandus, à Janissariis strangulatus est, 27. Junii 1638. Ei successit alter *Cyrillus*, *Berrhoënsis*, osor ejus acerrimus, qui & eodem annò Synodum habuisse dicitur, quâ Lucarii memoria & Confessio damnata est. Sed & iste haud multò post Tunetum translatus, ibidemque strangulatus, successorem habuit *Parthenium*, æquiores quidem Lucarii memoriæ, sed à quo tamen Lucarii Confessio, tanquam spuria, & falsò ei adscripta, damnata est, Jassi in Moldavia, an. 1642. Quanquam non desunt rationes & testimonia, quibus damnationes illæ infirmentur. Inclinate Sæculo, occasione controversiæ inter *Arnaldum* Sorbonicam, & *Claudium* Pastorem Carentonensem, de perpetuitate Fidei circa *Eucharistiam*, nullum non lapidem moverunt Pontificii, operâ in primis Gallici in Aula Constantinopolitana Oratoris, ut Græcorum suffragia ad se traherent. Hinc nata

Ejus mors
an. 1638.

Cyrillus
Berrhoënsis, Patg.
CP. Cy-
rilli Lu-
carii Con-
fessionem
damnat.

Damnata
& à *Par-*
thenio Pa-
tr. CP.

Disputa-
tio de fide
Græco-
rum circa
Eucharis-
tiam, in-
ter *Arnal-*
dum &
Claudium.

Synodus Hierosolymitana, sub Dositheo Patriarcha, an. 1672. Sed emendicata Synodi illius decreta fuisse, vel sola Præfationis inspectio docet.

Græcorum hodiernorum suffragia non inagni ponderis.

Utcunque sit, ea est Græcorum novissimi temporis inscitia, penuria, levitas, easque artes adhibuit, adhibetque etiamnum, ad eos sibi subjiciendos, Curia Romana, ut in dijudicandis Controversiis, non magni ponderis eorum sententia esse debeat.

Summa Capita

SECTIONIS XIII.

Antitrinitarii undique expulsi. Præcipui eorum Doctores, Sæc. XVII. Bibliotheca Fratrum Polonorum quid contineat. Antitrinitarii passim abditi & dispersi.

S E C

S E C T I O XIII.

De Antitrinitariis,

PULSIS undique *Antitrinitariis*, *Antitrinitarii undique expulsi.*
 neque alibi quàm in paucis
 quibusdam Poloniæ & Transsylvaniæ locis libero Religionis exercitio
 utentibus, sui tamen non defuerunt,
 totò hóc Sæculò, Doctores, & nonnulli quidem doctrina & scriptis clari,
 putà *Valentinus Smalcius*, unus Præcipui eorum Doctores Sæculi XVII.
 é præcipuis *Catecheseos Racovianæ*
 scriptoribus; *Johannes Crellius*, *Jonas Slichtingius*, *Joh. Lud. Wolzogenius*,
Samuel Przypcovius, quorum opera, unà cum *Fausti Socini* scriptis,
Bibliothecam Fratrum Polonorum constituunt; *Joh. Volkelius*, *Bibliotheca Fratrum Polonorum.* cujus habentur *de vera Religione Libri VI.*
Christoph. Sandius, scriptor *Historiæ Ecclesiasticæ*, suo dogmati adcommodatæ; *Dan. Breenius*, aliique.
 Ferunt, non paucos, cum Arianos, Dispersi passim & abdicti.
 tum Socinianos, per varias Chris-

Summa Capita

SECTIONIS XIV.

De Judæis Sæculi XVII. Sabathai Zevi, Pseudo-Messias. Fraudis progressus. Impostor à Turcis comprehensus, & in jus vocatus. Fit Muhammedanus. Mardochai, Pseudo-Messias. Doctores Judæorum celebres Sæculò XVII. Ex-Judæi, Spinoza Atheus; Vriel à Costa, Deïsta,

SECTIO XIV.

De Judæis.

*De Judæis
Sæculi
XVII.*

IN Judæorum Sæculi XVII. rebus, memorabilis est impostura Judæi cujusdam Smyrnenfis, *Sabathai Zevi*, qui se Messiam, & aliterius é Gaza, *Nathan Levi*, qui se

se Eliam Messiaæ prodromum, fabulabantur. Incredibile dictum est, quibus artibus, qua impudentia, miseræ Genti illuserint, & quantam post se multitudinem traxerint. Cum verò se Turcarum Imperatorem debellaturum, ejusque Imperio finem adlaturum, gloriaretur Sabbathai Zevi, à Turcis in vincula coniectus est, an. 1666. & Adrianopolim, ubi tum erat Imperator, advectus. Interrogatus, num esset Rex Judæorum, respondit, se criminis Majestatis insontem, Judaicæ Legis Doctorem esse, Sed cum Imperator, ejus potentiam exploraturus, evaginato gladio eum trajici jussisset, metu mortis, ejuratô Judaîsmô, Muhammedanam Religionem amplexus est. Exortus est etiam an. 1682. novus Pseudo-Messias, *Mardochai*, natione Germanus, qui, vitâ austerâ, vitiorum increpatione, & simulatis cum Deo colloquiis, magnam sibi apud populares auctoritatem

Fraudis
progres-
sus.

Impostor
compre-
hensus, &
in jus vo-
catus.

Fit Mu-
hamme-
danus.

*Mardo-
chai*, Pseu-
do-Mes-
sias.

Doctores
Judæo-
rum cele-
bres, Sæc.
XVII.

Spinoza
Atheus,
Uriel à
Costa Deïf-
ta.

ritatem conciliavit: Sed & iste non multò post evanuit. Eminuere inter Judæos, doctrinæ laude, *Mennasseh ben Israël*, *Leo Mutinensis*, *Isaacus Athias*, *Isaacus Orobio*, cujus habetur collatio cum *Phil. à Limborch*, Theologo Remonstrantium. Ex-Judæus *Benedictus de Spinoza* novum Atheismi Systema protulit. Alter ex-Judæus, *Vriel à Costa*, Deïsmum professus est.

Summa Capita

SECTIONIS XV.

Viri docti Sæculi XVII. Philosophia & Ars Critica plurimum promotæ. Renatus Cartesius. Petrus Gassendus. Viri in universa literatura principes. Qui Antiquitates Ecclesiasticas præ cæteris illustrârunt.

S E C

S E C T I O X V.

De re Literaria.

Non aliud *Sæculum Virorum* Viri Docti Sæculi XVII.
Doctorum feracius fuit, & in omni quidem *Literarum* genere. Sed duæ tamen *Disciplinæ* singulari studio excultæ, & ad maximam, si non perfectionem, certè præstantiam, perductæ sunt, *Philosophia* & *Ars Critica*: Quarum è progressibus, cæteræ quoque *Disciplinæ*, *Theologia* cumprimis, non parùm lucis & commodi accepere. Novam philosophandi rationem, ea quæ in *Scholis* vigeat longè rectiorem ac utiliorem, induxit *Rena-* Ren. Cartesius
tus Cartesius, Vir nobilis ex *A-*
morica, qui egregia non pauca re-
 textit, optimasque ad *Verum* inda-
 gandum regulas præscripsit. *De-*
mocriti & *Epicuri* *Philosophiam*,
 sed resectâ impietate, instauravit *Pe-*

Philosophia &
Ars Critica pluri-
 mum pro-
 motæ.

trus

Petr Gassendus.

*Viri in
universa
literatura
principes.*

*Qui An-
tiquitates
Ecclesiasti-
cas illus-
trârunt.*

trus Gassendus, qui & insignis Astronomus fuit; *Cartesius* verò, Geometres præstantissimus. Ambos illos recentioris Philosophiæ principes ingens Discipulorum turba secuta est. Artem Criticam, ejusque beneficio Literas omnes, cum sacras, tum profanas, faustis auspiciis multi coluere: Sed hi præ cæteris eminuerunt; *Josephus Scaliger*; *Isaacus Casaubonus*, *Hugo Grotius*; *Gerardus Johannes Vossius*, *Daniel Heinsius*, *Johannes Fridericus Gronovius*; *Claudius Salmasius*, *Samuel Bochartus*, *Ezech. el Spanhemius*. *Johannes Gregorius Grævius*, quibus & alii magno numero se adjunxerunt. Ecclesiasticas Antiquitates, præter eos quos recensuimus, alii insuper multi illustrârunt; è Pontificiis quidem, *Cæsar Baronius* Cardinalis, *Annalium Ecclesiasticorum* scriptor, *Gabriel Albaspineus*; *Nicolaus Rigaltius*, *Dionysius Petavius*, *Jacobus Sirmondus*, *Petrus de Marca*, &c. è nostris, *Jacobus Gotho-*

COMPENDIUM. *Sæculum XVII.* 463
thofredus, Jacobus Ufferius; David
Blondellus, Georgius Calixtus; Ed-
mundus Albertinus; Johannes Dal-
laeus, Johannes Pearson, Matthæus
Larroquanus, aliique benè multi;
quos recensere longum nimis foret.
De cæterarum Disciplinarum cultor-
ibus atque incrementis, hujus non
est loci differere: Sed in Oratione
nostra, de *Sæculo XVII.* erudito,
de præcipuis nonnihil diximus.

FINIS.

INDEX.

I N D E X.

P A R S P R I O R

De quindecim primis Sæculis.

| | |
|----------------------|----------------|
| <u>SÆCULUM I.</u> | <u>pag. 1.</u> |
| <u>SÆCULUM II.</u> | <u>13.</u> |
| <u>SÆCULUM III.</u> | <u>23.</u> |
| <u>SÆCULUM IV.</u> | <u>31.</u> |
| <u>SÆCULUM V.</u> | <u>41.</u> |
| <u>SÆCULUM VI.</u> | <u>52.</u> |
| <u>SÆCULUM VII.</u> | <u>62.</u> |
| <u>SÆCULUM VIII.</u> | <u>70.</u> |
| <u>SÆCULUM IX.</u> | <u>86.</u> |
| <u>SÆCULUM X.</u> | <u>105.</u> |
| <u>SÆCULUM XI.</u> | <u>119.</u> |
| <u>SÆCULUM XII.</u> | <u>148.</u> |
| <u>SÆCULUM XIII.</u> | <u>163.</u> |
| <u>SÆCULUM XIV.</u> | <u>186.</u> |
| <u>SÆCULUM XV.</u> | <u>210.</u> |

Pars

PARS POSTERIOR

De Sæculis XVI. & XVII.

SÆCULUM XVI. pag. 255.

Sectio I. de iis quæ antecesserunt Re-
formationem. 255.Sectio II. de Reformatione Ger-
niæ. 255.Sectio III. de Reformatione Helve-
tiæ. 255.Sectio IV. de Reformatione Sueviæ
& Daniæ. 264.Sectio V. de Reformatione Angliæ &
Scotiæ. 272.Sectio VI. de Reformatione in Gal-
lia. 288.Sectio VII. de Reformatione in Bel-
gio. 311.Sectio VIII. de Concilio Tridentino.
319.Sectio IX. de Imperatoribus & Papis
post Concilium Tridentinum. 326.Sectio X. de Ordinibus Religiosis, &
G g Jc-

- Jesuitarum Societate. pag. 334.
 Sectio XI. de Prædestinatione & Gra-
 tia discrepantes sententiæ. 337.
 Sectio XII. de bello Rusticorum, &
 Anabaptistarum Monasteriensium
 tragædia. 348.
 Sectio XIII. de diffidio inter Luthé-
 ranos & Reformatos. 359.
 Sectio XIV. de diffidio Britannico,
 inter Episcopales & Presbyteria-
 nos. 372.
 Sectio XV. de Ecclesia Græca. 385.
 Sectio XVI. de Antitrinitariis. 387.
 Sectio XVII. de Judæis. 3.
 Sectio XVIII. de re Literaria. 394.
 SÆCULUM XVII. 398.
 Sectio I. Res Romanæ. Congregatio
 de Auxiliis. Diffidium inter Pau-
 lum V. & Remp. Venetam. ibid.
 Sectio II. Conjuratio adversus Jaco-
 bum I. Angl. R. Cædes Henrici VI.
 Gall. R. 402.
 Sectio III. de rebus Belgicis, specia-
 tim de Arminianismo. 406.
 Sectio IV. de bello tricennali Ger-
 ma-

I N D E X. 467

| | |
|--|-----------|
| <i>manico.</i> | pag. 411. |
| <i>Seçtio V. de tumultibus Britannicis,</i> | |
| <i>sub Carolo I. R. & post eum.</i> | 415. |
| <i>Seçtio VI. de Jansenismo,</i> | |
| | 420. |
| <i>Seçtio VII. de vexatis per varias</i> | |
| <i>oras Protestantibus.</i> | 432. |
| <i>Seçtio VIII. de novis tumultibus in</i> | |
| <i>Britannia, sub Jacobo II. Rege,</i> | |
| <i>in cujus locum successi Gulielmus</i> | |
| <i>& Maria.</i> | 436. |
| <i>Seçtio IX. de Quietismo.</i> | |
| | 440. |
| <i>Seçtio X. de dissidiis Ecclesiasticis in-</i> | |
| <i>Gallos & Curiam Romanam.</i> | 444. |
| <i>Seçtio XI. Acta ad Concordiam Pro-</i> | |
| <i>testantium spectantia.</i> | 449. |
| <i>Seçtio XII. de Ecclesia Græca.</i> | |
| | 451. |
| <i>Seçtio XIII. de Antitrinitariis.</i> | |
| | 456. |
| <i>Seçtio XIV. de Judæis.</i> | |
| | 458. |
| <i>Seçtio XV. de re Literaria.</i> | |
| | 461. |

F I N I S.



005651353



